

8-23

8-72



P 21

T

1872

1873

1874

1875

R. 24

7/12

SL 83

No 92



SO ARNOBII AFRI.

VETVSTI PARITER AC LAV/
datissimi scriptoris Commentarij, pij
iuxta ac eruditi in omnes psalmos, ser/
mone Latino, sed tum apud Afros
uulgari, per DES. ERAS/
MVM Rot. proditi &

emendati.

de la libreria del Carmon de Sevilla



FRO BEN

BASILEAE M. D. XXXVII.

de la imprenta del Carmon



3

S▷ D▷ N▷ ADRIANO
 HVIVS NOMINIS SEXTO PON
 tifici Romano nuper electo Erasmus
 Roterodamus S. D.



VVM FACILE diuina
 narē Beatissime pater, quā
 ta gaudiorū ambitione stre
 pituq; Roma foret exceptu
 ra longe gratissimi pontifi
 cis aduentū, praesertim tot
 iam mensibus desideratum, ratio mihi quæsitā est,
 ut inter tot milia gratulantium, inter tot acclamans
 tium, & applaudētium agmina, inter tubarum vo
 ces, & bombardarum tonitrua, tamen humilem,
 exili uoce, deniq; procul etiam absentem non om
 nino mutum agnosceres Erasmus, ut quondā tuæ
 doctrinae Theologicae auditorem, & integritatis
 admiratorem, ita nunc tuæ sollicitudinis Apostoli
 cae ouiculam. Sic Zachæo pu sillo quæsitum sycor
 mori praesidium, ut uideret Iesum & ab eodem ui
 deretur. Imò non tam hæc ratio mihi quæsitā est
 quàm ultrò oblata. Benignitas enim domini Iesu,
 cuius peculiari uoluntate ad istuc muneris ascitū
 esse te persuasum est omnibus, quum pollicita sit in
 uenturos eos qui quæsisent, mihi non quærenti,

organum, ni fallor, aptissimū obtulit, quo tibi gratulationis officium, haud quidē vulgari more persoluerem. Obtulit enim psalterium Dauidicum, digitis Arnobij, peritissimi psalmistæ, mea sententiā dulcissime resonans. Et si quid faciunt ad magnificentiam, tædarum ac funalium flammæ, habet hoc organum non solum efficacem & amabilem pijs auribus tinnitum, uerum etiam habet et ignem suum, habet suas & faculas, de Christi igne lucentes, quæ ille uenerat sparsurus in terras. Hoc ut longè magis decorū est uere Theologo et integerrimo Pontifici, ita non dubito quin sit & multo gratius futurum animo tuo, quàm lituorum cantus, aut tormentorum æneorum crepitus, aut inconditæ populi tumultuantis acclamationes. Sed ne molestus sim ænigmati, rem ut habet simpliciter eloquar. Eodem sermè tēpore, quo huc rumor omnibus lætissimus allatus est, te magno consensu Cardinalium ascitum ad Pontificij Romani culmen, missi sunt ad nos è uenerabili collegio ac disciplinæ regularis nomine cum primis commēdato, quod inter Vuormaciā Vangionū ciuitatem, & Spirā Nemetarum urbem sitū, uulgo dicitur Frankental, commentarij in psalmos Dauidicos, Arnobij titulum præ se ferentes. Qui mittebant, non confidebāt placituros, uel quod ieiuni uiderentur, uel quod impolito sermone

mone passim manifestarijs solæcismis scatentes. Verum simul atq; degustanda lectionis gratia, unam atq; alteram pagellam euoluissẽ, sensi protinus non illam esse uulgarem infantiam, sed expolitissimam impolitiam, & copiosissimam breuiloquentiam. In uerbis duntaxat esse parsimoniam ac neglectum, in sensibus amplissima splendidissimaq; esse omnia. Quoc; sum altius ingressus, hoc magis mihi creuit operis admiratio, ut planè sentirem mihi thesaurum quempiam insignem oblatũ. sed ut Pauli more dicam, in uasculo fictili. Cœpit me semper fateor, in autoribus etiam sacris sermonis mundities, & offendit balbuties. At utinam nobis contingant plures, qui de mysterijs scripturarum sic balbutiant, ut hic Arnobius, tanta luce, tanta cruditione, tam fœcunda breuitate, tanta deniq; sanctimonia. Sed ne sermonis inconditi, multisq; locis solæci præiudicium operis auctoritatem elcuet, præsertim apud eos, qui ex orationis uitijs, prudentiam etiam aut cruditionem æstimare solent scriptoris, priusquam aggrediar de laudibus autoris & operis dicere, primũ illud lectorem admonitum uolo, quicquid hic est solæcismorum, nõ esse profectum ab inscitia, sed à iudicio, nec homini imputandum, sed tempori. Quum enim Arnobium eloquentiæ professione clarum fuisse constet, etiam antequam

fidei nostræ mysterijs initiaretur, quumq; Lactantius discipulus satis declaret, quàm non infans fuerit ille præceptor, quumq; Catechumenus scripserit eloquentissimos libros aduersus gentes, Tertullianum imitatus, quemadmodum hūc imitatus est Lactantius, non potest imperitiæ uideri, quod in hoc opere, tot solæcismi comperiantur, præsertim adeo manifesti, ut uix Holcot aut Bricot solæcisset crassius. Nec est, quod hinc suspicemur hūc Arnobium esse diuersum ab illo, cuius opus aduersus gentes etiam ob orationis elegantiam laudatur. Idem scripsit, sed non scripsit iisdem. Illud opus scripsit eruditus, hoc scripsit uulgo. Cōstat autem apud Hīspanos, Afros, Gallos, reliquasq; Romanorum prouincias, sic sermonem Romanum fuisse uulgo communem, ut Latine concionantem intelligerent etiam cerdones, si modo qui dicebat, paululum sese ad uulgarem dictionē accommodasset. Declarant hoc conciones ac disputationes quedam Augustini apud populum habite, quas ex ipsa re constat non ab Augustino scriptas fuisse, sed à notarijs excerptas, qui nō solum retulerunt in scriptum, quod dicebatur, sed etiam quod agebatur. Quos si quis postulet sibi ceu digito monstrari, unde huius rei possit experimentum certum capere, legat disputationē Augustini cum Maximino, & cōferat

initium

initium disputationis à notarijs exceptū, cum eius
 operis fine, quē ipse descripsit, quod Maximinus
 se subduxisset disputationi. Legat duas conciones,
 quibus expurgat famam de clericis suis sparsam in
 populo, Legat orationē, qua ex populi suffragijs
 sibi designat episcopum successurum, & in leuori
 bus negocijs futurum uicarium, Legat cantionem
 aduersus Donatistas, quam uulgo canendam lin-
 gua uulgari descripsit. Hæc si quis conferat cū his
 quæ scripsit eruditus, ueluti de Trinitate, de Cui-
 tate dei, facile colliget quantum intersuerit inter
 serimonem eruditorum & imperitæ multitudinis.
 Ac ne Romæ quidem eo tempore quo maxime flo-
 rebat ea lingua, omnes loquebantur quemadmo-
 dum loquebatur Cicero. Et iam tum uulgus usur-
 pabat sibi quædam suo iure, quæ docti damnabant.
 Dixerit aliquis, quid uenit in mentem Arnobio
 uiro facundissimo, ut hos Commentarios plebcie
 lingue committere uoluerit. Primum olim nihil
 erat popularius psalmis Dauidicis, adeo ut hinc
 & arator aliquid modularetur ad stiuam, & nauis
 elerus ad clauum, & nauita ad remum, & fissor
 ad glebam, et textor ad stamē, & uxor ad colū. De
 niq; infantes hinc aliquid gestirēt cauere nutrici,
 priusquā fari nossent. Tantus amor olim habebat
 omnes huius diuinæ musicæ, quam nunc plerique

fastidiunt etiam sacerdotes. Proinde uoluit Arnobius ab omnibus intelligi, quod uidebat cantari ab omnibus. Persuasit hoc illi Christiana charitas, quæ studet prodesse quàm plurimis. Maluit balbutiens utilitatem adferre multis, quàm eloquentiæ laudem auferre apud paucos. Et hanc linguam popularem intelligebant & eruditi, ut nec illis periret fructus mysticæ cognitionis, quo percepto nõ oportet orationis phaleras efflagitare. Adiciã & alteram causam ex mea suspitione, ut ego quidem arbitror, non improbabilem. Refert diuus Hieronymus in appendice quadam, quam attexuit chronici Eusebij Casariensis, hunc Arnobium quum ethnicus adhuc in ciuitate Siccæ iuuentutem institueret ad declamandum, in somnijs adaectum fuisse ut flagitaret baptismum. Quumq; non impetraret ab episcopis quod petebat, quod illis persuaderi nõ posset illum sincero animo uelle profiteri religionem, quam hactenus impugnasset, elucubrauit aduersus pristinam religionem luculentissimos libros, atq; his tandẽ uelut obsidibus datis, pietatis foedus impetrauit. Porro ne quid suspitionis etiam hereret in animis simplicium Christianorum, qui superbam illam & artificio fucatam eloquentiam uel oderant, uel habebant suspectam, in his Cõmentarijs deposuit omnem rhetoricæ strepitum, seseq; ad infimæ

ad infimæ plebis orationem deiecit, quo declarat
 ret se se toto pectore Christianum esse. Nam opus
 hoc suscepit iussu duorum episcoporum, Rustici &
 Laurentij, quemadmodum ipse testatur sua præsa-
 tione. Atq; hoc factum obedientiam uocat, ut con-
 iectura sit, aut catechumenum loqui, aut certè re-
 cens Christianum. Proinde si quis reputet, quibus
 ista scribat Arnobius, nõ debet uideri solœcismus,
 si quid inciderit diuersum à consuetudine loquen-
 tium emendatius, imò solœcismus erat, nisi sic fu-
 isset locutus. Veluti si quis uulgo Romanorum ho-
 die loquatur, quemadmodum olim loquutus est di-
 uus Gregorius, quum adhuc esset sermo popularis
 incorruptior, aut si quis apud Hispanos uerba fá-
 ciens, secus loqueretur quàm habet publica illius
 gentis consuetudo, duplex incommodum lucrifa-
 ceret: Primum, non intelligeretur ab ijs quibus lo-
 queretur: Deinde ut Barbarus offenderet ac rideo-
 retur. Quare scriptoris huius exemplū nihil sus-
 fragatur his, qui quum scribant literatis, & ea lin-
 gua, quæ temporibus his nihil habet cõmercij cum
 populo, tamen laudi quoq; sibi uerti uolunt, quod
 ineptis sensiculis, sermonis ineptiam uincunt. Nam
 præcipua uis eloquentiæ in rerum inuentione sita
 est. Quanquam nunc quoq; non est fastidienda in
 scriptore Christiano munda simplicitas, modo si

cut absunt phaleræ, lenociniâq; sic absint & fordes. Neq; enim Arnobius si nunc scriberet hisdẽ uteretur solœcismis, sed aut planè Gallice scriberet, si vulgo Gallorũ scriberet, aut purè Latine, si scriberet literatis. Nimirum huius generis erat Apostolorum sermo, quo nobis nouum testamentum literis prodiderunt. Sic tum aurigæ loquebantur & nautæ. Talis erat sermo, quo primum in linguam Latinam translati sunt noui testamẽti libri, in quibus si qui solœcismi nunc offendunt aures literatorum, magis ascribendi sunt illorum temporum receptæ consuetudini, quàm interpretum imperitiæ.

Sed ut tũ expediebat sic scribere, quia populo scribebat, ita nũc ineptum sit affectare solœcismos, qui nec illiteratis prosint, et literatos offendant, et rem obscurant, & autoritatẽ scriptoris eleuent. Ceterum ut satis constat populum corripisse Romani sermonis puritatem, ita uerisimile est apud alias nationes, alijsq; temporibus aliter fuisse corruptum. Certe duo quædam deprehendimus in hisce Commentarijs, quæ diuus Aurelius Augustinus testatur etate sua uulgo corrupte solere pronunciari. Nam in cõmentario psalmi centesimi tricesimi octauo, offũ pro os, unde ducitur paternus casus offis, & multitudinis casus ossa: Et floriet pro florebit, non semel ab hoc positum est, & ita
 ut satis

ut satis appareat non esse casu factum: & quum dixisset os, uelut interpretans populo, adiecit, id est, ossum. Vtriusq; rei meminit diuus Aurelius Augustinus in opere cui titulū indidit de doctrina Christiana. Siquidē libri tertij capite tertio scribit hūc in modum, de uocibus ambiguis differēs: Nā quod scriptum est, Non est absconditum à te os meum, quod fecisti in abscondito, nō elucet legenti, utrum correpta litera os pronūciet an producta. Si enim corripiat, ab eo est quod sunt ossa. Si autē producat ab eo quod sunt ora, intelligitur numerus singularis. Sed talia linguae præcedentis inspectione diducantur. Nam in Græco non *ὄσμαι*, sed *ὄσται* positum est. Vnde plerumque consuetudo loquendū uulgaris utilior est significandis rebus, quàm integritas literata. Malle quippe cum Barbarismo dici, non est abs te ossum meum, quàm ut ideo esset minus apertum, quia magis Latinum est. Idem libro secundo capite decimotertio de uitij sermonis disputans: Illud, inquit, etiā quod iam auferre non possumus de ore cātantium populorum: super ipsum floriet sanctificatio mea, nihil profecto sententiæ detrahit. Auditor tamen peritior mallet hoc corrigi, ut non floriet, sed florebit diceretur, nequequam impedit correctionem, nisi consuetudo cātantium, Ex his colligere licet hos commentur

rios & Afris fuisse scriptos, & prisca illis tempo-
 ribus. fortassis præstiterit & alios aliquot barbaris-
 mos indicare, quo minus offendatur præmoni-
 tus lector quum inciderint, neue statim mutet scri-
 pturam à librarijs deprauatam suspiciens. Pœnite
 mini uerbū, non raro usurpat deponētaliter. Item
 tribulantes frequenter ponit pro ijs qui affliguntur,
 non qui affligunt. Similiter confundentes pro
 erubescences, quasi tribulari & confundi deponen-
 tia uerba sint nō passiua. Hoc flos, & hoc ros con-
 stanter pronunciat genere neutro, nimirū ad for-
 mam os oris. Carendi & utendi uerbo adiungit ac-
 cusatiuum. Hęc manna manne inflectit, ut nos an-
 na annæ. Græcorum exemplo sepenumero nomi-
 natium ponit absolute loco ablatiui, uelut in com-
 mentario psalmi cētesimi decimi quarti, & psalmi
 octogesimali quarti. Nonnunquam adiungit casum,
 non quē recipiūt ea uerba quibus utitur, sed quem
 admittit uerbum quod circūloquitur, uelut psal-
 mo octogesimo octauo: Memor esto Apostolos pro
 memēto Apostolos. Ad tropare dixit alicubi, uoce
 nimirum id temporis uulgata magis quàm proba,
 pro eo quod erat per Tropologiā applicare. Hęc
 uocem paratura, quę Tertulliano peculiaris est,
 nonnunquam & apud hunc inuenies, qui ut etate
 præcessit Arnobium ita gentis eiusdem fuit. His

hispōna uox

non dissimilia quaedam obuia sunt in libris Augu-
 stini maxime ijs, quibus loquutus est apud popu-
 lum, uelut subdiacones & diacones, & baptismum
 genere neutro. Hæc referre uisum est, ne cui sorde-
 scat opus eruditum iuxta ac piū, ob hæc & eiusmo-
 di sermonis uitia, quæ apud eos quibus tum scribe-
 bat adeo uitia nō erant, ut si secus dixisset, habitus
 fuisset barbarus. Poteram mutata phrasi & adie-
 ctis paucis exiguo labore totius operis gloriam in
 me transferre, sed primū illud semper alienissimum
 fuit à moribus meis, alieni meriti gratiā mihi suffi-
 rari. Deinde uisus est Arnobius indignus, qui hac
 portione laudis apud posteros fraudaretur. Inter-
 ciderunt illi laudati libri, quibus pugnat aduersus
 gentes. Saltē hoc supersit illius toties Hieronymo
 laudati ingenij monumentū. Atq; huius quidē ope-
 ris in catalogo scriptorum illustrium nō meminit
 Hieronymus. Fortassis in causa fuit, quod is liber,
 ut uulgo scriptus, tantū in Africa circūferebatur,
 aut notior erat, omniumq; manibus tritior, quàm
 ut Hieronymus putarit recensendū. Ita rebus non
 nullis nimia celebritas obliuionem induxit. Hac nī
 mirū occasione nunc desideramus titulos operum
 Origenis. Simili casu fueramus ignoraturi libros
 Tertulliani, nisi nuper aliquam partē felicior stu-
 dijs deus prodidisset. Proferam & aliud argumen-
 tum, unde

tum, unde præter stili coniecturam possis antiquitatem scriptoris colligere. Aliquot hæreticorum per occasionem meminit, Manichæi, Nouati, & Arrii, sed nullius, cuius ætas posterior fuerit ætate Arnobij. Nam Arrianâ hæresim apparet huius ætate fuisse exortam. Floruit enim sub imperatore Diocletiano, circiter annum orbis redempti trescentessimum uigesimum nonum. Ceterum nec Donatistarum, nec Pelagianorum meminit, quum utraque pestis hæc exorta sit in Africa, quorum priores hoc defuncto, aut admodum sene exortos apparet, alteros ætate Augustini constat extitisse. Et tamen Arnobius hic uno atque altero loco disputat de libero arbitrio, ubi non tacuisset Pelagium, si ille fuisset antiquior. Quum igitur demonstratum sit in his quæ sola poterant offendere, nihil esse quod debuit quæquam offendere, quum & autorem tantopere nobis commendet Hieronymi autoritas, quum opus ipsum tanta commendet antiquitas, nunc paucis aperiam quæ me tantopere rapuerint in huius uoluminis admirationem. Primum illud in confesso est, inter omnes sacræ scripturæ libros, nullum esse mysterijs abstrusioribus plenum, quàm librum psalmodiarum, nec alium esse maioribus tenebris opertum uerborum ac sententiarum. Atq; in tali argumento simul & breuem esse

esse & dilucidum, quod hic utrunq; mire praestat, mihi uidetur hominis pariter & exquisitae facundiae, & penitus intelligentis rem de qua loquitur. Nullus enim paucis explicat, quae parum intelligit. Nullus tam obscura tam dilucide posset efferre, nisi dicendi rationibus omnibus exercitatissimus. Nusquam est praefationum ac digressionum ambagibus molestus, sed ubique praecclarus artifex festinat: & in medias res, non secus ac notus auditorem rapit, quod in Homero laudauit Flaccus. Nec usquam est ambitiosus in citandis sacrorum uoluminum testimonijs, sed totus sermo uelut ex emblematibus ac tessellis arcanae scripturae concinnatus est, ac frequenter ita contextit psalmi quem exponit uersus aliquot, ut paucis uerbis additis, etiam illa lucem habeant, quae non interpretatur, sed ita refert, ut perpetui sibiq; coherentis sermonis tenor suam habeat gratiam. Iam quod in perspicuis etiam argumentis difficillimum est, sic docet aperte, ut nihil sinat frigere ab affectibus. Plus indicat oratio quam loquitur, ac properans multum & cogitationum & aculeorum relinquit in animo, ut nescias utrum prius in te efficiat, ut intelligas, an ut rapiaris. Iam hoc non solum est cruditi, uerum etiam amantis quod docet. Si quid incidit, quod ex

rum libris, qui de naturis animantiū, aliarumue rerū scripsere, petendū erat: nihil est tam abstrusum apud ethnicos, aut sacros etiā scriptores, quod hic paucis uerbis non indicet, nihil interim ostentans aut iactitans uarietate eruditionis, quod in nōnullis etiā magni nominis scriptoribus sepe nobis molestum est. Sed rem uerē sacrā Apostolica quadam simplicitate sinceritateq; tractat. Nec congerit aliena, nec usquā uim facit diuine scripture, sed quicquid adducit, ei loco natū esse dicas. Maluit enim optima referre quā plurima. Porro quum à iocis absteineat, quos argumenti seueritas non patiebatur, tamen sentias per totam dictionē fusam esse perpetuam quandam festiuitatē & iucunditatem. Nusquā ipse languet aut dormitat, & semper alertitate dictionis subleuat ac recreat lectorem. Sic incipit, ut ilico reficiat: sic properat, ut non possit somnus obrepere: sic finit, ut sitientem adhuc & plura cupientem dimittat. Iam quum in Tertulliani, Origenis, ac omnium penē ueterum libris quædam admixta sint, quæ aut manifestum habent errorem, aut suspecti dogmatis sunt, hic sic ubique temperat calamus, ut nihil usquam compererim, quod ulli heresi sit affine. Nā quod scribit in commentario psalmi decimi quarti. Iesus autem in maculatus solus uirginem aulam ingressus ipsum tabernaculu

bernaculum à maculis carnalibus liberauit. Non
 sensit de maculis quæ ante ingressum Christi fuis-
 sent in Maria, sed quæ in alijs sæminis esse consue-
 uerunt, à quibus Christus suam matrem seruauit
 immunem, & auxit castitatem potius quàm uiola-
 uit. Quin & ecclesiæ Romanæ uidetur hoc honoris
 deferre, ut extra catholicam ecclesiam sit; qui
 sit ab hac alienus, quæ totius ecclesiæ teneat prin-
 cipatum, quæq; Petrum Apostolorum principem
 meruerit habere pastorẽ. Locus est commentario
 centesimo sexto, & in Commentario psalmi cente-
 simi tricesimi octaui. Docet eximiam quandam po-
 testatem Petro tributam à Christo, quem ter nega-
 uerat, hand dubie loquens de potestate pascenda-
 rum ouium. De uotis aliquoties meminit, sed his
 duntaxat quibus in baptismo Christum professi,
 mundo satanaq; renuntiaimus, non quod arbitrer
 illum reliqua uota contempsisse, sed quod hæc, ut
 sunt, præcipua duxerit. Nec dubito quin in his com-
 mentariolis, Origenis industria fuerit adiutus,
 qui in nullũ opus diuinæ scripturæ frequentius ædi-
 dit commentarios quàm in psalterium. Nam locis
 aliquot declarat se Græca calluisse. Sed interim di-
 xerit mihi quispiam, quid hic gratiæ tibi postulas,
 qui nihil largiris de tuo? Non recusato quo minus
 tota laus sit penes Arnobium, modo quàm pluri-

*munum utilitatis hinc manet ad ueræ pietatis candidos
 datos. Et tamen est aliquid prodidisse librum ante
 hæc obscurum, atq; etiam ob dictionis uitia contem
 ptum. Est aliquid huc perpulisse Ioannem Frobeni
 um, ut suo sumptu suoq; periculo nouum opus ex
 cuderet suis formulis. Non enim semper æque felix
 illis cadit æditionis alea. Postremo uix quis
 quam credat quantum fuerit negocij in castigandis
 erroribus scribæ, quod ut facerem, sæpe totus
 psalmus erat relegendus, ut illinc subodorarer la
 psus occasionem. Erant obseruandi familiares huius
 operis solœcismi ac barbarismi. Alicubi res plane
 Delium quempiam natatorem postulabat, aut
 Sibyllam potius. Huius generis unum exemplum
 dabo commentario septuagesimo septimo. Scriba
 non intelligens sic pinxerat: quod aures infaciens.
 His uerbis quæ nihil omnino significaretur, diuq;
 me torsissem, diuinavi id quod res est scriptum fu
 isse, quod auxesin faciens. Nam in plerisq; scriptu
 ris figura huius literæ x, non multum abhorret ab
 r. Itaq; scriba Græce prorsus ignarus, & Latine
 minimum doctus, ex auxesin secerat aures in. Item
 commentario centesim^o quinto scriptum erat: Sus
 cipiat regulam pœnitentiæ, excluso noua ita ut
 centesimum quintum psalmum &c. Nos ex con
 iectura restituimus: excluso Nouato, siue Nouatia*

no. Nam uterque fuit eiusdem heresis, nec admittebat poenitentem. Nouum igitur opus nouo Pontifici, sanctum ac theologicum opus integerrimo Theologo Pontifici dedicamus. Id, uti spero, tua: sanctitas hoc libentius accipiet, quod hoc munusculo nihil ueniamur (Sumus enim nostra quamuis tenui fortunula contenti) nisi ut hoc opus tuis auspicijs exeat in manus hominum, hoc nimirum uberiores pietatis fructum allaturum, si tuo calculo fuerit comprobatum, quem ad istud dignitatis fastigium non ambitio, non ullus fauor humanus, sed ut confidimus omnes, propitij numinis uoluntas euexit, ut esset non minus optimus integritate, quam maximus autoritate, qui hos impios orbis Christiani tumultus, iam heu nimium diutinos, ac semper in peius gliscentes aliquando componat. Videmus duos præcipuos orbis monarchas insensis animis inter se conflictari, uix ullam esse portionem orbis nostri immunem à bellis, à caedibus, à prædationibus. Et quanquam religio Christiana, quæ olim omnes mundi plagas occuparat, nunc Europe angustijs minor sit, tamen hæc quoque sectarum ac scismatum pernitiosis dissidijs misere dissecta est. Atque interim sic tumultuantibus imminet Turca. In rebus tam afflictijs, magna quædam spes habet animos bonorum omnium fore, ut discussis tempestatibus, per

te nobis serenitas ac tranquillitas redeat. Pollicentur hoc nobis quum alie res permulte, tum eruditio tua non vulgaris, deinde ista morū integritas à primis annis ad hanc usq; ætatem spectata cunctis. Præterea senectus ista, quæ nō sinet te aliò spectare, quàm ad gloriam Christi, ac profectū Christianæ pietatis. Postremo summus cum Casare Carolo cōsensus, cuius autoritas ac potentia hoc præstabit, ut possis etiam efficere, quod optimum esse iudicabis. Certè ad tantam corruptissimorum mortum luem emouendam ualidis incantamentis est opus, ac uenefico quodam artifice, qui incantet sapienter. Eam ad rem nos organū aliquod nouum porreximus, non quod deesset psalterium Davidicum, sed quod apud plerosq; iaceret. Habet hoc, ut ferunt, humana musica, ut affectus hominum aut concitet, aut moderetur, si quis artifex certas harmonias apte moduletur. Timotheus solitus fertur Alexandri Macedonis animū ad bellum certis modis accendere. Pythagoras spōdeos ad Phrygium modum occinens, amore lymphatum adolescentem ad grauitatem immutauit. Simile quiddam fecisse narratur Empedocles, qui certis modis musicæ adolescentem iam ira percitum & in castrum ruentem, ad sanitatem reuocarit. Et quanquam fabulosa uidentur quæ de Mercurij atq; Orphei citharra prodi

ra prodidere ueteres, tamen haec ipsa fragmenta nar-
ta sunt ex artis miraculis. Certe Terpandrum atq; .
Arionem apud Lesbios atq; Ionios multis & gra-
uibus morbis, harmonijs musicis mederi solitos,
narrant rerum gestarum scriptores. Ismenias The-
banus apud Bœotos multis Ischiaticis cruciatum,
apto modulamine exemisse legitur. Nam quod
ait Vergilius,

Frigidus in pratis cātando rumpitur anguis, .
ut à poeta dictum contemni poterat, nisi nostrae
quoq; literae meminissent uenefici incantantis sa-
pienter, & aspidis surdæ. Dauid sua cithara suc-
currebat Sauli, quoties à spiritu domini malo agi-
tabatur, Quod si tantam uim habet humana musi-
ca, ad mutandas affectiones corporum & animo-
rum, quanto credenda est efficacior caelestis haec
ac diuina musica ad purgandos animos nostros, à
morbis spiritualibus, ac spiritibus huius seculi ma-
lis. Ingens morbus est ambitio, pessimus spiritus est:
lior & odium. Atq; huiusmodi pestibus maxima
pars Christianorum tenetur, nec his saepe liberis, .
quos oportebat alijs mederi. Prophanis olim erāt-
& uerba & uoces, quibus animi dolorem lenire
possent, & magnam morbi deponere partem, &
Christi musica non habet uerba & uoces, quibus
excantemus animis nostris amorem rerū fluxarum

Et incantemus amorem rerum cœlestium? Pytha-
 goras habuit modos, quibus iuuenem amore furem
 tem ad sobrietatem reuocaret, Et Christianus
 psalter non habet modos quibus principes insanis-
 simis bellis, sic inter se sine fine tumultuantes ad
 pacis amorē reuocet? Sed ipsi prius nobis hac mu-
 sica medeamur oportet, quàm aliorum morbis me-
 -j. deri paremus. Nulla est scripturæ sacræ pars, quæ
 non habeat efficaces modos, modo ne uelut aspides
 surdæ obturemus aures nostras, ne penetret in ani-
 mos nostros diuinæ uis incantationis. Sed mea
 sententia nulla efficaciores, quàm psalmodum, in
 quo diuinus ille spiritus secretissimas suorum my-
 steriorū delicias nobis recōditas esse uoluit, ac mo-
 dos quosdā efficacissimos reposuit, quibus trans-
 formaremur in affectum Christo dignum, tantum
 adsit, qui scite moueat huius psalterij chordas.
 - : Hoc peculiare munus est episcoporum ac sacerdo-
 tum. Et tamen sibi quisq; psalter esse possit, aderit
 mouenti chordas, Et arcanam nim aspirabit intus,
 si modo purus Et ardens adsit animus, hoc est, si
 purgate mentis aures. Vtinā tua sanctitas nobis:-
 referat illū huius musices peritissimū Dauid, qui
 non solū ipse modulatus est, sed Et alios cantores
 -j. multos instituit. Dauid aut typū gerebat Iesu Chri-
 sti psalter nostri, qui nablo corporis sui in cruce
 tenso

tenso, nihil vulgare aut terrenū sonuit, sed harmoniam patri gratissimā, & nobis efficacissimā modulatatus est. Quā suauē sonuit illa charitatis chorda: Pater ignosce illis, quia nesciūt quid faciūt. Habet & mundus organa sua, sed quae inferne redunt sonitū inamabilē. Quid enim loquitur irae fides? Ulciscere, spolia, eiice, occide. Quid sonat ambitionis neruus? Dilata ditionē, nec iuris iurādi, aut pietatis sit ratio, quoties agitur de imperio. Quid crepat avaritiae chorda? Vid es nemini bene esse, nisi qui plurimū possidet, per fas nefasq; congere, rape, serua. Quid sonat luxus ac libidinis chorda? Hic suauiter uiue, qd post hāc uitā habiturus sis incertus. Sic pessimā harmoniā reddit liuoris & obtrechtationis chorda. Hae nimirū est mundi musica: quae modis huiusmodi pessimis incātat nobis pestiferas cupiditates, ac Sirenū in modum male dulcibus cantilenis nos pellicit in perniciē. His modis ebrij lymphatiq; sic belligeramur, tumultuamur, ambimus, rapimus, irascimur, ulciscimur, mordemus inuicē, ac mordemur. Sed ille celesti musica tactus erat qui dixit: Quā dilecta tabernacula tua domine uirtutū, cōcupiscit & deficit anima mea in atria domini. Rursum ille: Factum est cor meū tanquam cera liquefcens in medio uētris mei. Afflaue rat Apostolos huius harmonie uis quū aiunt: Do-

mine quò ibimus? uerba uitæ habes. Suauissimus :
 autè ac modulatissimus cōcentus est, quoties è cha-
 ritate, pudicitia, sobrietate, modestia, cæterisq; uir-
 tutibus concors quædã uarietas resonat. Habet & :
 modulos suos pro argumêto diuersos hæc musica.
 Sunt quibus flebili, sed deo gratissimo cantu de plo-
 remus peccata, Sūt qui nobis animos ac robur ad-
 dant ad fortiter resistendū diabolo, sunt alacres ac
 leti, qbus gratias agamus deo pro suis in nos bene-
 ficij. Sūt quibus cōsolemur ac deliniamus afflictū.
 Deniq; nihil malorū habet hæc uita, quod nō faci-
 le feramus, si quemadmodū Coloss. scribit Paulus:
 Not inuicē doceamus, & cōmonefaciamus cantio-
 nibus ac laudibus, & cantilenis spiritalibus cum
 gratia canentes in corde nostro domino. Et quic-
 quid egerimus sermōe aut facto, omnia in nomine
 domini iesu faciamus, gratias agētes deo & patri
 per filium. Erit aut hæc musica gratior deo, si fre-
 quens chorus cōcordibus animis ac uocibus, modu-
 letur. Sed ut ad psalmos Dauidicos redeam, nemo
 potest huius modulationis sentire dulcedinem nisi
 sensum mysticū perceperit. Quid est enim alioqui :
 quod pleriq; monachi ac sacerdotes tãto cū tædio
 psalmos hos sonant? Nimirū quia spiritu canūt nō-
 mente. Quod si quibus nō uacat prolixos aliorum
 cōmentarios euoluere, horū fastidio succurret Ar-
 nobius

- nobis, qui saepe psalmo ipso breuior est, ut qui huius cōmentariolū legit, simul & psalmū cecinerit & didicerit. Sit igitur haec praecipua cura sacerdotibus, ut semel intelligant, quod quotidie recinūt, Ita fiet, ut plus capiant solatij ex uno psalmo, quē intellectu mente cecinerint, quā ex quadraginta spiritu decantatis. Illud in primis oportet esse per se suaissimū psaltæ nostro, sic uisum esse spiritui sancto, & optimo consilio uisum, arcana sapiētiae celestis huiusmodi figurarum inuolucris obtegere.
- Eruendi mysterium ipse Christus in Euangelio, & Apostolicae literæ uiam nobis aperiunt. Horū uestigijs ingressi, ueteres orthodoxi reliqua nobis pro diderunt. Sed mea sententia nemo sanctius Ar-
- nobio. Quanquam is potissimum occupatus est in sensu explicando, qui pertinet ad Euangelicam historiam, ut quemadmodum scribit Paulus Apostolus, ex fide in fidē magis in nobis confirmetur scientia Christi, dum quicquid in Euangelicis literis gestum legimus, in psalmis praedictū cōspicamur.
- Atque haec sanè pars in tractando difficilima est, qua recte cōperta, facile uel ex sese reliquos sensus addiuinant, qui in mysticis literis sensus habēt exercitatos. qua de re nonnihil attigimus in commentario quo nuper explanauimus psalmū: Quare fremuerunt gentes. Sed ut aliquando finis beatissime
- b 5 pater

pater, orat & expectat illud abs te cum primis po-
 pulus Christianus, ut arrepto psalterio Christi,
 melodiam aliquam vere apostolicam incitas, que
 principum ac populorū animos iungat Christiana
 cōcordia, que pniciosas opinionū pugnas discutit
 at, que ad celestium bonorū amorē inflammet, re-
 gno celesti destinatos. Non gratulor tibi dignita-
 tem istam, non gratulor patrie, atq; etiam diocesi
 mihi tecū cōmuni, cui nunc primū contigerit Ro-
 manū habere pontificē, Non ambio ut apud te mi-
 hi prosit, uel patrie affinitas, uel uetus inter nos
 cōsuetudo: sed orbi Christiano gratulabor, si quod
 fore confidimur, ita tractaris munus istud Apосто-
 licū, ut mūnus intelligat tandē Romę cōtigisse pō-
 tificē, cui Christi gloria nihil sit antiquius, quicq;
 Petri ac Pauli spiritū referat uerius, quān titulos
 Qui Christi uicariū sic gerat, ut orbis sentiat Chri-
 sti spiritū in illo uersantē, & agentē. Audiet mihi
 crede populus ueri pastoris uocē ac prōpte sequer-
 tur grex Christi uestigijs praeuntem, neq; graua-
 tim agnoscet Apostolicam potestatem, si senserit
 Apostolicam pietatem. Hęc conanti precor,
 ut aspiret dominus Iesus pastorum prin-
 ceptis Amen, Basileæ Calend. Au-
 gusti. Anno.

M. D. XXII.

ARNOBII IN COM
MENTARIOS SVOS SVPER
psalmos Prologus.



CHARISSIMIS patribus Laurentio & Rustico Episcopis Arnobius. Silentium bonū esse nemo est qui nesciat, sed tūc taciturnitas probatur esse cōtraria, quādo ad loquendum iubentis compellit autoritas. Si enim vobis iubere licet, vobis contēnere nō licet. Nō est præsumptiōis, sed obediētiae hoc quod psalterij uenas pulsare potius quā patefacere studemus. Hoc considerantes, quod nullus sitiēs pręparantibus aquā irascitur, Alij paraauerint uinae fragmentia mella, alij nectarcis plena liquoribus pocula, nos ex sarculo oris nostri, terram hinc inde lacero uerberantes impulsu, Dauidicum laticem licet tenuiter sitim patientibus aperimus, sitientes ut bibant. Hi autem qui cum apostolis tertia diei hora ebrij sunt in spiritu sancto latentur & florent, nulla tamen sitientibus impedimenta patiantur inferri. Neq; enim qui uino exuberant, aquam uolentes bibere prohibent. Habeāt ergo nobiscum pacem uniuersi lectores, qui nos licet rusticos catholicos

tholicos comprobent, & psalmum cuius explanati-
 onem legunt, prius examinent, ut dum eius lege-
 rint sensum, ad eum pertinere sentiant, quem ex-
 planationis textus ostendit. Ipsi quidē melius hoc
 potuistis facere qui iubetis. Non enim impossibili-
 tatem uestram, sed occupationem ostenditis dum
 quod nos iubetis facere, uos melius hoc potueritis
 implere.

Psalmus David I.



BEATVS uir qui nō abiit in con-
 silio impiorum, & in uia peccator-
 um non stetit, & in cathedra per-
 stitentie nō sedit. Sed in lege dor-
 mini uoluntas eius, & in lege eius meditabitur die
 ac nocte. Et erit tanquam lignum quod plantat-
 um est secus decursus aquarum, quod fructum su-
 um dabit in tempore suo. Et folium eius non de-
 fluct, & omnia quæc unq; faciet prosperabuntur.
 Non sic impij non sic, sed tanquam puluis quē pro-
 iicit uentus à facie terræ. Ideo non resurgunt im-
 pij in iudicio, neq; peccatores in cōsilio iustorum.

Quoniam nouit dominus uiam iustorum, & iter
 impiorum peribit.

COMMENTARIVM.

Primus psalmus unde scit beatitudinem perisse,
 inde recuperat. In cōsilio impiorū abiit Adam,
 id est

id est, in serpentis & mulieris. Et nunc Adam no-
 ster, id est, consensus noster beatus erit, si non abie-
 rit in consilio serpentis & mulieris, id est in con-
 silio carnis & diaboli. Aut si abierit non ibi stet, si
 steterit, non sedeat: id est non permaneat, sed me-
 mor legis dei, ibi suam occupet uoluntate. Et diur-
 nam & nocturnam actionem suam in meditatione
 diuine legis exerceat, ut hoc quod Adam perdidit
 contemnendo, iste custodiendo inueniat, permanes
 iuxta fluentia legis, ut lignum uitae immortalitate
 capiens. Ita demum quaecumque fecerit, prosperabun-
 tur. Illi autem, id est, impij qui contempserunt, non
 sic, sed hoc eis eueniet in finem seculi quod in fine
 Psalmi sermo propheticus dominatur. gloria aeter-
 na qui regnat in secula seculorum Amen.

Psalmus David II.

Quare fremuerunt gentes, & populi medi-
 tati sunt inania. Astiterunt reges terrae,
 & principes conuenerunt in unum, aduersus domi-
 num & aduersus Christum eius. Dirumpamus uin-
 cula eorum, et proiciamus a nobis iugum ipsorum.
 Qui habitat in caelis irridebit eos, et dominus sub-
 sannabit eos. Tunc loquetur ad eos in ira sua, &
 in furore suo conturbabit eos. Ego autem consti-
 tutus sum rex ab eo super montem Sion sanctum eius,
 predicans praecipuum eius. Dominus dixit ad me
 filius

*filius meus es tu, ego hodie genui te. Postula à me
 & dabo tibi gentes hereditatē tuam, & possessio-
 nem tuam terminos terre. Reges eos in uirga ser-
 rea & tanquam uas figuli confringes eos. Et nūc
 reges intelligite, erudimini qui iudicatis terram.
 Seruite domino in timore, & exultate ei cum tre-
 more. Apprehendite disciplinam, ne quando iras-
 scatur dominus, & peccatis de uia iusta. Cum ex-
 arserit in breui ira eius, beati omnes qui confidunt
 in eo.*

COMMENTARIUM.

VSque hodie gentes fremunt aduersus Chri-
 stū, quia idolis finē imposuit. Populi, id est,
 Iudaei meditantur inania, distinctiones ciborū &
 sabbatorum ferias adtendentes: utrorumq; uincu-
 la dirumpenda, quos habitator cœlorū deus inte-
 rim irridet, sed in iudicio iram suam illis & furo-
 rem ostēdet, quibus dicturus est: me quem negastis
 filium dei, uox de cœlo paterna uos docuit cum in
 Iordane me posito dixit, filius meus es tu. Quod
 autem dicit. Ego hodie, Deus heri & cras non ha-
 bet, sed semper hodie habet. Tēpora enim sub ipso
 aguntur, non ipse à temporibus agitur. Nam Syon
 mons quod sit ecclesia docet propheta qui dicit:
 Ego dominus excitabo Syon in gentibus, & dabo
 eam in festiuitatem æternam omni nationi. In ipsa
 ergo

ergo prædicat filius præceptum patris. In ipsa reget gentes quasi uirga ferrea. Non enim cedit fortibus mundi, nec miserorum despicit facies. Ipsa timorem regibus imperat. Ipsa iram uenturam contemptoribus pollicetur, per quam fictilibus uasculis comminatur interitum. Ipsa beatitudinem confidentibus repromittit, & Christo offerente, qui regnat in secula seculorum Amen.

Psalmus David cum fugeret à facie Absalon filij sui. III.

Domine quid multiplicati sunt qui tribulant me? multi insurgunt aduersum me. Multi dicunt animæ meæ, non est salus ipsi in deo eius. Tu autem domine susceptor meus es, gloria mea, & exaltans caput meum. Voce mea ad dominum clamaui, & exaudiuit me de monte sancto suo. Ego dormiui & soporatus sum & exsurrexi, quia dominus suscepit me. Non timebo milia populi circumdantis me, exurge domine, saluum me fac deus meus. Quoniam tu percussisti omnes aduersantes mihi sine causa, dentes peccatorum contriuisi. Domini est salus, & super populū tuum benedictio tua.

COMMENTARIUM.

Titulum psalmi tertij hac una sententia explanamus. Persecutus est Absalon patrem, fronde à collo

collo ligatur. Iudas tradidit dominū, et laqueo con-
artatur: sicut Historia passionem David præteritā
indicat, Ita mysterium passionem domini futuram
adnunciat. In qua omnes eum negauerunt dicētes:
Non est salus ei in deo eius, sed si est ex deo liberet
eum. Iesus autē uoce sua ad deum clamauit & ex-
auditus est, ita ut mortem quasi soporem acciperet.
Ex qua exsurgens ultra non timuit, sed nunc indu-
ens corruptibile incorruptione, & immortalitate
mortale, non timet ultra milia populi circūdantis
se. Hæc est enim salus domini & super nos qui su-
mus populus eius. Hæc est benedictio eius, qui re-
gnat in secula seculorum Amen.

In finem in carminibus. psalmus

Dauid III.

Cum inuocarem exaudiuit me deus iusticie
mee, in tribulatione dilatasti mihi. Miser-
ere mei, & exaudi orationem meam. Filij homi-
num usquequo graui corde, ut quid diligitis uanis-
tatem & queritis mendacium? Et scitote quoni-
am mirificauit dominus sanctū suum, dominus ex-
audiet me cum clamauero ad eum. Trascimini &
nolite peccare, quæ dicitis in cordibus uestris, &
in cubilibus uestris compūgimini. Sacrificate sa-
crificium iusticie & sperate in domino, multi di-
cunt: quis ostendit nobis bona? Signatum est su-
per

per nos lumē uultus tui domine, dedisti leticiam in corde meo. A fructu frumēti, uini, & olei sui multi plicati sunt. In pace in idipsum, dormiā & requiescam. Quoniam tu domine singulariter in spe constituisti me.

COMMENTARIUM.

Titulus quarti in carminibus, id est, in myste-
rijs ponitur. In quibus deus iusticiæ exaudi-
uit in cruce positum filium suum, contra quem iras-
cētes lu dei peccant usq; hodie, qui non peccarēt
irascētes, si uere dei nō esset filius quem negarēt.
Quod eis ideo euenit, quia non sacrificant sacrifi-
cium iusticiæ sicut Abel, sed sicut Cain liuoris atq;
inuidiæ. Nos autē qui credimus, dicamus dominoꝝ
Signatum est sup̄ nos lumen uultus tui domine.
In quo lumine data est leticia in corde nostro, Ab
illo tempore quo accepimus frumentum in corpo-
re, Vinum in sanguine, Oleum in chrismate. Offer-
rentes autem pacem ista percepimus, quia hæc est
singulariter in spe à domino constituta in Christo
qui regnat in secula seculorum Amen.

In finem pro ea quæ hereditatem consequi-
tur, psalmus David. V

Verba mea auribus percipe domine, intelli-
ge clamorem meum, Intende uoci oratio-
nis meæ, rex meus & deus meus. Quoniam ad te
c orabo

orabo domine, mane ex audies uocem meam. Mane astabo & uidebo, quoniam non deus uolens iniquitatem tu es. Neque habitabit iuxta te malignus, neque permanebunt iniusti ante oculos tuos. Odisti omnes qui operantur iniquitatem, perdes omnes qui loquuntur mendacium. Virum sanguinum & dolosum abominabitur dominus, ego autem in multitudine misericordie tue. Introibo in domum tuam, adorabo ad templum sanctum tuum in timore tuo. Domine deduc me in iusticia tua propter inimicos meos, dirige in conspectu tuo uiam meam. Quoniam non est in ore eorum ueritas, cor eorum uanum est. Sepulchrum patens est guttur eorum, linguis suis dolose agebant, iudica illos deus. Decidant à cogitationibus suis secundum multitudinem impietatum eorum, expelle eos, quoniam irritauerunt te domine. Et letentur omnes qui sperant in te, in æternum exultabunt & habitabis in eis. Et gloriabuntur in te omnes qui diligunt nomen tuum, quoniam tu benedices iusto. Domine ut scuto bonæ uoluntatis tue coronasti nos.

COMMENTARIUM.

Quinti psalmi titulus ostendit eam quam hæreditatem consequitur Christus, & hanc hereditatem contulit ecclesie cum diceret apostolis: Pacem meam do uobis, pacem meam relinquo uobis

uobis. Hanc ergo pacem, quam diximus in quarti psalmi sine singulariter in spe à domino constitutam, hanc in hereditatem titulus datam ecclesie protestatur. Hereditas de morte parētis nascitur filijs. Nisi enim Christus mortuus esset, hæc hereditas nō patebat. Ipso ergo moriente nata, ipso resurgente confirmata est, ipso ascendente in coelis, permanet hæc hereditas in æternū. In titulo tria sunt, moriens, hereditas, & hæredes. Et in capite psalmi tria sunt ab hærede composita, uerba, clamor, oratio. Ipsa enim uerba rogat auribus percipi, clamorem intelligi, orationem audiri. Ipsa dicit, orabo te domine, mane scilicet, cum abiecerō opera tenebrarum, & induerō arma lucis. Tunc te orabo quasi in matutino posita, in quo deficientibus tenebris lucis incrementa concresecunt. Mane astabo tibi & uidebo. quid uidebis tamen prope & mane dic nobis? uidebo mane Apostolos, fulgentes angelos, gaudentes Marias resurrexisse dominū nuntiantes. Diximus mane postea quàm tenebræ peccatorum transferint orandum dominum, diximus & in luce dominici diei resurgentem uidentum. Quis autem sit iste dominus, distinctio eius uoluntatis exprimit. Tu es, inquit, deus nō uolens iniquitatem. Quis enim dixerat eum uelle iniquitatem? Iudæi sine dubio, qui pro operibus misericordiæ

dominum increpantes dicebant. Nō est iste homo à deo, qui sabat atū soluet. Iste autē & à deo est, & ipse est deus, qui non uult iniquitatem. Non habitauit iuxta eum malignus, id est, populus incredulus. & non permanebūt ante oculos eius. Odio ei sunt qui operantur iniquitatem, & percunt qui loquuntur mendaciū. Omnis enim qui negat Iesum filium dei, hic mendax est. Qui autem cōfiteatur, intrat in domum dei, & adorat templum sanctum, non in lapide sed in spiritu. Hunc deducet dominus in sua iustitia propter inimicos, ut dirigat in cōspectu eius uiam suā. quare propter inimicos? quia inimici alteram uiam ostendunt, quæ ducit ad mortē. Et propter ipsos hic dirigit uiam, quæ ducit ad uitā. Ad quam dum peruenerint credentes, in æternum exultabunt, & inhabitabit in eis. Et gloriabuntur omnes qui diligunt nomen eius. Ibi enim est qui benedicit iustum, & scuto bonæ uoluntatis coronauit eum. Vno eodemq; officio, & ab inimicis defenderis dum credideris, & à domino coronaris, qui regnat in secula seculorum Amen.

In finem in carminibus pro octaua,

Psalms David VI.

Domine ne in furore tuo arguas me, neq; in ira tua corripas me. Misereere mei domine quoniā infirmus sum, sana me domine quoniā
 contur

conturbata sunt ossa mea. Et anima mea turbata est ualde, sed tu domine usquequo. Convertere domine & eripe animam meam, saluum me fac propter misericordiam tuam. Quoniam non est in morte qui memor sit tui, in inferno autem quis confitebitur tibi? Laboravi in gemitu meo, lauabo per singulas noctes lectum meum, lachrymis meis stratum meum rigabo. Turbatus est à furore oculus meus, inueteravi inter omnes inimicos meos. Discedite à me omnes qui operamini iniquitatē, quoniam exaudivit dominus uocem fletus mei. Exaudivit dominus deprecationem meam, dominus orationem meam suscepit. Erubescant & conturbentur uehementer omnes inimici mei, conuertantur & erubescant ualde uelociter.

COMMENTARIUM.

Titulus sexti psalmi dominicam diem exprimit, ipsa est enim & octaua dum desinit, & prima dum incipit. In quinto enim mane ipsa incipit in resurrectione, id est in baptismatis nostri consecratione, modo in poenitentiae recuperatione octaua est, septiformis enim spiritus, cui satisfacit octauus. Agit ergo poenitens, ut non in ira arguatur, sed misericordiam hic in isto corpore positus consequatur. In inferno autem confessio fructum poenitus non habet. Et idcirco hic qui uult saluus fieri

ri laborat in gemitu suo, lauat per singulas noctes lectum, Lectum inquam in noctibus lauat, quem in noctibus inquinauerat. & ne putares eum aquam qualemcumque haurire, unde eum abluat, Lachrimis, inquit, eum rigabo. Quare? quia turbatus est præ ira oculus meus. Audiui ignem æternum imminere, & iram iusti ultoris incumbere, & idcirco turbatus sum, quia moram feci in peccatis meis, & inueteraui inter omnes inimicos meos. Nunc moribus malis & spiritibus immundis renunciatis dicam: Discedite à me omnes qui operamini iniquitatem, quia is qui dimisit peccata, is inquam, qui exaudiuit uocem fletus mei, & orationem meam suscepit, dixit mihi, ecce saluus factus es, iam amplius noli peccare. Recedant à me uicia, quæ mētita sunt hætenus. Auertatur retrorsum & erubescant ualde uelociter, per filium dei, qui regnat in secula seculorum Amen.

In finem psalmus David quem cantauit domino pro uerbis Chusi filij Gemini. VII

Domine deus meus in te speraui, saluū me fac ex omnibus persequētibus me et libera me. Ne quando rapiat ut leo animam meam, dum non est qui redimat, neq; qui saluum faciat. Domine deus meus si feci istud, si est iniquitas in manibus meis. Si reddidi retribuētibus mihi mala, decidā merito

merito ab inimicis meis inanis . Persequatur inimicus animam meam & comprehendat & conculet in terra uitam meam, & gloriam meam in puluerem deducat . Exurge domine in ira tua , & exaltare in finibus inimicorum meorum . Et exurge domine deus meus in præcepto, quod mandasti, & synagoga populorum circundabit te . Et propter hanc in altum regredere, dominus iudicat populos . Iudica me domine secundum iusticiam meam, & secundum innocentiam meam super me . Confusumetur nequitia peccatorum & diriges iustum, scrutans corda & renes deus . Iustum adiutorium meum à domino, qui saluos facit rectos corde . Deus iudex iustus, fortis, & patiens, nunquid irascetur per singulos dies? Nisi conuersi fueritis, gladium suum uibrabit, arcum suum tetendit, & parauit ibulum . Et in eo parauit uasa mortis, sagittas suas ardentibus effecit . Ecce parturit iniusticiam, & concepit dolorem, & peperit iniquitatem . Lacum aperuit & effodit eum, & incidit in foueam quam fecit . Conuertetur dolor eius in caput eius, & in uerticem ipsius iniquitas eius descendet . Confitebor domino secundum iusticiam eius, & psallam nomini domini altissimi .

C O M M E N T A R I V M

Utm nunciassent pueri Dauid quod pos-

sent Absalon occidere, & diceret David: parcite ei & fugeret ipse David à facie eius, apparuit super eum Semei, qui erat de cognatiōe Saulis, & iactās post eum lapides clamabat eum uirum sanguinum: quem cum uellēt interficere, dixit David: Nolite, ecce qui de lumbis meis egressus est pugnat contra me. Et uos miramini quod filius Semei de tribu Saul, sit contra me. Parcens ergo & isti David sicut & Sauli pepercerat: parcens & tyranno filio orat, ut liberetur à persecutibus, commemorans non se fecisse istud, quod ille clamabat. Non utiq; reddidisse retribuentibus sibi mala. Aut si reddidi inquit, mala pro malis: comprehendat inimicus animam meam, et gloriam meam usq; in puluerem deducat. Hæc historico sermōe in Regū uolumine usq; ad finem leguntur. Hic autem mysteria Christi cantemus, cui pro bonis mala reddentes acclamabant quod reus esset mortis. Huic ergo clamat ecclesia. Exurge in ira tua, & uideamus quod in ira facturus sit: Exaltare, inquit, in finibus inimicorum. At ubi senserint ingrati domini irascentem, dant finem impietatibus suis, & finitis inimicitijs, exaltatur deus in finibus inimicorum. Exurge in præcepto quod mandasti. Dixisti enim; tertia die resurgam & præcedam uos in Galileam, ibi me uidebitis. Et ideo, exurge, inquit, in præcepto quod mādasti, & postea quàm te ostē

deris Synagogæ, ne iterũ excitare æstimet bellũ, propter hanc iudica populos. Cum enim dederis iudicium, finem accipiet malicia peccatorum, & iustus dirigitur. Non enim ad alterius uel uituperationem uel laudem dictas sententiam, quia corda conspicias, & renum secreta contemplanis saluos facies omnes qui recto sunt corde. His autem qui nõ sunt recto corde deus iudex futurus exprimitur, qui terram suam non se conuertentibus præparat. Nam iniusticia Iudæorũ parturiijt in dolore animi posita, cum uideret dominum pro uirtute signorum à multitudine adorari. Concepit dolorem & peperit iniquitatem, dicens: Crucifige reum mortis. Parauit ergo foueam Christo, sed ipsa incidit in foueam quam fecit. Et cõuersus est dolor eius in caput eius, & in uerticem eius iniquitas eius descēdet. Christo autem resurgente à mortuis nos confitemur iusticiam dei, & ascendente eo, psallimus nomini eius altissimo, altitudinem penetrãti, quæ est super omnes cælos, in quo factio omne genu flectitur, et omnis lingua cõfiteatur, quia dominus Iesus in gloria est dei patris. Ipsi gloria in secul. secul. A.

In finẽ pro torcularibus, Psal. David. V III.

Domine dominus noster, quàm admirabile est nomen tuũ in uniuersa terra. Quoniã eleuata est magnificẽtia tua, super cælos. Ex ore

infantium & lactetium perfecisti laudem, propter inimicos tuos, ut destruas inimicum & ultorem. Quoniam uidebo caelos tuos opera digitorum tuorum, lunam & stellas que tu fundasti. Quid est homo quod memor es eius, aut filius hominis quoniam uisitatus es eum? Minuisti eum paulominus ab angelis, gloria et honore coronasti eum, & constituisti eum super opera manuum tuarum. Omnia subiecisti sub pedibus eius, oues et boues uniuersas, insuper & pecora capi. Volucres coeli & pisces maris, qui perambulant semitas maris. Domine dominus noster, quam admirabile est nomen tuum in uniuersa terra.

COMMENTARIUM.

Non pro torculari, sed pro multis torcularibus in octauo psal. fixus est titulus, que torcularia uoces sunt omnium prophetarum, que tunc impleta sunt, quando uitis uera clauorum feramentis plātata est, & in ligno crucis posita lancea percusso eius latere, tantum uini in his torcularibus fudit, ut non in Iudea tantum, sed in uniuersa terra nomen domini mirabile clamaretur. Quod factum tunc confirmatum est, cum eleuaretur magnificentia eius super caelos, ut non tantum etates legitime, sed etiam infantes & lactentes ad laudem eius irruerent, ut destrueretur ille populus, qui

qui per defensionem dei contra deum ageret. Ipse est enim populus, & defensor dei, et inimicus dei, defensor in patre, inimicus in filio: sed omnis qui negat filium, nec patrem habet, qui autem utrumque confitetur, hic uidet ccelos quod opera digitorum eius sunt, & quod lunam & stellas ipse fundauerit. Quid enim esset homo nisi ipse memor fuisset, & ueniens tantam perfectionem docuisset, ut modicum minus quam sunt in ccelo angeli hic homines in carne positos faceret, dans eis potestatem uirtutum, ut etiam mortuas suscitandi traderet potestatem, & omnia subieceret homini credenti, ita ut diceret: Dedi uobis potestatem calcandi super serpentes & scorpiones. Nam quod dicit oues, simplices nominat: boues, qui laborant sub iugo domini: pecora campi, plebs laicorum: uolucres cœli, alta cogitantes: pisces maris, profunda rimantes. Hos omnes subiectos habens per passionem Christi ecclesia, confitetur admirabile nomen eius in uniuersa terra. Ipse gloria in secula seculorum Amen.

In finem pro occultis filij, Psalmus David IX.

Confitebor tibi domine in toto corde meo, narrabo omnia mirabilia tua. Laetabor et exultabo in te psallam nomini tuo altissime. In conuertendo inimicum meum retrorsum, infirmabuntur & peribunt a facie tua. Quoniam fecisti iudicium

dicium meum & causam meam, sedisti super thronum qui iudicas iusticiam. In crepasti gentes & perijt impius, nomen eorum delesti in æternum, & in seculum seculi. Inimici defecerunt frumina in finem, & ciuitates destruxisti. Perijt memoria eorum cum sonitu, & dominus in æternū permanet.

Parauit in iudicio thronum suum, & ipse iudicabit orbem terræ in æquitate, iudicabit populos in iusticia. Et factus est dominus refugium pauperi, adiutor in oportunitatibus in tribulatione. Et sperent in te qui nouerunt nomen tuum, quoniam nō dereliquisti querētes te domine. Psallite domino, qui habitat in syon, annūciate inter gentes studia eius. Quoniam requirens sanguinē eorum recordatus est, non est oblitus clamorem pauperum.

Miserere mei domine, uide humilitatem meam de inimicis meis. Qui exaltas me de portis mortis, ut annunciem omnes laudationes tuas in portis filiæ syon. Exultabo in salutari tuo, infixæ sunt gentes in interitu quem fecerunt. In laqueo isto quem absconderunt, comprehensus est pes eorum.

Cognoscetur dominus iudicia faciēs, in operibus manuum suarum cōprehensus est peccator. Conuertantur peccatores in infernum, omnes gentes quæ obliuiscuntur deum. Quoniam non in finem obliuio erit pauperis, patientia pauperū non per-

ibit

ibit in finem. Exurge domine nō confortetur homo, iudicentur gentes in cōspectu tuo. Constitue domine legislatorē super eos, ut sciant gentes quoniam homines sunt. Ut quid domine recessisti longe, despicias in oportunitatibus in tribulatione.

Cum superbit impius, incenditur pauper, comprehenduntur in consilijs quibus cogitāt. Quoniam laudatur peccator in desiderijs animæ suæ, et iniquus benedicitur. Exacerbauit dominum peccator, secundum multitudinem iræ suæ non queret. Non est deus in cōspectu eius, inquinatae sunt uie illius in omni tempore. Auferuntur iudicia tua à facie eius, omnium inimicorum suorum dominabitur. Dixit enim in corde suo, non mouebo à generatione in generationem sine malo. Cuius maledictione os plenum est & amaritudine & dolore, sub lingua eius labor & dolor. Sedet in insidijs cum diuitibus in occultis, ut interficiat innocentem. Oculi eius in pauperē respiciunt, insidiatur in abscondito quasi leo in spelunca sua. Insidiatur ut rapiat pauperem, rapere pauperē dum attrahit eum. In laqueo suo humiliavit eum, inclinavit se & cadet cum dominatus fuerit pauperum. Dixit enim in corde suo, oblitus est deus, auertit faciem suam ne uideat in finem. Exurge domine deus, & exaltetur manus tua, ne obliuiscaris pauperem.

Propter

Propter quid irritauit impius deum, dixit enim in corde suo non requireret. Vides quoniam tu laborem & dolorē consideras, ut tradas eos in manus tuas. Tibi derelictus est pauper, orphano tu eris adiutor. Contere brachium peccatoris & maligni, quaeretur peccatum illius & non inuenietur. Dominus regnabit in eternū & in seculum seculi, peribitis gentes de terra illius. Desiderium pauperum exaudiuit dominus, preparationem cordis eorum audiuit auris tua. Iudicare pupillo & humili, ut nō apponat ultra magnificare se homo super terram.

COMMENTARIUM.

Nonus psalmus docet occulta filij in sancti symboli sacramento, qui enim suscepit fidem in mysterio absconditā, primo confitetur nō sūmis labijs, sed in toto corde suo, et narrat omnia mirabilia eius. Iam non letatur in rebus labētibus & caducis, sed dicit domino: Letabor & exultabo in te, & psallam nomini tuo altissime, quia fecisti iudicium meum, id est pro me iudicasti, & causam meam obtinui, sedisti enim super thronū ut iudicares sententiam. Increpasti quod gētes essemus, et periit impius diabolus, quē in idolis colebamus, Nomē autē idolorum delesti in eternū & in seculū seculi. Ibi defecerunt gladio uerbi tui in finē & ciuita

eiuitates destruxisti, templa eorum in toto orbe dum destruuntur, omnis penè ciuitas in templis destructa est: sicut enim ecclesie in toto mundo posite ciuitates sanctorum sunt, sic templa in toto mundo posita ciuitates demonum esse noscuntur. Perijt autem memoria eorum cum sonitu, dominus autem in æternum manès parauit in iudicio sedem suam, ut iudicet orbem terre in æquitate. Non accipiens aliter dominum, aliter seruum, sed continens personas diuitum factus es magis refugiũ pauperum, eorum sanè qui nouerunt nomen tuum. Non enim omnes pauperes non derelinques, sed non derelinques quærentes te domine. Psallamus ergo domino qui habitat in syon, id est, in ecclesia catholica definitionibus sublimata, ibi adnunciemus mirabilia eius, In qua requirens sanguinem martyrum suorum quotidie dominus memoratur nostri, nec obliuiscitur orationem pauperis dicentis sibi, uide humilitatẽ meã de inimicijs demonũ natam, exalta me de portis mortis, tollens cor meum à concupiscentijs carnis, ut adnunciẽ omnes laudes tuas in portis filie syon, ut exultem in salute tua. Nam infixæ sunt gentes in interitum quem fecerunt, opus manũ suarum adorantes, hi cõuertentur in infernum, quia obliuiscuntur dominũ, qui non in finẽ obliuiscitur pauperem cuius paciẽtia non perierit

usq; in finem . Nunc rogat spiritus prophetiæ , ut
 exsurgat dominus contra fortitudinem hominis ,
 ut iudicet gētes in cōspectu suo . Tollat es ab idor
 lis, & statuat eas in ecclesia, Constatuat legislator
 rem super eas , & sciant gentes quia dii non sunt
 quos colunt , sed sciant quia homines sunt . quid,
 inquit, domine recessisti lōge, ita ut despicias opor
 tunitates in tribulatione, In quo dum superbit im
 pius, incenditur pauper, In quocunq; enim iudicio
 pauper & diues auditur, diuite superbiente, pau
 per incenditur. Omnes enim ipsum arguunt, illum
 autem laudant etiam peccatorem in desiderijs ani
 mæ suæ, etiam iniqua agentem benedicunt. Hic est
 peccator irritans dominum . Cum enim non solum
 non arguitur iniqua agens, sed etiam benedicitur,
 si quid autem intrerogatus fuerit secundum multi
 tudinem iræ suæ inquirit. Non est deus ante oculos
 eius, polluitur uia eius in omni tēpore : iudicia tua
 à facie eius abscedunt, & ita omibus inimicis suis
 dominatur, ut dicat in corde suo, non mouebo in
 generatione sine malo : huius os maledictionibus
 plenum, nihilq; blandum habens, cōtra pauperem
 in lingua eius labor est, sedet in insidijs cum diuiti
 bus, diijs ad nihil aliud nisi ut interficiat innocētē:
 hoc sanē quia diuites in suo consilio faciunt , ut in
 laqueo suo capiāt innocentes , & ideo iugiter cla
 mandum

mandum est, exsurge domine & exaltetur manus
 tua, ne obliuiscaris pauperem in finem, ut quid iri-
 scabit impius dominum, dixit enim in corde suo: nō
 requireret deus. Ille autem requirit, & considerat om-
 nia, sed patienter agens expectat, ut tradat eos
 in manus suas, et tollat eos de manibus demonum.
 Ipsi enim derelictus est pauper. quem enim omnes
 despiciūt, Deo cum sine dubio derelinquūt, & or-
 phano patrem non habēti, ipse existit adiutor: Cō-
 terens brachium diaboli qui per phariseos quæsi-
 uit peccatum aliquod, unde argueret dominum &
 non inuenit. Dominus autem regnat in secula seculi-
 lorum, & peribunt gentes de terra eius. Desideri-
 um enim pauperum exaudiuit dominus, & deside-
 ria cordis eorum exaudiuit auris eius, ut iudicetur
 in ecclesia eius pupillo & humili, & ut non adpo-
 nat homo ultra magnificare se super terram, per
 ipsum dominum Iesum Christum qui regnat in se-
 cula seculorum Amen.

In finem psalmus Dauid.

X.

IN domino cōfido, quomodo dicitis animæ meæ
 transmigra in montē sicut passer. Quoniam
 ecce peccatores intenderūt arcum, parauerunt sa-
 gittas suas in pharetra ut sagittent in obscuro re-
 ctos corde. Quoniam quæ perfecisti destruxerūt
 iustus autem quid fecit? Dominus in templo san-
 d et osuo

Et suo, dominus in caelo sedes eius. Oculi eius in pauperem respiciunt, palpebrae eius interrogant filios hominum. Dominus interrogat iustum & impium, qui autem diligit iniquitatem odit animam suam. Pluit super peccatores laqueos, ignis, sulphur & spiritus procellarum pars calicis eorum.

Quonia iustus dominus, et iusticias dilexit, equitatem uidit uultus eius.

COMMENTARIUM.

Potuit dici ad David, ut in modum passeris montis inaccessibilis latebram quaereret tempore quo peccatores contra eum tendebant arcus, siue Saul siue Absalon suus innumerabiles inimici. Sed haec & ad nostram edificationem trahentes, audiamus consilia sanctorum, & ascensus in corde nostro ponentes migremus in montem à conualle fletus, ne nos in campestri loco apertos inueniant, qui parauerunt sagittas suas in pharetra ut sagittent in obscuro rectos corde. Obscurum hic pro occulto posuit. Hi autem qui destruunt quae perficit dominus, hi sunt qui sagittare studet rectos corde. et nos pro peccatis ista patiamur. quare affligitur, qui iustus est, quare fatigatur, quare percutitur? Quid enim mali fecit? agnus immaculatus dominus est, quem uos putantes qualicumque hominem hominis arbitrio tradidistis. Ipse autem in templo

in templo sancto suo est, id est, deus est in Christo mandum concilians sibi. In ipso templo sancto est quod de immaculata uirgine suscipiens sedet in caelis ad dexteram patris, et est in caelo sedes eius. Oculi eius in pauperem respiciunt ut interroget iustum & impium, & quamuis in isto seculo gloria sibi uindicerent peccatores, dum caeperit iudiciū agitari, habebunt talem pluiam super se, qualem psalmographus memorat, ignis & sulphuris & spiritus tempestatis. Iustus est enim dominus tunc qui nunc pius est, & equitatem uidebit, qui nunc iniquitatem attendit. Post iudicium enim eius nō erit peccatū nec possibilitas, nec uoluntas. gloria aeterna qui regnat in secula seculorum Amen.

In finem psalmus Dauid pro octaua. XI.

Saluum me fac domine quoniam deficit sanctus, quoniam diminutae sunt ueritates à filiis hominum. Vana locuti sunt unusquisque ad proximum suum, labia dolosa in corde & corde locuti sunt. Disperdat dominus uniuersa labia dolosa, & linguā magniloquam. Qui dixerūt linguam nostram magnificabimus, labia nostra à nobis sunt, quis noster dominus est? Propter miseriam inopū & gemitum pauperum, nunc exsurgam dicit dominus. Ponam in salutari, fiducialiter agam in eo. Eloquia domini eloquia casta, argētum igne exas-

minatum, probatum terræ purgatum septuplum.
 Tu domine seruabis nos, & custodies nos à gene-
 ratione hac in æternum. In circuitu impij ambul-
 lant, secundum altitudinem tuam multiplicasti fi-
 lios hominum.

COMMENTARIUM.

Item undecimus psalmus pro octaua id est pro
 dominica die ponitur. Saluum me fac domine,
 id est exsurge à mortuis quoniam defecit sanctus,
 defecit credens in te, & diminutæ sunt ueritates à
 filijs hominum. Ecce etiam custodibus corporis tuï
 pecunias offerunt dicentes: Dicite eum furatum à
 discipulis. sed hæc dicentes, Disperdit dominus la-
 bia dolosa & linguam maliloquam. Qui dicunt lin-
 guam nostrã magnificabimus, labia nostra à nobis
 sunt. Id est nos suadebimus eum furatum, nos inter
 nos ista componimus. Iam enim dixerant de eo cū
 uidissent scriptũ rex Iudæorum. Illi dixerant, quis
 noster dominus est? Nos dominum Cæsarem habes-
 mus. sed propter miserã inopum pro quibus pas-
 sus sum, nũc exsurgam dicit dominus. Et ponam in
 salutare meum ac fiducialiter agam in eo. Fiducias-
 liter, id est, passibilitate carens, nulli timori succum-
 bens. Ad hæc credens ecclesia in apostolis cantat
 eloquia domini. Ita sunt uera & casta ut argentũ
 igne purgatũ pro septuplo. Tu ergo domine quia
 mihi

mibi dixerunt, Non est noster dominus, Tu domine seruabis nos & custodies nos à generatiōe hac et in æternū. Nam sicut quando te humiliasti dimi-
nute sunt ueritates à filijs hominum, Ita quando ascendisti in cælos: secundum altitudinem tuam multiplicasti filios hominum, ut qui diminuti fue-
rant in descendente, multiplicati fierent in ascēden-
te, qui regnat in secula seculorum Amen.

In finem psalmus David. XII

VSque quo domine obliuisceris me in finem,
usq; quo auertis faciem tuam à me? Quā
diu ponam consilia in anima mea, dolorem in cor-
de meo per diem? Usq; quo exaltabitur inimicus
meus super me? respice & exaudi me domine deus
meus. Illumina oculos meos ne unquam obdormiā
in morte, nequando dicat inimicus meus, preualui
aduersus eum. Qui tribulant me exultabūt si mo-
tus fuero, ego autem in misericordia tua speraui.
Exultauit cor meum in salutari tuo, cantabo domi-
no qui bona tribuit mihi, & psallam nomini do-
mini altissimi.

COMMENTARIUM.

EX quo inimicus generis humani per præua-
ricationem hominis primi super humanum
genus dominationem obtinuit, obliuionem diuinā
incurrit, quæ obliuio non per passionem, sed per
d 3 auctio

auersionem facta super humanum genus ut dixi, exaltationem inimico relinquere uidebatur. Verū quia aduentus filij dei ista aduersa promittebatur excludere: in totius generis humani persona propheticum carmē exorat, ut respiciat, ut exaudiat, ut illuminet oculos qui obdormierant in morte, ut non dicat diabolus, praeualui, obtinui, & ero dominus in aeternum. qui tribulant me exultabit si motus fuero, hoc est, si desperaui, Exultauit cor meum in salutari tuo, id est in domino nostro Iesu Christo filio tuo, & ipsi cantabo qui bona tribuet mihi, & psallam nomini eius altissimo, qui regnat in secula seculorum Amen.

In finem psalmus David. XIII.

Dixit insipiens in corde suo, non est deus. Corrupti sunt & abominabiles facti sunt in studijs suis, non est qui faciat bonū, non est usq; ad unum. Dominus de caelo prospexit super filios hominum, ut uideat si est intelligens aut requirens deum. Omnes declinauerunt simul inutiles facti sunt, non est qui faciat bonum, non est usque ad unum. Sepulchrum patens est, guttur eorum, lingua suis dolose agebant, uenenum a spidum sub labijs eorum. Quorum os maledictione & amaritudine plenum est, ueloces pedes eorum ad effundendum sanguinem. Contritiō & infelicitas in uis

CORUM

eorum, & uiam pacis non cognouerunt, non est timor dei ante oculos eorum. Nōne cognoscent omnes qui operantur iniquitatem, qui deuorant plebem meam sicut escam panis? Dominum non inuocauerunt, illic trepidauerunt timore, ubi non erat timor. Quoniam dominus in generatione iusta est, consilium inopis confudistis, quoniam dominus spes eius est. Quis dabit ex Syon salutare Israel? cum auerterit dominus captiuitatem plebis sue, exultabit Iacob, & letabitur Israel.

COMMENTARIUM.

Rogatus aduentus domini in duodecimo psalmo, in tertridecimo presentatur, sed hunc uidēs humilem in habitu incredulus populus dicit in corde suo: non est deus. In quo populo omnes declinauerunt, simul inutiles facti deuorabant plebem dei uelut escam panis. Atq; persequētes ipsum dominum & eius apostolos, illic trepidabant timore, ubi non erat timor. Obseruantes sabbata & baptisimata calicum & urceorum. Dei uero filium & eius discipulos ut diximus, persequentes, confitentes se patrem habere Abraham, de genere non de iusticia præsimebant. Dominus autem in generatione iusta est, illi autem consilium inopis confundentes, non considerauerunt quoniā dominus spes eius est. Et licet propter nos pauper factus sit, tamen
d 4 ipse

ipse est qui dedit ex Syon salutem Israel. Non enim ex synagoga sathanæ salus nata est, sed ex Syon, quæ est ecclesia domini, per quam conuertit dominus captiuitatem populi sui, ita ut letetur Iacob in cõuersiõe sua & exultet Israel in Christo Iesu qui regnat in secula seculõrum Amen.

In finem psalmus Dauid. XIIII.

Domine, quis habitat in tabernaculo tuo, aut quis requiescet in monte sancto tuo?

Qui ingreditur sine macula, & operatur iusticiam.

Qui loquitur ueritatẽ in corde suo, qui non egit dolum in lingua sua. Nec fecit proximo suo malum, & opprobrium non accepit a duersus proximos suos. Ad nihilum deductus est in conspectu eius malignus, timentes autẽ dominum glorificat.

Qui iurat proximo suo & non decipit, qui peruntiam suam non dedit ad usuram, & munera super innocentem non accepit. Qui facit hæc, non commouebitur in æternum.

C O M M E N T A R I U M.

Omnis maculatus ingreditur tabernaculum domini, & ibi immaculatus efficitur. Iesus autem immaculatus solus uirginem aulam ingressus, ipsum tabernaculum à maculis carnalibus liberauit, & dedit sanctificationem potius quàm accepit. quoniam lex tota in decalogi summa concluditur

ditur decemplices eius in isto psalmo formas expressit, quibus ea docuisse quæ fecisse probatur. Nam ingressu suo tabernaculum à maculis ementium & uendentium liberauit, & operatus est iusticiam, salutem hominis sabbato ferijs præponendo. Loquebatur autem ueritatem in corde suo, nihil cogitans, nisi uoluntatem patris. Non egit dolum in lingua sua, siquidem ex lingua eius sermo egressus, cæcis lumen, salutem ægrotantibus, & uitam mortuis conferebat. Opprobrium non accepit aduersus proximū suum, Si quidem etiam Iudæ osculo suscepit. Ad nihilū deductus est in cōspectu eius malignus, prohibens utiq; bonum fieri. Timentes autem dominum ita magnificauit, ut daret eis potestatem filios dei fieri. Iurauit & proximo suo & non decepit. Quid iurauit? Illud sine dubio. quod promisit, dicens: Amen dico uobis, quia si manseritis in sermonibus meis, iam nō dicam uos seruos, sed amicos, & omnia quæ promisit credentem in se proximum non decepit. Pecuniam uero suam non dedit ad usuram. Pecuniæ eius uirtutes sanitatum erant, quæ non solum ipse ab ullo nihil accipiēs exerceuit, sed & ipsos discipulos suos taliter informauit, dum daret eis potestatem infirmos curandi ac mortuos suscitandi, diceretq;: Gratis accepistis gratis date. Munera super innocentes non solum non
d 5 accepit

accepit, sed etiam ipse seipsum dedit redemptionem pro omnibus. Completis ergo his decem uirtutum iudicijs, in hoc de caelo & perfectionem impletam ostendit & adiecit dicens, qui facit hæc, id est, qui hunc imitatus fuerit non commouebitur in eternū. Ipsi gloria in secula seculorum Amen.

Tituli inscriptio ipsi Dauid XV.

Conserua me domine quoniã speraui in te, dixi domino: deus meus es tu, quoniam bonorum meorū non eges. Sanctis qui sunt in terra eius, mirificauit omnes uoluntates meas in eis.

Multiplicate sunt infirmitates eorū, postea accelerauerunt. Non congregabo cōuenticula eorum de sanguinibus, nec memor ero nominum eorum p̄ labia mea. Dominus pars hereditatis mee, et calicis mei: tu es qui restitues hereditatem meā mihi. Funes ceciderunt mihi in præclaris, etenim hereditas mea præclara est mihi. Benedicam dominum qui tribuit mihi intellectū, in super & usq; ad noxam increpauerunt me renes mei. Prouidebam dominum in conspectu meo semper, quoniam à dextris est mihi ne commouear. Propter hoc letatum est cor meum, & exultauit lingua mea, in super et caro mea requiescet in spe. Quoniã non dereliques animā meam in inferno, nec dabis sanctum tuum uidere corruptionē. Notas fecisti mihi

uias uite, adimplebis me leticia cum vultu tuo,
delectationes in dextera tua usq; in finem.

COMMENTARIUM.

A Quinquagesimo quinto psalmo usq; ad
quinquagesimum nonum omnes habent
tituli inscriptiones, sed non puras. Iste autem psal-
mus sola tituli inscriptione prenotatur, qua osten-
ditur plus ad mysticam intelligētiā quā ad hi-
storicam decantatus, in quo aduertimus hominem
perfectum Iesum Nazarenū ad passionem euntē,
huius psalmi orationem effundere. Quamuis enim
deus esset in Christo, mundum reconcilians sibi, ta-
men passibilitatibus subiacebat, & timore enim &
mestitia agebatur. Et ideo alloquens diuinitatem
adorat, dicens: Conserua me domine, quoniam sper-
raui in te, non ad arrogantiam ductus pro im-
maculata conscientia superbe sapui, sed dixi do-
mino, deus meus es tu, & quamuis omnia opera
mea, & omnia uerba mea & omnia cogitata mea
bona sint, tamen tu qui me assumpsisti bonorum
meorum non eges. Non enim pro dei necessitate
assumptus est homo, sed pro hominis necessitate su-
sceptus est deus. Hic autem homo qui assumptus
à deo inter omnes sanctos mirificauit uoluntates
suas, ita ut omnium meritā inestimabili uirtute
transcenderet, & nullum sibi poenitus similem in-
ueniret

ueniret, & licet multiplicatæ sunt infirmitates eorum tamen exemplo domini accelerauerunt tēdentes ad palmam, quos à societate malorum segregās dominus dicit: Non congregabo conuenticula eorum de sanguinibus: id est, credentes in me, segregabo ab eis qui in effusione sanguinis delectātur: nec memor ero nominum eorum per labia mea, negans eos coram patre & angelis. Dominus enim pars mea & passionis meæ, id est, calicis mei. In quo funes ceciderunt, id est, sortes ceciderunt. Mihi in preclaris, in Apostolis sine dubio, Etenim hæreditas mea tam preclara est, ut ipsi sint usq; hodie lux huius mundi, in quibus benedicitur deus, qui ad hæc tribuit intellectum, nec solum ea quæ lucida sunt, sed & illa quæ occulta sunt, non à corde, sed ab ipsis renibus erudiebar, ut prouiderem dominū in conspectu meo semper. Ipse est enim à dextris meis ne commouear, ut hoc quod peccatum non feci, nec dolus inuentus est in ore meo, non humanitati, sed diuinitati ascribam. Propter hoc delectatū est cor meum, et exultauit lingua mea, et ipsa caro mea requiescit in spe, quoniā à dextris meis dominus, ut non commouear. Et ideo non derelinques in inferno animam meam, nec dabis sanctum tuum uidere corruptionem, quia notas mihi fecisti uias qua itur ad æternitatem, in quibus post tristitiam

passionis

passionis adimplebis me leticia cum uultu tuo, & ascendens in caelos dabis delectationes in dextera tua usque in finem. Ipsi gloria in secula seculorum Amen.

Oratio David XVI.

EXaudi domine iusticiam meam, intende deprecationem meam. Auribus percipe orationem meam, non in labijs dolosis. De uultu tuo iudicium meum prodeat, oculi tui uideant equitatem. Probasti cor meum, & uisitasti nocte, igne me examinasti, & non est inuenta in me iniquitas.

Vt non loquatur os meum opera hominum, propter uerba labiorum tuorum ego custodiui uias duras. Perfice gressus meos in semitis tuis, ut non moueantur uestigia mea. Ego clamaui quoniam exaudiisti me deus, inclina aurem tuam mihi & exaudi uerba mea. Mirifica misericordias tuas, qui saluos facis sperantes in te. A resistantibus dexterae tuae custodi me, ut pupillam oculi. Sub umbra alarum tuarum protege me, à facie impiorum qui me afflixerunt. Inimici mei animam meam circundederunt, adipem suum concluderunt, os eorum locutum est superbiam. Projicientes me nunc circundederunt me, oculos suos statuerunt declinare in terram. Susceperunt me sicut leo paratus ad praedam, & sicut catulus leonis habitas in abditis.

EXHT

Exurge domine praeueni eum & supplantam eum, eripe animam meam ab impio, frumentum tuam ab inimicis manus tuae. Domine à paucis de terra diuide eos in uita eorum, & de absconditis tuis adimpletus est uenter eorum. Saturati sunt filijs & dimiserunt reliquias suas paruulis suis. Ego autem in iusticia apparebo cōspectui tuo, satiabor cū apparuerit gloria tua.

COMMENTARIUM

Titulus orationem insinuat: In qua de iusticia & de iudicio à deo regulam sumit, ut cū iudicat hominē homo, memor sit cū ad imaginē dei factū, et non in labijs doloſis de uultu dei iudicium suum proferat, sed oculi eius uideant equitatem, non dicat, hic diues & hic pauper, sed dicat, hic nocens, et hic innocens, etiam si patiatuſ aduersa, quia iustus iudex poterit factionibus fatigari, non iusticia. Hic tamen etiam ignibus examinatus est, & nō est inuenta in eo iniquitas. Quare? propter uerba, inquit, labiorum tuorum, quia ipse dixisti: Non accipies personam potentis in iudicio. Ergo propter haec quae iussisti, etiam uias duras custodiendas credidi, non timēdo mitas carnificum, non timendo iacturam omniū rerum. Verum quia qui permanens erit, hic saluus erit. Deprecor, ut perficias gressus meos in semitis tuis, ut non moucantur

tur

tur uestigia mea. Non timeam homines iniustos, et salua me à resistentibus dextera tue. Custodi me ut pupillam oculi, id est, in omni hora, in omni puncto, & sub umbra alarum tuarum protege me. Umbra alarum pro affectu domus diuinæ ponitur. & facie impiorum qui me affligerūt, Impiorum Pharisæorum intellige. Qui adipem suum concluserūt, id est, pingues facti. Os eorum loquutum est superbiam. Prædicantes me, tunc de synagoga. Circunderunt me, nunc ut crucifigant. Oculos enim suos statuerunt declinare in terram, & non cõsiderantes cœlorum iudicem, sic susceperunt me: sicut leo paratus ad prædam, & sicut catulus leonis. Leonem populum sacerdotum, catulum leonis populũ subditum sacerdotibus posuit. Illis frementibus super captum, illi seditiosa rabie deuorabant. Exsurge domine, præueni eos, suscitans Christum tuum, quo resurgente subuertes eos, Habet enim ruinam hanc inuidia, ut euersum dicat susceptum suum, si hunc quem decipi studuit, uideat triumphantem. Eripe, inquit, animam meam ab impio, id est, à mortis iugo, & gladium inimicorum de manu tua euelle. frameam humanæ literæ, specialiter dicunt lanceam regis, nos autem frameam generaliter gladium in scripturis sanctis accipimus. Quod autem à paucis rogat ut separentur hi qui cum affligunt,

hæc ratio est, quod dum teneretur ait: Ego sum quæ
 queritis: hos dimittite, de quibus ipse dixerat:
 Multi quidem uocati, pauci uero electi. A paucis
 ergo hos persecutores meos diuide, & subplanta
 eos in uita ipsorum. Subplantatur qui priuilegium
 amittit, sicut Iacob Esau subplantatus est, non per
 maliciam Iacob, sed per contemptum Esau, qui tam
 pro nihilo habuit primatus, ut unius cibi uilissimi
 etiam pretio computaret. Ita ergo & hi de abscon
 ditis dei quasi de porcina faciati sunt, nolentes dare
 reuerentiam mysterijs eius. Si enim scrutari cum
 reuerentia uoluissent uoces propheticas, agnum
 acciperent Christum, salutem suam in eius sangui
 ne collocantes. Nunc autem quasi porcina exet
 crabilem comedentes Iudæi, ita eo abusi sunt, in
 quo faciati ipsi sanguine eius, etiam ad paruulos
 suos reliquias criminis transtulerunt dicentes: San
 guis huius super nos, & super filios nostros. Ec
 clesia autem execrans eos dicit, quod sit cum iustit
 cia in cõspectu dei, & facietur dum apparuerit de
 xtera eius in Christo Iesu; qui regnat in secula se
 culorum Amen.

In finem puero domini Dauid, qui locutus est
 domino uerba cantici huius in die qua cri
 puit eum dominus de manu inimicorum eius.

& de manu Saul, & dixit. X VII

Diligam

Diligam te domine fortitudo mea, dominus firmamentum meum & refugium meum et liberator meus. Deus meus adiutor meus, & sperabo in eum. Protector meus, & cornu salutis meae, & susceptor meus. Laudans inuocabo dominum & ab inimicis meis saluus ero. Circundederunt me dolores mortis, & torrentes iniquitatis conturbauerunt me. Dolores inferni circundederunt me, præoccupauerunt me laquei mortis. In tribulatione mea inuocaui dominum, & ad deum meum clamaui. Et exaudiuit de templo sancto suo uocem meam, & clamor meus in conspectu eius introiuit in aures eius. Commota est & contremuit terra, fundamenta montium conturbata sunt & commota sunt, quoniam iratus est eis. Ascendit fumus in ira eius, & ignis à facie eius exarsit, carbones succensi sunt ab eo. Inclinauit caelos, & descendit, et caligo sub pedibus eius. Et ascendit super Cherubin & uolauit, uolauit super pennas uentorum. Et posuit tenebras latibulum suum in circuitu eius tabernaculum eius, tenebrosa aqua in nubibus aeris.

Præ fulgore in conspectu eius nubes transierunt, grandis & carbones ignis. Et intonuit de caelo dominus & altissimus dedit uocem suam, grandis & carbones ignis. Et misit sagittas suas & dissipauit eos, fulgura multiplicauit & conturbauit

eos. Et apparuerunt fontes aquarum, & reuelata sunt fundamenta orbis terrarum. Ab increpatione tua domine, ab inspiratione spiritus ire tue.

Misit de summo & accepit me, & assumpsit me de aquis multis. Eripuit me de inimicis meis fortissimis, & ab his qui oderunt me, quoniam confortati sunt super me. Preuenerunt me in die afflictionis mee, & factus est dominus protector meus. Et eduxit me in latitudinem, saluum me fecit, quoniam uoluit me. Et retribuet mihi dominus secundum iustitiam meam, & secundum puritatem manuum mearum retribuet mihi. Quia custodiui uias domini, nec impie gessi à deo meo. Quoniam omnia iudicia eius in conspectu meo, & iusticias eius non repuli à me. Et ero immaculatus cum eo, & obseruabo me ab iniquitate mea. Et retribuet mihi dominus secundum iustitiam meam, & secundum puritatem manuum mearum in conspectu oculorum eius. Cum sancto sanctus eris, & cum uiro innocente innocens eris. Et cum electo electus eris, & cum peruerso peruerteris. Quoniam tu populum humilem saluum facies, & oculos superborum humiliabis. Quoniam tu illuminas lucernam meam domine, deus meus illumina tenebras meas. Quoniam in te eripiar à tentatione, & in deo meo transgrediar murum. Deus

meus impolluta uia eius, eloquia domini igne examinata, protector est omnium sperantium in se.

Quoniam quis deus, præter dominum, aut quis deus præter deum nostrum? Deus qui præcinxit me uirtute, & posuit immaculatam uiam meam. Qui perfecit pedes meos tanquam ceruorum, & super excelsa statuens me. Qui docet manus meas ad prælium, & posuisti ut arcum arcum brachia mea.

Et dedisti mihi protectionem salutis tuæ, & dextera tua suscepit me. Et disciplina tua correxit me in finem, & disciplina tua ipsa me docebit. Dilatasti gressus meos subtus me, & non sunt infirmata uestigia mea. Persequar inimicos meos, & comprehendam illos, & non conuertar donec deficiant.

Confringam illos, nec poterunt stare, cadent subtus pedes meos. Et præcinxisti me uirtute ad bellum, & supplantasti insurgentes in me subtus me.

Et inimicos meos dedisti mihi dorsum, & odientes me disperdidisti. Clamauerunt, nec erat qui saluos faceret, ad dominum, nec exaudivit eos. Et comminuam eos ut puluerem ante faciem uenti, ut lutum platearum delebo eos. Eripies me de contradictionibus populi, constitues me in caput gentium. Populus quem non cognoui seruiuit mihi, in auditu auris ostendit mihi. Filij alieni mentiti sunt mihi, filij alieni inueterati sunt, & claudicauerunt

uerunt à semitis suis. *Viuít dominus & benedictus deus meus, & exaltetur deus salutis meæ.* Deus qui das uindictas mihi & subdis populos sub me, liberator me⁹ de inimicis meis iracundis. Et ab insurgētibus in me exaltabis me, à uiro iniquo eripies me. Propterea confitebor tibi in nationibus domine, & nomini tuo psalmum dicam. Magnificans salutes regis eius, & faciens misericordiam Christo suo Dauid, & semini eius usq; in seculum.

COMMENTARIUM.

Septimidecimi titulus indicat quidem historiam, quam qui melius quàm in psalmo canitur scire uoluerit, Regum uolumina legendo, reperiet & qualiter pugnauerit et uicerit, & qualiter suorum omnium euaserit hostium manus. Nostrū autem hoc est propositum, ut mystica moralibus admiscentes: tunc dicamus domino diligam te, cum omnibus amoribus finem quendā & terminum ponentes ipsi dicimus diligam te. Tunc enim uere crepti de manu omnium inimicarū nostrorum, id est, de manu omnium uiciorum, & de manu Saul, id est, de manu principis huius mundi, dicimus deo diligam te. Interrogemus tamen dominum & dicamus: Quis est qui diligit te? Respōdebit enim nobis per Euangelistam suum & dicit: Qui audit uerba mea & facit ea, hic est qui diligit me. Ipse dicit: Dominus

Dominus firmamentum meum, id est, de quo non dubito. Ipse refugium meum, ipse est liberator meus, ipsum laudans & ipsum inuocans ab inimicis meis saluus ero. Deniq; præterita dicam, ut futura non dubitem, dum circumdedissent me gemitus mortis, & iniquitates & dolores & laquei, clamaui ad eum credens. Et exaudiuit de templo sancto suo uocem meam, & clamor meus introiuit in aures eius. Et ex hoc loco futuri iudicij qualitas panditur, cuius nos terror, si credimus purgat. Tunc enim ita terra tremore concutitur, ut ipsa fundamenta montium conturbentur. Irascente enim domino, etiam ignis ipse ardescit. Vt enim ignis omnem materiæ à facie sua facit exardescere: ita ipse ignis à facie dei exardescet, cum inclinauerit cælos & descenderit & experit esse caligo sub pedibus eius. Cuius eius? sine dubio eius qui ascendit super Cherubin & uolauit super pennas uertorum, quiq; posuit tenebras latibulum suum. Tenebras hic pro inuisibilitate posuit, unde & sequitur: In circuitu eius tabernacula eius, & tenebrosa aqua in nubibus aeris. Tunc erit grando simul & carbones ignis, cum tonuerit de cælo dominus, & altissimus dederit uocem suam: mittet sagittas suas, ut dissipet eos, ut fulgura multiplicet, & conturbet eos. Tunc parebunt fontes aquarum, tunc parebit quan-

Et sit uirtus baptismatis, tunc cū reuelabuntur fun-
 damenta orbis terræ, Ab increpatione domini &
 ab spiratione spiritus iræ eius. Tunc dicit ecclesia,
 misit de summo & assumpsit me de multitudine a-
 quarum, unius enim aque sanctificatione me uoluit
 consecrari, per quam eripuit me ab inimicis meis
 fortissimis, & ab his qui oderunt me, quoniam con-
 fortati sunt super me. Præuenerunt me nanq; in
 die afflictionis meæ, tempore quo gladius secuit
 p̄ uiscera matris, & factus est dominus susceptor
 meus. Et produxit me ab angustijs in latitudine,
 liberauit enim me ab inimicis meis fortissimis, &
 retribuit mihi secundum iusticiam meam, quia cus-
 todiui uias domini usq; ad mortem, nec timens gla-
 dium hominū impie gessi à deo meo. Iudicia enim
 eius sēp ante oculos habui, & iustitias eius nō rep-
 tuli à me. Vnde & populus martyrum eius dicit:
 Ero immaculatus cum eo. Cum eo utiq; qui imma-
 culatus in cruce pro iniquitatibus nostris passus
 est. Et obseruabo me ab iniquitate mea, quam utiq;
 in martyrio deposui. Tūc retribuet mihi dominus
 secundum iusticiam meam, & secundum innocen-
 tiam manuum mearum in cōspectu oculorum eius.
 Nam quod memorat: Cum sancto sanctus eris, non
 ad illud respicit quod usitata uulgo sententia dici-
 mus: Cum quo aliquis iūgitur, talis erit. Hec quis
 dem

dem sententia uera est, sed non pertinet ad interpretationem presentium uersuum, Hoc enim in loco si uis planum, facere sensum canentis, Illud ad memoriam reuocabis, quod per prophetam dominus dicit ad populum: Si ambulaueritis in conspectu meo recti, & ego uobiscum rectus incedam: si uero ambulaueritis peruersi, & ego uobiscum peruersus ero. Ipsi ergo Psalmista loquitur, Cū sancto sanctus eris, cum innocente innocēs & cetera. Unde & adiecit: Tu enim, inquit, populum humilem saluum facies, & oculos superborum humiliabis. Verum, quia posuit tenebras latibulum suum, & uidere mysteria scripturarum eius non possumus, ipsi clamemus cum propheta: Quoniam tu illuminas lucernam meam domine. Sicut lucerna corporis oculus, ita lucerna animæ mens est, in qua nisi oleum gratiæ suæ Christus infuderit, penitus lumen habere non poterit. Lucernam ergo suam clamat propheta illuminari à domino, quæ si acciperit lucendi materiam, ostēdit foueas in quas incauti ruunt, & laqueos in tenebris positos. In tenebris enim nisi lumen habuerit ambulans, aut offendiculum incurrit, aut incursum penitus non euadit, unde & propheta: Cum illuminaueris, inquit, tenebras meas, ita demum eripiar à temptatione, & in te deo meo transgrediar muros, sicut

Sampson clausis portarū ianuis intra muros clausos per uirtutem dei trāsgressus est muros. Transgredimur & nos muros, cun de isto corpore exeuntes, eos qui nos circundant euadimus. In deo autem migramus, si impollutam uiam uitæ nostræ ambulauerimus. quia ipsa est uia dei, in qua ambulantibus protector est omnium sperantium in se. Ipse enim eos præcingit uirtute, & facit immaculatam uiam eorum ut fugiant quasi cerui. Quid fugiant? Sine dubio omne facinus. Omne quippe peccatum ex abiectioe uitiorum. Super excelsa uirtutum ascendunt, si tamen ipse doceat manus nostras in prælio, quia sine rebellantibus ad refugium montium non uenitur, & ponat ut arcum æreum brachia nostra, ut in oratione non deficient, quoniã dum sunt extensæ in cruce Amalech uincitur. Si ergo ipse eis dederit fortitudinem, ut quasi arcus æreus in orationibus perseuerent, non solum nos effugientes euadimus persequentes, sed nos persequimur inimicos nostros, & comprehēdimus eos, & non conuertimur donec deficient. Affligimus eos, ut ante nos stare non possint, sed cadāt sub pedibus nostris, si tamen præcincti fuerimus uirtute ad bellum, tunc insurgentes super nos, erūt subter nos. Et inimicorum nostrorū dorsa uidebimus fugientium, non facies persequentium, ita ut com-

minuamus

minuamus eos ut puluerē ante faciem uenti, & ut lutū platearū deleamus eos. Hæc omnia nobis per illum euenient, qui posuit ut arcum æreum brachia in cruce, & quotidie interpellat pro nobis. Ipse enī dicit ad patrem: Eripies me de cōditionibus populi increduli, & cōstitues me in caput gentiū. Et adiecit: Populus quē non cognoui seruiuit mihi. Magi crediderunt: quos deus non dignatur cognoscere, & illis seruientibus & munera offerētibus Iudæi abnegant, & in eius persecutionibus perseuerant: filij alieni menti sunt mihi dicētes: Scimus quā à deo uenisti, et in ueritate doces, sed ista uerba eorum erant plena dolo mendacij, in quo inueterati sunt, et claudicauerūt à semitis suis. A semitis utiq; in quibus eos docuerūt ambulare prophete, sed uit dominus, licet eum crucifigatis, & sepultū cernatis, ille tamen resurget & uiuit, & exaltabitur in coelis deus salutis meæ, ipse dabit uindictā hanc ecclesie suæ, ut subdat populos sub ea, & sit liberator eius à gentibus iracundis, & ab insurgentibus super eam, et exaltet eam super petrā, ut portæ inferni non præualeant aduersus eam. Et à uiro iniquo eripiat eam, id est, à prauo doctore. Propterea confitetur ei in populis, & psalmum dicit nomini eius, Qui magnificat salutare regis eius, & faciet misericordiam Christo suo Dauid, cum ex semine

eius excitat regnum quod imperet in secula seculorum Amen.

In finem psalmus David XVIII.

CEli enarrant gloriam dei, & opera manus. Cum eius annunciat firmamentū. Dies diei eructat uerbum, & nox nocti indicat scientiam. Non sunt loquelæ neq; sermones, quorum non audiantur uoces eorum. In omnem terram exiuit sonus eorum, & in fines orbis terræ uerba eorum.

In sole posuit tabernaculum suum, & ipse tanquã sponsus procedens de thalamo suo. Exultauit ut gigas ad currendam uiam suam, à summo cælo egressio eius. Et occursum eius usq; ad summum eius, nec est qui se abscondat à calore eius. Lex domini immaculata conuertens animas, testimonium domini fidele sapientiam præstans paruulis. Iusticie domini recte letificantes corda, præceptū domini lucidum illuminans oculos. Timor domini sanctus permanēs in seculum seculi, iudicia domini uera iustificata in semetipsa. Desiderabilia super aurum & lapidem preciosum multum, & dulciora super mel & fauum. Etenim seruus tuus custodit ea, in custodiendis illis retributio multa. Delicta quis intelligit? ab occultis meis munda me, & ab alienis parce seruo tuo. Si mei non fuerint domi-

esto maximo. Et erūt ut cōplaceāt eloquia oris mei
 & meditatio cordis mei in conspectu tuo semper.
 Domine adiutor meus & redemptor meus.

COMMENTARIUM.

Sicut terreni narrauerunt gloriam hominum,
 ita cœlestes enarrant gloriam dei. Sic autem
 proprium locum relinquentes magi stellæ in dicio,
 narrabant ipsi gloriam dei. Sed & cœli facti sunt
 Apostoli, habentes in se solem iusticiæ, & merita
 in modum stellarum pro uarietate diuerso splendo
 re radiantia. Ipsi ergo narrantibus gloriam dei,
 opera manuum dei annunciabant doctrinæ eorum
 firmamentum: siue quia crux, quæ firmamentum
 est æternum, opere manuum eius triumphauit &
 uicit: siue quia curabantur infirmi & suscitabātur
 mortui, opera manuum eius annunciant firmamen
 tum. Cum dies loquebatur ad diem, & nox loque
 batur ad noctē, quia sic de die in diem ibat, & nox
 loquebatur ad noctem uerbum, & de nocte in no
 ctem, ut eius scientia panderetur. Hæc simpliciter.
 Cæterum dici dies patris filius est, pater ergo eru
 ctauit uerbū, quod uerbum inuolutū in nocte uen
 tris uirginei, inuoluto in nocte uentris sterilis Eli
 zabet sui indicauit scientiam. Hæc Apostoli prædi
 cantes non fuit loquela, neq; sermo quorum non
 audirentur uoces eorum, ita ut uniuersarum gen
 tium

tium loquaces dicerent de eis. Nonne hi uiri Galilæi sunt, & quomodo unusquisq; lingua nostra audiuimus eos loquentes magnalia dei? Horum autem sonus in omnem terram progressus est, & in fines uniuersi orbis uerba eorum penetrarunt, tempore quo dominus in solem posuit tabernaculum suum. In solent, non istum qui ministerium diuinum exercens, horarum mēsuras sub certa temporū norma discurret: sed solem iusticiæ, qui in splendore uite æternæ uirgineo æditus aluo, lumen uerum mentibus fulsit, & est egressus de uirgine sicut sponsus de thalamo. Hic exultauit ut gigas ad currendam uiam, immaculatus utiq; ambulauit in uia in lege domini: à summo cælo egressio eius. Non ex semine uiri, sed ex ore patris qui est in summo cælorū. & occursum eius usq; ad summum eius. Non enim de oriente in occidentem, aut quasi de alto ad ima, sed de summo in summū, de alto in altū, & de uirtute in uirtutem, atq; à summo ad summum. non erit qui se abscondat à calore eius. Nulla enim gens erit in hoc seculo, ad cuius noticiam non attingat calor fidei Christianæ, in qua est lex domini irreprehensibilis, conuertens animas, inuitans ab errore ad iter rectum, à mendacio ad ueritatem: ibi sunt iusticiæ letificantes corda. Quid enim tam iustum gaudium cordis, quàm hoc in quo iubemur omnia que uolumus

uolumus, ut faciant nobis homines, eadem nos faciamus eis. Hoc præceptū tam lucidum est, ut etiā cæcorum illuminet oculos, si tamen timor domini in nobis permanet, per quem consideremus iudicia dei uera iustificata in semetipsa. Et desideremus ea super aurum & lapidem preciosum, & dulciora nobis fuerint super mel & fauum: quoniā qui seruus est domini, custodit ea: & credit, quod in custodia præceptorum dei retributio tam multa sit, ut non sint condignæ passionēs huius temporis ad futuram gloriam, que reuelabitur in nobis: si tamen lapsus nostros & delicta nostra intelligere studeamus, quod arguit Psalmista, nullū uelle intelligere delicta sua. Arguendo enim non negando cantauit dicens: Delicta quis intelligit? Sicut in centesimo sexto dicit: Quis sapiens hæc intelligit? & hic ita: Delicta quis intelligit? Sæpe enim temeritatem constantiam dicimus, & iniuriam libertatem uocamus, fatuitati simplicitatis nomen imponimus: & adulationem charitatem integerrimā appellamus. Ad hæc da scrutantē cordis oculum, intelliget ista, & idcirco clamat, q̄ intelligit: Ab oculis meis munda me domine, quia ipsa quæ in me sancta putatur, reatui subiacent: & ab alienis peccatis quibus adulando fomitem exhibemus, parce seruo tuo, quia si in me per adulationem non fuerint dominati,

tunc

tunc immaculatus ero, & mundus ero à delicto máximo, quando autem sine adulatione loquutus fuerro, tunc tibi placebunt eloquia oris mei. Tunc erit meditatio cordis mei in conspectu tuo semper. Nihil enim cogitat qui non adulatur, nisi hoc, quod nō timeat uidere deum, & ideo ipsi deo securus loquitur, & placebunt ei eloquia eius, quia meditatio cordis eius in conspectu dei est. Et huic dicit: Adiuutor meus & redemptor meus, qui regnat in secula seculorum Amen.

In finem psalmus David XIX.

EXaudiat te dominus, in die tribulationis protegat te nomen dei Iacob. Mittat tibi auxiliū de sancto, & de Syon tueatur te. Memor sit omnis sacrificij tui, & holocaustum tuum pingue fiat. Tribuat tibi secundum cor tuum, & omne consilium tuum confirmet. Letabimur in salutari tuo, et in nomine domini dei nostri magnificabimur. Impleat dominus omnes petitiōes tuas, nunc cognoui quoniam saluum fecit dominus Christum suum. Exaudiet illum de cælo sancto suo, in potentatibus salus dxeteræ eius. Hi in curribus, et hi in equis, nos autem in nomine domini dei nostri inuocabimus. Ipsi obligati sunt & ceciderūt, nos autem surreximus & erecti sumus. Domine saluū fac regem, & exaudi nos in die qua inuocauerimus te.

Comment

COMMENTARIUM.

Christo eunti ad crucem dicit ecclesia: Exaudi te dominus in die tribulationis. Homini utiq; qui se obtulit redemptionem pro omnibus: Holocaustum, inquit, tuum pingue fiat, quod in altari crucis offers, & ita omne consilium tuum confirmet, ut letemur in salutari tuo, & in nomine domini dei nostri inuocemus te, cū resurrexeris à mortuis: saluum enim facit dominus Christum suum, & ita erit in potentatibus salus dextera eius, ut à dexteris suis latronē ad paradysum ducat. Alij confidunt in curribus, alij in equis, nos in nomine domini dei nostri magnificabimur, & illis cadentibus, nos resurgimus, quia rex noster saluus factus est, & resurgens à mortuis ascendit in cœlos, & sedens ad dexteram dei patris, exaudit nos in die qua inuocauerimus eum, ipsi gloria in secula seculorum Amen.

In finem psalmus David

XX.

Domine in uirtute tua letabitur rex, & super salutare tuum exultabitur uehemēter. Desiderium cordis eius tribuisti ei, & uoluntate labiorum eius non fraudasti eum. Quoniam præuenisti eum in benedictionibus dulcedinis, posuisti in capite eius coronam de lapide precioso.

Vnam

Vnam petisti à te, tribuisti ei & longitudinem dierum in seculum & in seculum seculi. Magna est gloria eius in salutari tuo, gloriam & magnum decorem impones super eum. Quoniam dabis eum in benedictionem in seculū seculi, letificabis eum in gaudio cum vultu tuo. Quoniam rex sperat in domino, & in misericordia altissimi non commouebitur. Inueniatur manus tua omnibus inimicis tuis, dextera tua inueniat omnes qui te oderunt.

Pones eos ut clybanum ignis in tempore vultus tui, dominus in ira sua conturbabit eos, & deuorabit eos ignis. Fructū eorū de terra perdes, & semē eorū à filiis hominū. Quoniā declinauerunt in te mala, cogitauerunt consilia quæ non potuerunt stabilire. Quoniam pones eos dorsum, in reliquijs tuis preparabis vultum eorum. Exaltare domine in uirtute tua, cantabimus & psallemus uirtutes tuas.

COMMENTARIUM.

Regem hoc in loco hominem perfectum appellat, non in uirtute sua, sed in uirtute eius letatē qui eum assumpsit, qui desiderium cordis eius tribuit ei, & uoluntate labiorū eius non fraudauit eum: præuenit enim eum in benedictione dulcedinis. Amāti enim præcepta eius, dulcis est, isq; imperat sicut superius dixit: Super mel & fauorem
ori

ori meo. Benedictio ergo dulcedinis est corpus eius: gustate, ait, & uidete quod suavis est dominus. hoc autem quod dicit, Posuisti super caput eius coronam: imitator Christi Paulus, hos appellat gaudium suum & coronam suam, qui eius monita amplectebantur, quia Apostoli in eius gloria gloriabantur. de his dicitur: Corona imposita in capite domini, facta ex lapide precioso, sicut Ezechielis prophetia, & Ioannis Apocalypsis loquitur. Unam petijt. de assumpto homine agit, uitam enim positus in morte suscepit, & longitudinem dierum non usque ad senectutem, sed in seculum seculi. Magna enim gloria eius, in quo magna est non in arrogantia diuinitatis, sed in salute humanitatis, & ideo gloriam & magnum decorem impones super eum, & dabis eum in benedictione eterna, quia sic sperauit in domino, & in misericordia eius commotus non est, ut pro salute generis humani etiam seipsum sacrificari permetteret. ex hoc loco pater ad filium loquitur. inueniatur manus tua omnibus inimicis tuis, dextera tua illa quae in cruce clauos accepit, ipsa inueniat eos qui te oderunt, pone eos ut clibanum ignis, in tempore uultus tui. Tunc in ira tua conturbabis eos & deuorabit eos ignis. Iudicij enim dies dum uenerit, fructus eorum qui increduli perseverant, a terra periet. Nam eos fructificat in resurrectione

f resurrectio

surrectiōis fructu, quos seminatos accepit in obitu. nam corpora nostra seminari Apostolus probat, cum dicit. Seminatur in corruptione, surgit in incorruptionem, sed hi qui declinant in Christo mala, sicut tunc Iudei, & contra eum peruersitatis sue cogitant cōsiliū, In die illa ponentur in dorso, & in reliquijs suis preparat uultum illorum. Hoc est non in prima anastasi resurgunt cū sanctis, sed quod residuum fuit resurrectioni prime, in eo preparabit uultum illorum. Tunc laudes domino Iesu Christo offerentes in hymno, & ista uerba cantabimus, ut dicamus ei: Exaltare domine in uirtute tua. Iam non in persona serui latibulum tuæ uirtutis obumbras, sed exaltare in uirtute tua, & sentiant te ultorem qui nostrū te credere dubitant saluatorem, tibi gloria in secula seculorum Amen.

In finem psalmus Dauid pro susceptione matutina

XXI.

Deus deus meus respice in me, quare me dereliquisti, longe à salute mea uerba delictorum meorum. Deus meus clamabo per diem, & non exaudies, & nocte, & non ad insipientiam mihi. Tu autem in sancto habitas laus Israel. In te sperauerunt patres nostrī, sperauerunt & liberasti eos. Ad te clamauerunt, & salui facti sunt, in te sperauerunt, & non sunt confusi. Ego autem sum.

sum uermis & non homo, opprobrium hominum
& abiectio plebis. Omnes uidentes me derise-
runt me, locuti sunt labijs, & mouerunt caput.

Sperauit in domino, cripiat eum, saluum faci-
at eum, quoniam uult eum. Quoniam tu es qui
extraxisti me de uentre, spes mea ab uberibus ma-
tris meae, in te proiectus sum ex utero. De uentre
matris meae deus meus es tu, ne discesseris à me.

Quoniam tribulatio proxima est, quoniam non
est qui adiuuet. Circumderunt me uituli multi,
tauri pingues obsederunt me. Aperuerunt super
me os suum, sicut leo rapiens & rugiens. Sicut
aqua effusus sum & dispersa sunt omnia ossa mea.

Factum est cor meum tanquam cera liquefcens
in medio uentris mei. Aruit tanquã testa uirtus
mea, & lingua mea adhæsit faucibus meis, & in
puluerem mortis deduxisti me. Quoniam circum-
derunt me canes multi, consilium malignantium
obsedit me. Foderunt manus meas & pedes me-
os, dinumerauerunt omnia ossa mea. Ipsi uero
considerauerunt & inspexerunt me, diuiserunt
sibi uestimenta mea, & super uestem meam miserunt
sortem. Tu autem domine ne elongaueris auxili-
um tuum à me, ad defensionem meam conspice.

Erue à framea deus animam meam, & de manu ca-
nis unicam meam. Salua me ex ore leonis, & à

cornibus unicornium humilitatem meam. Nar-
 rabo nomen tuum fratribus meis, in medio ecclesie
 laudabo te. Qui timetis dominum laudate eum,
 uniuersum semen Iacob glorificate eum. Timeat
 eum omne semen Israel, quoniam non spreuit, neq;
 despectit deprecationem pauperis. Nec auertit fa-
 ciem suam à me, & cum clamarem ad eum exaudi-
 uit me. Apud te laus mea in ecclesia magna, uo-
 ta mea reddam in conspectu timentium eum. Edent
 pauperes & saturabuntur, & laudabunt dominum.
 qui requirunt eum, uiuent corda eorum in seculum
 seculi. Reminiscuntur, & conuertentur ad domi-
 num, uniuersi fines terre. Et adorabunt in con-
 spectu eius, uniuersae familie gentium. Quoniam
 domini est regnum, & ipse dominabitur gentium.

Manducauerunt et adorauerunt omnes pingues
 terre, in conspectu eius cadent omnes qui descen-
 dunt in terram. Et anima mea illi uiuet, & semen
 meum seruiet ipsi. Annunciabitur domino genera-
 tio uentura, & annuntiabunt caeli iusticiam eius,
 populo qui nascetur quem fecit dominus.

COMMENTARIUM.

In passione sua positus dominus explanauit
 psalmi huius mysteria. Nam Hebraicis uerbis
 uersiculum primum istius psalmi exprimens, ceter-
 ra quae sequebantur exposuit: Nam ibi legimus di-
 centes

cētes Phariseos: Sperauit in domino, eripiat eum saluum faciat eum, quoniam uult eum. In ipsa passione circundederunt eum uituli multi, id est, populi Iudaeorum. Tauri pingues obsederunt eum, id est, principes sacerdotum. Aparuerunt super eum os suum dicentes, blasphemauit, Dederunt fremitū sicut leo rapiens & rugiēs. Dānabilis ille Cayphas princeps sacerdotum, ita fremuit, ut & uestimenta sua scinderet. Sicut aqua effusa sunt ossa eius. Bene posuit aquam, quia nihil nouit corpus Christi, nisi peccata lauare. Factum est cor meum sicut cera liquefcens in medio uentris mei. Cera dum soluta fuerit ab igne non perit, ut ceterae species ab igne semel incensae in cinerē rediguntur, cera uero cum arserit, ad hoc redit quod fuit. Sciens ergo se perire non posse: Sicut cera, inquit, liquefactum est in medio uētris mei. Aruit uelut testa uirtus mea: Nō dixit fractū est uelut testa, nam sicut fractura eius irremediabilis est, ita coctura laudabilis inuenitur. Et ideo quanto plus aruerit figuli opus tanto melior & solidior inuenitur. Aruit ergo in igne tribulationis, uelut testa, uirtus mea. Et lingua mea adhaesit faucibus meis. Tacens quasi reus inclinato capite falsos testes in cōspectu iudicis non repellam, qui in puluerem mortis deduxerunt me. Et circundederūt me quasi canes multi, & ita in consilio

cilio malignitatis suæ obsederunt me, ut foderent manus meas & pedes, & dinumerauerunt omnia ossa mea. Ipsi etiam considerarent & conspicerent me, ac diuiderent sibi uestimenta mea, & super uestimētum mitterent sortem. Nescio cum qua animi presumptione, o sceleratissimi Iudæi, psalterium in uestris canitis synagogis. Considerate miseri hunc esse dominum quem negastis, & uel tarde timentes dominum: Laudate eum, uniuersum semen Iacob magnificate eum. Timete eum uniuersum semen Israel. Non enim spernit precē uestram, intantum, ut in cruce positus pro crucifigentibus oret, ut sit laus eius in ecclesia magna, & uota sua reddat coram timentibus eum. Dum edent corpus eius pauperes spiritu ut satientur & facti diuites, In fide laudent dominum, requirētes eum & uiuat cor eorum in æternum: Et per eos conuertantur ad dominum uniuersi fines terre, ut adorent in conspectu eius, non sola Iudæa, sed omnes patriæ gētium, quoniam domini est regnum, & ipse dominabitur gentium. Ecce schola Christi in pauperibus discipulis celebrata, nunc schola Phariseorum exurgite & uidete manducantes, & māducantes illi manducauerunt & saturati sunt, & laudauerunt dominum requirentes eum, Isti autē manducauerunt, & adorauerūt omnes diuites terra. Et ideo in conspectu

specū dei cadent omnes qui descēdunt in terram. Descensus enim terrenus hominibus famulatur, nostra autem anima deo seruiat, & ipsi uiuat. Seruū uero nostrum ipsi seruiat in castificatione continentie, ut annunciemus domino generationem uenturam, id est, futuram sanctorum gloriam cōgitemus: Et annunciemus iustitiam dei fratribus ac filijs etate, & omni populo qui nascetur, quem fecit dominus deus noster, qui regnat in secula seculorum Amen.

Psalmus Dauid

XXII

Dominus regit me, & nihil mihi deerit, in loco pascuæ ibi me collocauit. Sup̄ aquam refectiois educauit me, animam meam conuertit. Deduxit me super semitas iustitiæ propter nomen suum. Nam et si ambulauero in medio umbræ mortis, non timebo mala, quoniam tu mecum es. Virga tua & baculus tuus, ipsa me consolata sunt. Parasitum in conspectu meo mensam, aduersus eos qui tribulant me. Impinguasti in oleo caput meum, & calix meus inebrians quoniam præclarus est. Et misericordia tua subsequetur me, omnibus diebus uitæ meæ. Et ut inhabitem in domo domini in longitudine dierum.

COMMENTARIUM.

Qui in XXI psalmo habuimus tribulationem

f 4 lationem

lacionem passionis, In uicesimo secundo psalmo leticiam resurrectionis accipiamus: ut quia ibi seminauimus lachrymas patientis domini, hic metamus gaudia resurgētis. Dicāt qui uolūt: *Reget me ager meus, & nihil mihi deerit.* Dicat alius: *Reget me negociatio mea, aut militia mea, aut industria mea, aut ars mea, aut literę mea, & nihil mihi deerit.* Nos dicamus cum ecclesia. *Dominus regit me, & nihil mihi deerit.* Vox ergo ista contemnentis est, si habeat, aut habere nolentis, si non habeat. Alioquin mentitur in carmine, qui aliud exoptat in uoto. Si enim studio agit, ut eum quęcumq; terre sua opera regant, non satis integre dicit: *Dominus regit me.* Perfectorum ergo ista uox est, quam ecclesia de domini passione suscepit. In loco pascuę collocata, super aquam refectiois educata. Vbi enim abundat fons, ac largis profluit uenis, ibi uiriditas, ibi amœnitas, ibi refectio. Hęc autem mihi euenient, quia per passionem suam animam meam conuertit: *Deduxit me super semitas iustitię, propter nomen suum.* Nam et si ambulem in medio umbrę mortis, iam non timebo mala, quoniam tu mecum es, qui mortis imperiũ subiugasti. Quid nunc habeat intra se ecclesia uideamus. Habet uirgam unde minatur delinquenti. Habet baculum unde subueniat poenitenti. Habet mensam unde det panem credenti

credenti. Habet oleum unde impinguet caput in libertatem conscientie præsumenti. Habet calicem unde inebriet prædicâtes sermonem, ita ut cum sit hora dici tertia, iam ille in prædicatione sua ebrius aestimetur. Habet misericordiam dei, quæ subsequatur eum omnibus diebus uitæ suæ, & ut inhabitet in domo domini in lōgitudine dierum suorum, laudans dominum Iesum Christum, qui regnat in secula seculorum Amen.

Psalmus Dauid in prima sabbati. XXIII

Domini est terra & plenitudo eius, orbis terrarum, & uniuersi qui habitant in eo. Quia ipse super maria fundauit eum, & super flumina præparauit eum. Quis ascendet in montem domini, aut quis stabit in loco sancto eius. Innocēs manibus & mundo corde, qui non accepit in uano animã suam, nec iurauit in dolo proximo suo. Hic accipiet benedictionem à domino, & misericordiã à deo salutari suo. Hæc est generatio quærentium eum, quærentium faciem dei Iacob. Attollite portas principes uestras, & eleuamini portæ æternales, & introibit rex gloriæ. Quis est iste rex gloriæ? dominus fortis & potens in prælio. Attollite portas principes uestras, & eleuamini portæ æternales, & introibit rex gloriæ. Quis est iste rex gloriæ? dominus uirtutum, ipse est rex gloriæ,

COMMENTARIUM.

Vicesimus tertius psalmus in introitu suo super ipsum limen posuit titulum de prima sabbati. In qua die dixit dominus, Fiat lux : In qua panem angelorum manducauit homo : In qua ipse dominus resurrexit à mortuis. Quæ dies idcirco in titulo ponitur : quia in ipsa lucratus est terram, quam in principio fecerat orbem terre, & omnes qui habitant in ea. Quomodo autem lucratus sit, si requiris, respondet, per aquam & spiritum sanctum : Ideo clausa maria nominat sinum aquarum omnium unum, quia sicut omnia flumina unū hunc habent sinum, ita omnia unum hunc habent spiritum sanctum. In quo fiunt homines innocentes manibus & mundo corde. Et sicut qui ibi ingressus non fuerit, in uanum accipit animā suam, si tamen non iurauerit in dolo proximo suo, quia per baptismatis donum proximus ei efficitur spiritus sanctus. Per hunc promittit se renunciare diabolo, & omnibus pompis eius, iurare ergo est ius constitutur, quo renūciata abstinentur, & promissa seruantur. Ista non iurauit in dolum proximo suo, quomodo proximus factus est spiritui sancto? quia is qui longe erat factus est prope, Et qui factus est prope, iurauit huic proximo, quando accepit benedictionem à domino, & misericordiam à deo saluati

tari suo. Et factus est filius dei in generatione que
 rentium dominum, & requirentium faciem dei Iac
 cob. iã isti dicitur: Tollite portas principis uestri.
 Abicite exemplum Adæ, qui est princeps uester se
 cundum carnem, & cleuamini portæ æternales,
 habentes regem gloriæ potentem & fortem & po
 tentem in prælio, uincentem uicia, & nutritores
 eorum, spiritus nequam. Tollite ergo portas prin
 cipis uestri, sicut portauimus imaginem terreni,
 portemus & imaginem cœlestis. Quis est iste rex
 gloriæ? Christus filius dei ipse est rex gloriæ. Ex
 cludens principem ignominie, qui deiectis simula
 chrorum templis, ueluti portis principis diaboli,
 cleuauit portas æternales sanctæ ecclesiæ catholi
 cæ, in qua regnat rex gloriæ. Si interrogas quis
 est iste rex gloriæ? respondebit Apostolus, rex om
 nium ad salutem Christus filius dei qui regnat in
 secula seculorum Amen.

In finem psalmus Dauid XXIII

AD te domine leuauim animam meam, deus
 meus in te cõfido non erubescam. Neq; ir
 rideant me inimici mei, etenim uniuersi qui susti
 nent te non confundentur. Confundantur omnes
 iniqua agentes, superuacue. Vias tuas domine de
 monstra mihi, & semitas tuas edoce me. Dirige me
 in ueritate tua, & doce me quia tu es deus saluator
 meus,

meus, & te sustinui tota die. Reminiscere miseratio-
num tuarum domine, & misericordiarum tuarum
quæ à seculo sunt. Delicta iuuetutis meæ, & igno-
rantias meas, ne memineris. Secundum misericor-
diam tuam memento mei tu, propter bonitatem
tuam domine. Dulcis & rectus dominus, propter
hoc legem dabit delinquentibus in uia. Diriget
mansuetos in iudicio, docebit mites uias suas. Vni-
uerse uie domini misericordia & ueritas, requi-
rentibus testamentum eius & testimonia eius. Pro-
pter nomen tuum domine propitiaberis peccato
meo, multum est enim. Quis est homo qui timet do-
minum, legem statuit ei in uia quam elegit. Anima
eius in bonis demorabitur, & semen ipsius heredi-
tabit terram. Firmamentum tuum est dominus ti-
mentibus eum, & testamentum ipsius ut manifeste-
tur illis. Oculi mei semper ad dominum, quoniam
ipse euellet de laqueo pedes meos. Respice in me
& miserere mei, quia unicus & pauper sum ego.
Tribulationes cordis mei multiplicatae sunt, de ne-
cessitatibus meis erue me. Vide humilitatem meam
& laborẽ meum, & dimitte uniuersa delicta mea.
Respice inimicos meos, quoniam multiplicati sunt,
& odio iniquo oderunt me. Custodi animam meam
& erue me, non erubescam, quoniam speraui in te.
Innocentes & recti adhaeserunt mihi, quia sustinui

te. Libera deus Israel, ex omnibus tribulationibus suis.

COMMENTARIUM.

AB omnibus terrenis lucris, ab omnibus quæ uidetur bona huius mundi, subducens animam meam, ad te eam domine leuavi, iam non confidens in nummo, in domo, in negotio, in militia, in facultatibus, sed in te confidens peto, ut non erubescam dum de corpore exiero: quia ibi confusio æterna est. Non ibi de me irrideant inimici mei, quia hi qui te solum cõtemptis omnibus expectant, non confundentur, ibi enim confundentur iniqui & facientes uana. Et quoniam te duce domine peruenitur ad uitam, Vias tuas quas tu ambulasti notas fac mihi, ut per ipsas ambulem, & semitas tuas edoce me, ut in ipsis incedam. Et ut hoc ipsum faciam, tu me dirige in ueritate tua, & tu doce me, quia tu es deus saluator meus. Non enim sustineo alium præter te tota die, id est, omni die. Memor esto domine misericordiarum tuarum, quæ à seculo sunt, & sicut omnibus fuisti misericors, ita quoq; mihi, ut peccata iuuentutis meæ & ignorantias ne memineris, sed secundum magnam misericordiam tuam memor mei sis, nõ propter merita mea per amaritudinem meam peream, sed quia ipse dulcis & reclus es, & uniuersæ uia tuæ misericordia & ueritas quærentibus

tibus testamentum tuum & testimonia tua, peto ut propitius sis peccato meo, multum est enim. Ideo ego enim contempsi uiam meam, & elegi uiam tuam, & animam meam ad te leuaui, ut anima mea in bonis commoretur, & semen meum illam terram possideat, quam non comedit draco, quæ non est sinus mortuorum, quæ non generat spinas, sed in qua est dominus firmamentum timentibus se, & testimonium ut manifestetur illis. Et quia hæc desiderantibus laqueus ponitur ab inimico: Oculi mei semper ad dominum, quoniam ipse euellet de laqueo pedes meos. Respice in me & miserere mei, quoniam unicus & pauper sum ego. Omnis qui plus in gemitu & in oratione incumbit, unicus & pauper est, & tribulationes cordis eius multiplicantur, memor omnium quæ aguntur in seculo, clamat, ut de seculi necessitatibus liberetur. Et ideo uide, inquit, humilitatem meam, & laborem meum, & dimitte omnia peccata mea. Respice, inquit, inimicos meos, quia multiplicati sunt, & odio iniquo oderunt me. Humilem deo demones persequuntur, & odio iniquo infestant. Et ideo custodi, inquit, animam meam, & eripe me, ut non confundar, quoniam spero in te. Innocentes & recti adhereant mihi, quoniam sustineo te domine, quia liberas Israel ab omnibus angustijs suis. Iam qui innocentibus

bus & rectis adheret, & sustinet dominum, Israel efficitur, id est, uidens deum, & ideo iam Israel factus, redimitur ab omnibus angustijs suis, Per dominum nostrum Iesum Christum, qui regnat in secula seculorum Amen.

Psalmus David XXV.

Iudica me domine, quoniam ego in innocentia mea ingressus sum, & in domino sperans non infirmabor. Proba me domine, & tenta me, ure renes meos & cor meum. Quoniam misericordia tua ante oculos meos est, & cōplacui in ueritate tua. Non sedi cum consilio uanitatis, & cum iniqua gerentibus non introibo. Odiui ecclesiam malignantium, & cum impijs non se debeo. Lauabo inter innocentes manus meas, & circumdabo altare tuum domine. Ut audiam uocem laudis, & enarrem uniuersa mirabilia tua. Domine dilexi decorem domus tuæ, & locum habitationis gloriæ tuæ. Ne perdas cum impijs animam meam, & cum uiris sanguinum uitam meam. In quorum manibus iniquitates sunt, dextera eorum repleta est muneribus. Ego autem in innocentia mea ingressus sum, redime me & miserere mei. Pes enim meus stetit in directo, in ecclesijs benedicam te domine.

COMMENTARIUM

Iudica me domine, non essem ausus dicere, nisi
miseri

miseriordia tua ante oculos meos esset. Certus ergo quod iudicia tua adiuuent me, ideo ausus sum dicere: Iudica me. Iste duæ res dant fiduciam Christiano, ut misericordiam dei ante oculos habeat, & complacat in ueritate catholice fidei, non sedeat in concilio hæreticorum, sed lauet inter catholicos manus suas, ut circumdet altare domini: ubi audiat uocem laudis, & narret omnia mirabilia dei, & dicat domino: Cum exiero de corpore, noli perdere cum impijs animã meam, quia dilexi decorem domus tuæ, & odiui congregationes malignorum, non perest cum uiris sanguinum uita mea, eorum qui in iudicio sedentes acceperunt munera, ut peruerterent iudiciũ. Ego enim nullum in iudicio nocui, redime me & miserere mei. Pes enim meus stetit in uia recta, in recta fide, in ecclesijs benedicã dominum, qui regnat in secula seculorum, Amen.

In finẽ psalmus David priusquam liniretur.

XXVI.

Dominus illuminatio mea, & salus mea quem timebo. Dominus protector uitæ meæ, à quo trepidabo. Cum appropiant super me nocentes, ut edant carnes meas. Qui tribulant me inimici mei, ipsi infirmati sunt & ceciderunt. Si consistant ad uersum me castra, non timebit eor

meum

meum. Si exurgat aduersum me praelium, in hoc ego sperabo. Vnam petij à domino, hanc requiram, ut inhabitem in domo domini, omnibus diebus uitæ meæ. Vt uideam uoluntatem domini, & uisitem templum eius. Quoniam abscondit me in tabernaculo suo, in die malorū protexit me, in abscondito tabernaculi sui. In petra exaltauit me, & nunc exaltauit caput meum super inimicos meos. Circuiui & immolauit in tabernaculo eius hostiam uociferationis, cātabo & psalmum dicam domino. Exaudi domine uocem meam qua clamaui ad te, miserere mei, & exaudi me. Tibi dixit cor meum, exquisiuit te facies mea, faciē tuam domine requiram. Ne auertas faciem tuam à me, ne declines in ira à seruo tuo. Adiutor meus esto, ne derelinquas me, neque despicias me deus salutaris meus. Quoniam pater meus & mater mea dereliquerunt me, dominus autem assumpsit me. Legem pone mihi domine in uia tua, & dirige me in semita recta propter inimicos meos. Ne tradideris me in animas tribulantium me, quoniam insurrexerunt in me testes iniqui, & mentita est iniquitas sibi. Credo uidere bona domini, in terra uiuentium. Expecta dominum, uiriliter age, & confortetur cor tuum, & sustine dominum.

COMMENTARIUM.

Psalmi titulus habet positum, prius quam lini-
retur. Solitum est homini in potentatu posi-
to, recordari quid egerit dum pauper esset: Prius
ergo quàm liniatur, recordatur iam unctus, & di-
cit quæ cogitatio eius fuerit, priusquam liniatur
hoc ordine: quasi qui diceret, si priusquam unctus
essem, septem fratres mei magni uiri ab uncti-
one recusati sunt, & mei curam deus gessit, ut paruum
& pusillum eligeret & ungeret, nunc ipso illumi-
nante mihi, & fugante à me tenebras, ego quem ti-
mebo? illo defendente me, à quo trepidabo? etiam
si proximent mihi à Saul missi, ut edant carnes
meas, qui tribulant me, & inimici mei ipsi infirma-
ti sunt & ceciderunt. Si etiam prælium exsurgat
aduersum me: ego in illuminatione domini spera-
bo. Vnum hoc est quod postulo dominũ, & hoc re-
quiro, ut uideam quid placeat domino, sciam uol-
untatem eius, & uideam protegi templum eius,
ut qui ad eum confugerit, honoretur, & ab hos-
tium manibus non possit inde eripi: tantam reuer-
entiam habeat ecclesia dei, ut etiam ab hostibus
honoretur, ut abscondi possim in tabernaculo eius
in die malorum, & super petram exaltetur, ut por-
ta inferni non præualeant ei, ut exaltetur caput
eius super inimicos eius, & circumeam & immor-

lem in tabernaculo eius, hostiam iubilationis, & cantem in ea, & psallam domino, & fundens in ea preces, securus dicam domino: Misere mei & exaudi me. Si tamen deise amatorem ostendens, inuisibili inuisibiliter clamet. sicut Moyses ore, inquit, tacebat sed corde clamabat, unde ait dominus ad eum: Quid, inquit, clamas ad me? Sic & in isto loco amator dei, non quærens ullā mūdi speciem, sed solam Christi pulchritudinem concupiscens, ea uerba quæ amatores solent eis, quos diligunt, dicere sermonibus lingue, ita iste sermonibus exclamat cordis, dicens: Tibi dixit cor meum, quæsiui uultum tuum, non auertas faciem tuam à me, ne declines in ira à seruo tuo: Egi enim talia quibus iuste iratus à mea concupiscentia auertaris, sed quasi misericors adiutor meus es tu, ne derelinquas me, neq; despicias me deus salutaris meus. Vide autem qualem amorem deo offerat. legimus: Quia relinquet homo patrem & matrem, & adhærebit uxori: ita hic, quia adamauit dominum, Pater, inquit, meus & mater mea dereliquerunt me, Dominus autem assumpsit me, etiam quasi tu, ò domine, quem derelictum à parentibus assumpsisti: Legem pone mihi in uia tua, ostende quid uelis, quid nolis, quid diligas, quid odias. Fieri enim poterit ut obsequendi uoto offendam, si qualiter de-

beam ante non discam. Et quia inimici mei nihil aliud student, nisi ut te offenso, illi super me habeant potestatem, Hoc rogo, ut dirigas me in uia recta propter inimicos meos, ut non tradas me in animas persequentium me, quia insurrexerunt in me testes iniqui. Ostendunt mundi pulchritudinem, quæ cum sit mortalis in gustu, speciosa est in aspectu, & mētita facie deceptit inspectorem. Ego autem qui hæc cōtemno, credo quod uideam bona domini in terra, non mortalium, sed uiuentium. Ad hæc respondit in antiphonia spiritus sanctus: Si ergo credis uidere bona domini in terra uiuentium, expecta dominum, age uiriliter, confortetur cor tuum, & sustine dominum, qui regnat in secula seculorum Amen.

Psalmus ipsi David XXVII.

AD te domine clamabo, deus meus ne fileas à me, ne quando taceas à me, & assimilar bor descendētibus in lacum. Exaudi domine uocem deprecationis meæ, dum oro ad te, dum extollo manus meas ad templum sanctum tuum, Ne simul tradas me cum peccatoribus, & cum operantibus iniquitatem ne perdas me. Qui loquuntur pacem cum proximo suo, mala autem in cordibus eorum. Da illis secundum opera eorum, & secundum nequitiam adinventionum ipsorum. *Secundum*

cundum opera manuum eorum tribue illis, redde retributionem eorum ipsis. Quoniam non intellexerunt opera domini, & in opera manuum eorum destrues illos, & non ædificabis eos. Benedictus dominus, quoniam exaudiuit uocem deprecationis meæ. Dominus adiutor meus, & protector meus, & in ipso sperauit cor meum, & adiutus sum. Et restoruit caro mea, & ex uoluntate mea cōfitebor ei. Dominus fortitudo plebis suæ, & protector saluationum Christi sui est. Saluum fac populum tuum domine, & benedic hereditati tuæ, & rege eos, & extolle illos usque in æternum.

COMMENTARIUM

IN dei filio perfectum deum, perfectum hominem confitemur, quem hominem interiorem suum alloqui in isto psalmo aduertimus, in quo clamat, simul cum peccatoribus ne tradatur qui peccatū non fecit. Et quia dolus in ore eius nunquam fuit, hoc orat, ut dum similis fuerit descendentibus in lacum: hoc est, cum similis fuerit sepultis, non habeat partem cum his: qui loquuntur pacem in ore, & in corde fabricant mala, sicut Iudas fecit, Da illis, inquit, secundum opera eorū, quia opera domini non intellexerunt, & quem uidebant mortuos suscitare, dicebant: Hic homo non est à deo. At Iesus dicebat eis: Si uerbis non creditis, uel ope

operibus credite. Illi autem non intellexerunt in opera domini, & ideo destruentur, nec edificabuntur, quia dominus suscitauit Iesum à mortuis, & re floruit caro eius, & ex uoluntate sua confessus est illi. Omnia enim quæ passus est, pro uoluntate sua passus est, sicut ipse ait: Potestatem habeo ponendi animam meam, & iterum assumendi eam. Et ideo ait: Ex uoluntate mea confitebor illi. Ipse est enim fortitudo plebis suæ, quia dicta factis impleuit. Dixit se passurum, & passus est: moriturum, & mortuus est: surrecturum, & à mortuis resurrexit, excludens infirmitatem trepidationis, & dans fortitudinem promptissimæ uoluntatis. Quia protector salutarium Christi sui est, quia ille sine dubio qui est deus in Christo, mundum concilians sibi, saluans populum suum, conferendo salutem animæ & corporis, & benedicens hereditatem suam, gente: à subiectione demonum liberādo, ut regat eos, & extollat eos usq; in secula filius dei cū patre & spiritu sancto, regnans per omnia secula sec. Amē.

Psalmus David in consummatione
tabernaculi XXVII

Afferte domino filij dei, afferte domino filios arietū. Afferte domino gloriā & honorē, afferte domino gloriam nomini eius, adorete dominum in atrio sancto eius. Vox domini super aquas, deus maiestatis

maiestatis intonuit, dominus super aquas multas. Vox domini in uirtute, uox domini in magnificentia. Vox domini confringentis cedros, & confringet dominus cedros libani. Et comminuet eos tanquam uitulum libani, & dilectus quemadmodum filius unicornium. Vox domini intercidentis flammam ignis, uos domini concutientis desertum, & commouebit dominus desertum Cades. Vos domini preparantis ceruos, & reuelabit condensa, & in templo eius omnes dicent gloriam. Dominus diluuium inhabitare facit, & sedebit dominus rex in aeternum. Dominus uirtutem populo suo dabit, dominus benedicet populo suo in pace.

COMMENTARIUM

Titulul consummationē tabernaculi memorat. Consummatio tabernaculi, finis mundi est, in quo offerunt deo filij dei filios arietum. Filij arietum agni sunt, qui ponuntur ad dexteram, ut gloriam & honorem, & gloriam nomini eius offerentes in operibus pijs que gesserunt, adorent dominum, iam non in aedificijs manu factis, sed in aula sancta eius, id est, in Christo Iesu, in quo habitat plenitudo diuinitatis. Vox domini sup aquas. Quando Iesus baptizatus est, pater caelis apertis & spiritu sancto in specie columbae ueniente, uox domini super aquas facta est dicens: Tu es filius

meus . Deus maiestatis intonuit, hoc est, dedit uocem super aquas, id est, super sectas gentium, ut finiantur in uirtute & in magnificētia Christi Iesu. Quicumq; autem rebellis extiterit, & elatus sicut cecārus libani, confringetur & comminuetur sicut cedrus libani. In libano sacrificantes usq; hodie turpissimae Veneri, uitulorum uirilia amputant, & in eius sacrificio huiusmodi incensa supponūt, mercedem quam oportuit erroris sui, deae suae exhibent meretrici. Ita ergo comminuūtur tanquam uitulus libani, qui castitatem Christi contēpserint, & ut dilectus sicut filius unicornium erunt . Qui bus uox placuerit intercidentis flammam ignis, id est, quibus uox placet baptismatis gratiam conferentis, quae in concussione solitudinis coepit: In deserto enim Iordanis fluuenta dei filius benedixit, & commouit desertum oppidi breuissimi in confinio eremi constituti, quod appellatur Cades . Ibi uox domini preparauit ceruos qui festinarent ad fontes aquarum, ubi reuelauit ea quae erant condensa, id est, occulta, ut his reuelatis, in tēplo dei, quibus reuelata sunt omnes dicant gloriam & confiteantur, quia dominus in diluuiō habitat, id est, in aqua quae diluit crimina, & in eodem diluuiō sedebit rex in aeternum, ibi uirtutem populo suo dabit, suo inquam, credenti sibi, ibi benedicet plebē suam
in pace

in pace, qui regnat in secula seculorum Amen.

Psalmus cantici in dedicatione do-
mus Dauid XXIX

EXaltabo te domine, quoniam suscepisti me,
nec delectasti inimicos meos super me. Do-
mine deus meus clamaui ad te, & sanasti me. Do-
mine eduxisti ab inferno animam meam, saluasti
me à descendentibus in lacum. Psallite domino san-
cti eius, & confitemini memoriæ sanctitatis eius.

Quoniam ira in indignatione eius, & uita in uol-
luntate eius. Ad uesperum demorabitur fletus,
& ad matutinum leticia. Ego autem dixi in
abundantia meâ, non mouebo in æternum. Do-
mine in uoluntate tua præstitisti decori meo uir-
tutem. Auertisti faciem tuam à me, & factus sum
conturbatus. Ad te domine clamabo, & ad deum
meum deprecabor. Quæ utilitas in sanguine meo,
dum descendo in corruptionem. Nunquid confi-
tebitur tibi puluis, aut annuntiabit ueritatē tuam.
Audiuit dominus, & misertus est mei, dominus factus
est adiutor meus. Conuertisti planctum meum
in gaudium mihi, concidisti saccum meum, & cir-
cumdediti me leticia. Et cantet tibi gloria mea
& non cōpungar, domine deus meus in æternum
confitebor tibi.

COMMENTARIUM

IN uicesimo nono titulo dedicatur domus Dauid. Illa utiq; domus ex semine Dauid secundum carnem, non manu facta, sed angeli uerbo madata & ab spiritu sancto constructa. Ipsa domus est que dicit deo. Exaltabo te domine, quoniam suscepisti me, suscepit enim forma serui, ut non delectaretur inimici super hominum genus. Christo enim Iesu Nazareno extracto ab inferis, & saluato a descendentibus in lacum, psallunt ei omnes Apostoli eius, & confitentur memorie sanctitatis eius: quoniam ira fuit in indignatione eius, quando maledictus est mundus in morte Adæ, & nunc uita in uoluntate eius, domino resurgente. Ad uesperum quidem demoratur fletus, in occasum omnium credentium necesse est, ut sit fletus, pro eo quod desolabimur ab his, qui nos precedunt, sed habebimus cum his in matutino leticiam. In prima anastasi mox ut tenebræ huius mundi finitæ fuerint, & matutinum tempus resurrectionis aduenerit, hic decus fidei nostre consistit, sed in uoluntate sua dominus præstat decori nostro uirtutem. Nam si auerterit faciem suam, quantunuis amemus dominum, non eum plus à Petro amauimus, et si ei dicamus cū Petro, Si oportuerit me mori tecum, non te negabo, poterit nobis negandi eum euenire perfidia, si auerterit

terit se à nobis. Deniq; inquit, conuertit se Iesus & respexit Petrum negantem, sed & recordatus est quod ei hoc ipsum prædixerat. Et egressus foras fleuit amarissime. Cum ergo auerteret se dominus in præsumentem & dicentem, Non mouebor in æternū, negauit eum: cū respexit negantem, fleuit, & lauerunt lachrymæ pœnitentis, quod noxa incurrebat præsumentis: Non enim confitetur dominum puluis, si præsumserit, nec annunciat ueritatem eius, si se iactauerit: Si autem post peccatum pœnituerit, & pœnitudinem suam lachrymis amoris ostenderit, dicere poterit cum Petro: Audiuit dominus, & misertus est mihi, dominus factus est adiutor meus, quia cōuertit planctum eius in gaudium, ut quod tertio negauerat, tertio fateatur, si tamē gloria credētis in deo nō in hominibus extollatur, tūc securus dicit: Domīe deus meus in æternū cōfitebor tibi, q̄ regnas ī secula seculorū Amen. In finē psalmus David pro extasi. XXX

IN te domine speraui, non confundar in æternū, in iusticia tua libera me, inclina ad me aurem tuam, accelera ut eruas me. Esto mihi in deus protectorum, & in domum refugij, ut saluum me facias. Quoniam fortitudo mea & refugium meum es tu, & propter nomen tuum deduces me, & enutries me. Educes me de laqueo quem asconderunt

runt mihi, quoniam tu es protector meus. In manus tuas commendo spiritum meum, redemisti me domine deus ueritatis. Odisti obseruantes uanitates superuacue. Ego autem in domino speraui, exultabo & letabor in misericordia tua. Quoniam respexisti humilitatem meam, saluasti de necessitatibus animam meam. Nec conclusisti me in manibus inimici, statuisti in loco spaciofo pedes meos. Miserere mei domine, quoniam tribulor, conturbatus est in ira oculus meus, anima mea, & uenter meus. Quoniam defecit in dolore uita mea, & anni mei in gemitibus. Infirmata est in paupertate uirtus mea, & ossa mea cōturbata sunt. Super omnes inimicos meos factus sum opprobrium uicinis meis ualde, & timor notis meis. Qui uiderunt me, foras fugerunt à me, obliuioni datus sum tanquam mortuus à corde. Factus sum tanquam uas perditum, quoniam audiui uituperationem multorum commorantium in circuitu. In eodum conuenirent simul aduersum me accipere animam meam, consiliati sunt. Ego autem in te speraui domine, dixi deus meus es tu, in manibus tuis sortes mee. Eripe me de manibus inimicorum meorum, & à persequentibus me. Illustra faciem tuam super seruum tuum, saluum me fac in misericordia tua domine, non confundar quoniam inuocaui

caui te. Erubescant impij & deducantur in infernum, muta fiant labia dolosa. Quæ loquuntur aduersus iustum iniquitatem, in superbia & in abusione. Quam magna multitudo dulcedinis tuæ domine, quam abscondisti timentibus te. Perfecisti eis qui sperant in te, in conspectu filiorum hominum. Abscondes eos in abscondito faciei tuæ, à conturbatione hominum. Proteges eos in tabernaculo tuo, à cōtradictione linguarum, Benedictus dominus, quoniam mirificauit misericordiam suam mihi in ciuitate munita. Ego autem dixi in excessu mentis meæ, proiectus sum à facie oculorum tuorum. Ideo exaudisti uocem orationis meæ, dum clamerem ad te. Dirigite dominū omnes sancti eius, quoniā ueritatē requiret dominus, & retribuet abundanter faciētibus supbiam. Viriliter agite & confortetur cor uestrū, omnes qui speratis in domino.

COMMENTARIUM

TRice simus psalmus spem, quæ in deo est, asserit hominem ab æterno confusione liberare: Deus enim pro iustitia sua sperantes in se liberat & eripit. Et inclinat eis aurem suam, & accelerat ut eripiat, ut sit eis deus protector, quasi domus re fugij, ut salui fiant, ut eripiat eos de laqueo quem occultant eis dæmonia, Si tamen semper dicat deo
 mino:

mino : In manus tuas domine commendo spiritum meum, id est, interiorem hominem meum in tuas manus commendo, Non enim facio obseruare uanitatem seculi huius, non eum facio letari in rebus mundi, sed in tua misericordia, qui saluam fecisti de necessitatibus animam meam . Quando respexisti humilitatem meam, & non conclusisti me in manus inimici, sed tollens me ab angusto, ubi angustia bar, statuisti in loco spaciioso pedes meos. Ut autem deum tibi facias miserātem, te exhibe tribulantem. non enim petit misericordiam, nisi tribulans, cuius fletu conturbatur aspectus, & anima eius & uenter eius castigatus ieiunijs memor esse debet, Quoniam quamuis diu uiuat homo, uita eius deficit in doloribus, & quantauis annositate floreat, deficiunt anni eius in gemitibus, & quantumuis uirium habeat, pauperefcunt uires eius, & quantumuis soliditate corporali confidat, dicturus est : ossa mea conturbata sunt. Hoc sanè cauendum est, ne super omnes inimicos suos efficiatur opprobrium. Hic locus si iusto euenit, martyrem fecit, si iniusto, æternam mortem indixit. Iniuste enim odio habitus est omnis sanctus, & ipse etiam dominus. Tunc enim exclamat spiritus sanctus, Sicut in Christo predictum est, ut muta fiant labia iniqua, quæ loquuntur aduersus iustum iniquitatem in superbia & contemptu

temptu : & quamuis amaritudines patiuntur iusti
 in hoc seculo, sed magna multitudo dulcedinis eos
 expectat, si perseuerauerint, in futuro, quam inter-
 rim abscondit dominus timētibus se. Non uult eam
 in hoc seculo manifestare, ut perficiat eam speran-
 tibus in se coram filiis hominum, qui eos irriserint.
 Et nunc quidem abscondit eos in abdito uultus sui,
 ut sicut ipsius uultus ita erat in abdito, ut putaretur
 homo tantum, ita & isti cum sint magni & san-
 cti, abscondit eos in abdito uultus sui à cōturbatio-
 ne hominum, ne dum manifestatum fuerit eos esse
 sanctos & amicos dei, conturbetur ab hominum
 adulatione propositum eorum. Sed tunc mirificat
 misericordiam suam in eis, cum apparuerit ciuitas
 circumstantium, quam circumstant angeli, ciuitas
 mater sanctorum Hierusalem. Quid tum ibi dictus
 est iustus? dum uiderē me in seculo pro sterco-
 re aestimari ab omnibus, dixi in corde meo. Proie-
 ctus sum à uultu oculorum tuorū. Tu autem exau-
 disti uocem qua clamaui ad te. Nolite ergo terro-
 rem pati sancti domini, si uos superbia hominum
 opprimit. Erit enim iudicium, in quo requireret ue-
 ritatem dominus, & retribuet his, qui abundanter
 faciunt superbiam, Viriliter nunc agite, nolite de-
 ficere, sed confortetur cor uestrum, & estote secu-
 ri omnes, qui speratis in domino, qui uiuit & re-
 gnat in

gnat in secula seculorum Amen.

Intellectus David XXXI.

BEati quorum remisse sunt iniquitates, & quorum tecta sunt peccata. Beatus uir cui non imputauit dominus peccatum, nec est in spiritu eius dolus. Quoniam tacui inueterauerunt ossa mea, dum clamarem tota die. Quoniam die ac nocte grauata est super me manus tua, conuersus sum in erumna mea, dum configitur spina. Delictum meum cognitum tibi feci, & iniustitiam meam non abscondi. Dixi confitebor aduersum me iniustitiam meam domino, & tu remisisti impietatem peccati mei. Pro hac orabit ad te omnis sanctus in tempore oportuno. Veruntamen in diluio aquarum multarum ad eum non approximabunt. Tu es refugium meum à tribulatione quæ circumdedit me: exultatio mea erue me à circumdantibus me.

Intellectum tibi dabo, & instruam te in uia hac qua gradieris, firmabo super te oculos meos. Nolite fieri sicut equus & mulus, quibus non est intellectus. In campo & freno maxillas eorum constringe, qui non approximant ad te. Multa flagella peccatoris, sperantem autem in domino misericordia circumdabit. Letamini in domino, & exultate iusti, & gloriamini omnes recti corde.

COM

COMMENTARIUM

TRicesimus primus psalmus præses, titulum suum in intellectū posuit, ut det intellectum & instruat credentem in uia qua ingreditur, & firmet super eum oculos, ne efficiatur sicut equus & mulus, in quibus non est intellectus, Ad caput tamen psalmi attendamus, in quo illi beati asseruntur, quorum remittuntur iniquitates, & quorum teguntur peccata. Nisi enim quis renatus fuerit ex aqua & spiritu sancto, hoc ei euenire non poterit. Quis autem est iste qui remittit peccata? Ille sine dubio, de quo dicitur: Quia non est in ore eius dolus. Mundus itaq; totus in sente positus, & in uulnere constitutus, quia grauata erat super eum manus dei, & conuersus in erūna fuerat, pro eo quod fracta esset eius spina, quæ libertatem ceruicis & capitis eius sublimabat: clamauit semper per uoces prophetarū, ut ueniret qui saluaret eum. At ubi uenit dominus, tacuit dum clamarem. Veniente enim domino, lex & prophete, qui clamabant, tacuerunt, & pronuciāte una quoq; contra eum sententiam pro peccato suo, ille remittit impietatem cordis eius, pro qua orat omnis sanctus in tempore oportuno. Oportunum tempus interueniendū pro seruo est: quando seruus emendatur. Nos ergo

h scatis

catis nostris, quando à peccato recedimus. Nam quod dicit: In diluuiò aquarum multarum ad eum non approximabunt: Ostendit per unam aquam baptismatis deo homines proximare, quæ est refugium à pressura dæmonum, quæ circumdat nos. Et intellectum dat nobis, & ita nos instruet in uia qua ingrediemur, ut firmet super nos oculos suos, ne efficiamur sicut equus & mulus. Qui enim noluerint proximi effici: freno tribulationis, & cæmo sententiali maxillæ eorum astringentur, qui non proximant ei. Multa sunt enim flagella peccatorum, sed qui sperant in domino misericordia eos domini circumdabit. Vos autem qui non cæmo & freno, sed iudicio bonæ uoluntatis uenitis ad dominum, Letamini in domino, & exultate iusti, & gloriamini omnes recti corde in Christo Iesu domino nostro, qui regnat in secula seculorum Amen.

In finem psalmus Dauid XXXII

EXultate iusti in domino, rectos decet col-
 laudatio. Confitemini domino in cythara,
 in psalterio decem cordarum psallite illi. Can-
 tate ei canticum nouum, bene psallite ei in uocifera-
 tione. Quia rectum est uerbum domini, & om-
 nia opera eius in fide. Diligit misericordiam &
 iudicium, misericordia domini plena est terra.
 Verbo domini cæli firmati sunt, & spiritu oris
 eius

eius omnis uirtus eorum. Congregans sicut in
utre aquas maris, ponens in thesauris abyssos.

Timest dominum omnis terra, ab eo autem commo-
ueantur omnes inhabitantes orbem. Quoniam

ipse dixit & facta sunt, ipse mandauit & creata
sunt. Dominus dissipat consilia gentium: repro-

bat autem cogitationes populorū & reprobat con-
silia principum. Consilium autem domini in

æternum manet, cogitationes cordis eius in gener-
atione & generationem. Beata gens cuius est

dominus deus eius, populus quem elegit in heredi-
tatem sibi. De cælo respexit dominus, uidit om-
nes filios hominum. De preparato habitaculo

suo respexit super omnes qui habitant terram,
Qui finxit singillatim corda eorum, qui intelligit

omnia opera eorum. Non saluatur rex per mul-
tam uirtutem, & gigas non saluabitur in multitu-
dine uirtutis suæ. Fallax equus ad salutem, in

abundantia autem uirtutis suæ non saluabitur.

Ecce oculi domini super metuentes eum, & in eis
qui sperant super misericordia eius. Ut cruat à

morte animas eorum, & alat eos in fame. Anima
nostra sustinet dominum, quoniam adiutor & pro-

tektor noster est. Quia in eo letabitur cor nos-
trum, & in nomine sancto eius sperabimus.

Fiat misericordia tua domine super nos, quemad-
modum sperauimus in te.

COMMENTARIUM

SI in isto mundo ab initio seculi, iusti dei afflictiones, & tribulationes passi sunt, quomodo dicitur, gaudete iusti? ò an uacat ei gaudere qui ceditur, quiq; diuerso genere tormētorum afficitur. Si ista quis loquatur, secum consideret Apostolum non solum gaudere in his, uerum etiam placere sibi in persecutionibus. Vnde & Iacobus Apostolus: Omne, inquit, gaudium existimate fratres, cum in tentationibus uarijs incideritis. Ipse autem magister Apostolorū docet qualiter gaudeamus: Cum uos, inquit, persecuti fuerint homines, & dixerint omne malum aduersum uos mētientes, gaudete & exultate, quia merces uestra magna est in caelis. Si recti estis fide, nolite laudes hominum querere in terris, quia angelorum habebitis in caelis. Ibi uos decet collaudatio, ubi laus uestra finem pœnitus non habebit. Nunc in cithara confitemini domino, & ipsa cithara decem chordas habeat, decalogi uirtutes recolens, custodiam præceptorum imponat. Prima chorda sonet rectum sermonem domini orthodoxum, & omnia opera eius in fide. Secūda chorda, quia diligit misericordiam & iudicium. Tertia chorda sonet, quia misericordia domini ita plena est terra, ut propter omne genus hominum, dei sit filius crucifixus. Quarta chorda sonet, quia

uerbo

*u*erbo cœli firmati sũt, id est, Apostoli corroborati sunt: De istis enim cœlis qui bene uoluerit erudiri, Genesios lectione docebitur. Hic de his cœlis aget, qui narrant gloriam dei resurgentis à mortuis & ascendentis in cœlos. Nam & spiritus oris domini nostri Iesu Christi, quod sit omnis uirtus eorum, quinta chorda secuta est. Sexta nunc loquatur, quod cōgregentur quasi in utrem aquæ maris, & ponatur in thesauris dei abyssus. Que est abyssus in thesauro dei? & que est abyssus ubi demonum supplicia cōmorantur? Diligenter aduerte, in thesauro dei abyssum ille inuenit, qui dicebat: O altitudo diuitiarum sapientiæ dei. Ergo cum secreta scientiæ dei corde mundo & recta fide perquiris, scias te sextam chordam percutere. Alia uero abyssus ubi demones commorantur, hæreticorum scrutatio est, de qua nobis clamatur ab Apostolo. Nolito altum sapere, sed time. Nam quod congregantur aquæ maris, omnium gentium sectæ ad unum fontem aquæ uiuæ collectæ sunt, ut de hoc uno utre excipiant aquam salientem ad uitam æternam. Et ideo septima chorda hoc sonat, ut timeat dominum omnis terra, non Iudæa sola, sed & omnes qui habitant orbem. Octaua sentit dominum nostrum Iesum Christum ipsum esse rerum omnium creatorem, qui dissipauit consilia gentium

in idolis, qui reprobauit cogitationes populorū in synagogis, qui reprobat consilia principum in passionibus martirum, qui facit consilium domini manere in eternum, in ecclesijs, in quibus sunt cogitationes cordis eius, in seculū seculi. Nona chorda indicat beatam esse gentem quæ cognoscit dominum Iesum deum suū, & hunc esse populum quem elegit in hæreditatem sibi. Decima chorda indicat, quia de cælo respexit dominus super nos, non sic de cælo quasi de fenestra, sed de preparato habitaculo suo, id est, de homine perfecto, quē assumpsit. De ipso ergo quem uirgo peperit respexit super omnes sine acceptione personæ. Pro omnibus enim & natus & passus est, ipse utiq; qui finxit singillatim corda eorum: non enim opus erat ei, ut testimonium ei quis perhiberet de homine, Ipse enim ita uidebat quid ageretur in homine, ut quid unusquisq; cogitaret proferret in mediū. Nam quod dicitur, non sit saluus rex in multa uirtute sua, tale est, quale si dicatur Herodi: Quid? quia potens es Christum ita persequi, ut possis perscrutari scribas, discutere magos, infantes occidere in abundantia uirtutis tuæ: ita non eris saluus, sicut ille qui confidebat in equo suo, & canitur de eo: Equum & ascensorem proiecit in mare: Et fessellit eum equus ad salutem, Ita & tu etiamsi gigas sis in uirtutē tuā, non eris

non eris saluus. Oculi enim domini non respiciunt confidentes in uirtute sua, sed sperantes in misericordia eius. Ipsorum enim eripit animas de morte, & alit eos in fame. Famem quidem in isto seculo si passi fuerint, & cum Apostolo dixerint, usq; in hanc horã & esurimus, & sitimus & nudi sumus: Adiungunt tamen dicentes: Anima nostra patienter agit, non turbatur, sustinent dominum. Ipse enim adiutor & protector noster est, & sicut in capite psalmi nobis iussum est, gaudete iusti in domino: In ipso letabitur cornostrum, & in nomine sancto eius sperauimus. Ipse enim facit misericordiam suam super nos, sicut sperauimus in eum, qui regnat in secula seculorum Amen.

Psalmus Dauid cum mutauit uultum suum coram Abimelech, & dimisit eum & abiit. XXXIII.

Benedicã domino in omni tẽpere, semp laus eius in ore meo. In domino laudabitur anima mea, audiant mãsueti & letẽtur. Magnificate dominũ meũ, & exaltemus nomẽ eius in idipsum; Exquisiui dominum, & exaudiuit me, & ex omnibus tribulationibus meis eripuit me. Accedite ad eũ & illuminamini, & facies uestre nõ cõfundentur. Iste paup clamauit, & dominus exaudiuit eũ, & ex omnibus tribulationibus eius saluabit eum.

b 4 Immittit

Immittit angelus domini in circuitu timētiū eum
 & eripiet eos. Gustate & uidete, quoniam sua-
 uis est dominus, beatus uir qui sperat in eo. Ti-
 mete dominum omnes sancti eius, quoniam non est
 inopia timentibus eum. Diuites eguerunt & esur-
 rierunt, inquirentes autem dominum non minuen-
 tur omni bono. Venite filij audite me, timorem
 domini docebo uos. Quis est homo qui uult ui-
 tam, diligit dies uidere bonos. Prohibe linguam
 tuam à malo, & labia tua ne loquantur dolum.
 Diuerte à malo, & fac bonum, inquire pacem &
 persequere eam. Oculi domini super iustos, &
 aures eius in preces eorum. Vultus autem do-
 mini super facientes mala, ut perdat de terra me-
 moriam eorum. Clamauerunt iusti, & dominus
 exaudiuit eos, & ex omnibus tribulationibus eorū
 liberauit eos. Iuxta est dominus his qui tribula-
 to sunt corde, & humiles spiritu saluabit. Mul-
 tæ tribulationes iustorum, & de omnibus his libe-
 rauit eos dominus. Custodit dominus omnia ossa
 eorum, unum ex his non conteretur. Mors pecc-
 atorū pessima, & qui oderunt iustum delin-
 quent. Redimet dominus animas seruatorum suo-
 rum, & non delinquent omnes qui sperant in eo.

N I S I mutaueris uultum tuum corā principe
 mīciorum

uiciorum, & dimiseris eum, ac uirtutum domino omne quod tibi superest uitæ, mæcipaueris tempus, non uere dicis: Benedicam dominum in omni tempore, nec semper laus dei erit in ore tuo, sed tibi uicium maledictionis & amaritudinis uiuit. sit ergo laus dei in ore tuo, non in adulatione laudibus hominum assuescens, nec timeas ne te uituperent iniuste, quos iuste uituperas. Si enim ab homine uituperatus fueris, in deo laudaberis: et si superbos contristaueris, audiant mansueti, & latentur hi, qui magnificant dominum tecum, & exaltant nomen eius in unum. Videamus nunc causas laudis eius. Inquisiui dominum, & exaudiuit me, & ex omnibus angustijs eripuit me: Et uos, ait, accedite ad eum, qui in cæcitate cordis estis, accedite & illuminamini, & uultus uestri non confundentur. Non confundentur in paupertate facies uestre, si consideretis omnium rerum dominum illum cæli terræq; diuitem, pro nostra paupertate pauperem factum, pro nostra tribulatione tribulatũ, ipsi nec in paupertate erubescitis, nec in tribulatione deficitis. Nam iste pauper clamauit in cruce. Quis pauper? Qui, ut te diuitem faceret, pauper factus est: Factus obediens usque ad crucem, ut te à cruciatibus liberaret. Clamauit, & dominus exaudiuit eum, misit angelum suum in circuitu timentium corpus eius,

b 5 & reuoluit

Et reuoluit lapidem à monumēto, & eripuit eum.
 Gustate corpus uitæ, & uideate quàm suavis est, do-
 minus: Vitam enim habet in semetipso, qui mandu-
 cauerit carnem eius, & biberit sanguinem eius, &
 tunc beatus erit uir qui sperat in eo. Timete domi-
 num omnes sancti eius, quoniam nihil deest timen-
 tibus eum. Nihil deest in presenti de uirtutibus, nè
 hil deest perfectioni, ut nihil in futuram gaudijs
 desit. Nam presentis temporis diuitiæ, amatores
 suos ita deserere solent, ut egentes & esurientes
 uideas eos, quorum in diuitijs nullus poterat ferre
 superbiã. Ergo in incerto sunt positi diuitiæ quas
 confert mundus. Diuitiæ autem quas contulerit
 dominus non deficient, sed permanent in omni bo-
 no, & quia istæ diuitiæ de timore dei nascuntur.
 Sic enim ait: Timete dominum sancti eius, quia ni-
 hil deest timentibus eum, Qui æterni diuites esse
 desideratis, uenite ad me quasi filij ad patrem. Cla-
 mat spiritus sanctus, Venite & audite me, timorem
 domini docebo uos. Timorem enim domini ille doc-
 cere uult, qui uult uitam æternam, & desiderat ui-
 dere dies bonos. Times ergo dominum, non si ton-
 nantem, aut fulgurantem, aut terræmotum facien-
 tem timeas, sed si ignem æternum committentem
 formides. Quia sicut habet uitam, qui cohibet lin-
 guam suam à malo, & sicut aures domini in preces
 eius sunt

eius sunt, qui cum avertitur à malo ut faciat bonum, ita uultus domini super facientes mala, ut perdat de terra memoriam eorum. Notandum sanè, quia inter cætera uirtutum insignia, pax quoque querenda præcipitur: Inquire, inquit, pacem, & sequere eam. Pax enim & in præsentem diem bonos facit hominibus, & in futuro dei filiorum dignitatem impertit, secundum id quod ipse dominus dicit: Beati pacifici, quia filij dei uocabuntur. Nec hoc nos terreat quod uidemus in isto seculo multas tribulationes iustorum. Transcunt enim ipsæ tribulationes, & ex his omnibus liberat eos dominus. Ipse etiam in sepulchro custodit omnia ossa eorum, & ita ea seruat resurrectioni, ut unum ex his non patiat perire in resurrectionis die. Mors autem peccatorum pessima apparebit tẽpore quo resuscitat in corporibus animas suorum: Hoc sanè sciatis, inquit, quia non peccat, omnis qui sperat in eo. Abstinẽtiam peccatorum in fine psalmi commendat eis, qui sperant in dominum, ut ad spei suæ fructum attingant: Non enim peccant, inquit, omnes qui sperant in eum. Ut autem non peccemus, eius est instantè misericordia postulanda, qui regnat in secula seculorum Amen

IN FINEM

In finem psalmus ipsi David XXXIHI

IV dica domine nocētes me, expugna impugnantes me. Apprehende arma & scutum, & exurge in adiutorium mihi. Effunde franeam, & conlude aduersus eos qui me persequuntur, dic anime mee: salus tua ego sum. Confundantur & reuereantur quærentes animam meam.

Auertantur retrorsum & confundantur, cogitantes mihi mala. Fiant tanquam puluis ante faciem uenti, & angelus domini coartans eos.

Fiat uia illorum tenebræ & lubricum, & angelus domini persequens eos. Quoniam gratis absconderunt mihi interitum laquei sui, superuacue exprobrauerunt animam meam, Veniat illi laqueus quem ignorat, & captio quam abscondit ap-

prehendat eum, & in laqueum cadet in ipso. Anima autem mea exultabit in domino, & delectabitur super salutari suo. Omnia ossa mea dicent, domine quis similis tui? Eripiens inopem de manu fortiorum eius, egenum & pauperem à diripientibus eum. Surgentes testes iniqui, quæ ignorabam interrogabant me. Retribuebant mihi mala pro bonis, sterilitatem anime mee. Ego autem cum mihi molesti essent, inducbar cilicio, humiliabam in ieiunio animam meam, & oratio mea in sinu meo conuertetur. Quasi proximum, &

quasi

quasi fratrem nostrum sic complacebam, quasi lugens & contristatus sic humiliabar. Et aduersum me letati sunt, & conuenerunt, congregata sunt super me flagella & ignorauit. Dissipati sunt nec compuncti tentauerunt me, subsannauerunt me subsannatione, frenduerunt super me dentibus suis. Domine quando respicies restitue animam meam à malignitate eorum, à leonibus unicam meam. Confitebor tibi in ecclesia magna, in populo graui laudabo te. Non supergaudeant mihi qui aduersantur mihi inique, qui oderunt me gratis & annuunt oculis. Quoniam mihi quidem pacifice loquebantur, & in iracundia terre loquentes, dolos cogitabant. Et dilatauerunt super me os suum, dixerunt euge euge uiderunt oculi nostri. Vidiſti domine ne ſileas, domine ne diſcedas à me. Exurge & intende iudicio meo, deus meus & dominus meus in cauſam meam. Iudica me ſecundum iuſtitiam tuam domine deus meus, & non ſupergaudeant mihi. Non dicant in cordibus ſuis euge euge anime noſtræ, nec dicant deuorabimus eum. Erubescant & reuereantur ſimul, qui gratulantur malis meis. Induantur confuſione & reuerentia, qui maligna loquuntur ſuper me. Exultent & letentur, qui uolunt iuſtitiam meam, & dicant ſemper
magnificetur

magnificetur dominus, qui uolūt pacem serui eius. Et lingua mea meditabitur iustitiā tuā, tota die laudem tuā.

COMMENTARIUM

Dominus Iesus Christus, si præceptis suis scripturas ueteris testamenti uidisset esse contrarias, à sua ecclesia exclusisset. Nunc uero cum non solum nō exclusit, sed etiam à patre sanctificatas asseruit. Namque cum testimonium de filijs dei daret, & diceret uersiculum psalmi octogesimali primi: Nō potest, inquit, immutari scriptura, quem pater sanctificauit, & misit in hunc mūdum. Quid ergo faciemus? Si maledicamus inimicos nostros, euangelica præcepta contemnimus, quibus non solum non maledicere, uerum etiam pro his orare iubemur, Si custodire uolumus euangelij iussiones, psalmos relinquinus, quibus frequenter imini maledicuntur, ut in isto psalmi loco in capite: Iudica, inquit, nocentes me, & cetera que sequuntur. Vnde cautius psalmista caue, ne ad homines aduersantes tibi putes ista competere, sed fide fixus pro inimicis tuis ora, sicut iussum est, & hanc orationem psalmi presentis, non contra carnem & sanguinem, sed contra spiritus aeris huius, qui quotidie nocent, quotidie bella committunt. Induere sacco siue cilicio, & humilia in ieiunio animam tuam, quia non uincuntur, nisi per orationem & ieiunium

ieiunium. Quid ergo oras indutus cilicio? Ut expugnet dominus expugnantes te, ut apprehēdat arma auxilij sui, arma inuisibilia aduersus hostes inuisibiles. Ipsi enim quærunt animam tuam. Ora ut fiat uia eorum tenebræ & lubricum, & angelus domini persequatur eos, quia ipsi absconderunt tibi interitum laquei sui, uanam exprobrantes animam tuam, dicentes ei: Vanum est quod oras, quod ieiunas, quod mundum contemnis. Vnde & propheta hoc ipsum increpat dicens: Ideo, ait, plaga super Israel multiplicata est quia dixerunt, Vanus est qui timet deum. Ergo quia hi spiritus immundi suggestionibus suis uanam exprobant animam meam, ut uilem se estimans, à precioso dei timore abscedat: Veniat illis laqueus quem ignorant: sicut mihi inuisibiles hostes sunt ad bonum pergenti, sic illis inuisibilis occurrat laqueus ad meum interitum festinantibus, ut captio quam occultauerunt mihi, apprehendat eos, & in eodem laqueo incidant, ut anima mea exultet in deo salutari suo, qui eripit inopem de manu fortioris. In quo exurgūt testes iniqui, ostendētes quod est pulchrū scēdum, & quasi bonū quod est inimicū, que ignorabāt quæ penitus ad animū non habebā, hæc interrogabāt me: retribuebāt mihi mala pro bonis. Hic retributio mala pro bonis demonū talis est, ut
dicerem

dicerem, quotiens oro, quotiens à peccatis abstinero, mala mihi eueniunt, & sterilitas meam animam comitatur. Quid ergo egisti dū tibi molesti essent? dic nobis, ut & nos hoc faciamus; Cū mihi, inquit, molesti essent, induebar cilicio, & humiliabam in ieiunio animam meam, & oratio mea in sinu meo conuersa est. Quemcumque quasi proximum, & quasi fratrem meum putabā fidelem, & placebam mihi in eo, ita egit ut Iudas in domino, ut lugētem me & contristatum faceret, humilem inimicis. Sic passioni dominicæ hoc applicabis, ut tamen ordinem cæptæ explanationis astringas, quia ipsa passio domini hoc agit, ut nos edificemur. Quanto enim plus deo adhaeris, tanto plura demonum circa te flagella non decerunt, ipsi tentant te, & derisu suo exagitant, & fremunt super te dentibus suis. Tu quod tuum est clama: Domine quando respicies, restitue animam meam à malis factis eorum, à leonibus unicam meam. Vna nobis est anima nostra & numero & affectu. Cū ergo eam restitueris in bono proposito, & liberaueris à malis factis eorum, tunc confitebor tibi in ecclesia magna, & in populo non leui, non flagitāti pompas, & accipiēti personas, sed in populo graui timoris tui custodienti: in eo mihi erit assiduitas, & in eodem populo laudabo te. non ergo insultent qui aduersantur

uersantur mihi iniqui, qui oderunt me gratis, & annuunt oculis. Hæc, ut dixi, ita passioni dominicæ applica, ut edificationis tuæ interpretē penitus non omittas. dæmonia enim nobis quotide pacifice loquuntur. Pacifica res est concupiscentiæ fructus: sed super iram dolosam cogitant, sicut in hamo esca, dulcis in aspectu, letalis in gustu est. Dilatauerunt in me os suum, quotidie seculi amatores crimina inaudita committunt, & nullus penitus à nullo arguitur. At ubi quis boni propositi in leui qualicumq; culpa incurrerit, dilatant spiritus immundi ora eorum, qui, ut dixi, criminibus uacant, ut uideas eos tale ferre iudicium in uno quodcumque peccato, ut dicant: cur non urbe pelluntur? ut quid uiuere permituntur? Isti sunt per quos mundus perijt. Hic clamat ad dominum: Exurge domine & intende iudicium meum, & causam meam iudica secundum misericordiam tuam. Si enim secundum misericordiam iudicaueris, non insultabunt in me dæmones, nec dicent euge euge animæ meæ, nec dicent deuorauimus eum. Euge euge, & in bono accipitur & in malo. Nam dicitur euge serue bone & fidelis, dicitur & euge uiderunt oculi nostri. Euge ergo uox eius est, cuius desiderium uidetur impletum, siue in bono, siue in malo. Mox itaque ut hi qui in malo tuo letantur, non dicant deuora-

uimus eum, sed confundantur qui gratulantur in malis tuis. Et lætentur qui uolunt iusticiam tuam, & desiderāt pacem tuam, ut lingua tua meditetur iustitiam dei, & omni die in laude eius permaneat, qui regnat in secula seculorum Amen.

In finem sermo domini Dauid

XXXV.

DIxit iniustus ut delinquat in semetipso, non est timor dei ante oculos eius. Quoniam dolose egit in conspectu eius, ut inueniatur iniquitas eius ad odium. Verba oris eius iniquitas & dolus, noluit intelligere, ut bene ageret. Iniquitatem meditatus est in cubili suo, astitit omni uia non bonæ, malitiam autem non odiuit. Domine in cælo misericordia tua, & ueritas tua usque ad nubes. Iustitia tua sicut montes dei, iudicia tua abyssus multa. Homines & iumenta saluabis domine, quemadmodum multiplicasti misericordiam tuam deus. Filij autem hominum in tegmine alarum tuarum sperabunt. Inebriabuntur ab ubertate domus tue, & torrente uoluptatis tuæ potabis eos. Quoniam apud te est fons uitæ, & in lumine tuo uidebimus lumen. Prætende misericordiam tuam sitientibus te, & iustitiam tuam his qui recto sunt corde. Non ueniat mihi pes superbia

perbie, & manus peccatoris non moueat me. Ibi
 ceciderunt qui operantur iniquitatem, expulsi sunt
 nec potuerunt stare.

COMMENTARIUM

Discernendum est inter eum qui delinquit in
 alio, & inter eum qui delinquit in semeti-
 ipso. Delinquit in alio, qui cum possit corrigere à
 malo peccantem, insuper & adulatur: Delinquit
 in seipso, qui sibi ipsi non uult suadere iustitiam,
 quia non est timor dei in conspectu eius, ut inuenia-
 tur iniquitas sua ad odium, laudat iniustum, ut lau-
 detur iniustus. Non uult intelligere actiones bo-
 nas, quibus promerebitur deus cubile cordis sui.
 Iniquitatem meditatur, ut adsit omni uie non bo-
 nae, & non excretur malitiam. Et licet in terra &
 in mari sit misericordia Domini, sed proprie in
 caelo est misericordia eius, inde uenit, inde ex-
 pectatur. Veritas autem eius usque ad Aposto-
 los, qui nubes idcirco appellantur, quia inun-
 datione sermonis sui terram rigantes fidei, eam
 fructum Deo facere docuerunt. Vnde & de
 ipsis Dominus dicit: Mandabo nubibus ut non
 pluant super Iudæam imbrem, usque ad ipsos
 ueritas, quæ est Christus, cuius iustitia est sicut
 montes Dei, cuius iudicia abyssus multa sunt, qui
 & homines, & iumenta suo saluabit aduentu.

id est, & Iudeos & gētes. Nam & filij hominum, qui in peccato Adæ desperantes extiterant, in protectione alarum eius sperant, id est, in expansione manuum in cruce fixarum: sperant autem, qui inebriantur ab ubertate domus eius. Domus eius est, quæ ex latere suo fudit, unde inebrientur qui credunt, & torrente deliciarum suarum potabit eos, qui inebriati fuerint ab ubertate domus eius. Quoniam apud ipsum est fons vitæ, & quia lux de lumine est, in ipsius lumine uidebimus lumē, qui præterdit misericordiam suam scientibus se. Iustitiam uero suam bis qui recto sunt corde. Ipse enim & indulgentiam præterdit corrigenti, & seruat iusticiam permanenti. Vnde orādum est, ut non ueniat nobis pes superbiæ, & manus peccatoris non moueat nos. In manu enim diaboli sunt omnes, qui operantur iniquitatem, & desperātes de misericordia dei, expulsi sunt & nō potuerunt stare. Sed Apostolus dicit: Stabit. Potens est deus statuere illum. Rogandus est ergo dominus Iesus Christus, ut ipse nos confirmet, ut in timore eius stare possimus, per ipsum dominum nostrum Iesum Christum, qui regnat in unitate patris & spiritus sancti in secula seculorum Amen.

Psalmus ipsi Dauid XXXVI.

NOli emulari in malignantibus, neque zela ueris facientes iniquitatem. Quoniam tanquam fœnum uelociter arefcet, & quemadmodum olera herbarum cito decident. Spera in domino, & fac bonitatem, & inhabita terram, & pascaris in diuitijs eius. Delectare in domino, & dabit tibi petitiones cordis tui. Reuela domino uiam tuam & spera in eo, & ipse faciet. Et educet quasi lumen iustitiam tuam, & iudicium tuum tanquam meridiẽ, subditus esto domino, & ora eum. Noli emulari in eo qui prosperatur in uia sua, in homine faciente iniustitias. Desine ab ira, & de relinque furorem, noli emulari ut maligneris.

Quoniam qui malignantur, exterminabuntur, sustinentes autem dominum, ipsi hereditabunt terram. Et adhuc pusillum, & non erit peccator, & quæres locum eius, & non inuenies, Mansueti autem hereditabunt terram, & delectabuntur in multitudine pacis. — Obseruabit peccator iustum, & stridebit super eum dentibus suis. Dominus autem irridebit eum, quoniã prospicit quod ueniet dies eius. Gladium euaginauerunt peccatores, intenderunt arcum suum. Ut decipiant pauperem & inopem, ut trucident rectos corde. Gladius eorũ intret in corda ipsorũ, & arcus eorũ

rum confringatur. Melius est modicum iusto, super diuitias peccatorum multas. Quoniam brachia peccatorum conterentur, cōfirmat autem iustos dominus. Nouit dominus dies immaculatorum, & hereditas eorum in aeternum erit. Non confundentur in tempore malo, & in diebus famis saturabuntur, quia peccatores peribunt. Inimici uero domini mox, ut honorificati fuerint, & exaltati, deficientes quemadmodum sumus deficient. Mutuabitur peccator, & non soluet, iustus autem miseretur & retribuet. Quia benedicentes ei hereditabunt terram, maledicentes autem ei disperibunt. Apud dominum gressus hominis dirigitur, & uiam eius uolet. Cum ceciderit non collidetur, quia dominus supponit manum suam. Iunior sui, etenim senui, & non uidi iustum derelictum, nec semen eius quærens panem. Tota die miseretur, & commodat, & semen eius in benedictione erit. Declina à malo, & fac bonum, inhabita in seculum seculi. Quia dominus amat iudicium, & non derelinquet sanctos suos, in aeternum conseruabuntur. Iniusti punientur, & semen impiorum peribit. Iusti autem hereditabunt terram, & inhabitabunt in seculum seculi super eam. Os iusti meditabitur sapientiam, & lingua eius loquetur iudicium. Lex dei eius in corde ipsius

ipsius, & non supplantabuntur gressus eius. Considerat peccator iustum, & quarit mortificare eum. Dominus autem non derelinquet eum in manus eius, nec damnabit eum cum iudicabitur illi. Expecta dominum, & custodi uiam eius, & exaltabit te ut hereditate capias terram, cum perierint peccatores uidebis. Vidi impium superexaltatum, & eleuatum sicut cedros libani. Et transiui, & ecce non erat, quæsiui eum, & non est inuentus locus eius. Custodi innocentiam, & uide æquitatem, quoniam sunt reliquie homini pacifico. Iniusti autem disperibunt, simul reliquie impiorum interibunt. Salus autem iustorum à domino, & protector eorum in tempore tribulationis. Et adiuuabit eos dominus, & liberabit eos. & eruet eos à peccatoribus, & saluabit eos, quia sperauerunt in eo.

COMMENTARIUM

SI hæc spes quæ uidetur expetitur, zelabimur malignantes, & facientes iniquitatem. Dicere enim possumus, Ecce ille & ille, hæc & hæc scelera perpetrarant & florent: Noli, inquit, ista considerare, sed considera, quoniam tanquam fœnū uelociter ardescent. Tu autem spera in deum, &

fac bonitatē, spera quia spe salui facti sumus. In habitā terrā, & pascere in diuitijs eius. Inhabita terram, id est, corpus tuū. & pasceris in diuitijs eius. Si operatus fueris terram tuam, saturaberis panibus. Offerant oculi fructum ex concupiscentia celesti, aures in attentionem audiendi uerbum dei, os diuinis laudibus occupetur, manus eleemosynis, uenter ieiunijs, & totum corpus castitatis uirtutibus occupetur. Sic inhabitans terram & pasceris in diuitijs eius, tunc delectaberis in domino, & dabit tibi petitionem cordis tui. Cum ei reuelaueris uiam tuam, tūc educet iusticiam tuam quasi lumen, & iudicium tuum clarum faciet super meridiem, Nihil enim clarius meridiano tempore. Perfectum enim hoc tempore progreditur lumen. Subditus esto domino, & ora eum: quasi dicat, si ei subditus non fueris, ut facias uoluntatem eius, sine causa obsecras eum. Noli zelari eum qui prosperis successibus pollet, hominem facientem iniquitatem. Desine ab ira, & derelinque furorem. Noli zelari ut maligneris, quoniam qui malignantur, exterminantur. Quod differtur nō aufertur, pusillum, & non erit peccator, Quæres locū eius, nec inuenies. Nam qui mansueti sunt possidebunt terram. Non istam matrem spinarum, & serpentium, sed illam in qua eternitas regnat, terram fluentem lac &

mel. Et ibi delectabuntur in multitudinem pacis. Hec si iustus es, uide ne in presenti mundo perquiras: non enim melior Paulo eris, in fame & siti duranti, in frigore & nuditate perseueranti, Sed esto sollicitus, quia quotidie te diabolus considerat, & fremit super te dentibus suis, sed dominus irridet eum, quia scit quod eueniat dies eius. Et quãtacũq; contra te demonia bella committant, noli timere: Quia gladij eorum intrabunt in corda eorum, & arcus eorum confringentur. Melius tibi sit modicum de iustitia possidere, quã de iniusto diuitias peccatorum multas. Nam brachia demonum si pugnaueris confringet dominus. Dignatur enim iustos suos in sua misericordia confirmare, quorum scit uias immaculatorũ, quorum hereditas eorum Christus est. Qui in eternũ manet, per ipsum non confundentur in tempore malo. Tempus malum est Christiano, quando ad peccatum aliquod prouocatur. Sed si hereditas eius in eternum manet, id est, si perseuerat in Christo, non confundetur in tempore malo, & in diebus famis saturabitur, tempore quo peccatores pereunt. Modo autem regnant etiam ipsi inimici domini, qui licet honorentur, & ab adulatoribus exaltentur, deficientes quasi fumus continuo deficient. Iusti autem exabundabunt & largientur & tribuent. Inustus autem

etiam mutuabitur, & non soluet. Semper auarus eget. Iustus autem quia à domino gressus eius dirigentur, etiam si ecciderit, non collidetur, quia dominus supponit manum suam. Recordare ab initio, & uidebis iustum probatum potius quàm deceptum, non derelinquitur. Qui declinat à malo ut faciat bonum, in æternum conseruabitur, quia os eius meditabitur sapientiam. Lex enim dei est in corde eius, & ideo non supplantabuntur gressus eius. Considerat eum diabolus, & cupit mortificare eum, sed deus non derelinquet eum in manibus suis, nec damnabit eum cum indicabitur illi. Expecta dominum, & custodi uias eius, & exaltabit te ut hæredites terram, tempore quo pereunt peccatores uidebis. Hoc loco quæ sequuntur, licet multos conscientia nostra retineat subito de potentatu corruisse, & ita ad nihilum deuenisse, ut nec locum sui itineris reliquerint, tamen specialiter hoc de diabolo ait. Ipse est enim impius exaltatus super cedros libani. Sed ubi transierit mundus, queritur locus eius, & nō inuenietur. Custodiamus nos unitatem fidei, ut uideamus æquitatem iudicij. Qui faciet reliquias homini pacifico, iniustos autē punit simul. Reliquiæ uero impiorum tunc peribunt, quando salus uenerit iustorum à domino, & protector eorum erit in tempore tribulationis: ut autem eua-

dant

dant adiuuat eos dominus, & liberat eos, & eripit eos à peccatoribus, & saluat eos, quoniam sperant in domino nostro Iesu Christo, qui regnat in secula seculorum Amen.

Psalmus Dauid in rememoratione
sabbati. XXXVII.

Domine ne in furore tuo arguas me, neque in ira tua corripas me. Quoniam sagittæ tuæ infixæ sunt mihi, & confirmasti super me manum tuam. Non est sanitas in carne mea à facie iræ tuæ, non est pax ossibus meis à facie peccatorum meorum. Quoniam iniquitates meæ supergressæ sunt caput meum, & sicut onus graue grauatae sunt super me. Putruerunt & corruptæ sunt cicatrices meæ, à facie insipientiæ meæ. Miser factus sum, & curuatus sum usque in finem, tota die contristatus ingrediebar. Quoniam lumbi mei impleti sunt illusionibus, & non est sanitas in carne mea. Afflictus sum, & humiliatus sunt nimis, rugiebam à gemitu cordis mei. Domine ante te omne desiderium meum, & gemitus meus à te non est absconditus. Cor meum conturbatum est, dereliquit me uirtus mea, & lumen oculorum meorum & ipsum non est mecum. Amici mei & proximi mei, aduersum me appro-

pinqua

pinquauerunt & steterunt. Et qui iuxta me erant de lōge steterunt, & uim faciebant qui querebant animam meam. Et qui inquirebant mala mihi locuti sunt uanitates, & dolos tota die meditabantur. Ego autem tanquam surdus non audiebam, & sicut mutus non aperiens os suum. Et factus sum sicut homo non audiens, & non habens in ore suo redargutiones. Quoniam in te domine speraui, tu exaudies me domine deus meus. Quia dixi ne quādo supergaudeant mihi inimici mei, & dum commouentur pedes mei, super me magna locuti sunt. Quoniam ego in flagella paratus sum, & dolor meus in conspectu meo semper. Quoniam iniquitatem meam annuntiabo, & cogitabo pro peccato meo. Inimici autem mei uiuent, & confirmati sunt super me, & multiplicati sunt qui oderunt me inique. Qui retribuunt mala pro bonis detrahebant mihi, quoniam sequebar bonitatem. Non derelinquas me domine deus meus, ne discesseris à me. Intende in adiutorium meum domine deus salutis meæ.

COMMENTARIUM

BENE quidam uoluit ad tropare in beati Iob passionem istum psalmum exponendo, sed qui passionem Iob legere & scire desiderat, melius facit si ipsum eius librum discutiat. Hic autem idem
 qui in

qui in sexto psalmo est poenitens clamat ad dominum, ne in ira domini arguatur, aut in correptionem eius diuinus furor exaestuēt. Sanè quotiescūq; motus istos in deo legeris nō secundum id quod tu pateris, iram senti, quia deus impassibilis est, & non sua commotione, sed sua æquitate castigat. Nos tamen iram sentimus, furorem dicimus, quia inopiam patimur & sermonis & rationis, & de incorporeo corporei, ac de impassibili passibiles, secundum quod nos possumus, non secundum quod ipse est protestamur. Denique sequitur: Quoniam sagittæ tuæ infixæ sunt mihi. Nunquid quia sagittas nominat, uerè sagittæ sunt? Imo ipse uerè sagittæ sunt, de quibus spiritualiter pungimur, ut consideremus, quia non est sanitas in carne nostra, quando libidinum uulneribus agitamus, ibi uulnus iræ domini, ibi pacem ossa nostra non habent à facie peccatorū nostrorum. Quando iniquitates nostræ supergrediuntur caput nostrum. Caput nostrum Christus est, Quando contra eius præcepta aliquid agimus, iniquitates nostræ caput nostrum supergrediuntur, & sicut onus graue grauantur super nos. Et quia moras facimus, in ipsis uulneribus nostris putrescunt, deteriorant ipsa uulnera, à facie insipientiæ nostræ miserī efficimur, & turbamur usq; in finem. Quid autem in ipso peccato tristes efficimur

efficiamur? Quia cognoscimus animam nostram
 impletam illusionibus demonum, & ideo non esse
 sanitatem in carne nostra. Incuruemur ergo & hu-
 miliemur usq; quaq; & mugitum nostri cordis ge-
 mitumq; reddētes, ex totis uisceribus exclamemus:
 Domine ante te omne desiderium meum. Desideres-
 mus enim in ipsis peccatis positi, alieni effici à pec-
 catis: & hoc orandum docemur, ut huic desiderio
 annuat diuina clementia, quia cor nostrum turbar-
 tur, & deserit nos fortitudo nostra, & lumen ocu-
 lorum nostrorum, id est, Christus, & spiritus san-
 ctus non est nobiscum. Quando pollutionibus occu-
 pamur, tunc amici nostri apices dei aduersum nos
 ueniunt, & stant, increpant, minantur ignem eter-
 num, minantur mortem repentinam. Proximi au-
 tem à longe stant, id est, angeli sancti, qui proximè
 nobis sunt quando iuste & pie & caste tractamur:
 Et quia pollutionibus aut impietatibus iuxta esse
 non possunt, ideo à longe stant: & illis longe stan-
 tibus uicio nostro, uim nobis faciunt qui quærent
 animam nostram, & quærentes mala nostra, sug-
 gerunt uanitatem, & dolos tota die meditantur.
 Iam qui uult ad misericordiã peruenire, dicit quod
 sequitur: Ego autem tanquã surdus non audiebam,
 illis q; prouocantibus, ut in aliquo turpi aut malo
 uerbo prorumperem: Factus sum ut mutus non ape-
 ricus

riens os suum. *Quare hoc? Quia in te spero domine. Spe enim salui efficiamur & credimus. Quoniam tu exaudis domine deus, ut non insultent nobis inimici nostri. Qui inimici? illi qui quando commouentur pedes nostri, aduersum nos magna loquuntur. Hæc autem dicimus, si agnoscamus nos pro peccatis nostris in flagella paratos, & dolor cordis nostri agat contra nos, atque iniquitatem nostram pronuncians, faciat nos cogitare pro peccato nostro. Inimici enim nostri uiuunt, & firman-
 tur super nos, quando delinquimus: quando autem non delinquimus, multiplicantur ut odiant nos inique, ut retribuant nobis mala pro bonis: ita ut orantibus & caste nos tractantibus, illi zelo ducti, pro bis bonis mala retribuunt, & faciant nobis detrahi, quando sequimur iusticiam. Et ideo clamandum est ad dominum, ne derelinquat nos pro peccatis nostris, sed intēdat in adiutorium nostrum, in quo præterita poenitemus, præsentia corrigimus, ipse futura dirigat, ut sicut titulus commemorationem dici sabbati psalmo positus protestatur, ab omni opere seruili cessemus, ut liberemur à seruitute peccati, per dominum nostrum Iesum Christum, qui in unitate deitatis regnat cum patre, & spiritu sancto ante omnia, & nunc & semper, & in cuncta secula seculorum Amen.*

In finem

In finem pro ydibum canticum

David XXXVIII.

Dixi custodiam vias meas, ut non delinquam
in lingua mea. Posui ori meo custodiam,
cum consisteret peccator aduersum me. Obmutui
& humiliatus sum & filui à bonis, & dolor
meus renouatus est. Concaluit cor meum intra
me, & in meditatione mea exardescet ignis. Lo-
cutus sum in lingua mea, notum fac mihi domine fi-
nem meum. Et numerum dierum meorum quis
est, ut sciam quid desit mihi. Ecce mensurabiles
posuisti dies meos, & substantia mea tanquam ni-
hil ante te. Verumtamen uniuersa uanitas om-
nis homo uiuens. Verumtamen in imagine per-
transit homo, sed & frustra conturbabatur. The-
zaurizat & ignorat cui congregabit ea. Et nunc
que est expectatio mea, nonne dominus & sub-
stantia mea apud te est. Ab omnibus iniquitati-
bus meis erue me, opprobrium insipienti dedisti
me. Obmutui & non aperui os meum, quoniam
tu fecisti à me plagas tuas. A fortitudine manus
tue ego defeci in increpationibus, propter iniqui-
tatem corripuisti hominem. Et tabescere fecisti,
sicut araneam animam eius, ueruntamen uane con-
turbatur omnis homo. Exaudi orationem meam,
domine, & deprecationem meam, auribus percipe
lachrymas

lachrymas meas. Ne fileas quoniam aduena ego sum apud te & peregrinus, sicut omnes patres mei. Remitte mihi ut refrigerer prius quam abeam & amplius non ero.

COMMENTARIUM

IN tricesimo & octauo psalmo ingressi uidemus sancti propositi professionem, in qua positus homo dei quid dixerit, quid cogitauerit, quid doluerit, quid meditatus fuerit, quid orauerit, explicatur. Quid ergo dixerit audiamus. Ponamus eum audisse: *Currite dum lucem habetis, ne uos tenebrae comprehendat, Et hic uolens currere dixerit, ut custodiret uias suas. Primo omnium egit, ut non delinqueret in lingua sua, posuit ori suo custodia. Quando? Non semper tacuit? non omni tempore, sed eo tempore dum consisteret peccator aduersus eum, qui eum prouocaret, aut ad maledicendum, aut ad conuiciandum, aut ad obtrectandum, aut etiam aliquod malum ex ore suo proferendum. Hic eo tempore obmutuit, & humiliatus est & siluit, non solum a malis, sed etiam a bonis. Perfectius egit Paulus, non obmutuit a bonis, sed a solis malis. Nam dum consisteret peccator aduersus eum, dixit: *Maledicimur, & benedicimus, & blasphcmamur & obsecramus. Hic tamen nec bonum nec malum protulit: Sed obmutui, inquit, etiam a bonis,**

k & dolor

& dolor meus renouatus est, id est, nouis cōuicijs,
 nouis doloribus cōmouebat. Sed quia dixi ut non
 delinquerem in lingua mea, concaluit cor meum
 intra me, & in meditatiōe mea exarsit ignis genui-
 nus, qui motum conscientie innocentis inflammat.
 Locutus tamen tandem aliquando dixi domino:
 Notum fac mihi finem meum, ut sciam quā diu op-
 probrium insipienti ero. Consideraui tamen &
 hoc, quia uanitati subiacet omnis homo uiuens, qui
 & cum in imagine transeat, sollicitus est & condit
 thesauros ignorans cui cōgreget eos. Quæ autem
 causa ut dum agit de eo, qui cum suo iurgio prouo-
 cabat ad litigandum, subito ad istum deuolutus sit
 qui thesaurizat. Vtiq; nō esset lis in seculo, si non
 unus uellet alio ditior fieri, siue in opibus, siue in
 honoribus. Hic autem qui custodit uias suas dicit:
 Expectatio mea non est alia, nisi dominus, & sub-
 stantia mea ipse est, qui ab omnibus iniquitatibus
 meis eripiat me, & amoueat à me plagas suas. A
 fortitudine enim manus domini defeci in increpa-
 tionibus, considerans fortitudinem patientie dei,
 qui usq; in crucem manus suas expandit, & dum
 illum cupio imitari, defeci in increpationibus. Pro-
 pter præuaricationem primum hominem corru-
 ptiisti, & qui factus fuerat, ut efficeretur per obe-
 dientiam immortalis, per inobedientiam mortalis
 effectus

effectus est, & cum mortalis est, tabescat ueluti aranea anima eius. Non dixit mori fecisti, sed tabescere fecisti. & dat araneae comparationem, ut sicut scissa tela eius repentino flatu, ita scisso corpore eius à morte, anima tabescat, non habēs florem corporeum, & tamen uane conturbatur cum sciat se non longo post tempore moriturum. Hæc in alio increpans, in se emendat, & cum lachrymis orat, ut non taceat dominus, loquatur in corde eius in consilio eius, ut cognoscat se incolam & peregrinum in hoc seculo, & dicat: Remitte mihi hic peccata mea, ut ibi refrigerer: Hic, inquit, mihi remitte prius quàm abeam, quia si mihi hic remiseris, ibi refrigeriū inuenio, & amplius non ero peregrinus, quia efficior cuius factorum & domesticus dei per dominum nostrum Iesum Christum, qui regnat in secula seculorum Amen.

In finem psalmus Dauid XXXIX

Expectans expectaui dominum, & intendit mihi. Et exaudiuit preces meas, & eduxit me de lacu miserie, & de luto fecis. Et statuit supra petram pedes meos, & direxit gressus meos.

Et immisit in os meum canticum nouum carmen deo nostro. Videbunt multi & timebunt, & sperabunt in domino. Beatus uir cuius est nomen

domini spes eius, & nō respexit in uanitates & in
fanas falsas. Multa fecisti tu domine deus meus
mirabilia tua, & cogitationibus tuis non est qui si-
milis sit tibi. Annunciaui & locutus sum, multi-
plicati sunt super numerum. Sacrificium & obla-
tionem noluisti, aures autem perfecisti mihi. Ho-
locaustum & pro peccato non postulasti, tunc di-
xi ecce uenio. In capite libri scriptum est de me,
ut facerem uoluntatem tuam deus meus uolui, &
legem tuam in medio cordis mei. Annunciaui
iusticiam tuam in ecclesia magna, ecce labia mea
non prohibebo domine tu scisti. Iusticiam tuam
non abscondi in corde meo, ueritatem tuam, & sa-
lutare tuum dixi: Non abscondi misericordiam
tuam, & ueritatem tuam à consilio multo. Tu
autem domine ne longe facias miserationes tuas à
me, misericordia tua, & ueritas tua semper suscepe-
runt me. Quoniam circundederunt me mala
quorum non est numerus, comprehenderunt me
iniquitates meae, & non potui ut uiderem. Mul-
tiplicati sunt super capillos capitis meī, & cor me-
um dereliquit me. Complaceat tibi domine ut
eruas me, domine ad adiuuandum me respice,
Confundantur & reuereantur simul, qui querūt
animam meam, ut auferant eam. Auertantur
retro & reuereantur qui uolunt mihi mala.
Ferant

Ferant confestim confusionem suam, qui dicunt mihi euge euge. Exultent & latentur super te omnes quærentes te, & dicant semper magnificetur dominus, qui diligunt salutare tuum. Ego autem mendicus sum & pauper, dominus sollicitus est mei. Adiutor meus & protector meus tu es deus meus, ne tardaueris.

COMMENTARIUM

Iste in tricesimo octavo psalmo dixit: *Quæ est expectatio mea, nonne dominus? Nunc in tricesimo nono dicit: Expectas expectavi dominum, & respexit me. Et qui ibi dixerat: Exaudi orationem meam, Hic dicit: Exaudiuit orationem meam. Quid orasti? Hic, inquit, oravi, ut educeret cogitationes meas de lacu miseriæ, & de luto libidinum, quæ merito feces dicuntur, & statueret super petram pedes meos, ut ultra non commouear flantibus uentis, id est, suggerentibus spiritibus immundis. Et his factis dirigat gressus meos, tunc dabit ori meo canticum nouum. Omnis qui uicerit, nouum canticum canit, canit autem non sibi, reputans quia sine deo non respondet salus, nec Pharaoni, sed canit hymnum deo, quia in ipso faciemus uirtutem, & ipse ad nihilum redigit inimicos nostros. Ego ergo expectans dominum, hoc consecutus sum. Videbunt me multi sperantem in domino, ad meum desiderium*

peruenisse, & ipsi timebunt deum, & sperabunt in domino. Ille enim solus beatus, qui nomen domini spem suam credens, non respicit uanitates mundi, & insanias falsas diaboli. Multa fecit dominus mirabilia, & in cogitatione eius nullus similatur ei, nec in cœlis, nec in terris. Ego autem annunciaui, quia expectaui dominum, & locutus sum, quia respexit me, & multiplicati sunt qui expectarent dominum. Didicerunt enim à me, quia sacrificium & oblationem noluisti, aures autem perfecisti mihi. Dixisti enim: Plus est obedientia aurium, quam sacrificium manuum, quod tibi pro peccato offerri minime postulasti: tunc dixi ecce ueniam. In capite libri scriptum est de me, id est, in initio psalterij de me scriptum est, ut beatus efficiar uir, ut faciam uoluntatem tuam, & sit in lege tua uoluntas mea, hoc uolui, & legem tuam in medio cordis mei. Annunciaui iustitiam tuam in ecclesia magna, id est, in conuentu magnorum iuste locutus sum, iuste iudicauit, non accipiens personam. Prohibui labia mea, ut quod iustum est non absconderem in corde meo, sed ueritatem tuam in iudicio, & salutare tuum in persona humili dixi. Non celauit misericordiam tuam, sed dixi miserendum inopi. Nec tacuit ueritatem tuam in synagoga multa, id est, in conuentu multorum. Tu ergo domine ne longe facias misericordias

miseri cordias tuas à me, quia misericordia tua & ueritas tua semper susceperunt me: susceptum me suum agnoscit, & equitas dum iudico, misericordia dum subuenio. Et quoniam aduersa & mala cõprehenderunt me fugientem, & non possum mihi adesse, & multiplicantur super capillos capitis mei, ita ut ipsum cor meum derelinquat me, Deprecor, ut complaceat tibi domine, ut eripias me, domine ad adiuuandum me respice. Quærun t enim spiritus immundi animam meam, ut auferant eam, & uolunt mihi mala, ita ut dum satis sibi fecerint, dicant mihi, euge euge. Præsta ut quotiens me uolunt capere, serant confestim confusionem suam, exultent autem qui diligunt salutare tuum in me. Et quis egenus in uiribus, & pauper in uirtute sum, & sine auxilio tuo pugnare non ualeo, tu domine adiuua me. Festinât illi ut interficiât, domine deus meus ne tardaueris in resistendo eis, qui regnas cû patre & spiritu sancto, per omnia secula seculorũ Amē.

BIn finem psalmus David XL
 Eatus uir qui intelligit sup egenũ & paupe rē, in die mala liberabit cû dominus. Dominus cõseruet eũ et uiuificet eũ, & beatũ faciat eũ in terra, et nõ tradat eũ in animã inimicorũ eius. Dominus opẽ ferat illi sup lectũ doloris eius, uniuersũ stratũ eius uersasti in i firmitate eius. Ego dixi domine mise

rere mei, sana animam meam quia peccaui tibi. Inimici mei dixerunt mala mihi, quando morietur & peribit nomen eius. Et si ingrediebatur ut uideret, uana loquebatur cor eius, congregauit iniquitatem sibi. Egrediebatur foras, & loquebatur in idipsum. Aduersum me susurrabant omnes inimici mei, aduersum me cogitabant mala mihi. Verbum iniquum constituerunt aduersum me, nunquid qui dormit non adijci et ut resurgat. Etenim homo pacis mee in quo speraui, qui edebat panes meos, magnificauit super me supplantationem. Tu autem domine miserere mei, & retribuam eis. In hoc cognoui quoniam uoluisti me, quoniam non gaudebit inimicus meus super me. Me autem propter innocentiam suscepisti, & confirmasti me in conspectu tuo in æternum. Benedictus dominus deus Israel à seculo in seculum fiat fiat.

COMMENTARIUM

QUINQUE sensus esse in homine, omnibus notum est, qui sunt, uisus, auditus, odoratus, gustus, & tactus. Sed his omnibus prepositus, qui nutrimento sapientiæ coalescit, & memoriæ cibo pinguescit. Agitur ergo cum eo in capite psalmi huius, ut intelligat super egenum & pauperem. Nam uidere cum omnes possunt, sed nisi intellexerit, inquit, super egenum & pauperem, beatus non erit

erit, & in die mala non eum liberat dominus. dicit enim & hic egenus & pauper: Esuriui, & non dedistis mihi manducare: Sitiui, & non potastis me: Hospes fui, & non suscepistis me: Infirmus fui, & non uisitastis me. Beatus ergo qui intelligit super egenum & pauperem. Christum esse, ipsum enim si intelligit non cunctabitur, paratus erit succurrere. In die ergo mala, quādo dicendum est hoc dis: *Ite in ignem aeternum.* Tunc liberat eum dominus, & ut conseruet eum, ut uiuificet eum, & beatum faciat eum, & emundet in terra animam eius, & non tradet eum in manus inimici eius: & uniuersum stratum eius uersasti in infirmitate eius. *Omne* tentationem inimici esse hoc loco censemus: Stratum uero eius orationem asserimus, in quo in clamat domino: *Miserere mei, Sana animā meam,* quia peccaui tibi. Dum ergo sanata fuerit anima, stratus eius, id est, prostratio eius uersatur in infirmitate, id est, in illo uersatur qui fecit animam infirmam inimicis suis. Ideo deniq; & sequitur: *Inimici mei dixerunt mala mihi, quando morietur? In peccato perijt ab eo hoc, quod dicitur Christianus.* Hoc enim nomen est, quod perire nobis demonia student. Et ingrediuntur cor nostrum, ut uideant si consentimus, et si consenserimus, simul in unum susurrant, & cogitant aduersum nos, mala,

& uerbum iniquū cogitāt aduersum nos, ut si peccauerimus non pœniteamur, sed desperantes recuperationem, ita damus nos hostibus prædam, dicentes eis: Nunquid qui dormit non adijciēt ut resurgat? Nā & homo pacis meæ, in quo speraui, id est, homo meus exterior ampliāuit aduersum me supplantationē, consentiens suggestionibus eorū: qui edebat mecū panem uitæ, ipse consensit eis, accepit ab eis, ut Iudas argēteos, & prodidit dominum. Ita hic accepit ab eis concupiscentiā, & prodidit me: sed tu domine sicut suscitasti filium tuū à mortuis, ita me suscita à peccatore, suscita me, & retribuam illis. In hoc cognoui quia pro me passus es, ut non gaudeat inimicus meus super me. Voluisti mecum, pro me mori, etiam non recusasti, sed te iacente in sepulchrò timui, te autem resurgente non gaudebit inimicus meus super me, propter innocētiam enim meā suscepisti me: hoc ecclesia in Apostolis & prophetis dicit, quia non philosophos & rhetores, sed rusticos & piscatores suscepti à deo ecclesiam parauerunt, quam confirmauit in conspectu suo in æternum. Cui dicimus: Benedictus dominus deus Israel à seculo & in seculum, fiat fiat. Non te offendet diligens lector, quòd rem mysticam ad moralē traximus causam. Nam sicut Iudam ad prodendum dominum circūderunt Pharisei, & munera ei offerendo

offerendo fecerunt cum salutem suam tradere, ita hominē meū exteriorē, qui edit panē meū, spiritus immūdi circūdāt, & offerūt ei, nunc pecunias per auaritiā, nūc luxuriam per cōcupiscentiā, à quibus si acceperit, prodit, dū prodiderit, agūt cū eo ut laqueo se suspēdat, id est, ut desperet se posse à pœnitētia liberari, sed istis dicit: Nūquid qui dormit nō adijciet ut resurgat. Quod quidē mysticus, ut dixi, sensus ad resurrectionē dominicam manifestat, sed nos moralem ex mystico genuimus locū, qui propter hoc quod nos ipsi nobis nocuimus, abijcitur, cessemus nobis nocere, et inocētes efficiamur, ut merito unusquisque dicat deo, Propter innocentiam suscepisti me, & qui proieceras à facio tua per peccatum, nunc per pœnitentiam confirmas me in conspectu tuo in æternum, qui regnas in secula seculorum Amen.

In finem intellectus filijs Chore, psalmus David

XLI

Quomodo desiderat cervus ad fontes aquarū, ita desiderat anima mea ad te deus. Sitiuit anima mea ad deum fontem uiuum, quando ueniam & apparebo ante faciem dei. Fuerunt mihi lachrymæ meæ panes die ac nocte, dum dicitur mihi quotidie, ubi est deus tuus. Hęc recordatus sum, & effudi in me animam meam, quoniam

quoniam transibo in locum tabernaculi admirabilis usq; ad domum dei. In uoce exultationis & confessionis, sonus epulantis. Quare tristis es anima mea, & quare cōturbas me. Spera in deo, quoniam adhuc confitebor illi, salutare uultus mei & deus meus. Ad me ipsum anima mea conturbata est, propterea memor ero tui de terra Iordanis & hermonijm à monte modico. Abyssus abyssum inuocat in uoce cataractarum tuarum. Omnia excelsa tua & fluctus tui super me transierunt. In die mandauit dominus misericordiam suam, & nocte canticum eius. Apud me oratio deo uitæ meæ, dicam deo susceptor meus es.

Quare oblitus es mei, & quare contristatus incedo dum affligit me inimicus. Dum confringuntur ossa mea, exprobrauerunt mihi qui tribulant me inimici mei. Dum dicunt mihi per singulos dies, ubi est deus tuus, quare tristis es anima mea, & quare conturbas me. Spera in deo, quoniam adhuc confitebor illi, salutare uultus mei & deus meus.

COMMENTARIUM

Sicut ceruus serpentinis carnibus pastus, ueno
 no exestuan; festinat ad fontes, ita serpentis
 antiqui pastus consilio festinat anima mea ad te
 deus. Et quia proiecisti me à facie tua per præuari
 cationem

cationem meam, nunc per poenitentiam meam sunt mihi lachrymæ panes die ac nocte dicenti, quando ueniam & parebo ante faciem dei? Patior enim insultationes demonum dicentium mihi: ubi est ad cuius similitudinem factus es? proiecit te de paradiso suo. Ego autem credo quod ibi ingrediar in locum tabernaculi admirabilis, ubi factus est homo, nec solum ibi reuertar per Christum, uerum etiam per ueniam ad domum ipsius dei. Et qui inde proiectus sum in uoce tribulationis, reuertar in uoce exultationis & confessionis sonus epulantis. Noli ergo iam tristis esse anima, sed spera in deum, quia confitebor illi. Saluator uultus mei, id est, imaginis suæ recuperator erit deus meus, qui me à facie sua, non ut ipse uoluit proiecit, sed ego à me ipso animam conturbaui, ego eam læsi à me ipso, anima mea turbata est, & propter hoc memor ero nominis tui ad terram Iordanis, ibi accipiam remissionem peccatorum. Vbi abyssus abyssum inuocat. Filius patrem de profundo terræ, & fluminis, & apertis cataractis cæli descendente spiritu sancto, pater appellat filium de altitudine cælorum. Cum ergo altitudo ad altitudinem clamat, excelsa dei in me ingressa sunt. Homo enim recuperatus est, nō angelus, non aliqua alia creatura, quando in die mandauit dominus misericordiam suam gratis in baptismo remittendo

mittendo peccata, & ipsam misericordiam suam mihi in tenebris peccatorum posito, uelut in obscuro noctis, ibi hanc eandem misericordiam declarauit. Plus est enim misericors in poenitente, quam in credente: ibi per baptismatis gratiam simplex est indulgentia: hic geminatur, & ueluti duplici lumine declaratur, quando dicit homo cum lacrymis deo: Susceptor meus es, quare me oblitus es, cum possis indulgendo succurrere? Quare me repulisti, cum possis expulsam & exulē ad patriam reuocare? Et quare tristis incedo, cum possis latitiam reddere? Incedo, inquit, tristis, dum affligit me inimicus, dum confringit omnia ossa mea. Tristitia enim animi, ait Salomō, exiccatur ossa. Cessa ergo tristitia, & ne sine conturbare me: spe enim saluus efficior, & erit salus uultus mei, reddens libertatem aspectibus meis deus meus, qui regnat in secula seculorum Amen.

In finem psalmus Dauid XLII

Iudica me deus & discerne causam meā de gente non sancta, ab homine iniquo & doloso eripe me. Quia tu es deus fortitudo mea, quare me repulisti, & quare tristis incedo dum affligit me inimicus. Emitte lucem tuam & ueritatem tuam, ipsa me deduxerunt & adduxerunt in montem sanctum tuum, & in tabernacula tua. Et introibo

troibo ad altare dei, ad deũ qui lætificat iuuetutem meam. Cõfitebor tibi in cythara deus deus meus, quare triftis es anima mea, & quare cõturbas me. Spera in deo, quoniam adhuc confitebor illi salutare uultus mei & deus meus.

COMMENTARIVM

Gens nõ sancta, cogitationũ pessimariũ sunt semina, quæ zizania in euãgelio, à malo homine sup bonũ semẽ sata nascũtur. Ab hoc homine iniquo, id est, diabolo libera me, quia tu es deus fortitudo mea, noli me repellere à te, ut nõ triftis incedã quãdo affligit me inimicus, sed immitte lucẽ tuam & uince tenebras meas, mitte ueritatẽ tuã, & uince mēdacia mea. Lux enim tua & ueritas tua, ipse me pducũt ad montẽ sanctũ tuũ, & in tabernacula tua, cum ingredi me feceris ad altare dei, ubi quãuis senectute cõfectus uenerim, ibi iuuenis fiã, ut quasi infans confitear in cythara domino deo meo, lã noli triftis esse aĩa mea, desine conturbare me, aufer à te desperationẽ, & spera in deũ, quoniam confitebor illi. Salus enim uultus mei erit deus meus, qui regnat in secula seculorum Amen.

In finem pro filijs Chore intellectus

psalmus Dauid

XLIII

Deus aurib. nostris audiuius, patres nostri annũciauerũt nobis. Opus quod operatus est in

es in diebus eorum, & in diebus antiquis. Manus tua gentes disperdidit & plantasti eos, afflixisti populos & expulisti eos. Nec enim in gladio suo possederunt terram, & brachium eorum non saluabit eos. Sed dextera tua & brachium tuum & illuminatio uultus tui, quoniam conplacuisti in eis. Tu es ipse rex meus & deus meus, qui mandas salutes iacob. In te inimicos nostros uentilabimus cornu, & in nomine tuo spernemus insurgentes in nobis. Non enim in arcu meo sperabo, & gladius meus non saluabit me. Saluasti enim nos de affligētibus nos, & odientes nos confudisti. In deo laudabimur tota die, & in nomine tuo confitebimur in seculum. Nunc autē repulisti nos & confudisti nos, & non egredieris deus in uirtutibus nostris. Auertisti nos retrorsum post inimicos nostros, & qui oderunt nos diripiebant sibi. Dedisti nos tanquam oues escarū, & in gentibus dispersisti nos. Ven didisti populum tuum sine precio, & non fuit multitudo in commutationibus eorum. Posuisti nos opprobrium uicinis nostris, subsannationem & derisum his qui sunt in circuitu nostro. Posuisti nos in similitudinem gentibus, commotionem capitis in populis. Tota die uerecundia mea contra me est, & confusio faciei mee cooperuit me. A uoce exprobran

probrantis & obloquentis, à facie inimici & persequentis. Hæc omnia uenerunt super nos nec obliti sumus te, & inique non egimus in testamento tuo. Et non recessit retro cor nostrum, & declinasti semitas nostras à uia tua. Quoniam humiliasti nos in loco afflictionis, et cooperuit nos umbra mortis. Si obliti sumus nomen dei nostri, & si expandimus manus nostras ad deum alienum. Nonne deus requiret ista, ipse enim nouit abscondita cordis. Quoniam propter te mortificamur tota die, æstimati sumus sicut oues occisionis. Exurge quare obdormis domine, exurge & ne repellas in finem. Quare faciam tuam auertis, obliuisceris inopiæ nostræ et tribulationis nostræ. Quoniam humiliata est in puluere anima nostra, conglutinatus est in terra uenter noster. Exurge domine adiuua nos, & redime nos, propter nomen tuum.

COMMENTARIUM

TRia genera hostium Christiano insurgunt: unum genus diaboli & dæmonū eius: aliud persecutorum: tertium quod commune est omnibus barbaricæ feritatis. Sed tota tria genera non arcu nostro nec brachio nostro superantur, sed dextera dei & brachio dei & illuminatiōe uultus eius, de quo patres nostri narrauerunt nobis. Quo
 modo

modo manus illius eiecit gentes, & plantauit eos, Sicut ergo illi non in gladio suo possederunt terram, sic & nos non in uirtute nostra confidentes terram nostri corporis possidemus, sed tu saluas nos ex affligentibus nos, siue regibus perfidis, siue demonijs, siue (ut dixi) hostibus usitatis, quia damur eis pro peccatis nostris, uelut oues escarum: sed si exclamemus, dicentes: Hæc omnia uenerunt super nos, & obliti non sumus te domine, Aut si obliti sumus nomen dei nostri, aut si expandimus manus dijs alienis, tu deus uerus require ista, qui optime nosti occulta cordis, Pro deo patitur, quidquid aduersi sustinuerit omnis sanctus. Quia sicut qui pecunias multas habet, si passus fuerit furis gladium, pro pecunijs suis passus est: ita qui sanctitatem in moribus obtinet, quicquid passus fuerit aduersi, pro deo patitur, quæ summa est integritas sanctitatis: & patitur inimicum, siue persecutorem fidei, siue persecutorẽ mundi corporum, siue per ipsum principem mundi & ministros eius. Tenentes ergo sanctitatem, clamemus domino. Quoniam propter te morte afficimur tota die, rogamus, ut exurgas & non repellas nos in finem, ne obliuiscaris inopiam nostram, & tribulationem nostram, quoniam humiliata est in pulcre anima nostra, adhesit in terra uenter noster. Quando enim

enim corporalibus necessitatibus aggrauamur, uer-
xatur in puluere anima nostra. Dum autem uentër
noſter terrenis dapibus adhæret, æternum nobis
minatur interitum. Oſtēdimus tibi uulnera noſtra,
tu qui ſaluator es, exhibe uulneribus medicamina.
Nemo enim ab humilitate pulueris liberā habebit
animā, niſi tu per inuiſibiles donaueris animæ con-
temptū pulueris corporalis. Nec habebit amorē ie-
iunij & orationis, ad contemnendum uentrē, qui
terre adhæret, niſi tu conſeſſeris. Exurge domine
adiuua nos & libera nos, propter hoc ipſum quod
nominis tui ſplendore cenſemur, libera nos ab occu-
pationibus pulueris, in quibus humiliatur anima
noſtra, & ab aggrauatione uētris. Quia ſi harum
duarum ſpecierum nobis conſeſſeris dona, cōtem-
ptum corporis & uentris, liberi erimus in Chriſto
Ieſu domino noſtro, per quem & cum quo tibi eſt
deo patri & ſpiritu ſancto honor & gloria in ſe-
cula ſeculorum Amen.

In ſinem pro his qui cōmutantur filijs Chore
ad intellectum canticum pro dilecto XLIII.

ERuſtauit cor mecum uerbum bonū, dico ego
opera mea regi. Lingua mea calamus
ſcribæ uelociter ſcribentis. Specioſus forma præ
filijs hominum, diſfuſa eſt gratia in labijs tuis, pro-
pterea benedixit te deus in æternum. Accingere

l 2 gladio

gladio tuo, super scæmur tuum potentissime. Spe-
 cie tua & pulchritudine tua, intēde prospere pro-
 cede & regna. Propter ueritatem & mansue-
 tudinē & iustitiam, & deducet te mirabiliter dex-
 tera tua. Sagittæ tuæ acutæ, populi sub te ca-
 dent in corda inimicorum regis. Sedes tua deus
 in seculum seculi, uirga directionis uirga regni
 tui. Dilexisti iusticiam & odisti iniquitatem
 propterea unxit te deus deus tuus oleo laticie
 præ consortibus tuis. Myrrha & gutta & cassia
 à uestimentis tuis, à domibus eburneis ex quibus de-
 lectauerunt te filie regum in honore tuo. Assi-
 tit regina à dextris tuis in uestitu deaurato, cir-
 cundata uarietate. Audi filia & uide, & incli-
 na aurem tuam, & obliuiscere populum tuum &
 domum patris tui. Et concupiscet rex decorem
 tuum, quoniam ipse est dominus deus tuus & ad-
 rabunt eum. Et filie Tyri in muneribus, uul-
 tum tuum deprecabuntur omnes diuites plebis.
 Omnis gloria eius filie regis ab intus, in simbrijs
 aureis circumamicta uarietatibus. Adducentur
 regi uirgines post eam, proxime eius afferentur ti-
 bi. Afferentur tibi in laticia, & exultatione, ad-
 ducentur in templum regis. Pro patribus tuis
 nati sunt tibi filij, constitues eos principes super
 omniem terram. Memores erunt nominis tui do-

mine, in omni generatione & generatione. Propterea populi confitebuntur tibi in æternum, et in seculum seculi.

COMMENTARIUM

ERUCTAUIT cor patris uerbum bonum, omnia per ipsum facta sunt. Quia uniuersa suum cum creatorem agnoscunt. Regi suo opera sua dicunt, hoc est, omnia quæ subsistimus & mouemur & sumus opera tua. Lingua mea calamus est. Cuius calamus? Scribæ, inquit, uelociter scribentis. Quid turbanter, quid festinanter lingua prophetæ proferre uult, audiamus: Hoc, inquit uerbum quod pater eructauit, cuius omnia quæ sumus opera sumus, Speciosus forma apparebit, & præerit filijs hominum. Speciosus forma, id est, uirginea forma erit ortus eius. Et effusa gratia à labijs eius egreditur, per quam benedictus erit in æternum. Et accingit gladium suum super femur, ad amputandas omnes libidines. Ostendens speciem suam, id est, manifestans patrem, & pulchritudinem suam, id est, & spiritum sanctum. Species enim filij pater est, & pulchritudo eius, spiritus sanctus: & in his intēdit & prospere procedit, & regnat propter ueritatem: propter hanc de coelo descendit, quia perierat à filijs hominum: propter hanc procedit, & regna propter ueritatem. Nec solum propter

ueritatem, sed & propter mansuetudinem, & propter iustitiam trinitas regnat. Pro his tribus speciebus in Christo, propter ueritatem, pater ueritatis est. Propter mansuetudinem filius, quia exinaninit seipsum, & cum esset equalis patri, formam serui suscepit, in qua speciosus apparuit: & propter iustitiam eius spiritus sanctus. Sic enim dicit ad Ioan- nem cum baptizaretur, Sic decet nos implere omnem iustitiam. Et his dictis aperti sunt caeli, & in specie columbae uenit in eum spiritus sanctus. Post haec deduxit eum mirabiliter dextera eius, ex qua cecos illuminabat, infirmos curabat, mortuos suscitabat. Sagittae autem eius acutae, omnibus notum est, sic ut ipsi mundi amatores pingerent sibi spiritum immundum in specie cupidinis, intendentis arcum, & exprimentis sagittas, in amorem libidinis uulnerantes. Ita ergo hic noster exprimet sagittas acutas potentissimas in amore regni caelorum, ita ut renuncient homines & patrem & matrem, & omnia quae possident. Insuper & seipsum abneget & sequantur eum. Iste sagittae amicos regis liberant, inimicos regis occidunt. In corde enim percipiuntur, ubi eorum suggestiones inueniunt. Cum enim obtinuerint iste sagittae in corde nostro uictoriam, tunc sedem Christi in mente nostra suscipimus, & uirgam rectam, hoc est, regulam rectae fidei

fidei, uirgam regni eius appetimus, in qua sub disciplina agentes diligimus iustitiam, & odimus iniquitatem: eum scilicet imitantes quem unxit deus oleo leticiæ præ consortibus suis. Sicut enim speciosus forma præ filiis hominum in carne natus apparuit, sit unctus chrismate præ omnibus Christus Iesus apparuit. Multi filij hominum sancti ab Abel usque ad Christum, sed nullus ex uirgine natus. Nullus hac specie editus, hac forma manifestatus: Quis, inquit, erit similis deo inter filios dei? ut subaudiamus, illi gratia filij, hic natura: & multi Christi unctiōe olei, hic autem angelis adorantibus, stellis indicantibus, prophetis præconantibus, Ioanne metuente, cælis apertis, patre de cælis clamante, spiritu sancto adueniente de cælis, & in eo manente, Christus est præ omnibus participibus, quibus hoc comparticipatus est nomen. Myrrha & gutta & Cassia à uestimentis eius. Myrrha in assumptionem corporis. Gutta cum tactu uestimentorum eius homines saluabantur. Cassia cum odor uitæ credentibus probabatur. Contra hoc uenit, ut dicatur, & Iudas uestimentum eius tetigit & perijt. Milites autem etiam possiderunt uestimentum eius. Et pro hoc ipsum ad interitum sunt deuoluti. Quomodo ergo odore uestimentorum eius salus animæ gignebatur. Audi

Apostolum dicentem: Alijs quidem odor uitæ in uitam, Alijs uero odor mortis in mortem. Sanè illud considerandum est, quòd domus eum eburnæ delectât. Eburnea domus est corpus castum, in qua tinea non facit ullam libidinem peccati. Vnde anime dicitur, in cuius potestate datum est corpus: Audi filia & uide, inclina aurem tuam his uerbis, ut obliuiscaris populum tuum, id est, exempla peccantium, & domum patris tui, id est, imitationem Adæ patris tui secun dũ carnem. Quare hoc? Quia eõcupiuit rex decorẽ tuũ. Quis iste rex est? Quem adorant, inquit, filie Tyri in muneribus. Si enim Tyrus, quæ superstitiosior cæteris ciuitatibus semper fuit, dat adorâtes animas Christo, & munera offerentes, quanto magis uultum eius adorabunt omnes diuites plebis? Sanè gloriam omnem quam in gemmis reginæ circumferunt extrinsecus aduindẽdum hominibus, hic omnem gloriam filie regis ab intus esse uult in penetralibus mentis, ibi eam uult in simbreis aureis circumdari uarietate uirtutum. Tunc adducentur uirgines, incorrupta fides, patientia, prudentia, & proximæ earum adducentur in leticiam & exultationem, ut intrent in templum regis. Vbi pro duodecim patriarchis, nati sunt deo filij alij duodecim, quos constituit princeps Iesus, super omnem terram, memores nominis sui

sui in omni gente, cum eis diceret, baptizate omnes gentes. Propterea populi confitentur deo in æternum, & in omnia secula seculorum Amen.

In finem filijs Chore pro arcanis XLV,

Deus noster refugium & uirtus, adiutor in tribulationibus quæ inuenerunt nos nimis. Propterea non timebimus dum turbabitur terra, & transferentur montes in cor maris. Sonuerunt & turbatæ sunt aquæ eorum, conturbati sunt montes in fortitudine eius. Fluminis impetus letificat ciuitatem dei, sanctificauit tabernaculum suum altissimus. Deus in medio eius non commouebitur, adiuuabit eam deus mane diluculo.

Conturbatæ sunt gentes, & inclinata sunt regna, dedit uocem suam mota est terra. Dominus uirtutum nobiscum, susceptor noster deus Iacob.

Venite & uidete opera domini quæ posuit prodigia super terram, auferens bella usq; ad finem terræ. Arcum conteret & confringet arma, & scuta comburet igni. Vacate & uidete, quoniam ego sum deus, exaltabor in gentibus & exaltabor in terra. Dominus uirtutum nobiscum, susceptor noster deus Iacob.

COMMENTARIUM

Quando in lachrymis & in animi tribulatione suderis orationem deo, securus esto
 l s quod

quod deus tibi & refugium fit, & uirtus efficitur. Incipis non timere dum conturbatur terra corporis tui. Quia transferuntur montes Apostoli domini, altitudinem eius prædicantes. Ipsi transferentur, in corde maris, in mentibus seculi fluctuantis, quantumuis sonent & turbetur aquæ eius, & conturbentur etiam ipsi montes, id est, Apostoli in fortitudine eius, id est, in passione eius, quãtãuis peccatã sint quæ cõturbent animas, & prædicantibus Apostolis, hi qui peccatorum opprimuntur conscientia, tribulentur: unus impetus Iordaniis dat remissam peccatorum, & letificat ciuitatem dei, cum sanctificat tabernaculum corporis tui spiritus sanctus. Deus iam in te non commouebitur, cum adiuuat animam tuam deus aspectu suo. Hebræus dicit: Adiuuauit eam deus mane diluculo, id est, cum tenebræ peccatorum per fluminis impetum transierint, deus qui lux est, initium lucis dat in cor eius, & adiuuat eam, id est, animã quæ dicit: Dominus uirtutum nobiscum, susceptor noster deus Iacob. quantumuis conturbentur gentes, id est, idola colentes aduersus martyres domini, quantumuis inclinentur regna ad persecutionem eorum, dat uocem suam altissimus in corde eorum, & ita mouetur terra corporis eorũ, ut penitus non timeant eos qui occidunt corpus: timentes autem illum qui

& animam

Et animam & corpus potest perdere in gehēnam, ita contemnunt animas eorum, ut passionibus suis arcus eorum conterant, & arma eorum confringant. Qui hōc faciunt? qui uacant ab omnibus mundi curis, & uident, quoniam ipse est deus qui negatur à gentibus, qui à Iudeis crucifigitur, hic noster refugium, hic noster uirtus, hic noster adiutor, hic deus uirtutum, hic susceptor noster est, qui est etiam deus Iacob regnans cum patre & spiritu sancto nunc & semper, & in omnia secula seculorum Amen.

In finem pro filijs Chore, psalmus

Dauid

XLVI.

OMnes gētes plaudite manibus, iubilate deo in uoce exultationis. Quoniam dominus excelsus terribilis rex magnus super omnem terram. Subiecit populos nobis, & gentes sub pedibus nostris. Elegit nobis hereditatem suam, speciem Iacob quam dilexit. Ascendit deus in iubilo, & dominus in uoce tubæ. Psallite deo nostro psallite, psallite regi nostro psallite. Quoniam rex omnis terræ deus, psallite sapienter. Regnabit deus super gētes, deus sedet super sedem sanctam suam. Principes populorum congregati sunt cum deo Abraham, quoniam dii fortes terræ uehementer eleuati sunt.

COM

COMMENTARIUM

OMnes gentes plaudite manibus. Sicut in aduentu diaboli omnibus gentibus plandus indictus est: Audiuimus enim uocem de coelo dicentem, uæ terre & mari, quia proiectus est diabolus ad uos, ita in aduentu domini Iesu in uoce exultationis dicitur: Omnes gentes plaudite manibus, deus enim summus, deus terribilis, qui est magnus super omnem terram, hic subiecit populos nobis. Hoc Apostoli dicunt: Subiecit populos nobis, & gentes sub pedibus nostris. Quando hoc fecit? Quando elegit nobis hereditatem suam in specie Mariae, quam dilexit spiritus sanctus, tunc ascendit in strepitu & in uoce tubæ, Herodes turbatur, pastores terrentur, magi fugiunt, infantes occiduntur, angeli psallunt, dicentes: Gloria deo in excelsis: qui dicunt pastoribus, quia ecce regnat deus super omnes gentes, deus sedet super sedē sanctam suam. Si sedes eius ubicunq; uirginitas illibata fuerit, quanto magis in Maria? Principes populorum conuenerunt cum deo Abraham. Principes hoc loco angelos indicat, qui cum deo Abraham ad Mariam conuenerunt, quando gloriam cecinerunt. Ut quid autem natus sit rex magnus, & ut quid conuenerint principes cum deo Abraham, audiamus: Ideo, inquit, conuenerunt, quia dii fortes terra in sur

ra in superstitionibus suis, & in templis suis nimis
 um eleuati sunt, ut his expulsis atque deiectis, re-
 gnet dominus Iesus Christus super omnes gentes
 in secula seculorum Amen.

Psalmus cantici filijs Chore secunda
 sabbati. XLVII.

Magnus dominus & laudabilis nimis, in ci-
 uitate dei nostri in monte sancto eius.

Fundatur exultatione uniuersæ terræ, mons
 Syon latera Aquilonis ciuitas regis magni. Deus
 in domibus eius cognoscetur cum suscipiet eam.

Quoniam ecce reges terræ congregati sunt, con-
 uenerunt in unū. Ipsi uidentes sic admirati sunt
 cõturbati sūt, cõmoti sunt, tremor apprehēdit eos.
 Ibi dolores ut parturiētis, in spiritu uehemēti con-
 teres naues Tharsis. Sicut audiimus, sic uidimus
 in ciuitate domini uirtutum, in ciuitate dei nostri,
 deus fundauit eam in æternum. Suscepimus deus
 misericordiam tuam, in medio templi tui. Secun-
 dum nomen tuum deus sic, & laus tua in fines ter-
 ræ, iustitia plena est dextera tua. Latetur mons
 Syon, & exultent filiæ Iudæ, propter iudicia tua
 domine. Circūdare Syon & complectimini eam,
 narrate in turribus eius. Ponite corda uestra in
 uirtute eius, & distribuite domos eius, ut enarretis
 in progeie altera. Quoniam hic est deus no-
 ster in

ster in æternum, & in seculum seculi, ipse reges nos in secula. COMMENTARIUM

Magnus dominus & laudabilis nimis. Laus domini pro diuersitate donorum eius & operum est prædicanda. Laudatur in sanctis, laudatur in donis cibi carnalis & spiritualis: laudatur in fabrica mundi, & in diuersis, ut diximus, largitionibus suæ inestimabilis pietatis. In isto autem psalmo qua de causa laudatur? Quia dilatauit, inquit, exultationem uniuersæ terræ à mōte Syon, à latere Aquilonis: ibi est ciuitas magni regis, ciuitas Bethleem. In huius ciuitatis grauibus, id est, in his qui nulla sunt leuitate superflui, in his cognitus est dominus, quando suscepit eam. Quam eam? Exultationem utique, quam dilatauit omni terræ. In grauibus usque hodie cognoscitur dominus. Sicut enim si uideas aliquem leuem & uanum, ibi cognoscis diabolum: sic si quem uideris grauitate conspicuum, ibi cognoscis dominum Iesum Christum. Sicut tunc cognitus est in grauibus, in Mariæ integritate, & in Ioseph castitate. Statim autem ut in his cognitus est, reges terræ turbati sunt. Venierunt enim principes sacerdotum & scribe populi ad regem, & ad stellæ indicium interrogati, dixerunt natum Christum in Bethleem Iudæ: Tunc, inquit, rex turbatus est, & omnis Hierosolyma

eum eo. Etiam ipsi uidentes stellam tunc admirati sunt, & tremor apprehendit eos, ita ut admoniti in somnis non redirent ad Herodem regem. Misit autem rex, & occidit omnes infantes, & ibi matres eorum dolebant in nece eorum, sicut parturientes doluerant. Dolebant autem in spiritu uehementi. Contrite sunt etiam naues Tharsis. Etymologiam fecit naues Tharsis nominando, quod tempore quo non est inuentus dominus, & infantes occisi sunt, etiam nauigia regio sunt iussu uexata, quibus magi, qui non redierant ad regem credebantur fugere potuisse. Nos autem sicut audiuius ab eis natum regem: ita & uidimus in ciuitate dei nostri, quam fundauit dominus in æternum. Ibi suscepimus deus misericordiam tuam, in medio templi tui, secundum nomen tuum, quo saluator diceris, ita & laus tua in fines terræ. Iusticia enim plena est dextera qua nos dignaris eruere, & diabolum subiugare: quo facto letatur mons Syon, letatur ecclesia, & exultat filia Iudæ, oēs anime ex utero ecclesiæ iterata natiuitate progenite, propter iudicia tua domine, quibus hoc iudicasti, ut diabolū subiugares, & animas hominū liberares. Nunc nos o anime liberate & iterum genite, circumdate matrem uestram Syon, & duorum testamētorum plena lactibus ubera sugite, narrate in turribus eius misericor

miseri cordiam, quam consecuti estis. In turribus qui sunt ciuitatem defendunt, & hostibus resistunt. Ponite corda uestra in uirtute eius. Considerate qua uirtute pro uobis pugnat, & distribuite gradus eius, unumquemque pro suo merito facite ad gradum accedere, ut illi iuste episcopatus sedem, illi iuste presbyterij gradum tradas. Sic distribuite gradus eius, sine pecunia, sine acceptione personae, ut enarretis in progenie altera. Quia hic est dominus deus noster, qui regnat cum patre & spiritu sancto filius dei, ipse reget nos in secula Amen.

In finem pro filijs Chore psalmus

Dauid.

XLVIII.

Avdite haec omnes gentes, auribus percipite omnes qui habitatis orbem. Quique terrigenae & filij hominum, simul in unum diues & pauper. Os meum loquetur sapientiam, & meditatio cordis mei prudentiam. Inclinabo in parabolam aurem meam, aperiam in psalterio propositionem meam. Cur timebo in die mala, iniquitas calcanei mei circumdabit me. Qui confidunt in uirtute sua, & in multitudine diuitiarum suarum gloriantur. Frater non redimit, redimet homo, non dabit deo placationem suam. Et precium redemptionis anime suae, & laborabit in aeternum, & uiuet adhuc in finem. Non uidebit interitum

teritum cum uiderit sapientes morientes, simul insipiens & stultus peribunt. Et relinquent alienis diuitias suas, & sepulchra eorum domus illorum in eternum. Tabernacula eorum in progenie & progenie, uocauerunt nomina sua in terris suis. Et homo cum in honore esset non intellexit, comparatus est iumentis insipientibus, & similis factus est illis. Hæc uia illorum scandalum ipsis, & postea in ore suo complacebunt. Sicut oues in inferno positi sunt, mors depascet eos. Et dominabuntur eorum iusti in matutino, & auxilium eorum ueterascet in inferno à gloria eorum.

Veruntamen deus redimet animam meam de manu inferi, cum acceperit me. Ne timueris cum diues factus fuerit homo, & cum multiplicata fuerit gloria domus eius. Quoniam cum interierit non sumet omnia, neq; descendet cum eo gloria domus eius. Quia anima eius in uita ipsius benedicetur, confitebitur tibi cum benefeceris ei. Introibit usq; in progenies patrum suorum, & usq; in eternum non utdebet lumen. Homo cum in honore esset non intellexit, comparatus est iumentis insipientibus, & similis factus est illis.

COMMENTARIUM

SOLA Christi uox omnes uocat simul in unum, Sexclusa omni acceptione personæ, diuitem & m paupē

pau^{er}em, nobilem & ignobilem, nec omnem omni-
 nino terrenum apicem dignitatis excludens, om-
 nes inuitat, ex æquo aperiens in psalterio pro-
 positionem suam, ostendens quid timendum sit
 nobis in die mala. Ne iniquitas, inquit, calcanei
 circumdet me. In se dicit, quod in te timeas. Cal-
 caneus finem corporis notat, ad ipsum serpens at-
 tendit, ibi insidiatur. Hoc solum timendum est om-
 nibus, ne in fine suo iniquitate sua capiantur. In
 quo enim opere quis inuentus fuerit in fine, in eo
 erit usq; in sempiternum. Vos autem qui con-
 fiditis in uirtute uestra, & in abundantia diui-
 tiarum gloriamini, hoc sciatis, quod nullus nos ab
 interitu redimat, non pater, non mater, nisi homo
 Christus Iesus, qui dedit seipsum redemptionem
 pro omnibus, Nullus uestrū dabit deo portionem
 suam, precium redemptionis animæ suæ, ut laboret
 in æternū, & uiuat in finem, & non uideat interit-
 tum, cum uiderit sapientes morientes. Si enim om-
 nes illi magni & opinati, & sapientissimi mortui
 sunt, quomodo nō insipientes peribunt, qui cōgre-
 gant diuitias, & miseri dū possunt egētibus dare,
 nolunt. Hi relinquēt alienis diuitias suas: Nam &
 cum plures domos habeant, sepulchra tantū erunt
 domus corū in æternū. Miser homo, hoc dū in cor-
 pore est non intelligit, dum quasi pecus cœperit

mori

mori, similis erit illis, Interim in hac uia in qua uer-
 uunt, monita sancta scandalum sunt illis, postea in
 ore suo benedicent. Cum sicut oves in inferno posite
 tos, mors depascitur, tunc dominabuntur eis. iusti
 in matutino tempore, quo lux resurrectionis in-
 choauerit, quando gloriosi à gloria sua expulsi pa-
 rebunt, tunc deus liberat animam meam de manu
 inferni, accipiens me. Non ergo timeas paupertate-
 m tuam, cum diuitias attendis alienas, quas bene-
 nosti hic à moriente derelinquendas. Non enim
 quando moritur secum tollit omnia, neq; simul des-
 cendit cum eo gloria domus eius. Anima deniq;
 eius ab adulatoribus in uita ipsius benedicetur.
 Post hæc confitebitur deo inuitus, quod eius boni-
 tate multa habuerit, multa potuerit, pœnitēs quod-
 cum posset inopes iuuare, noluerit. Et quia sera
 confessio fructum indulgentie non capit, tempore
 quo progenies ingreditur patrum suorum, iam
 utiq; deposito corpore, usq; in æternum non uide-
 bit lumen. Quare? Quia cum esset in corpore ista
 non intellexit, modo comparatus iumentis insipi-
 entibus, similis factus est illis. In quo tamen ho-
 nore fuerit, si forte requiris, similis deo fuit, &
 nunc similis est iumentis insipientibus, Non enim
 habens in se similitudinem dei, non uidebit lu-
 men, sed amissa similitudine dei, dum cœperit

quasi pecus uentri & libidini inseruire. Similis pe-
coribus iam factus, ita uilis erit deo, quàm uile est
pecus. Et ideo sic intrat progenies mortuorum in
peccatis suis, quos hic in ista uita imitatus, quia ibi
sunt patres eorum, non quorum sunt semine pro-
pagati, sed quorum sunt opera imitati. Deniq; Iu-
dei cum filij Abrahæ essent: dicit eis dominus: Si
filij Abrahæ essetis, opera Abrahæ faceretis. Vide
& quid adiecit: Vos ex patre diabolo estis, opera
enim patris uestri uultis facere. Sic ergo hic in-
trat in progenies patrum suorum, usq; in æternum
non uidebit lumen. Seruantes autem similitudi-
nem dei, & non ea abiecta, similitudinem in se per-
corū sumētes, ueniunt ab oriente, & occidente, &
recumbent cum Abraham, & Isaac, & Iacob in re-
gno patris & filij & spiritus sancti, qui regnat in
secula seculorum Amen.

Psalmus Asaph

XLIX.

DEUS deorum dominus locutus est, & uoca-
uit terram. A solis ortu usq; ad occasum,
ex Syon species decoris eius. Deus noster mani-
feste ueniet, deus noster & non silebit. Ignis
ante ipsum præcedet, & inflammabit in circuitu
eius tempestas ualida. Aduocauit cælum defur-
sum, & terram discernere populum suum. Con-
gregate illis sanctos suos, qui ordinent testamen-
tum eius

tum eius super sacrificia. Et annuntiabunt cœli iustitiam eius, quoniam deus iudex est. Audi populus meus & loquar Israel, & testificabor tibi deus deus tuus ego sum. Non in sacrificijs tuis arguam te, holocausta autem tua in conspectu meo sunt semper. Non accipiam de domo tua vitulos, neq; de gregibus tuis hircos. Quoniam mee sunt omnes fere silvarum, iumenta in montibus & boues. Cognoui omnia uolatilia cœli, & pulchritudo agrî mecum est. Si esuriero non dicant tibi, meus est enim orbis terre, & plenitudo eius. Nunquid manducabo carnes taurorum, aut sanguinem hyrcorum potabo. Immola deo sacrificium laudis, & redde altissimo uota tua. Et inuoca me in die tribulationis, eruam te & honorificabis me. Peccatori autem dixit deus, quare tu enarras iustitias meas, & assumis testamentum meum per os tuum? Tu uero odisti disciplinam, & proiecisti sermones meos retrorsum. Si uidebas furem currebas cum eo, & cum adulteris portionem tuam ponebas. Os tuum abundauit malicia, & lingua tua concinnabat dolos. Sedens aduersus fratrem tuum loquebaris, & aduersus filium matris tue ponebas scandalum, hæc fecisti & tacui. Existimasti inique quod ero tui similis, arguam te & statuam contra faciem tuam. Intelligite

gite hæc qui obliuiscimini deum, ne quando rapiat, & non sit qui eripiat. Sacrificium laudis honorificabit me, & illic iter quo ostendam illi salutem te dei.

COMMENTARIUM

DEus non nomen est dei, sed indicium, quo superius aliquid indicari humana lingua non possit. Quod nomen participare uolens cultoribus suis, hoc eos fecit nomine uocitari, ut ipse quidem cum sit deus deorum, qui seruiendo ei hoc meruerint nomine nuncupari. Quando ergo locutus est pater? Aut quando uocauit terram? Tunc sine dubio, quando ex Syon species decoris apparuit. Ipse tunc manifeste ueniet iudicare seculum per ignem. Ignis denique in conspectu eius ardebit, & circa eum erit tempestas ualida, Tunc congregabuntur Apostoli & martyres, & orthodoxi, quique doctores, qui ordinant testamentum eius super sacrificia, in presenti erunt monitores, doctores Apostoli. Ipsi sunt cæli, qui narrant gloriam dei. Tunc ergo cum deus iudex esse cœperit annuntiabunt hi omnes iusticiam eius, qui prædicant nunc misericordiam eius. Audi ergo hoc populus meus, audi & loquar. Tunc testificor te me uenturum esse ad iudicandum, qui nunc ueni ad redimendum. Ego utique deus tuus, non estimes, quia in sacrificijs

crificijs arguam te, obedientiam uolo magis quam
 sacrificium. Præcepta mea custodi super sacrifici-
 cis statui. Non enim manducabo carnes taurorum,
 aut sanguinem hyrcorum potabo, quicquid ambu-
 lat & uolat, meum est. Quid mihi meum pro tuo
 porriges? Hoc tuum est, si puro corde mihi laudes
 effundas, & reddas mihi uotum, quod in baptisma-
 te positus deuouisti, quo te renūciaturum diabolo
 spondidisti, & mea promissisti seruaturum te esse
 mandata. Hoc dum feceris, iuuoca me in die tribu-
 lationis, tempore quo de isto corpore exies: & eri-
 piam te de manibus demonum, & magnificabis me
 in donis meis. Tu autē qui lucra sectando gradum
 sacerdotij, aut tu qui gloriam humanā desideras,
 aut qui in furto participaris, & si ipse adulter non
 es, tamen cum adulteris uiuis: Quare tu enarras ius-
 ticiam meam dicit dominus, cum aduersus fratrem
 tuum detrabas, & scandalum ponas? An taciturni-
 tatem meam contemnens, speras me tibi esse simi-
 lem? Ego arguam te, & statuam hæc ante faciem
 tuam. nolite obliuisci, domino quod promissistis:
 reddite, ne rapiat sicut leo, & non sit qui eripiat.
 Finis itaq; semper ante oculos est habendus: &
 in dei laudibus permanendum. Ibi enim est iter, in
 quo ostenditur salutare dei, qui regnat in secula
 seculorum Amen.

Psalmus in finem David quando uenit ad eum Nathan propheta quando intrauit ad Bersabee.

Miserere mei deus, secundum magnam misericordiam tuam. Et secundum multitudinem miserationum tuarum, dele iniquitatem meam. Amplius laua me ab iniquitate mea, & à peccato meo munda me. Quoniam iniquitatem meam ego cognosco, & peccatum meum contra me est semper. Tibi soli peccaui, & malum coram te feci, ut iustificeris in sermonibus tuis & uincas cum iudicaris. Ecce enim in iniquitatibus conceptus sum, & in peccatis concepit me mater mea. Ecce enim ueritatem dilexisti, incerta & occulta sapientie tue manifestasti mihi. Asperges me domine hyssopo & mundabor, lauabis me, & super niuem dealbabor. Auditui meo dabis gaudium & leticiam, & exultabunt ossa humiliata. Auerte faciem tuam à peccatis meis, & omnes iniquitates meas dele. Cor mundum crea in me deus, & spiritum reatum innoua in uisceribus meis. Ne proicias me à facie tua, & spiritum sanctum tuum ne auferas à me. Redde mihi leticiam salutaris tui, & spiritu principali confirma me. Docedo iniquos uias tuas, & impij ad te conuertentur. Libera me de sanguinibus deus

deus

deus salutis meae, & exultabit lingua mea iustitiam tuam. Domine labia mea aperies, & os meum annuntiabit laudem tuam. Quoniam si uoluisses sacrificium dedissem, utique holocaustis non delectaberis. Sacrificium deo spiritus contribulatus, cor contritum & humiliatum deus non despicies. Benigne fac domine in bona uoluntate tua Syon, ut aedificentur muri Hierusalem. Tunc acceptabis sacrificium iustitiae oblationem & holocausta, tunc imponet super altare tuum uitulos.

COMMENTARIUM

Quando uenit Nathan propheta ad regem David, non inchoauit peccatum arguere, sed cepit iudicium flagitare, dicens: Audiui te habentem greges ouium & armenta multa, sublatam unam ouiculam pauperi, ipsam solam habenti. Questus iudici regi dedit rex sententiam, dignum esse morte eum, qui fecit hanc rem. Tunc Nathan: Tu es, inquit, uir qui fecisti hanc rem. Vnam Ece theum occidisti, & uxorem eius accepisti. Hac dicit dominus, non recedet gladius de domo tua in aeternum. Inuenit reum sententia, & rex sub accusatore positus, deposita potestate, suo iudicio condemnatur. Deus enim uenit ad eum abditus in Nathan, occultus in propheta, & ipse per prophetam postulauit iudicium homo, uicit deus. Deus enim
 m 5 iustifi

*iustificatus est in sermonibus suis, quibus ab homi-
 ne flagitauit sententiam, iudicauit sententia in-
 ter deum irascentem, & hominem delinquentem,
 & uicit deus iudicatus ab homine. Dixit enim
 homo: Dignus est morte uir qui fecit hanc rem.
 Deus ergo qui hanc uolebat in reum promulgare
 sententiam, uenit ad iudicium, ut si iudicatum
 fuisset non debere hoc factum ulcisci, non iustifi-
 caretur in sermonibus suis, & non uinceret iu-
 dicatus. At ubi dictum est, morte dignus est uir
 qui fecit hanc rem, deus qui uenerat ad iudicium
 iudicandus, iustificatus est in sermonibus suis, &
 uicit dum iudicatur. Videamus nunc quid egit ui-
 ctoria dei, tenuit imperatorem captiuum, & tra-
 didit sententiæ reum. Reus ad clementiam con-
 uolat, & expens se purpura, induit se cilicio, ci-
 nerem tanquam panem manducans, & potum
 suum lacrymis miscens: Ostende, inquit, domine,
 quibus factis mutetur sententia. Si enim mihi in
 hac humilitate posito dignatus fueris indulgere,
 etiam impij ad te conuertentur. Miserere obsecro
 secundum magnam misericordiam tuam, quo-
 niam iniquitatem meam ego agnosco. Agnosco
 iuste iratum te, iniuste egiſſe me. Tibi soli peccani.
 omnis qui sub iudicio uiuit, cum deliquerit, peccat
 deo, peccat & legibus mundi. Hic autem rex sub*

nullo

nullo alio nisi sub deo solo agens, ipsum solum super
 per potestatem suam metuens, deo soli peccauit.
 Malum, inquit, coram te feci, non fugi à facie tua.
 Volui enim ut iudicares me delinquentem, potius
 quam ligares me fugientem. In iniquitatibus con-
 ceptus sum. Seruauit in confessione sua creator
 ris bonum. Non enim dixit, cum iniquitatibus,
 aut cum peccatis genuit me mater mea, sed in ini-
 quitatibus conceptus sum, & in peccatis genuit
 me mater mea. Dicendo enim matrem in suis ini-
 quitatibus eum concepisse, & in peccatis seculi
 peperisse, signauit. Quia omne peccatum corde
 concipitur, & ore consummatur. Hic autem qui
 nascitur, sententiam Adæ habet, peccatum uero
 suum non habet. Tu domine ueritatem dilexisti.
 Tempore quo ego falsitatem composui, ut in gra-
 uiori pugna poneretur Vrius, hoc incertum & oc-
 cultum in peccatis meis, quod erat in corde meo ma-
 nifestasti mihi, & ita manifestasti mihi, ut ego con-
 tra meipsum proferrem sententiam. Verum quia
 aspersione hysopi purificationem fieri sordium
 præcepisti: Asperges me hysopo, & mundabor. Lau-
 uabis me & super niuem dealbabor. Hoc fiet, si
 auditui meo dederis gaudium & leticiam, cum di-
 ctum fuerit mihi: Pastor ouium, nuncio tibi gaudium
 magnum, quia natus est hodie dominus ex semine
 David

David secundū carnem. Ecce gaudium, per quod exultant ossa humiliata, per quod auertis deus faciem tuam à peccatis meis, per quod omnes iniquitates meas deles, per ipsum cor mundum creas in me deus, per ipsum spiritum rectum innouas in uisceribus meis, ut desiderio spiritali, desiderium carnale excludam, & ita quicquid peruersum est excrucer, ut quicquid rectum corā te probatur amplectar. Hec deprecantem, non me proijcias à facie tua, & spiritum sanctum tuum ne auferas à me. Sed redde mihi læticiā quam perdiidi, & spiritum quem ad confirmandam indulgentiam tribuis, per ipsum confirma me. Tertio autem spiritum nominando trinitatem in unitate esse perdocuit. Cum ergo, inquit, me confirmaueris, deinde indulgentiam tuam docebo & ego iniquos, quia misereris & indulges impijs pœnitentibus: & hec audientes impij, per pœnitentiam ad te conuertentur. Libera me de sanguinibus. De hac utique sententia qua dixisti: Non recedet gladius de domo tua, libera me ab hac sententia, ut exultet lingua mea iusticiam tuam. Labia autem mea quæ à reatu meo clausa sunt, tu ea aperies indulgentia tua, quibus aperitis, os meum annunciat laudem tuam: Verum quis in lege tua scriptum est, quod sacrificium pro uno quoque peccato offerri debeat, nunc uero placari sacrificijs

sacrificijs non uis, quod utique si uelles offerremus. quia ergo his non delectaris, offero tibi in sacrificio spiritum contribulatum, cor contritum & humiliatum, ut benigne facias in bona uoluntate tua super Sion, ut auferas gladium ab ea, quem pro peccato meo constituisti, ut non destruantur, sed magis ædificentur muri Hierusalem. Tunc tibi accepta erunt sacrificia iusticiæ in oblationibus spiritus contribulati, & in holocaustis cordis humiliati. Et super altare tuum imponentur uituli, id est, inuenes qui cognoscunt tibi luxuriam ita displicere, ut punias, & per lachrymas spiritus contribulati delictum eius indulgeas. Hii uituli qui inferiores uitijs luxuriæ erant, à semetipsis uoluntate super altare tuum, id est, in altitudine casti consilij imponentur. Quod autem solam historiam tractauimus eius uersiculi, quo iustificatur deus in sermonibus suis, & uincit dum iudicatur: hæc res licet in iudicio saluatoris impleta sit, Vicit enim cum iudicatus est in passione sua, & sic uicit, ut obtineret omnem principatum, & potestatem, & uirtutem: tamen & quotidie iudicatur, sed dum iudicatur uincit. Dicere enim solemus: Vt quid mihi sic fecit deus? Quare hoc? Ecce iniqui regnant, iusti affliguntur, uincit cum iudicatur. Vt medicus qui desperatis iubet ad uelle seruire, & omnia quæ desiderant

derant, præcipit non negari. Quos autem scit posse saluari, iubet eos artari, amaris potionibus potari, ferro secari, cauteriari. Sic fiet, ut dum saluati fuerint abstinentes, & mortui fuerint desiderijs proprijs acquiescentes, iustificabitur medicus in sermonibus suis. Dicetur ei: Nos te iniuste culpabamus dum ligares, dum secares homines bonos, & malos nec secares, nec affli geres, insuper etiam permitteres suis desiderijs frui. Huc accedit, ut dicamus de deo, quia quem diligit dominus corripit. Sed rogemus ut corripiat nos iustus in misericordia sua, ut iudicia eius adiuuent nos, per dominum nostrum Iesum Christum, qui regnat in secula seculorum Amen.

In finem intellectus David, cum uenit ad eum Doeb Idumeus & nunciauit Sauli, uenit David in domum Abimelech. LI.

Quid gloriaris in malitia, qui potens es in iniquitate? Tota die iniquitatem cogitauit lingua tua, sicut nouacula acuta fecisti dolum. Dilexisti malitiam super benignitatem, iniquitatem magis quam loqui æquitatem, Dilexisti omnia uerba præcipationis, lingua dolosa. Propterea deus destruet te in finem, euellet te & erigabit te de tabernaculo tuo, & radicem tuam de terra uiuentium. Videbunt iusti & timebunt, & super

Et super eum ridebant et dicent, ecce homo qui non posuit deum adiutorem suum. Sed sperauit in multitudine diuitiarum suarum, et preualuit in uanitate sua. Ego autem sicut oliua fructifera in domo dei, speraui in misericordia dei in aeternum, et in seculum seculi. Confitebor tibi in seculum quia fecisti, et expectabo nomen tuum, quoniam bonum in conspectu sanctorum tuorum.

COMMENTARIUM

Fugiens David à facie Saulis, uenit ad Abimelech sacerdotem, et panes sanctos inueniens assumpsit ipse, et qui cum eo erant. Quem cum prohiberet sacerdos, prohibendi causam David prodidit, dicens: Mundi sumus ego et pueri mei à mulieribus. Cum ergo sugeris gladium principis mundi, et ad altare conuolaueris, et mundus panem sanctum assumpseris, non deerit qui te diaboli impulsione affligat, persequatur, detegat. Et quia hoc ipsum non alius nisi diabolus operatur, ipsi diabolo tota uerba huius psalmi stans in oratione cantabis, dicens: Quid gloriaris in malicia, qui potens es in iniquitate, tota die, id est, omni die, iniustitia in cogitationibus agit. Lingua tua non cessas contra iustitiam cogitationibus ministrare consilia. Sicut nouacula acuta faciens dolum, tanto acumine concinnas dolos: ut homo

homo ipse sui in perniciem elaboret, & agens præcipitium suum gaudeat. Propter hoc deus destruet te in finem. Cum enim finem fecerit homo peccatis suis à te persuasis, deus destruet te, & euellet te de corde eius, quia hoc est tabernaculum dei, & radicem tuam de terra uiuentium, id est, de corpore uiuentium deo. Videbunt iusti astutias tuas, & timebunt dominum, & super suggestiones tuas ridebunt, & dicent: Nos in omni opere deum in auxilium postulamus. Tu uero opus quod perpetrare suades, non ponitur ibi deus in adiutorio, sed qui operantur hæc sine deo sunt, spem suam in diuitijs mundi ponentes: si diuites sunt de diuitijs mundi præsumentes, si pauperes sunt à diuitibus mundi, & non à deo auxilium postulantes. Præualent in uanitate suâ, sed his deficientibus, Qui sperat in misericordia dei, erit sicut oliua fructifera in domo dei, sperans in misericordia eius in æternum, & confitebitur domino in seculum beneficia eius in conspectu omnium sanctorum dei, qui regnat in secula seculorum Amen.

In finem intellectus Dauid pro Amalech LII

DIxit insipiens in corde suo, non est deus. Corrupti sunt & abominabiles facti sunt in iniquitatibus, non est qui faciat bonum. Deus de cælo prospexit super filios hominum, ut uideat si est

si est intelligens aut requirens deum. Omnes declinauerunt simul inutiles facti sunt, non est qui faciat bonum, non est usque ad unum. Nonne scient omnes qui operantur iniquitatem, qui deuorant plebem meam ut cibum panis? Deum non inuocauerunt, illic trepidauerunt timore, ubi non fuit timor. Quoniam deus dissipauit ossa eorum qui hominibus placent, confusi sunt, quoniam deus spreuit eos. Quis dabit ex Sion salutare Israel, cum conuerterit deus captiuitatem plebis suae exultabit Iacob, & letetur Israel.

COMMENTARIUM

Quando dominus de caelo prospexit per Iesum super filios hominum, Videns eum stultus populus Iudaeorum, Dicit in corde suo: Non est deus, Omnes corrupti, omnes abominabiles facti sunt, non uoluntate dei, sed in uoluntatibus suis, ita ut non esset in eis qui faceret bona usque ad unum. Dicendo usque ad unum, de his dixit qui dicunt de Christo, non est deus. Nam si de omnibus hominibus generaliter dixisset, non diceret esse plebem suam, quae deuoratur ab eis sicut esca panis. Ab his utique qui deum eum non inuocauerunt, qui ibi trepidabant timore, ubi non est timor, id est, in custodia sabbati, in baptismatibus calicum, & urceorum. Deus autem dissipat ossa eorum qui
 n homi

hominibus placent. Vnde magister noster Paulus dicit: Ego si adhuc uellem hominibus placere Christi seruus nō essem. Ergo dum adhuc Iudaeus esset, ostendit hominibus placuisse: Qui autem illis placere uolunt, inquit, confundentur, quia deus spreuit eos. Qui deus? Qui dedit ex Sion salutē Israel. Iacob supplantator, Israel uidens deum interpretatur. Ergo & Iacob letetur, quia supplantat inimicum, & Israel exultet, quia uidetur inuisibilis, uidetur deus in genere eius facie ad faciem, qui regnat in secula seculorum Amen.

In finem in carminibus intellectus
David, cum uenissent Cyphei &
nunciassent Sauli, nōne David
absconditus est apud nos. LI. I.

DEUS in nomine tuo saluum me fac, & in uirtute tua libera me. Deus exaudi orationem meam, auribus percipe uerba oris mei.

Quoniam alieni insurrexerunt aduersum me, & fortes quae fuerunt animam meam, & non proposuerunt deum ante conspectum suum. Ecce enim deus adiuuat me, & dominus susceptor est animae meae. Aduerte mala inimicis meis, & in ueritate tua disperde illos. Voluntarie sacrificabo tibi, & cōfitebor nomini tuo domine, quoniam bonum est. Quoniam ex omni tribulatione eripuisti me, & super

Et super inimicos meos despexit oculus meus.

COMMENTARIUM

DEus in nomine tuo saluum me fac. Iste sermo orationis causas suas exsequitur: Libera me, inquit, quia alieni insurrexerunt in me, et fortes quaesierunt animam meam. Hi qui non proponunt deum ante oculos suos. Dicit titulus et qui alieni, et qui sint qui quaerunt animam eius. Qui ostenditur ad inimicos suos isse, et per eos euadere uoluisse. Vide de amice, ne te credas inimicis in toto, uide, ne in necessitate positus furtum facias, et eo te putes posse refici, ne dicas de bono quia malus est, dum uis hominibus complacere, ne à uirtutibus pergas ad uicia, faciente aliqua necessitate, noli te eis credere. Ideo enim te suscipiunt, ut simulent tibi latibulum. Caterum tradere te uolunt in gaudio ei qui te persequitur. Felix si non te credideris eis. Si uero credideris, clama ut propter nomen suum saluum te faciat dominus, ut uoluntatem tuam liberam faciat. Quia quam diu in uitiorum consensu iacet, libera non est. Cum autem dominus adiuuauerit te, et inimicos tuos disperderit, tunc uoluntarie sacrificat is ei, cum ex omni tribulatione eripuerit, et inimicos tuos despiciet oculus eius, qui regnat in secula seculorum Amen.

In finem in carminibus intellectus

David

LIII.

EXaudi deus orationem meam, & ne desperaveris deprecationem meam, intende mihi & exaudi me. Contristatus sum in exercitatione mea, & conturbatus sum à uoce inimici & à tribulatione peccatoris. Quoniam declinauerunt in me iniquitates, & in ira molesti erant mihi. Cor meum conturbatū est in me, & formido mortis cecidit super me. Timor & tremor uenerunt super me, & contexerunt me tenebre. Et dixi quis dabit mihi pennas sicut columbe, & uolabo & requiescam. Ecce elongaui fugiens, & mansi in solitudine. Expectabam cum qui saluum me facit à pusillanimitate spiritus & tempestate. Præcipita domine, diuide linguas eorū, quoniam uidi iniquitatem & contradictionem in ciuitate. Die ac nocte circumdabit eam, super muros eius iniquitas, & labor in medio eius & iniusticia. Et non defecit de plateis eius usura & dolus. Quoniam si inimicus meus maledixisset mihi, sustinuissem utique. Et si is qui oderat me super me magna locutus fuisset, abscondissem me forsitan ab eo. Tu uero homo unanims, dux meus & notus meus. Qui simul mecum dulces capiebas cibos, in domo dei ambulauimus cum consensu.

Veniat

Veniat mors super illos, & descendant in infernum uiuentes. Quoniam nequitie in habitaculis eorum, in medio eorum. Ego autem ad dominum clamaui & dominus saluabit me. Vespere & mane & meridie narrabo & annuntiabo, & exaudiet uocem meam. Redimet in pace animam meam ab his qui appropinquāt mihi, quoniā inter multos erant mecū. Exaudiet deus & humiliabit illos qui est ante secula. Non enim est illis commutatio, & non timuerunt deum, extendit manum suam in retribuendo. Contaminauerunt testamentum eius, diuisi sunt ab ira uultus eius, & appropinquauit cor illius. Molliti sunt sermones eius super oleum, & ipsi sunt iacula. Iacta super dominum curam tuam, & ipse te enutriet, non dabit in æternum fluctuationem iusto. Tu uero deus deduces eos in puteum interitus. Viri sanguinum & dolosi non dimidiabunt dies suos, ego autem sperabo in te domine.

COMMENTARIUM

Primus conuersationis status est, ut contristetur homo in exercitatione delictorum, & cōturbetur potius quàm delectetur à uoce inimici, & tribulatione peccatorum. Veniat formido mortis super eum, ne in peccatis moriatur, & contergant eum tenebræ exteriores, ubi est sletus & stridor

dor dentium, sed si fieri potest, accipiat pennas
 animi in spiritu sancto, sicut columbae descendentes
 de caelo, & euolet fugiens inimicorum manus, lon-
 ge uadat, fugiat à peccato, & quasi in solitudine
 positus, sic nullis curis inuoluatur humanis. Tunc
 enim expectat deum qui saluat eum à pusillanimitate
 & tempestate, ut precipitet dominus, & diui-
 dat linguas eorum. Quoniam uidit iniquitatem, &
 contradictionem in ciuitatem, quae iniquitas, &
 die & nocte circumdat eam super muros eius, id
 est, diabolus circumdat animam super muros eius,
 ubicunq; se uicijs repugnare posuerit. Et non des-
 fecit de plateis eius, id est, in cogitationibus eius
 usura & dolus. Quoniam si inimicus maledixisset
 mihi, id est, si ipse diabolus per se mala loqueretur
 aduersum me, quia certus sum, quod me odirer abs-
 conderem me ab eo. Nunc uero tu unanimis dux
 meus & notus meus, id est, homo meus, exterior
 homo, utiq; corporalis, qui simul mecum dulces com-
 municas cibos in mensa mysterij, tu contra me agis,
 tu cum inimicis meis delectaris in consilijs eorum,
 per te ueniunt ad me, ueniat mors super eos. Et quis
 natura immortales sunt, descendant in infernum
 uiuētes, quia nequitia in hospitij eorum, in medio
 eorum, id est, in suggestionibus eorum, id est, in me-
 dio suggestionum eorum. Si ergo ad dominum cla-

maueris

maueris, & uis ut dominus Iesus exaudiat te, uespere & mane & meridie, ipsi narrabis, ipsi confiteberis, ipsi preces effundes, & sine dubio ita exaudiet uocem tuam, ut liberet à bello eorum animam tuam, ab his qui approximant ei. Et inter multos hos, ipse erit tecum qui humiliet eos, qui se nunquam mutant, qui nunquam timent deum. Extendit manum suam deus, in retribuendo eis, quia ipsi sunt qui contaminant per consensum nostrum testamentum eius, & quamuis diuisi sint ab ira uultus eius, quia impassibilis est, tamen appropriat cor eius. Non eum latet, quia molliunt sermones suggestionum suarum super oleum, & ipsi sunt iacula. Tu uero Christiane, iacta in deum cogitationem tuam, & ipse te enutriet. Noli dicere: Quid manducabo, quid bibam, quo operiar? Per istas enim cogitationes demones ipsi sunt iacula, quos deducet dominus in puteum interitus, si tu in deo iactaueris cogitatum tuum: & tibi quidem tollet fluctuationem, illos uero uiros sanguinum et dolosos, non permittet nec dimidiare dies suos, id est, ad quantum tentationes parant, non permittit eos nec dimidiari in te, si dixeris in toto corde: Ego in te spero domine, qui regnas in secula seculorum Amen.

In finem pro populo, qui à sanctis longe factus est in tituli inscriptione ipsi Dauid, cum tenerent cum Alphyli in Geth. LV.

Miserere mei deus, quoniam conculcauit me homo, tota die impugnans tribulauit me. Conculcauerunt me inimici mei tota die, quoniam multi bellantes aduersum me. Ab altitudine dei timebo, ego uero in te sperabo. In deo laudabo sermones meos, in deo speraui non timebo quid faciat mihi caro. Tota die uerba mea execrabantur, aduersum me omnes cogitationes eorum in malum. Inhabitabunt & abscondent, ipsi calcaneum meum obseruabunt. Sicut sustinuerunt animam meam pro nihilo saluos facies illos, in ira populos confringes. Deus uitam meam annunciaui tibi, posuisti lachrymas meas in conspectu tuo. Sicut & in promissione tua, tunc conuertentur inimici mei retrorsum. In quacumq; die inuocauero te, ecce cognoui, quoniam deus meus es. In deo laudabo uerbum, in domino laudabo sermones, in deo speraui, non timebo quid faciat mihi homo. In me sunt deus uota tua, que reddam laudationes tibi. Quoniam eripuisti animam meam de morte, & pedes meos de lapsu ut placeam coram deo in lumine uiuentium.

COMMENTARIUM

SI tenuerint te Allophyli, & à sanctis cogitationibus longe fecerint, clama ad deum, dicens: Misere mei domine, quoniam conculcauit me, homo utiq; exterior. Per te enim agunt contra te, per ipsum tota die pugnant aduersum te inimici tui. Sed hi qui bellant aduersum te, timebunt, si dixeris deo: Ego domine in te sperabo, non timebo quid faciat mihi caro. Inimici mei uerba mea exerantur, dicentes: Ita iste castitatem docet, seminemus ei libidines: hic qui cōtemptum mundi prædicat, amorem pecuniæ immittamus ei. Aduersum te ergo sunt isti, consilia eorum in malum. Tanta subtilitate agentes, ut absconditi tibi sint, quòd demones sint, putas autem angelos dei ministrare consilium. Illi autem inimici tui sunt, calcaneum tuum obseruantes, id est, fin. m tuum expectantes. Sustinet animam tuam pro nihilo, ut dum se uilem aestimat, pro parui temporis delectamento, pereat in æternum. Anima autem dum uulneratur pro nihilo, illi qui eam uulnerāt, salui sic esse uidentur, uictoria enim hostium salus est hostium. Ne ergo eueniat, clama ad deum, nuncia ei uitam tuam, pone lachrymas tuas in conspectu eius, & sicut promisit, quoniam qui sperat in me, liberabo eum. Sicut in promissione sua pollicitus est, ita conuertat inimicos

tuos retro, ut cognoscas, quia tecum est deus tuus, & incipias in deo laudes canere, & non timere quid faciat tibi homo, siue caro, siue ipse, qui inimicus homo in euangelijs Christi detegitur tritico superseuisse zizaniis: tunc ergo uota tua reddes domino, quæ in baptismo positus promissisti, Renūciare te diabolo, & omnibus pompis et criminibus eius. Tūc, inquam, cum eripuerit dominus animam tuam de morte luxuriæ, & oculos tuos de interitu concupiscentiæ, & pedes tuos à lapsu, tunc placebis in lumine uiuentium, faciente domino Iesu Christo, per quem & cum quo tibi deo patri cum spiritu sancto est una diuinitas, indiuisa trinitas, ante omnia & nunc, & in cuncta secula seculorum Amen.

In finem ne disperdas David in tituli inscriptione cum fugeret à facie Saul regis Israel in speluncam. LVI.

Miserere mei deus, miserere mei, quoniam in te confidit anima mea. Et in umbra alarum tuarum sperabo, donec transeat iniquitas. Clamabo ad deum altissimum, deum qui benefecit mihi. Misit de cælo & liberauit me, dedit in opprobrium conculcantes me. Misit deus misericordiam suam & ueritatem suam, & eripuit animam meam de medio catulorum leonum, dormiui conturbatus

conturbatus. Filij hominum dentes eorum arma & sagittæ, & lingua eorum gladius acutus. Exaltare super cælos deus, & super omnem terram gloriam tuam. Laqueum parauerunt pedibus meis, & incuruauerunt animam meam. Forderunt ante faciem meam foueam, & inciderunt in eam. Paratum cor meum deus, paratū cor meum, cantabo & psalmum dicam domino. Exurge gloria mea, exurge psalterium & cythara, exurgam diluculo. Confitebor tibi in populis domine, & psalmum dicam tibi in gentibus. Quoniam magnificata est usq; ad cælos misericordia tua, & ueritas tua usq; ad nubes. Exaltare super cælos deus, & super omnem terram gloria tua.

COMMENTARIUM

Cum fugeris à facie principis huius mundi persequentis te, sicut Saul persequabatur Dauid, speluncam pete, id est, ita te constitue, ut ab inimico tuo inueniri non possis. Et tu quidem inimicū tuum inter manus habeas, Ille uero te nec uideat. Hoc enim eueniet, si ex toto corde dicas deo: Et in umbra alarum tuarum spero, donec transeat iniquitas, et clames ad deum altissimū: ipse mittit de cælo, & liberat te, & dat in opprobrium conculcantes te. Si quod dicis deo, in te confidet anima

anima mea, non fallas, si uere quod in ipso cōfidas factis ostendis. Qui enim in ipso confidit, non confidet in alio, non in auro, non in prædio, non in aliqua uirtute terrena: Alio quin in alijs confidens mentitur deo, dicens: In te confidet anima mea. Si uero in ipso confidet, eripit animam eius de medio catulorum leonum, ubi dormierat conturbatus. Vbicunq; desperatio est recuperationis, somnus mortis incumbit, nominauit catulos leonum, quorum dentes asseruit arma & sagittas, & linguam gladium acutum: & in his dormiui, ait, conturbatus: ò somnum, credo hic ille somnus est, de quo idem Psalmista dicit: Dormitauit anima mea præ tedio. Si ergo contra paraturas demonum paratum cor habeas, & deo psalmum dicas, laqueos quos parauerunt animæ tuæ, ipsi ex eis ligabūtur, & foueas quas foderunt tibi, ipsi incidūt: si tamen in psalterio & cythara exurgas diluculo, id est, abijciens opera tenebrarum, induaris arma lucis, tunc inuenies abundantem misericordiam eius à terra usq; ad coelos, & usq; ad nubes conscendens inuenies ueritatem eius: tunc exaltatum super caelos inuenies deum, quod ascēdit in caelo filius dei, & super omnem terram regnat gloria eius cum patre & spiritu sancto per omnia secula seculorum Amen.

In finem

In finem ne disperdas Dauid in tituli
 inscriptione LVII.

SI uere utiq; iusticiam loquimini, recte iudica-
 ste filij hominum. Etenim in corde iniquita-
 tes operamini in terra, iniusticias manus uestre
 concinnant. Alienati sunt peccatores à uulua,
 errauerunt ab utero, locuti sunt falsa. Furor il-
 lis secundum similitudinem serpentis, sicut aspidis
 surde, & obturantis aures suas. Quæ non exau-
 diet uocem incantantium, & uenefici incantantis
 sapienter. Deus conteret dentes eorum in ore ip-
 sorum, molas leonum confringet dominus. Ad
 nihilum deuenient tanquàm aqua decurrens, in-
 tendit arcum suum donec infirmentur. Sicut ce-
 ra quæ fluit auferentur, supercecidit ignis, & non
 uiderunt solem. Priusquam intelligerent spinæ
 uestre rhamnum, sicut uiuentes sic in ira absorbet
 eos. Letabitur iustus cum uiderit uindictam,
 manus suas lauabit in sanguine peccatoris. Et
 dicet homo si utiq; est fructus iusto, utiq; est deus
 iudicans eos in terra.

COMMENTARIUM

IVdæi uidentes dominum Iesum Christum serias
 Iuanas respicientem, & diebus sabbatorum homi-
 nibus subuenientem, ira erat in illis sicut similitu-
 do serpentis, & sicut aspidis surde, & obturantis
 aures

aures suas. Aspides ideo ab incantantibus non capiuntur, quia ponunt unam aurem in terram, & alteram aurem de caudæ suæ acumine obturant, ut non exaudiant uocem incantantis sapienter. Hoc quod sapienter addidit, nostrum incantatorem ostendit, qui non cessauit Iudæis incantare sapienter. Illi autem clausis auribus, sicut aspides surdæ, cum non attenderunt. His dicit spiritus sanctus: Si uere utiq; iustitiam loquimini, id est, si uere secundum legem agitis, iuste indicate filij hominum, dicit culpã, & ita date sententiã. Vt quid iniusticiã manus uestre cõcinnãt? alienamini ab utero matris Saræ, erratis à uentre patris uestri Abrahamæ. Hoc Abrahamã non fecit, si filij Abrahamæ essetis, utiq; opera Abrahamæ faceretis. Nũc uero alienati estis ab utero, non estis filij eius, errastis à uentre. Vos enim cuius opera uultis facere, huius filij estis, uos ex patre diabolo estis, loquentes falsa. Ille enim ab initio mendax fuit, & in ueritate non stetit. Quare excæcauit uos malicia uestra? Cecidit enim super uos ignis maliciæ, & uidentes non uidetis solem iusticiæ, sed sicut leones ora uestra in mortis eius fremitu aperitis. Illo autem exsurgente à mortuis, deus conteret dentes eorum in pre ipsorum, molas leonum confringet dominus, ita ut ad nihilum deueniant, uelut aqua decurrens, contra quos intendit

dit arcum dominus donec infirmetur. Sicut cera liquefacta auferentur. Cera liquefacta ad naturam suam reuertitur & in statu suo iterum reintegratur. Ita uult eos affligi dominus, ut ad statum pristinum reuertantur. Priusquam producant spinæ uestræ Rhamnos. Spinæ naturam hanc habent, ut in uirgulto magis quam in arboribus prorumpant. Rhamnus autem arbor est spinea nullum omnino afferens pomum. Ergo prius quam spinæ uestræ in arborū duriciā cōuersæ, radicitus fundatæ permaneat & effoetæ Rhamnus quasi uiuētes absorbeat nos spinosa & obdurata iniquitas uestra. Verum quoniā clamastis: Sanguis huius sup nos & sup filios nostros, Letabitur cū uiderit uindictā impiorū, cū religauerit illū in crucis patibulum, ita ut tollat & latronē & secū ad paradysum ducat, tūc letabitur in hanc uindictam impiorū, hūc iustū uindicat dominus orans & dicens: Pater, remitte illis. Vos autē impij demones tunc uidebitis quia est fructus iusto, cum uideritis filium dei manus suas lauare in sanguine peccatorum. Cum enim illi dicerent, incitati ab spiritibus immundis, reus est mortis, expandit in crucē Christus manus suas, & lauare eas cepit in sanguine peccatorum, Fūdēns ex eis sanguinem & lauās peccata eorū: tūc dixit omnis homo, quia est utiq; fructus iusto, Domino Iesu Christo, et
utiq;

utiq; deus curam mundi gerens, iudicat eos in terra, iudicio suo adiuuans eos, qui est benedictus in secula seculorum Amen.

In finem ne disperdas Dauid in tituli inscriptione: quando misit Saul & custodiuit domum eius ut interficeret eum.

L VIII.

ERipe me de inimicis meis deus meus, & ab insurgentibus in me libera me. Eripe me de operantibus iniquitatem, & de uiris sanguinum salua me. Quia ecce coeperunt animam meam, irruerunt in me fortes. Neq; iniquitas mea neq; peccatum meum domine, sine iniquitate cucurri & direxi. Exurge in occursum meum & uide, & tu domine deus uirtutum deus Israel. Intende ad uisitandas omnes gentes, non miserearis omnibus qui operantur iniquitatem. Conuertentur ad uesperam & famem patientur ut canes, & circuibunt ciuitatem. Ecce loquentur in ore suo, & gladius in labijs eorum, quoniam quis audiuit. Et tu domine deridebis eos, & ad nihilum deduces omnes gentes. Fortitudinem meam ad te custodiam, quia deus susceptor meus es deus meus, misericordia eius praeueniet me. Deus ostendit mihi super inimicos meos ne occidas eos, ne quando obliuiscantur populi mei. Disperge illos in uirtute tua, &

tu, & depone eos protector meus domine. Delictum oris eorum sermonem labiorum ipsorum, & comprehendantur in superbia sua. Et de execratione & de mendacio annunciabuntur in consumptione, in ira consummationis & non erunt.

Et scient quia deus dominabitur Iacob & finium terre. Conuertentur ad uesperam & famem patientur ut canes, & circuibunt ciuitatem. Ipsi dispergentur ad manducandum, si uero non fuerint saturati & murmurabunt Ego autem cantabo fortitudinem tuam, & exaltabo mane misericordiam tuam. Quia factus es susceptor meus & refugium meum in die tribulationis meae. Adiutor meus tibi psallam, quia deus susceptor meus es, deus meus misericordia mea.

C O M M E N T A R I U M

Quando domus corporis tui à principe huius mundi custodiri precipitur, ut capiaris, & interficiaris gladio cuiuscunq; peccati, ex totis uisceribus exclama: Eripe me de inimicis meis deus meus, quoniam occupauerunt animam meam, irruerunt super me fortes. Ego enim caro sum. Illi uero spiritus sunt, Vnde aut patitur persecutiones demonum Christianus, nisi quia sine iniquitate uult cursum suum currere, & iter suum dirigere? Et ideo exurge domine in occursum mihi, & uide quia cu-

pio sine iniquitate currere. Isti autē qui persequuntur me, hi sunt qui operantur iniquitatem, qui conuertuntur ad uesperum, & famem patientur ut eanes & circuncunt ciuitatem. Ecce hij loquuntur in ore suo quasi pacifici, sed gladij sunt in labijs eorum. Sed quantuncunq; se sapientes existiment hi spiritus immundi, tu domine irridebis eos. Pro nihilo enim apud te sunt omnes gentes, siue de uirtute presumentes, siue de astutia confidentes. Fortitudo mea, à te custodiar, quia tu susceptor meus es, ut te susceperet homo. Tu suscepisti hominem, ut misericordia tua praeueniret me, & ostenderes mihi super inimicos meos. Ideo enim immortalitatem eis non tolles, ut humano generi subiecti aeternas poenas luant, uidentes omnes angelos adorantes filium hominis sedentem ad dexteram maiestatis: & ipse destruet eos, qui est protector meus. delicta oris eorum sermo labiorū ipsorum. Siue tunc quando Adam seductus est, siue nunc, quando suggestio nibus foeda consilia pulchris mentibus subministrāt, ut comprehendantur in superbia homines, contemnentes praecepta domini sui, & de execratione & mendacio demonum, compellantur ad malum. fiat super eos ira indignationis tuae & non erunt. Et scient quia tu deus dominaris in Iacob & in fines terre. Ibi enim dominatur domi-

nus, ubi fines faciunt terrena uoluptates, tunc conuertentur ad uesperum immun di spiritus, ubi uideant, quia lux mentibus nostris deficit, & tenebrae crescunt: tunc esuriunt nos quasi canes, & circumcunt ciuitatem, mentem uidelicet nostram. Ipsi autem dispergentur ad deuorandum festinantes, usq; ad interfectionem anima. Haec est enim saturitas eorum, ut uideant interire pugnantem. Sed qui seruus Christi est dicit domino: Ego cantabo uirtutes tuas, dicam aduersarijs meis: Nō de uirtute mea aduersum uos arma corripio, sed de uirtutibus dei mei confido, exultans mane in misericordia eius. Mane enim exultamus in misericordia eius: cum tenebras à nobis peccatorum abstulerit, & dederit lucem suam in cordibus nostris. Exultamus in misericordia eius, quia factus est susceptor noster & refugium nostrum in die tribulationis. Adiutor meus tibi psallam. Psallit deo, qui spiritu & ore psallit, Psallit deo, qui ea quae canit mittit in opera, & sine cessatione dicit deo mens eius: Tu es misericordia mea, per quam peruenitur ad uitam, euasisti omnibus inimicis, qui nos conantur occidere gladio nostri consensus, de quorum nos consilijs & uiolentijs liberat dominus Iesus Christus, qui regnat cum deo patre & spiritu sancto per omnia secula seculorum Amen.

In finem pro his qui commutabuntur
in tituli inscriptione ipsi David in
doctrinam: cum succendit Mesopota-
miam Syriæ & Sobal, & conuertit
Ioab: & percussit Edom in ualle salin-
arum duodecim milia. LIX.

DEUS repulisti nos & destruxisti nos, iratus
es & misertus es nobis. Commouisti ter-
ram & conturbasti eam, sana cōtritiones eius quia
commota est. Ostendisti populo tuo dura, potas-
ti nos uino compunctionis. Dedisti metuenti-
bus te significationem, ut fugiant à facie arcus.
Et liberentur dilecti tui, saluum fac dextera tua &
exaudi me. Deus locutus est in sancto suo, Letar-
bor & partibor Sichimam & conuallem tabernaculorum
metibor. Meus est Galaad, et meus est
Manasses & Effraim fortitudo capitis mei. Iu-
da rex meus, Moab olla spei meæ. In Idumeam
extendam calciamentum meum, mihi alienigenæ
subditi sunt. Quis deducet me usq; in ciuitatem
munitam, quis deducet me usq; Idumeam. Non-
ne tu deus qui repulisti nos, et non egredieris deus
in uirtutibus nostris. Da nobis auxilium de tri-
bulatione, quia uana salus hominis. In deo facie-
mus uirtutem, & ipse ad nihilum deducet tribulan-
tes nos.

COMMENTARIUM

PRostratis hostibus, uictoriam nos docuit domino reputare, quo irato uincimur, quo miserante uincimus. Ipse mouet terram corporis nostri, & conturbat eam, siue comminatione futuri iudicij, siue plaga aliqua presentis exitij, pro qua rogamus ut sanet cōtritiones eius. Ostendisti enim populo tuo dura. Durum cor Pharaonis in opere duro. Potasti nos uino compunctionis. Vbicunq; ira domini, & passio cuiuscunq; plagæ est, aut calix iræ, aut uinū ebrietatis memoratur, sicut dicit Hieremias ad Hierusalem: Inebriata es calice iræ & furoris domini. Tempore ergo quo potasti nos uino compunctionis in Aegypto, dedisti metuentibus te significationem, ut fugerent à facie arcus. Ut qui uastabat primogenita, respiciens significationem sanguinis agni, non contingeret eos. Nunc ergo quia idem es deus qui tunc fuisti, saluum me fac non mea uirtute, sed tua dextera et exaudi me. Deus enim locutus est in sancto suo famulo Moysse. Letabor & diuidā sicimā, & cōuallem tabernaculorū metibor. Ipse dixit, meus est Galaad, & meus est Manasse, & Effrē fortitudo capitis mei: ipse dixit, Iuda rex meus. hæc oīa deus locutus est in sancto suo iplēda, id est, i domino nostro Iesu Christo. Triplici modo in sancto locutus est. Locutus est in

sancto suo, id est, in Iacob locutus est de Effrem & Manasse, & de Iuda. Hæc ipsa locutus est in sancto suo, ut diximus in Moyse, sed in his abusive locutus est, ut in Iesu Christo non abusive, sed proprie complerentur. In ipso enim Iudas regnum obtinuit, & regni eius non erit finis. Iuda ergo rex meus, Moab lebes spei meæ. Lebes id est olla. Quia Moab stupri filius, in olla succensionis libido eius, & quia Iudæam occupauerunt Moabitæ: Eijciam, inquit, inde Moab, & ego ibi extendam calciamentū meum. Ergo & tu ò Christiane si eieceris de terra quam inuaserat Moab, & captiuato aut incenso sicut olla rege libidinis, Allophylos ceperis habere subiectos, deducet te dominus in ciuitatem circumstantium, in petra refugij in auxilio suo, ubi te circumstant angeli & gubernāt quousq; peruenias ad ciuitatem munitā. Cum regnum obtinueris super Iudæam, cum in corpore tuo ubi abūdauit iniquitas, superabundat gratia, uide ne de tua uirtute presumens, ista te implere posse confidas. Gloria enim hominis non est certa sed uana, sed clamans ad dominum, dic cum omnibus sanctis: Da nobis auxilium de tribulatione, quia uana salus in homine. In te domine faciemus uirtutem, quia tu ad nihilum rediges omnes tribulantes nos, qui regnas in seculis seculorum Amen,

In finem

In finem in hymnis, psalmus David. LX.

Exaudi deus deprecationem meam, intende orationi meæ. A sinibus terre ad te clamaui, dum anxietur cor meum, in petra exaltasti me. Deduxisti me, quia factus es spes mea, turris fortitudinis à facie inimici. Inhabitabo in tabernaculo tuo in secula, protegar in uelamento alarum tuarum. Quoniam tu deus meus exaudisti orationem meam, dedisti hereditatem timentibus nomen tuum. Dies super dies regis adicies, annos eius usq; in diem generationis & generationis. Permanet in æternum in conspectu dei, misericordiam & ueritatem eius quis requireret. Sic psalmum dicam nomini tuo in seculum seculi, ut reddam uota mea de die in diem.

COMMENTARIUM

Ecclēsiā supra petre soliditatē fundatam, & turrem fortitudinis factam in qua redduntur uota deo de die in diem, nullus ignorat. Sed tu o amator uitæ æternæ, si uis exaudiri deprecationem tuā, si uis ut dum anxiatū fuerit cor tuum, id est, dum exieris de corpore, si uis ut turris tibi fortitudinis dominus appareat à facie inimici, si uis ut inhabites in tabernaculo eius in æternū, si uis ptegi in uelamēto alarū eius, si uis accipere hereditatē quā consequuntur timētes nomē eius, si uis ut

dies super dies regis adijciat annos tuos, ut uitam tibi eternam conferat, & permanear in eternum in conspectu dei, misericordiam & ueritatem instanter inquire. Et posteaquam eas charas amicas, & quasi spem uitæ tuæ possederis, sic psalle domino deo in seculo positus. Et quasi cotidie initium faciens diligendi eas, redde uota tua de die in diem domino Iesu Christo, qui regnat cum patre & spiritu sancto in secula seculorum Amen.

In finem pro Idythum psalmus

David.

LXI.

Nonne deo subiecta erit anima mea, ab ipso enim salutare meum. Nam & ipse deus meus & salutaris meus, susceptor meus non mouebor amplius. Quousque irrucitis in hominem interficitis uniuersi uos, tanquam parieti inclinato & macerie depulsa. Veruntamen precium meum cogitauerunt repellere, cucurri in siti, ore suo benediciebant & corde suo maledicebant. Veruntamen deo subiecta esto anima mea, quoniam ab ipso patientia mea. Quia ipse deus meus & saluator meus, adiutor meus non emigrabo. In deo salutare meum & gloria mea, deus auxiliij mei, & spes mea in deo est. Sperate in deo omnis congregatio populi, effundite coram illo corda uestra, deus adiutor noster in eternum. Veruntamen

tamen uani filij hominum, mendaces filij hominum
 in stateris, ut decipiāt ipsi de uanitate in idipsum.
 Nolite sperare in iniquitate & rapinas nolite con-
 cupiscere, diuitia si affluant nolite cor apponere.
 Semel locutus est deus duo hæc audiui, quia pote-
 stas dei est & tibi domine misericordia, quia tu red-
 des unicuiq; iuxta opera sua.

COMMENTARIUM

IN omnibus psalmis mysticus exuberat sensus,
 sed mihi cura propensior ad moralem explana-
 tionem incumbit, in qua agitur, ut id quod cani-
 mus, faciamus. Vt in proposito in quo deo subdita
 est anima tua, ita fixus & solidus maneat, ut non
 moueatis amplius, ut dum uenerint ad te spiritus
 immundi, & uoluerint te à seruitio domini separa-
 re, ingerentes tibi occasiones malas, cogitationes
 pessimas, dicas eis: Deus adiutor meus, ego per ip-
 sum non mouebo amplius. Vos autem quousq; ir-
 ruitis in homines. Et sicut paties ruitis super uni-
 uersos nos, qui & meum honorem uultis à me re-
 pellere, siue pretiositatem meam uilem facere. Et
 cum sitim habeam sancti propositi, & siciēter in eo
 curram, uos ore uestro benedicitis, id est sub specie
 boni consilij suasiones affertis. Sed corde maledici-
 tis, id est, hoc quod bonū dicitis ore uestro, malum
 mihi & perniciosum probatis. Audiamus sollicite

locum istum. Dantur nobis à demonijs bona consilia plena dolis, emanamus & reuendamus, & lucra pauperibus erogemus. Nunquid non quasi bonum est, sed non permittit te hoc opere intrare in potentias domini. Item præsentem pecuniam reponamus, unde scimus quid eueniat. Et hoc bonum uidetur, sed non facit Christi discipulum. Item illi uiduæ in uēculæ, melius nos quàm alij præbeamus solacium. Et hoc bonum est, sed dolis diaboli plenum. Hæc & multa his similia cum ore suo tibi benedixerint demones, corde suo maledicunt, & ideo dic illis: In deo salutari meo est gloria mea, non migrabo à proposito meo, quo uos statui contemnendos. Et dic fratribus meis: Sperate in eo omnis conuentus plebis meæ. Fundite coram illo corda uestra, quia deus adiutor noster est. His autem qui audiunt consilia malignorum spirituum, hoc ordine loquere: Vani filij hominum, mendaces in stateris quid uos mutuo consentitis inimicis uestris? Nolite sperare in iniquitate, quia decipit sperantes in se. Rapinam nolite concupiscere, quia concupiscentia furandi, interficit amatorem suum. Diuitie si affluant, nolite cor apponere, quia radix omnium malorum est auaricia. Hoc solum quod semel locutus est diligenter ausculta, qui a potestas dei est, & dei arbitratu consequimur misericordiam. Quia ipse reddet uni
cuiq;

euiq; secundum opera sua. Vbi autem hæc ipsa dominus locutus sit, si forte requires agnosce. In Deuteronomio canitur: Quoniam ego deus, ego occidam & uiuere faciam, percutiam, ego sanabo, & nõ est qui eripiat de manu mea. Hæc ergo potestas dei est, & patris & filij & spiritus sancti, qui regnat in secula seculorum Amen.

Psalmus David cum esset in deserto
Idumæe. LXII.

DEus deus meus ad te de luce uigilo. Sitiui in te anima mea quàm multipliciter tibi caro mea. In terra deserta inuia & inaquosa sic in sancto apparui tibi, ut uiderẽ uirtutem tuam & gloriam tuam. Quoniam melior est misericordia tua super uitas, labia mea laudabunt te. Sic benedicam te in uita mea, & in nomine tuo leuabo manus meas. Sicut adipe & pinguedine repletur anima mea, & labijs exultationis laudabit os meum, Si memor fui tui super stratum meum, in matutinis meditabor in te, quia fuisti adiutor meus. Et in uelamento alarum tuarum exultabo, adhæsit anima mea post te, me suscepit dextera tua. Ipsi uero in uanum quasi erunt animam meam, introibunt in inferiora terræ, tradentur in manus gladij, partes uulpium erunt.

Rex uero

Rex uero letabitur, in deo laudabuntur omnes qui iurant in eo, quia obstructum est os loquentium iniqua.

COMMENTARIUM

IN toto psalterio nusquam inuenies, orabo te domine hora quacumque alia, nisi matutino, mane diluculo. Quo dicto non tempus significat, sed peccatorum nocte transacta, & tenebrarum exclusa perfidia cessat dormire, & uigilare audet, & ueluti in diluculo initium lucis tue accipiens, incipit sitire dominum non solum animo, sed & corpore, ut uideat uirtutem eius & gloriam eius. Tunc cognoscit, quia melior est misericordia eius super uitam. Et labijs mundis à dolo laudat dominum, rogans ut ita ei proueniat quam diu uiuit, sic ut benedicat dominum in uita sua. Et in similitudine crucis Christi leuet manus suas, ut sicut adipe & pinguedine repleatur anima eius. Pinguis fiat in amore dei, & labia eius exultatione plena, non necessitate coacta, sed beneficijs prouocata laudent nomen eius. Hoc ei euenit si memor fuit dei superstratum eius, & ubi alius memoratur luxurie, ego dei memor in matutinis meditabor in eo, quia ipse est adiutor meus. Dicendo superstratum, & addendo adiutorium, ostendit per eius auxilium potuisse se castimoniam obtinuisse. Et sequitur quo ordine auxilium consequatur. Dæmonis

enim animam per libidinis luxum quærūt capere. Sed iste audi quid dicat: In uanum, inquit, quæsierunt animam meam. Et qua ratione non sit captus exponit: In uelamento, inquit, alarum tuarum speraui, adhaesit anima mea post te, me suscepit dextera tua. Et sic factū est, ut in uanum quærerent animam meam, ipsi magis fugerunt dum me quæerunt. Ingressi sunt in inferiora terre, peruenerunt usque ad inferiora corporis. Inuenerunt ibi gladium uerbi dei super femur potentissimum, & ibi traditi sunt in manus gladij. Nota tibi amator castitatis, quo ordine castitas custoditur. Ipsi enim qui quæerunt animam tuam, ad inferiora terre tue perueniunt, tu statim si gladium super femore cinctus fueris, hoc eos gladio manu tua partibus mittis. Sanè notandum quod partes ipsæ factæ de eis non auium aut canum, sed uulpium, quia & canes & aues solent perdere partes suas. Vulpes tam astute agunt, ut non solum suas non perdant, sed & ex aliena & fortioris se præsumant. Denique Physiologus refert, semper uulpem in insidijs esse lupo, ut ubi eius senserit prædam occultam, rapiat ei. Ita & tu castitatis amator, non solum tuam castitatem serues: sed eos quos prædatus es, arte qua potes quasi astutus eripias: ut astutia tua, quasi uulpes, partes demonum rapiat, castitas comedat, &

ipsa

ipsa consumat in his factis. Rex tuus Christus filius dei letabitur in patre & spiritu sancto, & laudabitur omnis qui iurat in eo, non iuramento ad satisfactionem hominis, sed iura que in eo sunt conseruando. Quo facto, obstruitur os loquentium iniqua. Non audebunt demones loqui iam tuo cordi superflua, faciente auxilio domini nostri Iesu Christi, qui regnat cum patre & spiritu sancto in secula seculorum Amen.

In finem psalmus Dauid. LXIII.

EXaudi deus orationē meam cum deprecor, à timore inimici eripe animam meam. Proptextisti me à conuentu malignantium, à multitudine operantium iniquitatem. Quia exaceruerunt ut gladium linguas suas, intenderunt arcum rem amaram, ut sagittent in occultis immaculatum. Subito sagittabunt eum & non timebunt, firmauerunt sibi sermonem nequam. Narrauerunt ut absconderent laqueos, dixerunt quis uidebit eos. Scrutati sunt iniquitates, defecerūt scrutantes scrutiny. Accedet homo ad cor altum, & exaltabitur deus. Sagittæ paruulorum factæ sunt plagæ eorum, & infirmate sunt contra eos lingue eorum. Conturbati sunt omnes qui uidebant eos, & timuit omnis homo. Et annunciauerunt opera dei, & facta eius intellexerunt. Letabitur iustus

iusus in domino & sperabit in eo & laudabuntur
omnes recti corde.

COMMENTARIUM

EXaudi deus orationem meam cum tribulor
siue cum deprecor. Quam orationem? A ti-
more ait inimici eripe animam meam, quia prote-
xisti me à conuentu malignantium, & à multitu-
dine operantium iniquitatem. Tu domine à timore
inimici libera animam meam, ipsa enim suscepit in
se spiritum sanctum. Isti autem sagittis in amaro
arcu paratis, in occulto consistunt agētes, ut sagit-
tent in occulto immaculatum. Tamen si non con-
senserit homo, etiam si sagittauerint eum, non ti-
mebit, non abscedit, stat uiriliter, ut recuperet sa-
nitatem uulneratus. Vt illi autem affirmantes sibi
uerbum iniustum, in quo disputant ut abscondat la-
queos. Et audi quid dicant: Inuisibiles eis sumus,
non uidebunt nos. Et ideo scrutantur corda homi-
num iniquis ambagibus, sed per gratiā dei deficiūt
scrutantes scrutinio. Videntes se defecisse, & ho-
minem accedere ad superiorem gradum iusticię, fa-
ciunt ei cor altum, ut per elationem cordis eius
exaltet se deus ab eo. Quantacunq; igitur in te, o
psalmista, uirtus contēnendi cōcrefcit, tanto alti-
tudo cordi suo decrefcet. Insiste, quia omnis qui se
exaltat humiliabitur. Tūc sagittę paruulorū fiunt
plagę

plagæ eorum, dabitur potestas etiam paruis deside-
rijs tuis, qui in Christo sunt. Paruulis, in quã, mox
natis. ex te desiderijs spiritalibus dabitur uirtus,
ut sagittis suis plagas demonibus faciant, & pro
nihilò cõputantes eos, contra ipsos faciant linguas
eorum, id est, ea que suggererint contra eos reuer-
ti faciat. Quia sicut si consenserimus, ipsos uulner-
amus. In hac regula omnis homo qui nos cognou-
erit agere timebit deum, & adnunciat opera eius
& facta eius intelliget. Iustus autem qui est, non
tristabitur in aduersis, sed letabitur in domino, &
sperauit in eo, & erit laus omnibus rectis corde in
Christo domino nostro, qui regnat in secula secul-
lorum Amen.

In finem psalmus Dauid canticum Aggei
Hieremiæ & Ezechielis, de uerbo peregri-
nationis, & de populo transmigrationis,
cum inciperent proficisci. LXIII.

TE decet hymnus deus in Sion, & tibi redde-
tur uotum in Hierusalem. Exaudi orati-
onem meam, ad te omnis caro ueniat. Verba ini-
quorum preualuerunt super nos, & impietatibus
nostris tu propiciaberis. Beatus quem elegisti
& assumpsisti, inhabitabit in atrijs tuis. Replebi-
mur in bonis domus tuæ, sanctũ est templum tuum
mirabile in æq̃tate. Exaudi nos deus salutaris nos-
ter

ster, spes omnium finium terræ & in mari longe:
 Præparans montes in uirtute tua accinctus poten-
 tia: qui conturbas profundum maris sonum flu-
 ctuum eius. Turbabuntur gentes & timebunt
 qui inhabitant terminos à signis tuis, exitus matuti-
 ni et uespe delectabis. Visitasti terram & inebriasti
 eam, multiplicasti locupletare eam. Flumen dei reple-
 tum est aquis, parasti cibum illorum, quoniam ita
 est præparatio eius. Riuos eius inebrians mul-
 tiplica genimina eius, in stillicidijs eius lætabitur
 germinans. Benedices coronæ anni benignitatis
 tuæ, & campi tui replebuntur ubertate: Pingue-
 scent speciosa deserti, & exultatione colles accin-
 gentur. Induti sunt arietes ouium, & ualles
 abundabunt frumento, clamabunt etenim hymnuna
 dicent.

COMMENTARIUM

IN Hebræo non habet nec Hieremiam, nec Ag-
 geum, nisi solum David. Sed Hefdra habens
 e charitatem eorum, uoluit eos memorare, asserens
 istum psalmum David cecinisse eos in prophetatio-
 nis suæ initio, hoc est, extra terra aliena est et non
 potest cantare hymnos in terra aliena. Sit ergo
 Sion anima nostra ut deceat hymnum in ea dici:
 Decebit autem Sion canere esse, si reddiderit uotum
 Hierusalem, si quod uotum fecit deo se renunciatu-

rum diabolo & pompis eius impleuerit, tunc exau-
dit deus orationem eius cum omnis caro ad eum ue-
nerit. Non est enim nec tribus nec gens, ex qua non
genu flectetur domino Iesu Christo. Prædicatibus
enim apostolis, in omnem terram exiuit sonus eor-
um. Et licet uerbainiquorum, phariseorum scilicet,
preualuerit super eos & impie eos afflixerint:
sed impietatibus, inquit, quas patimur tu propis-
ciaberis: Beatus est enim dominus Iesus Christus,
quem elegisti & assumpsisti, hic habitauit in taber-
naculis tuis quando replesti in bonis domus tue,
in qua sanctum templum tuum regnat non manu-
factum, sed uerbo genitum, & uirginali utero pro-
creatum, cui dicimus: Exaudi nos deus salutaris no-
ster, spem enim omni generi humano tu tribuisti,
etiam his qui longe sunt, & his qui prope. Quan-
do parasti montes in uirtute tua, quibus dixisti:
Predicate euāgelium omni creaturæ. Signa autem
credentibus hæc ostendetis, infirmos curabitis, cæ-
cos illuminabitis, mortuos suscitabitis. Ab his signis
turbate sunt gentes, & timent deum omnes qui ha-
bitant fines terræ. ab his enim signis timor dei sur-
per faciem terræ sumpsit exordium. Et in exitu
matutini & uesperis delectabitur deus, id est, in ori-
ente, & in occidente in ædificationibus ecclesiar-
um delectaberis, ex quo uisitasti terram aduentu

tuo, & inebriasti eam sanguine tuo, quādo flumen Iordanis repletum est aquis, uocibus scilicet prophetarum. Tunc paraſti cibum nō qui periit, quia ita eſt preparatio tua. Riuos eius inebriaſti, ita ut cum eſſet hora diei tertia, illi ebrii putarētur. Tempore quo multiplicasti generationes eius. Cuius eius, id eſt, Iordanis, quod eſt baptiſmata. Ibi erant quando riuos eius inebriaſti Parthi & Medi, & Elamita, Cretes, Syri, Arabes, Romani, Cyrenæi. Et penè omnes gentes, ex quibus multiplicasti generationes eius, quādo quaſi ſtillicidijs coeleſtibus cæpit exoriri. Tunc inchoauit corona anni diem ſanctum paſchæ, & campi repleti ſunt ubertate, omnia fertilitate congaudent, feſtiuitate epulantur, ita ut fines deſerti pingueſcant, & exultatione colles accingentur. Induūtur enim arietes manſuetudine ouium, non uentilabunt cornubus, & conualles abundabunt frumento corporis Chriſti. Quod quādo accipient, clamabunt arietes & oues ſimul hymnum dicentes Chriſto filio dei, qui regnat cum patre & ſpiritu ſancto in unitate deitatis, & in trinitate unitatis in ſecula ſeculorum Amen.

In finem canticum pſalmi reſurre/
tionis.

LXV.

Iubilate deo omnis terra, pſalmum dicite nomini eius, date gloriam laudi eius. Dicite dea

p 2 quā

quàm terribilia sunt opera tua domine, in multitudine uirtutis tuæ mentientur tibi inimici tui.

Omnis terra adoret te deus & psallat tibi, psallimum dicat nomini tuo. Venite & uidete opera dei, terribilis in consilijs super filios hominum.

Qui conuertit mare in aridam, in flumine pertransibunt pede ibi letabimur in ipso. Qui dominatur in uirtute sua in æternum, oculi eius super gentes respiciunt, qui exasperant non exalcentur in se metipsis. Benedicite gentes deum nostrum, & auditam facite uocem laudis eius. Qui posuit animum meam ad uitam, & non dedit in commotionem pedes meos. Quoniam probasti nos deus, igne nos examinasti sicut examinatur argētum.

Induxisti nos in laqueum, posuisti tribulationes in dorso nostro, imposuisti homines super capita nostra. Transiuimus per ignem & aquam, & eduxisti nos in refrigerium, Introibo in domū tuam in holocaustis, reddam tibi uota mea, quæ distinxerunt labia mea. Et locutum est os meum in tribulatione mea. Holocausta medullata offeram tibi cum incenso arietum, offeram tibi boues cum hyrcis. Venite & audite & narrabo omnes qui timetis deum, quanta fecit animæ meæ.

Ad ipsum ore meo clamauī & exultauī sub lingua mea. Iniquitatem si aspexi in corde meo, non exaudiet

*exaudiet dominus. Propterea exaudivit deus
& attendit uoci deprecationis mee. Benedictus
deus qui non amouit orationem meam, & miseris
cordiam suam à me.*

COMMENTARIUM

I*V**d**e**o**r**ũ**t**e**r**r**a**s**o**l**a**i**u**b**i**l**a**b**a**t**d**e**o**,s**e**d**q**u**i**a**n**u**n**c*
*o**c**u**l**i**e**i**u**s**,i**d**e**ſ**t**,d**e**i**s**u**p**e**r**g**e**n**t**e**s**p**e**r**C**h**r**i**s**t**u**m*
*a**t**t**e**n**d**u**n**t**,n**o**n**i**a**m**s**o**l**a**I**u**d**e**a**i**u**b**i**l**a**t**d**e**o**,s**e**d**o**m*
*n**i**s**t**e**r**r**a**d**e**o**p**s**a**l**m**ũ**d**i**c**i**t**n**o**m**i**n**i**e**i**u**s**,&**d**a**t**g**l**o**r**i**a*
*m**l**a**u**d**i**e**i**u**s**,&**d**i**c**i**t**d**e**o**.Q**u**a**r**u**i**a**t**e**r**r**i**b**i**l**i**a**s**u**n**t*
*o**p**e**r**a**t**u**a**i**n**m**u**l**t**i**t**u**d**i**n**e**u**i**r**t**u**t**i**s**t**u**e**,q**u**i**b**u**s**t**e**u*
*e**r**u**m**d**e**u**m**d**e**i**f**i**l**i**u**m**d**e**c**l**a**r**a**s**t**i**,q**u**ã**d**o**m**e**n**t**i**t**i**s**u**n**t*
*i**n**i**m**i**c**i**t**u**i**,d**i**c**e**n**t**e**s**:N**o**n**e**ſ**t**à**d**e**o**,t**e**d**e**m**o**n**i**a**f**u*
*r**g**a**n**t**e**,m**o**r**t**u**o**s**s**u**s**c**i**t**a**n**t**e**,l**e**p**r**o**s**o**s**m**u**n**d**a**n**t**e**,p**a*
*r**a**l**y**t**i**c**o**s**c**u**r**a**n**t**e**,m**o**r**t**u**o**s**s**u**s**c**i**t**a**n**t**e**,m**a**r**e**p**e**d**i*
*b**u**s**a**m**b**u**l**a**n**t**e**,u**e**n**t**i**s**i**m**p**e**r**a**n**t**e**.I**n**h**a**c**m**u**l**t**i**t**u**d**i*
*n**e**u**i*r**t**u**t**i**s**t**u**e**m**e**n**t**i**e**b**a**n**t**u**r**t**i**b**i**i**n**i**m**i**c**i**t**u**i**,d**i*
*c**e**n**t**e**s**:S**c**i**m**u**s**q**u**i**a**à**d**e**o**e**s**,&**n**o**n**a**c**c**i**p**i**s**p**e**r**s**o**n**a*
*s**h**o**m**i**n**u**m**.P**l**u**s**a**u**t**e**m**i**n**m**u**l**t**i**t**u**d**i**n**e**u**i
*r**t**u**t**i**s**t**u**e**t**u**n**c**m**e**n**t**i**t**i**s**u**n**t**,q**u**a**n**d**o**d**i**x**e**r**u**n**t**t**e**f**u*
*r**a**t**u**m**à**d**i**s**c**i**p**u**l**i**s**,c**u**m**i**a**m**r**e**s**u**r**r**e**x**i**s**s**e**t**,&**o**m*
*n**i**s**t**e**r**r**a**,i**n**c**u**i**u**s**c**o**r**d**e**f**u**r**a**s**,a**d**o**r**a**t**t**e**.I**l**l**i**d**i**c**e**b**a*
*n**t**m**i**l**i**t**i**b**u**s**m**e**n**t**i**m**i**n**i**,d**i**c**i**t**e**c**u**m**f**u*
*r**a**t**u**m**u**o**b**i**s**d**o**r**m**i**s**e**n**t**i**b**u**s**.P**s**a**l**m**u**s**h**i*
*c**u**s**r**e**s**u**r**r**e**c**t**i**o**n**e**m**i**n**t**i**t**u**l**o**p**r**e*
*n**o**t**a**t**,n**o**l**i**t**e**m**e**n**t**i**r**i**,ſ**i**d**o**r**m**i**s**t**i*
*s**,n**o**n**u**i**d**i**s**t**i**s**q**u**i**r**a**p**u**i*
*t**c**o**r**p**u**s**.A**u**t**e**n**i**m**u**i**d**i**s**t**i*
*s**r**a**p**i**e**n**t**e**s**&**n**o**n*
*d**o**r**m**i**s**t**i**s***

dormistis, aut dormistis & non uidistis. Quid mēti
 mini? Magis uenite et uidete opera domini, ipse est
 enim isie qui conuertit mare in aridam, ut transi-
 rent patres uestri per siccum per medium mare. Ip-
 se est qui diuisit fluuium ut transirent eum pedibus
 patres uestri. Magis letamini in unum omnes, quia
 ipse est qui dominatur in uirtute sua in eternum.
 Et quia oculi eius super gentes respiciunt. Vos lau-
 dei gaudete, quod promissum patris uestri comple-
 tur. Deus enim dixit Abrabæ, In semine tuo heredi-
 tabo omnes gentes. Quid eis inuidetis, & more
 solito dominum ad iracundiam prouocatis, ita ut
 dicat uobis: Quia auferetur à uobis regnum dei,
 & dabitur gentibus facientibus uoluntatem eius.
 Benedicite ergo gentes deum nostrum, & obedite
 uoci laudis eius. Hoc ecclesia in omnibus sequitur
 eum Apostolis & martyribus: Posuit, inquit, ani-
 mam meam ad uitam, & non dedit commoueri pes
 meos, quando probasti nos deus, & examinasti
 igne passionum, sicut examinatur argentum. In-
 duxisti in laqueum, posuisti tribulationes in dorso
 nostro, & homines supra capita nostra, Tamen
 transuimus per ignem martyrij, & aquam baptis-
 matis, & induxisti nos in refrigerium. Nam & in
 baptismo spiritu sancto & igne censiti sumus, quan-
 do intrauimus domum tuam in holocaustis, & red-
 didimus

didimus nota, que locutū est os nostrum in tribulatione nostra. Holocausta medullata offeram tibi. Holocausta sine medulla offerat deo, qui corde inanis, corpore uidetur orare & psallere. Ego autem, inquit, medullata tibi offeram. Orabo spiritu, orabo & mente, psallam spiritu, psallam & mente, offeram incensum arietum, uiriliter repugnans zelo ouium tuarum, aduersus omnem hereticum: offeram tibi boues cum prædico, hyrcos cum imperium libidinis subiugo, uel iugulo. Venite et audite quanta deus fecit animæ meæ: ut animam meam eriperet, animam suam posuit: ut me à morte eriperet, mortem accepit. Si non credo te uerum deum, & iniquitatem negantis uides esse in corde meo, non me exaudias deus. Verum quia credo te esse, ideo exaudisti me. Benedico te qui non amouisti precem meam, nec misericordiam tuam à me, qui regnas cum patre & spiritu sancto per omnia secula seculorum Amen.

In finem in hymnis psalmus
cantici David LXVI

DEus misereatur nostri et benedicat nobis, illuminet uultū suū sup nos, et misereatur nostri. Ut cognoscamus in terra uiam tuam, & in omnibus gentibus salutare tuum. Confiteantur tibi populi
p 4 deus

deus, confiteantur tibi populi omnes. Latentur & exultent gentes, quoniam iudicas populos in equitate, & gentes in terra dirigis. Confiteantur tibi populi deus, confiteantur tibi populi omnes, terra dedit fructum suum. Benedicat nos deus deus noster, benedicat nos deus, & metuant eum omnes fines terre.

COMMENTARIUM

IN hymnis psalmus cantici est, quod canebant Angeli gloria in excelsis, quando illuminando vultum suum super nos uenit, & benedixit nos, ut cognosceremus in terra uiam dei, & in omnibus gentibus salutare eius. Confiteantur hoc populi, quia uenisti ut latentur gentes, quia incipiunt tuo iudicio agi in equitate, & in terra corporis sui, à peruersitate recto tenore auferri et dirigi. Cōfiteātur et hoc populi oēs, quia Maria ex terreno corpore, sed cœlesti semine dedit fructū suū, ut benedicat ipse fructus in trinitate. Benedicat nos deus deus noster, benedicat nos deus. Ter deus dictus, unus in trinitate nominatus, quem metuunt omnes fines terre, per omnia secula seculorum Amen.

In finem psalmus cantici David. LXVII.

EXurgat deus & dissipentur inimici eius, et fugiant qui odierunt eum à facie eius. Sicut defecit fumus deficiant, sicut fluit cera à facie ignis

ignis, sic pereant peccatores à facie dei. Et iusti epulètur & exultent in conspectu dei, & delectentur in leticia. Cantate deo, psalmum dicite nomini eius, iter facite ei qui ascēdit super occasum, dominus nomen illi. Exultate in conspectu eius, turbabuntur à facie eius patris orphanorum & iudicis uiduarum. Deus in loco sancto suo, deus qui inhabitare facit unius moris in domo, Qui educit uinctos in fortitudine, similiter eos qui exasperant qui habitant in sepulchris, Deus cum egredieris in conspectu populi tui, cum pertransieris in deserto. Terra mota est, etenim cœli distulauerunt à facie Sinai, à facie dei Israel. Pluuiam uoluntariam segregabis deus hæreditati tuæ et infirmata est, tu uero perfecisti eam. Animalia tua habitabunt in ea, parasti in dulcedine tua pauperi deus. Dominus dabit uerbum euangelizantibus uirtute multa. Rex uirtutum dilecti, dilecti & speciei domus diuidere spolia. Si dormiaueris inter medios cleros pennæ columbæ deargenteæ, & posteriora dorsi eius in pallore auri. Dum discernit cœlestis reges super eam niue dealbabuntur in Selmon mons dei mons pinguis. Mons coagulatus mons pinguis, ut quid suspicamini montes coagulatos. Mons in quo beneplacitum est domino habitare in eo, etenim dominus habitabit

in finem. Currus dei decem milibus multiplex
 milia letantium, dominus in eis in Synai in sancto.
 Ascendisti in altum, cepisti captiuitatem, accepisti
 dona in hominibus. Etenim non credentes inha-
 bitare dominum deum. Benedictus dominus die
 cotidie, prosperū iter faciet nobis deus salutarium
 nostrorum. Deus noster deos saluos faciendi, &
 domini domini exitus mortis. Veruntamen deus
 cōfringet capita inimicorū suorum, uerticem capil-
 li perambulantium in delictis suis. Dixit dominus
 ex Basan conuertam, conuertam in profundum
 maris. Ut intingatur pes tuus in sanguine, lin-
 gua canum tuorum ex inimicis ab ipso. Viderunt
 ingressus tuos deus ingressus dei mei regis mei, qui
 est in sancto. Præuenerunt principes coniuncti
 psallentibus in medio iuencularum tympanistria-
 rum. In ecclesijs benedicite deo domino de fon-
 tibus Israel. Ibi Benjamin adolescentulus in
 mentis excessu. Principes Iuda duces eorum,
 principes Zabulon & principes Neptalym.
 Manda deus uirtuti tue, confirma hoc deus quod
 operatus es in nobis. A templo tuo in Hierusa-
 lem tibi offerant reges munera. Increpa feras
 barundinis congregatio taurorum in uaccis popu-
 lorum, ut excludant eos qui probati sunt argenteo.
 Dissipa gentes qua bella uolunt, uenient legati ex
 Aegypto

Aegypto, Aethiopia praeueniet manus eius deo.
 Regna terræ cantate deo psalite domino. Psal-
 lite deo qui ascendit super cælum cæli ad orientem.
 Ecce dabit uoci suæ uocem uirtutis, date
 gloriam deo super Israel, magnificentia eius & uir-
 tus eius in nubibus. Mirabilis deus in sanctis suis,
 deus Israel ipse dabit uirtutem & fortitudinem ple-
 bis suæ benedictus deus.

COM MENTARIUM

Item psalmus canticum in quo exurgit à mortuis;
 ut dissipentur inimici eius, & fugiant qui cru-
 cifixerunt eum à facie eius. Sicut deficit fumus con-
 tra altitudinem cundo, sic deficient: & sicut fluit
 terra ignem quidem sentiens, sed ad naturam suam
 rediens, sic pereant peccatores sine conspectu dei.
 Isti uero, id est, Apostoli exurgente domino epur-
 lentur & delectentur in leticia, & quousq; ascen-
 dat super occasum, iter faciant illi, & gaudeant in
 conspectu eius. Super occasum ascendit, quia iuxta
 occasum suum cœpit mundus esse quando in cœ-
 los ascendit. Vnde & apostolus Ioannes dicit:
 Pueri nouissima hora est. Turbati sunt à facie
 eius Iudei, quando ostendit se patrem orphano-
 rum & iudicem uiduarum. Deus in loco san-
 cto suo. Vbicunq; sanctitas est, locus dei est,
 & ibi est deus, & ipse facit unanimes in domo,
 in ecclesia

in ecclesia utiq; sua unam fidem integrā exercere, ipse educet uinctos à diabolo in fortitudine sua. Et ipsos qui ad iram prouocant, id est, qui magicis artibus seruiunt, hi sunt qui habitant in sepulchris. Deus egredere eoram populo tuo, dum transieris ad desertum terram mutasti, quando coeli stellam protulerunt, à facie dei Israel. Tunc pluuiam uoluntariam segregasti deus hereditati tuæ, quando angeli cecinerunt pacem hominibus bonæ uoluntatis. Hereditas eius in apostolis sumpsit exordium, in quibus infirmata est ipsa hereditas, sed ipse dominus perfecit eam resurgēdo à mortuis, ostendendo fissuras clauorum in manibus, uulneris signum in latere, & ita eam perfecit, ut non solum spiritalis, sed & animales habitent in ea, quia parauit in ea dulcedinem suam deus, quando dedit uerbum mulieribus dominus, ut euangelizarent uirtutem multam. Dominus ergo eis dedit uerbum dicens: *Ite dicite fratribus meis, ut cāt in Galileam, ibi me uidebunt.* Quis hoc dixit? Rex uirtutum dilecti, id est interior Christi & species domus, utiq; corporis speciosi forma præ filijs hominum, in qua diuidit spolia, & captiuauit synagogam, & thesauros eius diuisit in ecclesia, alij dedit prophetiam, alij uerbum, alij uirtutem sanitarum: denique ultra synagoga non habet, nec prophetā, nec unctionem,

nec sacrificium. Hæc captiuæ synagogæ sublata uelut spolia sunt, diuisa cum dormirent inter medios clericos scribæ & pharisæi. Inter medios inquam clericos, id est, inter libros sanctos. Clericos enim libros hoc loco dictos, & Iudæi dicunt & nostri plurimi tractatores. Ergo si inter libros diuinos positi dormiatis, id est, negligatis, & tenentes clauēs regni, nec uos intretis, nec alios ingredi permittatis. Qui uos pennæ columbæ deargentatæ, id est, o uos pennæ columbæ deargentatæ, id est, simulantes simplicitatē columbæ, ueluti pennæ eius uos ostenditis. Porro autem deargentatæ pennæ estis non uerum argentum, & speciem auri, non aurum uerum ostenditis. Ergo si uos dormitis, ego dabo uigilantes cælestes reges, id est, apostolos super terram, ut in omnem terram exeat sonus eorum. Ita ut hi quos nigredo peccatorum obtinuit, ad prædicationē corū niue dealbentur in Selmon. Selmon locus est in quo purificabatur pselyti, uel hi, qui fitebantur grauioribus se pollutionibus inquinatos. κατ' ἀντίφρασιν locū Selmon uoluit dici omnem locum in quo hi qui nigrificauerunt peccatorum sordibus dealbentur. Ergo cum discernit dominus super terram Apostolos suos, quicumq; audierunt eos & crediderunt, si super feniciū fuerūt nigri, tanquàm lana cādida facti, quasi nix dealbati sunt

in Selmon

in Selmon, in loco purificationis, ubi omnia peccata lauantur: ubi mons dei, est mons pinguis, nullus alius nisi Christus Iesus, ipse pinguis, suadans oleo laticiae, oleo cbrismatis, mons coagulatus est. Hic ipse mons pinguis in unitate deitatis trinitatem coagulata[m] gerens. Videte ne suscipiatis in deitate alium aliunde. Nam qui hæc faciunt, arguuntur, & dicitur eis: Ut quid sic suscipitis montes uberes, id est, ut quid pluralem faciatis deitatem. Coagulatum montem in unitate tenete, & patrem ac spiritum sanctum in uno domino nostro Iesu Christo suspicite. Ipse est enim mons in quo placuit deo habitare in eo, & in ipso dominus habitauit in secula seculorum. Huius currus decem milibus. Multiplex currus eius in passione agitatus est, ubi sibi ipse plus sufficit, quàm decem milia legiones angelorum, & milia lætantium, quæ fuerunt cum Moysè in Sina in sancto. Tunc ascendit in altum, id est, in crucem, cepit captiuitatē, ipsam captiuitatem ligni primi, ipsam cepit, et de peccato damnauit peccatū. De ligno, in quā, crucis lignū concupiscentiæ cepit, et dona erogauit hominibus. Passus est etiam his, qui nō crederent, etiam his dona dedit in cruce positus, et nō parua dona. Audi quàm magna. Preces pro his fundebat, dicens: Pater remitte illis, quia ignorāt. Dedit

ergo

ergo dona hominibus, id est, credentibus, & non solum credentibus, sed etiam his qui non credunt inhabitare dominum, qui non credunt, quia deus erat in Christo mundum concilians sibi. Benedic-
tus dominus pater, benedictus deus filius. Bene-
dictus dominus spiritus sanctus, quia prosperum
iter crucis suae fecit nobis deus saluator noster,
qui ideo cruciari uoluit, ut nos saluos faceret. Ideo
mortis exitium suscepit, ut conquassaret capita
inimicorum suorum, & liberaret peccatores de
manibus daemorum, qui à uertice capilli perambu-
labant in delictis suis. Dixit dominus ex Basan
conuertam. Basan rex fuit, qui pro peccato capti-
uabat Israel. Ergo qui pro peccatis suis à Basan
capti sunt, per crucem meam ex Basan conuertam.
Verum quia in abyssis & in profundo est locus
diaboli, etiam inde conuertam dicit interior diui-
nitas perfecta, perfecto homini suo Iesu Christo.
Conuertam, inquit, etiam de profundo maris, do-
nec intingat pes tuus in sanguine passionis. Ibi
lingua canum tuorum. Canum utiq; latrantium.
Crucifige Crucifige. Ergo hæc lingua canum ex
inimicis ab ipso diabolo excitata est. Post passionem
autem uisi sunt ingressus tui deus, probatum est,
quia ingressus est in homine deus, & est in sancto.
De quo præuenerunt principes prophete cõiuncti
psallentibus

psallentibus in medio iuencularum, quæ exierant in occursum David, cantantes: Vicit David in decem milibus. Deiecto Golia, ibi Christus in David erat victor in medio iuencularum tympanistrarum. Verum quia ibi fuit imago, hic ueritas comprobatur. Nolite hæc in synagogis canere, sed in ecclesijs sanctorum, ibi benedicite dominum, non aliunde uenientem, non aduenam, non nouum, sed ipsum qui semper est dominum de fontibus Israel. Ibi Benjamin adolescentior in pauore. Vbi? Ibi in ecclesijs sine dubio. Ibi Benjamin ille qui dicit: Ego Israelita sum ex tribu Benjamin. Quare adolescentior? Quia nouissimus natus est patri suo. Inter illos undecim coepit esse duodecimus, sed in conuiuio duplices partes accepit, ita ut amplius illis omnibus laborans, obtineret hunc ipsum laborem non sibi, sed gratiæ dei patris sui imputans. Ibi ergo Benjamin adolescentior, in pauore, id est, in excessu mentis. Ruit enim subito, & expauit: ruit in terra, & surrexit in caelo: ruit persecutor, & surrexit Apostolus: ruit Saulus, & surrexit Paulus. Vbi tamen ubi Benjamin? ubi si interrogas: ubi, inquit, ubi principes Iuda, ubi principes Zabulõ, ubi principes Neptalim, ubi mandauit deus uirtutem suam, ubi confirmauit quod operatus est in nobis, ubi est tẽplum in triduo suscitatum, quod est in Hierusalem, ubi offerunt

offerunt reges munera, ubi increpatur fera siluæ.
 Heretici sunt qui quasi fera in silua legis latebram
 fouent, ut ex occulto ledant consilium taurorum
 inter uaccas populorum. Lædere enim student sa-
 cerdotum consilia, qui hoc loco tauri nominantur
 apti altario inter uaccas, id est, inter plebes surdas
 & ignaras agentes. Quare autem increpari à deo
 postulantur? Vt insipientia eorum nota fiat omni-
 bus, ne forte cum hi non increpantur, excludant
 eos qui non sunt de argentati, sed probati sunt ar-
 gento. Dissipa eos domine, quia bella uolunt. Ven-
 nient legati ex Aegypto Pharaone demerso, mitte
 duces tuos ad Aegyptum, fungantur legatione ex
 Aegypto: ipsam etiam interiorem partem Aegypti,
 Aethiopiam præueniat manus tua: ut regna terre
 canant tibi, qui ascendisti in cælos cælorum ad ori-
 entem, quando dedisti uocem tuam uocem uirtutis,
 ut in tuo nomine Apostoli super omnes infirman-
 tes, & super demones, & super ipsam mortem uir-
 tutem imperandi susciperent, ut facientes hæc sig-
 na dicerent gentibus. Date honorem deo, super Is-
 rael magnum nomen eius, & per eum qui uidet
 deum in Christo, cuius uirtus in nubibus, In Apo-
 stolis scilicet, quos mittens ad gentes, monuit, ne
 pluerent in Iudæam, ut compleret quod diceret:
 Mandabo nubibus meis, ne pluant super eam plu-

uiam. Nō enim iā in incredulis mirabilis uult esse, sicut semper fuit in incredulis mirabilis, sed nūc mirabilis in sanctis, quibus credētibus dat uirtutē, & per ipsos dat fortitudinē plebi suæ benedictus deus in secula seculorum Amen.

In finē p̄ his q̄ cōmutabūtur, psalmus ipsi David.

Saluū me fac deus, quoniā intrat (LXVIII) Suerūt aquæ usq; ad animā meā. Infixus sum in limo profundi, & non est substantia. Veni in altitudinē maris, & tempestas demersit me. Laboraui clamans raucae factæ sunt fauces meæ, desecerunt oculi mei dum spero in deum meum.

Multiplicati sunt super capillos capitis mei, qui oderunt me gratis. Consortati sunt qui persecuti sunt me inimici mei iniuste, quæ non rapui tunc exoluebam. Deus tuscis insipientiā meam, & delicta meā à te non sunt abscondita. Non erubescant in me qui expectāt te domine uirtutū. Non confundātur super me, qui quærūt te deus Israel.

Quoniam propter te sustinui opprobriū, operuit confusio faciē meā. Extraneus factus sum fratribus meis, & peregrinus filijs matris meæ. Quoniā zelus domus tuæ comedit me, & opprobria exprobrantiū tibi ceciderunt sepe me. Et operui ieiunio animā meam, & factum est in opprobrium mihi. Et posui uestimentum meum cilicium, & factus

Etus sum illis in parabolam. Aduersum me loquebantur qui sedebant in porta, & in me psallebant qui bibebant uinum. Ego uero orationem meam ad te domine, tempus beneplaciti deus. In multitudine misericordie tue exaudi me in ueritate salutis tue. Eripe me de luto ut non infigar, libera me ab his qui oderunt me, & de profundis aquarum. Non me demergat tempestas aque, neq; absorbeat me profundum, neq; urgeat super me putcus os suum. Exaudi me domine quoniã benigna est misericordia tua, secũdũ multitudinẽ miserationũ tuarũ respice me. Et ne auertas faciẽ tuã à puero tuo, quoniã tribulor uelociter exaudi me. Intẽde aĩe meae & libera eã, propter inimicos meos eripe me.

Tu scis impropertiũ meum, & confusionẽ meam, et reuerentiam meã. In conspectu tuo sunt omnes qui tribulãt me, impropertiũ expectauit cor meum & miseriam. Et sustinui qui simul contristaretur & non fuit, qui cõsolaretur & non inueni. Et derunt in escam meam fel, & in siti mea potauerunt me aceto. Fiat mensa eorum coram ipsis in laqueum, & in retributiones & in scandalum. Obscurentur oculi eorum ne uideant, & dorsum eorum semper incurua. Effunde super eos iram tuam, & furor ire tue comprehendat eos. Fiat habitatio eorum deserta, & in tabernaculis

eorum non sit qui inhabitet. Quoniam quem tu percussisti persecuti sunt me, & super dolorem uulnerum meorum addiderunt. Appone iniquitatem super iniquitatem eorum, & non intrent in iustitiam tuam. Deleantur de libro uiuentium, & cum iustis non scribantur. Ego sum pauper & dolens, salus tua deus suscepit me. Laudabo nomen dei cum cantico, & magnificabo eum in laude. Et placebit deo super uitulum nouellum cornua producentem & ungulas. Videant pauperes & letentur, querite deum & uiuet anima uestra. Quoniam exaudiuit pauperes dominus & uinctos suos non despexit. Laudent illum caeli & terra, mare & omnia reptilia in eis. Quoniam deus saluam faciet Sion, & edificabuntur ciuitates Iuda. Et inhabitabunt ibi, & hereditate acquirant eam. Et semen seruorum eius possidebit eam, & qui diligunt nomen eius habitabunt in ea.

COMMENTARIUM

IN domino nostro Iesu Christo duas substantias dei & hominis confitemur, & uirtutes deo tradimus, infirmitates homini applicantes, cuius uocem in isto psalmo ab initio usque ad finem prophetam aduertimus. Consuetudo habet humani sermonis, ut grauem calumniam patientem, graui dicat

mus tempeſtati accumbere, hoc ordine aquas uſq; ad animam ſuam perueniſſe ſignificat. Dicendo autem in limo proſundi ſe infixum, fabricam primi hominis ſonat, in qua fixum cruci tempeſtas ſeditio ſi populi merſit eum in mortem. Rogat nunc pro diſcipulis ut non erubeſcant in eo, qui expectant reſurrectionem eius, neq; confundantur qui requirunt te in me deus Iſrael. Quoniam propter te, inquit, portauim improperium, dum facio uoluntatem tuam, illos offendi, operuit reuerentia faciẽ meam palmis attractatam, exteruſ factuſ ſum fratribuſ meis, omnes me derelicto ſugerũt. Hoc ideo paſſuſ ſum, quia zelatuſ ſum domum tuam, quia eieci de templo tuo negociationes, operui ieiunio animam meam, quadraginta diebuſ totidemq; noctibuſ nihil accipiens, indutuſ ſum ſacco, forma ſerui. In ductuſ ſum rex cœlorum, & factuſ ſum illiſ in parabolam, hinc inde uerborum inſultationibuſ ſubiacens. Aduerſum me exercebantur ſacerdotes, ipſi in portis eliguntur ſedere, ſicut Hieremias dicit, oderunt arguentem. In portiſ ergo hi accipiunt pontificiuſ iudicandi & corripientiſ, quaſi qui claueſ ciuitatiſ teneant in portiſ ſedere memorantur, & in me pſallebant ebrii. Ego uero orationem fundens agebam, ut eriperet me de luto mortiſ, ne ibi adhærerem, ut non urgeret ſuper me puteuſ oſ ſuum.

Fortè pocu-
lum

Puteus pro diabolo hoc loco positus est. Puteus à potando dicitur, ipse potauit primos homines, & per populum oris sui aperuit super eos os in morte. Vnde sancti in passione euadentes dicunt: Nisi dominus fuisset in nobis, forsitan uiuos deglutissent nos. qui? ministri utiq; eiusdem inimici. Sustinui, inquit, qui simul contristaretur & non fuit. Non enī poterat si mul pati diuinitas, sicut sol si in ligno sit, quando conciditur simul concidi non potest, ita diuinitas simul fuit passioni, & simul non patiebatur tristitiā. Quasiui cōsolatē & nō inueni, tot milia saturati, tot milia saluati, infiniti edocti, & nec unus inuētus est mihi cōsolator tempore quo dederūt in esca mea fel, et in siti mea potauerūt me aceto. Propter hoc facta est mensa eorū coram ipsis in laqueum. Mensam hic synagogam canit, ad quam, quasi refecturi spiritaliter cunctes, laqueum eterne mortis incurrunt. Obscuratos habentes oculos ne uideant lumen ecclesie, dorsum suum parietibus uanis incuruant. Et ideo apponitur iniquitas super iniquitatem ipsorum, quia & ipsi geminant iniquitates suas. Occiderunt Christum, sanctos persecuti sunt, ecclesiam negant, uoces prophetarum euacuant. Et ideo delentur de libro uiuentium, & cum iustis non scribuntur. Non habēt enim partem cum Abraham, neq; cum omnibus sanctis ueteris testamenti

testamenti, quia contempserunt pauperem in asper-
ctu, illum de quo omnes patres eorum concionati
sunt: Pauper, inquit, ego & dolens. Pauper ut
nos diuites faceret, dolens ut nos à doloribus eter-
nis eriperet. Factus est hostia deo pro nobis, pas-
cificans in sanguine suo, siue qui in terris sunt, siue
qui in cœlis. Et placuit in sacrificio crucis, quasi
uitulus nouellus cornua producens duorum tes-
tamentorum, & ungulas quatuor euangeliorum,
quod uidentes pauperes letantur. Pauperes Apo-
stoli, non habentes duas tunicas, non peram, non
pecuniam in zonis suis. Vnde & Petrus mendicanti
infirmo: Argentum & aurum non habeo,
sed quod habeo hoc do tibi. In nomine Iesu surge
& ambula. In his operibus magnificatus est domi-
nus Iesus Christus in laude, quod uidentes pau-
peres gratulatur, quia sic exaudit pauperes domi-
nus, & uinctos suos non spernit. Laudate eum cœli,
quia ascendit, & terra quia resurrexit, & mare
quia pedibus illud ambulauit, & Sion quia ædi-
ficabit eam non habentem maculam, neque rugam,
& ciuitates Iudæ animæ Apostolorum, quæ inhabi-
tantur à Christo, & hereditatem primam acquiri-
tuit eas. Semen etiam seruorum Christi possidebunt
eas qui non possident terrenas uanitates. Aposto-
lorum utique doctrinas possident, & qui diligunt

nomen domini inhabitabunt in ea, id est, in fide, in doctrina, in ecclesia. In qua regnat dominus noster Iesus Christus cum patre & spiritu sancto, nunc & in cuncta secula seculorum Amen.

In finem psalmus David in rememoratione quod saluum fecit eum dominus, LXIX.

DEus in adiutorium meum intende, domine ad adiuuandum me festina. Confundantur & retereantur, qui quærunt animam meam. Auertantur retrorsum & erubescant, qui uolunt mihi mala. Auertantur statim erubescences, qui dicunt mihi euge euge. Exultent & letentur in te omnes qui quærunt te, & dicant semper magnificetur dominus, qui diligunt salutare tuum. Ego uero egenus & pauper sum, deus adiuua me. Adiutor meus & liberator meus es tu, domine ne moreris.

COMMENTARIUM

IN rememorationem inquit David, eo quod saluum me fecit dominus, ibi dixit saluum me fac domine, hic gratias agit saluatus. Quid tamen orauit, ad adiuuandum me festina, festinanter suscita me à mortuis, ut erubescant statim erubescences, qui dicunt mihi, euge euge. Exultent hi qui sperant in te, & qui quærunt te, & dicant semper magnificetur

magnificetur dominus qui diligunt salutare tuum. Liqueat Apostolos, & quesuisse & dilexisse : Ego uero, ait, mendicus & pauper sum. Ex inaniui enim mei psalmus, factus obediens usq; ad mortem. Deus adiuua me, non enim fragilitas humana resurgit, nisi potentia fuerit diuina reuiuata. Adiutor ergo & liberator meus esto domine, ne tardaueris, deus qui regnas in secula seculorum Amen.

Psalmus David filiorum Ionadab &
priorum captiuorum LXX.

IN te domine speraui non confundar in aeternum, in iustitia tua libera me, & eripe me. Inclina ad me aurem tuam, & salua me. Esto mihi in deum protectorem, & in locum munitum, ut saluum me facias. Quoniam firmamentum meum, & refugium meum es tu. Deus meus eripe me de manu peccatoris, & de manu contra legem agentis, & iniqui. Quoniam tu es patientia mea domine, domine spes mea à iuuentute mea. In te confirmatus sum ex utero de uentre matris meae, tu es protector meus. In te cantatio mea semper, tanquam prodigium factus sum multis, & tu adiutor fortis. Repletur os meum laude, ut cantem gloriam tuam, tota die magnitudinem tuam. Ne projicias me in tempore senectutis, cum defecerit uirtus mea ne derelinquas me. Quia dixerunt

q s inimici

inimici mei mihi, & qui custodiebant animam meam consilium fecerunt in unum. Dicentes deus dereliquit eum persequimini & comprehendite eum, quia non est qui eripiat. Deus ne elongeris à me, deus meus in auxilium meum respice.

Confundantur & deficient detrabentes animæ meæ, operiantur confusione & pudore, qui querunt mala mihi. Ego autem semper sperabo, & adiciam super omnem laudem tuam. Os meum annūciabit iusticiam tuam, tota die salutare tuum.

Quoniam non cognoui literaturam introibo in potentias domini, domine memorabor iusticie tue solius. Deus docuisti me à iuuentute mea, & usq; nunc pronunciam mirabilia tua. Et usq; in senectam & senium, deus ne derelinquas me. Domine nec annunciem brachium tuum, generationi omni que uentura est. Potentiam tuam & iusticiam tuam deus usq; in altissima que fecisti magnalia; deus quis similis tibi. Quantas ostendi sti mihi tribulationes multas & malas, & conuersus uinificasti me, & de abyssis terræ iterum reduxisti me. Multiplicasti magnificentiam tuam, & conuersus consolatus es me. Nam & ego confitebor tibi in uasis psalmi ueritatem tuam deus, psallam tibi in cythara sanctus Israel. Exultabunt labia mea cum cantauero tibi & anima mea quam redemi sti. Sed & lingua

Et lingua mea meditabitur iusticiam tuam, cū confusi et reueriti fuerint, qui quærunt mala mihi.

COMMENTARIUM

Psalms, inquit, filiorum Ionadab, et priorum captiuorum. Videndum est cum quibus canit Dauid. Cū filiis Ionadab, de quibus Hieremias dicit patria constitutione uinum non bibere, et uocē domini increpātis memorat, quia dictū est. Filij Ionadab custodiūt praecepta patris sui, et non bibēt uinū. Nō ergo putemus filios Ionadab cum Dauid cecinisse psalterium, sed sobrietatis uiros participes fuisse, et in psallēdo deo. Nō enim canebatur ad libitū, sed ad gemitū, ubi captiui primi simul lachrymas funderent, dicentes: Deus meus eripe me de manu contrales agētis et iniqui. In te cōfirmatus sum ex utero. Ex utero utiq; uirginali. Nos dicimus in deo cōfirmatū Christum, qui tanquā prodigiū factus est multis incredulis, credentibus autē extitit adiutor et fortis. Repletū est os eius non in cibo, nō ebrietate, sed laude, et non est protectus in tēpore passionis cū deficeret uirtus eius: Non est penitus derelictus tēpore quo dicebant inimici: Deus dereliquit eū. Tūc deus non discessit ab eo, quo resurgēte erubuerūt, et cōfusi sunt insultātes auersi retro, et cōfusi uolētes animā eius, nullā cognoscēs aliā negotiationē, nisi hāc, ut intraret in potentias domini.

Etiam Hieronimus in commentarijs pro

Nunc

*literatura uer
ait negotiatio
nem. Atq̄ ita
habet psalteri
um Romanū.*

Nunc exterior interiori dicit: *Quæ fecisti magna
lia deus, quis similis tibi, quantas ostendisti mihi
tribulationes multas & malas, & conuersus ecce
uiuificasti me, & de abyſſo terræ iterum reduxiſti
me. Dicendo iterum quæſtionem fecit. Semel enim
paſſus, ſemel mortuus, ſemel ſepultus, ſemel de abyſ
ſo terræ reductus. quid eſt hoc iterum? Iterum di
cendo excluſit noua. Ita nos pœnitentiæ recuperat
tionem negantes, & prædas leonum in eorum fau
cibus relinquentes, noſter hic paſtor non relinquet
prædam, non uidet lupum & fugit, ſed uiuentes de
ore leonum oues eripiēs, iterum ſuis gregibus præ
ſentat incolumes, hoc eſt, iterum, qui in ipſo ſepul
ti ſumus per baptiſmum, & Chriſtum induiti mori
mur, quando nos morti tradimus conſentiendo ini
micis noſtris, qui nos ſic terrenis uoluptatibus im
plicant, ut uideamur in abyſſo terræ demerſi. Sed
quia non patitur in nobis perire quod cōtulit, iam
per baptiſmum ſemel à mortuis ſuſcitatos ad uitam
æternam, ab æterna uita per diaboli excluſos aſtur
ciam, in eo iterum Chriſtus de abyſſo terræ redur
cit, in quo multiplicās iuſtitiam ſuam, id eſt, excom
municans eum, & à pacis oſculo proſciciens, conuer
ſus iterum conſolatur, reddens ei communionem
quam abſtulerat, oſculum quod negabat: Et ego, in
quit, conſitebor, ait, quia confeſſio eſt quæ liberat
pœniten*

pœnitentem. Confitetur ergo in oratione sua domino deo suo peccata sua. Dei autem ueritatem in uasis psalmi. Quæ sunt uasa psalmi? In uasis psalmi ueritatem dei nunciant, qui intus intra uasculum corporis sui ueritatem rectæ fidei habet inclusam. Namq; si incorporaliter quispiam pœnitentiæ suæ afflictiones ostēdat, à peccato abstineat, in ieiunio, cinere, cilicioq; permaneat: nisi in uasis psalmi ueritatem teneat, omnia quæ laborauerit euanescent. Facilius per ueritatem fidei sine sua ad indulgentiam ueniet, quàm per afflictionem suam sine ueritate attinget. Age ergo in confessione tua correptionem etiam sine cilicio, & in psalmi uasculo ueritatem include. Psalmus enim quem canis ad deum non peruenit, nisi intus in uasculo suo ubi psalmum includit memoria, in uase inquam ipso ueritas dei simul fuerit commorata. Tunc psallis in cythara sancto Israel, tunc gaudent labia tua, dum cantas domino, & anima tua quam redemit, quam iterum de abyssu reuocans liberauit, & confundit æterna confusione qui quærebat eam. Solus enim creator eius possidet eam, qui regnat in secula seculorum. Amen.

Psalmus David in Salomonem LXXI.

DEUS iudiciū tuum regi da, & iusticiam tuā filio regis. Iudicare populum tuum in iusticia

iustitia, & pauperes tuos in iudicio. Suscipiant montes pacem populo, & colles iustitiam. Iudicabit pauperes populi, & saluos faciet filios pauperum, & humiliabit calumniatorem. Et permanebit cum sole & ante lunam, in generatione & generationem. Descendet sicut pluuia in uellus, & sicut stillicidia stillantia super terram. Orietur in diebus eius iusticia, & abundantia pacis, donec auferatur luna. Et dominabitur à mari usque ad mare, & à flumine usque ad terminos orbis terrarum. Coram illo procident Aethiopes, & inimici eius terram lingent. Reges Tharsis & insule nuna offerent, reges Arabum, & Saba dona adducent. Et adorabunt eum omnes reges, omnes gentes seruient ei. Quia liberauit pauperem à potestate, et pauperem cui non erat adiutor. Parcet pauperi & inopi, & animas pauperum saluas faciet. Ex usuris & iniquitate redimet animas eorum, & honorabile nomen eorum coràm illo. Et uiuet & dabitur ei de auro Arabiae, & adorabunt de ipso semper, tota die benedicent ei. Erit firmamentum in terra in summis montium, superextolletur super libanum fructus eius, et florebut de ciuitate, sicut scenum terrae. Sit nomen eius benedictum in secula, ante solem permanet nomen eius. Et benedicentur in ipso omnes tribus terrae, omnes gentes

tes magnificabunt eum. Benedictus dominus deus Israel, qui facit mirabilia solus. Et benedictum nomen maiestatis eius in æternum, & replebitur maiestate eius omnis terra: fiat fiat.

COMMENTARIUM

Qui prophetiam in psalmis credunt, tenent illam regulam quam cecinit Zacharias dicens de deo, quod ipse locutus sit per os prophetarum, liberaturum se nos ab inimicis nostris. Quod autem in capite huius psalmi legis, dominum nostrum Iesum Christum explanatorem inuenies. Dicit enim in euangelijs: Pater non iudicat quemquam, sed omne iudicium filio dedit. Quod ergo per os sanctorum promisit in filio suo, rex uerum impleuit, cuius tunc imaginem Salomon gerens, sapientis nomen accepit, habens in se scintillam sapientie. Hic autem ipsa sapientia ueniens dedit pacem motibus, id est, Apostolis, & collibus iusticiam, id est, plebibus, iudicauit cum iusticia pauperibus, contemnens personas diuitum, Humiliauit calumniatorem, id est, populum Iudaicum. Permanet cum sole, imo super solem, quia ad dexteram patris permanet sedens, & ante lunam in secula. Lunam hoc loco non pro causa lune, sed pro eternitate memorauit domini Iesu Christi. Et descendit sicut pluuia in uellus, id est, in uelleribus lane, sicut

Gede

Gedeon signum uictoriæ in uelleribus lanæ percepit. Nam & uerbum suum pater sic iussit sicut pluuia expectari: Expectetur, ait, sicut pluuia uerbum meum. Ergo quem in Deuteronomio iussit expectari sicut pluuiam, in euangelij præsentauit sicut pluuiam. Non utiq; ex inferioribus semine humano erumpente progenitum, sed uerbo patris de cælorum altitudine quasi pluuiam uenientem exortum. Exortum, inquam, in tenebris mundi lumen rellis corde. Orta est in diebus eius iusticia & abundantia pacis. Pacem meam do uobis, non talem qualem hic mundus habet, sed pacem meam illam qualem habent cæli, in qua dominatur Christus à mari usq; ad mare, hoc est, super omnem terram aquis maris & fluminum circumdatam. Coram illo prociðet Aethiopes. Aethiopes nigredinis circumdati perfidia, non in corio carnis, sed in sensibus anime. Propter hoc procident ante eum, & terram inimici eius lingent, ut indulgentiam ab eo consequi mereantur. Reges autem Tharsis & insule munera offerunt, id est, qui regnant in corpore suo securi & munera offerunt, reges Arabum & Saba dona adducunt, qui dominantur moribus Barbaris. Hi dona adducunt animas suas, ut ipsas ei tradant ad adorandum eum cum regibus terræ, qui terrenis uoluptatibus dominantur. Omnes autem gētes seruiant

seruient ei, quia liberat pauperem à potente. Vide
 causam, ideo ait omnes gentes seruient ei, quia libe-
 rat pauperem, sensum eorum à potente & astuto
 diabolo, qui eos suaserit opera manuum suarum time-
 re & colere. Ex usuris & iniquitate liberauit ani-
 mas eorum. Ampliabantur usurae animabus eorum,
 quia quod debebatur deo, idolis tradebatur (et illis
 accipientibus, si tamen uel dici potest illis accipien-
 tibus, qui nihil nec accipiunt, nec recusant) dæmo-
 nijs ergo accipientibus quod soli deo debebatur,
 istis & debitum concreuit & sanus. Videns pius,
 cui pater iudicium suum tradidit in reddendo eos
 satis esse mendicos, hoc iudicauit: Inuicem, inquit,
 uos homines remittite uobis debita, & uobis remit-
 tit pater uester qui est in cælis. Et adiecit: Si non
 remiseritis, nec uobis remittit. O liberantem ex usu-
 ris & iniquitate animas, uerè præclarum nomen
 tuum nobis, qui uiuis in secula seculorum, uiuis &
 dabitur tibi aurum Arabiæ. Aurum enim terræ il-
 lius est magnum, aurum accipis probatum, fulgi-
 dum in Apostolis, in martyribus, in cōfessoribus,
 in uirginibus. Aurum accipis, non tibi potest fieri
 impostura. Erit firmamentum tuum in terra corpo-
 rum nostrorum, non in conualle sletus, sed in sum-
 mis montibus superextolletur fructus tuus, & su-
 pergredietur altitudinem etiam Libani montis, &
 r floriet

floriet in altitudinibus Apostolorum. Quid floriet et audiamus: Sicut fœnum, inquit, ergo in illa altitudine laudata floriet fœnũ. Floriet in ecclesia usq; hodie, ut pascantur iumenta, nihil cum populo defectionibus agitur. Ibi ergo producitur fœnum iumētis. Perfectorum enim est solidior cibus. quia ergo fœnũ florent montes, nemo fugiat ecclesiam, ueniant omnes ut benedicatur ibi deus Israel, qui facit mirabilia solus, et sit ibi nomen maiestatis eius benedictum in secula, ut repleatur maiestate eius omnis terra: fiat fiat, ipsi gloria in secula sec. Amē.

Defecerūt hymni Dauid filij Iesse.

Psalmus Asaph.

LXXII.

QVAM bonus Israel deus, his qui recto sunt corde. Mei autem penè moti sunt pedes, penè effusi sunt gressus mei. Quia zelavi super iniquos, pacem peccatorum uidens. Quia non est respectus morti eorum, & firmamentum in plaga eorum. In labore hominum non sunt, & cum hominibus non flagellabuntur. Ideo tenuit eos superbia, operti sunt iniquitate & impietate sua. Prodiit quasi ex adipè iniquitas eorum, transierunt in affectum cordis. Cogitauerunt & locuti sunt nequitiam, iniquitatem in excelsò locuti sunt. Posuerunt in cœlum os suum, & lingua eorum transiit in terra. Ideo conuertetur populus

lus meus hic, & dies pleni inuenientur in eis. Et dixerunt quomodo scit deus, & si est scientia in excelsis. Ecce ipsi peccatores, & abundantes in seculo obtinuerunt diuitias. Et dixi, ergo sine causa iustificauit cor meum, & laui inter innocentes manus meas. Et fui flagellatus tota die, & castigatio mea in matutinis. Si dicebam narra bo sic, ecce nationem filiorum tuorum reprobauit. Existimabam ut cognoscerem, hoc labor est ante me. Donec intrem in sanctuarium dei, & intelligam in nouissimis eorum. Veruntamen propter dolos posuisti eis, deiecisti eos dum alleuarentur. Quomodo facti sunt in desolationem, subito defecerunt perierunt propter iniquitatem suam. Velut somnium surgentium domine in ciuitate tua imaginem ipsorum ad nihilum rediges. Quia inflammatum est cor meum, & renes mei commutati sunt, & ego ad nihilum redactus sum, & nesciui. Ut iumentum factus sum apud te, & ego semper tecum. Tenuisti manum dexteram meam, & in uoluntate tua deduxisti me, & cum gloria suscepisti me. Quid enim mihi in caelo, & à te quid uolui super terram. Defecit caro mea & cor meum, deus cordis mei, & pars mea deus in æternum. Quia ecce qui elongant se à te peribunt, perdidisti omnes qui fornicantur abs te. Mihi autem

adhærere deo bonum est, ponere in domino deo spem meam. Ut annunciem omnes prædicationes tuas in portis filie Sion.

COMMENTARIUM

CUM deus omnibus bonus sit, & nulli sit malus, quid sit uoluit dicere. His bonus, qui recto sunt corde. Hæc dictio humanis sensibus applicanda est his, qui uituperant iudicia dei, dicentes: Ille perfidus, ille iniquus, sordidus, truculentus, sanus est. Ille autem innocens, castus, humilis, infirmitate fatigatur, infirmitate concutitur, & his similia. Hæc rectis corde uirtutum semina conprobantur. In quibus probata fides segetem suam in æternæ uitæ amœnitate suscipiat, & in seculo quasi in hyeme glaciali positi primæ anastasis quasi primi uerbi flores expectent. Latantes itaq; in pace sua peccatores, quod cum hominibus non flagellantur teneat superbia, fiant crassi, prodeat ex adipe corû iniquitas, ponant in cælo os suum, & loquantur iniquitatem in excelsis, dicant non esse scientiam in deo, qui tamen sunt audiamus: Hi sunt, inquit, peccatores, & abundantes, qui in seculo obtinuerunt diuitias, mei autem penè moti sunt pedes, & à recto itinere penè effusi sunt gressus mei, quia dixi in corde meo: Ego sine causa iustificauit cor meum, & laui inter innocentes manu meas. At ubi consi-
derauit

Exortio ueris

deravi omnia temporalia esse quæ peccantibus ministrantur, et subito eos deficere et perire propter iniquitatem suam, & istam uitam eos quasi somnium transire. Et quia deus in ciuitate sua Hierusalem quam præparat sanctis, imaginem eorum ad nihilum rediget, tunc inflammatum est in amore dei cor meum, & renes mei resoluti sunt, id est, ad castitatis libertatem à mali exempli uinculo resoluti. Ideo enim ad nihilum redactus sum, hæc cogitās, quia nesciui non esse condignas passionēs huius temporis ad futurā gloriam. Postea quā didici, etiam iumentum æstimatus, & pecus ad occisionem positus, tamen permansi semper tecum. Tenuisti manum dexteram meam, in uoluntate tua deduxisti me, & cum gloria assumpsisti me. Hæc in domino Iesu Christo completa sunt. Ipse tenuit generi humano dexteram iam mortuo iam foetenti, duxit à uoluntate diaboli ad uoluntatem suam, et assumpsit in gloriam, qui audenter diceret: Quid mihi restat in caelo? Hoc est in terra positus ita caelestem uitam exercui, ut dum in caelo ascendero, nihil mihi supersit quod in terra positus non impleuerim: nihil enim præter te uolui super terram, etiam si defecit cor meum, et caro mea in passionēs, et pars mea, quia deus est, non defecit, sed manet in secula. Non enim pereunt, nisi hi qui löge se faciunt à deo

conseruatore suo: & ipse non perdet, nisi illos qui fornicantur ab illo: id est, quorum anima alterum ducit deum, aut à ueritatis cõiugio se falsitate commiscet. Vnusquisq; autem nostrum his probatis dicat. Mibi autem adhærere deo bonum est, & ponere in domino spem meam, ut annunciem omnes laudationes dei in portis filie Sion. Filia Sion anima credens Christo, quæ in finem psalmi inueniet laudes, quas sibi in titulo defecisse testatur. Defecerunt ei laudes, quia zelata est in peccantibus, quas inueniet in finem, si adhæserit domino, & in ipso suam spem ex integro collocarit, qui regnat in secula seculorum Amen.

In finem intellectus Asaph. LXXIII.

VT quid deus repulisti in finem, iratus est furor tuus super oues pascuæ tuæ. Memor esto congregationis tuæ, quam possedisti ab initio. Redemisti uirgam hereditatis tuæ, mons Sion in quo habitasti in eo. Leua manus tuas in superbias eorum in finem, quanta malignatus est inimicus in sancto. Et gloriati sunt qui oderunt te in medio solennitatis tuæ. Posuerunt signa sua signa, & non cognouerunt sicut in exitu super summum. Quasi in silua lignorum securibus exciderunt ianuas eius in idipsum, in securi & ascia deiecerunt eam. Incenderunt igni sanctuarium tuum

tuum in terra, polluerunt tabernaculum nominis
 tui. Dixerūt in corde suo cognatio eorum simul,
 quiescere faciamus omnes dies festos dei à terra.
 Signa nostra non uidimus iam non est propheta,
 & nos non cognoscet amplius. Vsq; quo deus im-
 properabit inimicus, iritat aduersarius nomen tu-
 um in finem. Vt quid auertis manum tuam, &
 dexteram tuam de medio sinu tuo in finem. Deus
 autem rex noster ante secula operatus est salutem
 in medio terre. Tu confirmasti in uirtute tua
 mare, contribulasti capita draconum in aquis. Tu
 confregisti capita draconum, dedisti eum escam po-
 pulis Aethiopum. Tu dirupisti fontes, & torren-
 tes, tu siccasti fluuios Etham. Tuus est dies, et tua
 est nox, tu fabricatus es aurorã et solẽ. Tu fecisti
 omnes terminos terre, a statem et uer tu plasmasti
 ea. Memore esto huius inimicus improperabit do-
 mino, & populus insipiens incitabit nomen tuum.
 Ne tradas bestijs animas confitentes tibi, et animas
 pauperum tuorum ne obliuiscaris in finem. Re-
 spice in testamentũ tuũ, quia repleti sunt qui obscu-
 rati sunt terre domibus iniquitatũ. Ne auertatur
 humilis factus confusus, pauper & inops laudabũt
 nomen tuum. Exurge deus iudica causam tuam,
 memor esto improperiorũ tuorũ corũ quæ ab insi-
 piente sunt tota die. Ne obliuiscaris uoces inimico

rum tuorum, superbia eorum qui te oderunt ascendit semper.

COMMENTARIUM

TRatus est dominus super Israel, cum esset arca dei in Silo, cum Ofni & Finees filij Heli in sacrificijs suis & in fornicationibus, nec increpati corrigerentur. Tradita est etiam arca testamenti aduersarijs, & gloriati sunt qui oderunt eum in medio atrij eius. Quasi in silua lignorum exciderunt ianuas munitio- num. Incenderunt igni ubicunq; inuenerunt sanctuarium, id est, locum orationis eorum exstructum. Et quiescere fecerunt festos dies domini in terra, dicentes: iam in Israel non est propheta, utiq; audientes Heli mortuum & duos filios eius, qui summam sacerdotij tenebant occisos in prelio, Samuel adhuc erat infantulus, cuius nec opinio coeperat. Et ideo uidebatur impropere inimicus populus gentium & insultare, in quo ro- gat ne animas pauperum suorum obliuiscatur do- minus in sempiternum, ut exurgat & iudicet quae- sam suam, quia superbia eorum qui odiebant eum, ascendebat nimis. Haftenus historicus sermo cepe- rit finem. Est enim & in nobis arca testamenti do- mini, quam quotidie hostes conantur eripere, id est, animi constantiam, quae pro defensione uirtutum contra uitia bella committit. Si ergo huius arcae sacerdotes

sacerdotes, id est, corpus et anima mea ex consensu coluerunt, requiescit super eam dominus, & non audebunt demonia, nec bellum in cute consistere: At ubi hæc per negligentiam sacerdotum cesserit, capitur ab aduersarijs, & malignatur inimicus in sancto, & gloriantur qui oderunt dominum in eo. Post hæc cum lachrymis orandus est dominus, ut animas pauperum nõ obliuiscatur dominus in sempiternum, non auertatur in perpetuo, humilis factus, confusus, ut non in æternum tradatur bestijs anima quæ cõfitemur ei: ut memor sit creature suæ, quia repleti sunt qui obscurati sunt terræ domus iniquitatum. Exurgat ergo dominus et iudicet causam suam, quoniam per occasionē peccatorum meorum inimicus improperat domino: Memor, inquit, esto domine improperiorū tuorum, quæ ab insipientibus fiunt tota die, ut nõ obliuiscaris uoces querentium te per pœnitentiam, & contemnentium te superbia ascendat ad te, ut illis superbientibus reddas, & nobis confitentibus parcas, qui regnas in secula seculorum Amen.

In finem ne disperdas uel corrumpas,

Psalmus cantici Asaph. LXXIII.

Confitebimur tibi deus, confitebimur & inuocabimus nomen tuum. Narrabimus mirabilia tua, cum accepero tempus ego iusticias
r 5 iudicabo

iudicabo. Liquefacta est terra, & omnes qui habitant in ea, ego confirmavi colūnas eius. Dixi iniquis, nolite inique agere, & delinquentibus nolite exaltare cornu. Nolite extollere in altum cornu uestrum, nolite loqui aduersus deum iniquitatem. Quia neq; ab oriente, neq; ab occidente, neq; à desertis montibus, quoniam deus iudex est. Hunc humiliat & hunc exultat, quia calix in manu domini uini meri plenus mixto. Et inclinauit ex hoc in hoc, ueruntamen fex eius non est exinanita, bibent omnes peccatores terræ. Ego autem annuntiabo in seculum, cantabo deo iacob. Et omnia cornua peccatorum confringam, & exaltabuntur cornua iusti.

COMMENTARIUM

Aliquanta in septuagesimo tertio, idcirco prætermisimus psalmo, quia in septuagesimo quarto ea credidimus melius declaranda: Confitebimur, inquit, tibi deus. Si peccata confitemur, non ut sciat quæ ignorat, ideo cōfitemur, sed ut ea quæ optime nouit indulgeat. Quia cōfitemur eum et nomen eius inuocamus. Confessio enim penitentis ad indulgentiam non attēdit, si rectæ fidei inuocatio nominis dei non fuerit subsecuta, in qua confessione narratur omnia mirabilia eius, quæ sancti symboli textus ostendit. Verum quia (ut dixi) in
ante

anteceſſione huius pſalmi aliquanta tranſiui, que ſunt in iſto reddenda hec ſunt: ut narres contra Manicheum omnia mirabilia eius, & non dicas ad uerſis & contrarijs mundum agi, & alium lucis dominum, alium tenebrarum, alium noctis, alium dici, ſed unum eundemq; dominum conſitentes, narremus omnia mirabilia eius, dicētes: Tuus eſt dies, & tua eſt nox, tu feciſti ſolem & lunam, & ſtatem & uer tu feciſti. Conſirmaſti in uirtute tua mare, tu confregiſti capita draconum in aquis, id eſt, capita demonum in baptiſmate. Quod autem aquis dixit, uoluit oſtēdere unum baptiſma in aquis poſſe omnibus celebrari, fluminum, maris, fontium, torrentium, ſtagnorum, ibi capita demonum confringuntur, id eſt, in omnibus aquis. Caput autem draconis magni in pœnitentia cōfringet dominus, et dat eum in eſcam populo Aethiopum. Aethiopes à plaga meridiana nigri ſunt. Hi ergo qui demoniorum meridianorum ruinam patiuntur, nigri ſunt apud deum, & pro ipſa nigredinis perfidia, Aethiopes appellantur. Hi itaq; cum baptizarentur, quia in aquis contracta ſunt capita demonum, uenenum omne in aquis fluentibus euadit. Et illos iam mundos, quum ab omni ueneno defecatos exhibuit, nunc in ſicco poſitis, draco magnus ipſe princeps draconum aduenit, quem ſuis

suis cibantes nefarijs factis ueneno eius iterum no-
 grarunt. Verum quia pœnitentibus auxilium di-
 uinæ pietatis occurrit, confringitur & huius eu-
 put draconis in sicco. Aqua ibi sola lachrymarum
 est. Et quia non sunt fluij circa eum salientes, que
 tantum nefas ueneni abluant, datur eis in cibo, &
 dicitur eis. Quando draconum capita in aquis uo-
 bis confracta sunt, gustastis & uidistis quàm suavis
 est dominus. Modo quia dominum reliquistis, gu-
 state & uidete quàm amarus est diabolus. Ibi gu-
 stastis mel & lac, hic gustate cinerem pro pane, &
 lachrymas uestras in poculis miscete. Ibi uestes can-
 didas & mundas, hic sacceas sordidas. Ibi habuistis
 gaudium, hic mugitum gemitumq; inter suspiria
 excrepate. Sicq; Aethiopes esse cessabitis, & prius-
 nus uobis candor splendorq; reâditur. Ibi enim uo-
 bis rumpent iterum fontes & torrentes, ubi siccati
 fuerunt fluij Acthan. Acthan fluij in deserto si-
 na inuenti sunt. Ex quibus qui gustasset, non sicut
Aliter Mora. de Myrrha amaritudine replebatur, sed statim tur-
 more correptus, mortis periculo subiacebat. Quâ-
 do ergo quando conuertit solidam petram in stag-
 gna aquæ, & rupem in fontes aquarũ, isti Acthan
 fluij dei nutu siccarunt. Quod factum ad hoc ducit,
 quia pœnitentibus Acthan fluij exsiccantur.
 ex desperato lapide atq; durrissima petra in de-
 serto

ferro, & in squalentibus locis posita fontes pariter
crumpunt atq; torrentes. Hæc fecit rex noster,
Deus ante secula qui est ipse. Hæc fecit in secula qui
operatus est salutem in medio terræ, in domino no
stro Iesu Christo, qui dixit iniquis: Nolite iniqua
agere, et nolite delinquentibus exaltare cornu, noli
te extollere in altum cornu uestrum, nolite loqui
aduersus deum iniquitatem. Siquis autem uobis di
xerit, Ecce hic Christus, aut ecce hic, illic, nolite
credere, quia neq; ab oriente, neq; ab occidente, ne
q; à desertis montibus, sed sicut fulgur ita ueniet,
quoniam deus iudex est. Nō sic uenit quomodo ho
mo uenit, sed quomodo deus iudex, ut superbum
humiliet sicut promisit, & exaltet humilem ferens
calicem in manu uini meri plenum mixto, ex quo
inclinat ex hoc in hoc. Vinum duas species habet,
unam unde infirmos sanat, aliam unde sanos debi
litet. Ex uno eodemq; uino iustis propinatur ad sal
lutem, peccatoribus ad interitum irrogatur. Sicut
ignis iustis proficit ad splendorem, ad uisuram in
fertur iniustis, fex tamen calicis non exinanitur, ut
bibant non pauci, sed omnes peccatores terræ:
quod uno eodemq; poculo alijs salus, alijs interitus
ueniat, etiam hodie qui indigne gustauerint. Vnde
Apostolus, sibi iudicium sumunt. Nos autem hæc
scientes

scientes, si uolumus gaudere in secula seculorum, ita cantemus deo Iacob, ut omnia peccatorum cornua confringamus, id est, uiciorum uentilationes contemnēdo frangamus, & uirtutum cornua exaltemus in domino nostro Iesu Christo, qui regnat in secula seculorum Amen.

In finem in carminibus canticum ad Assyrios psalmus Asaph. LXXV.

Notus in Iudæa deus, in Israel magnum nomen eius. Et factus est in pace locus eius & habitatio eius in Sion. Ibi confregit potentias, arcum, scutum gladium, & bellum. Illuminatus mirabiliter à montibus æternis, turbati sunt omnes insipientes corde. Dormierunt somnum suum, & nihil inuenerunt omnes uiri diuitiarum in manibus suis. Ab increpatione tua deus Iacob, dormitauerunt qui ascenderunt equos. Tu terribilis es & quis resistet tibi, ex tunc ira tua. De cælo auditum fecisti iudicium, terra tremuit & quieuit. Cum exurgeret in iudicium deus, ut saluos faceret omnes mansuetos terre. Quoniam cogitatio hominis confitebitur tibi, & reliquæ cogitationis diem festum agent tibi. Vouete & reddite domino deo uestro, omnes qui in circuits eius affertis munera. Terribili & ei qui aufert spiritum principum, terribili apud omnes reges terre.

COMMENTARIUM

C Anticum contra Assyrium, id est, contra diabolum inchoamus. Contra eum enim notus factus est in Iudæa deus, in Christo mundum reconcilians sibi. In Israel magnum nomē eius. Israel homo Iudæus. Deum ergo qui uidit hominem & credidit deum, in ipso primum factum est nomen eius. Ita ut diceret ei: Tu es Petrus & super hanc petram ædificabo ecclesiam meam. Et quia portæ inferi non præualebunt aduersus eam. Ibi cōfregit cornua arcuum, & scutum, & gladium, et bellum, fecitq; in pace locum eius, & habitationem eius in Sion, & illuminauit ei à montibus æternis, à prophetis qui fuerunt ab initio. Contra quam turbantur usq; hodie omnes insipientes corde. Et qui moriuntur in peccatis suis dormientes somnum mortis suum, id est, somnum suæ dormientes. Nihil inuenerunt in manibus suis. Ibi omnes uiri diuitiarum. Hic enim nascentes quæ inuenerunt, hic morientes relinquunt. Non solum diuites dormiunt, sed & fortes qui ascenderunt equos. Deus enim terribilis est, et nemo potest resistere ei. Tunc in ira sua, cum enim cœperit iudicium de caelo iaculari, terra tremet & quiescet, cum exurgere cœperit in iudicio deus, in quo non saluabit alios, nisi omnes mansuetos terre. Ibi cogitatio
hominis

hominis confitebitur ei, & reliquie cogitationum diem festum agent deo. Sic erunt omnes dies iustorum, quomodo nobis semel in anno sanctus dies est pascha. Omnes ergo sancti dies festos agent deo: et uos, inquit, si uultis gaudere cum sanctis, nouete & reddite domino deo uestro. omnes qui in circuitu eius offertis munera, memores debent esse quid uerint, aut cui uouerint. Nam in baptismatis consecratione uouerunt seipsos tradere, & omnibus operibus diaboli renunciare. Hoc reddite domino deo uestro, ante oculos hoc habentes, quia etiam principum auferet spiritus, cum à uoto discedūt. Et est terribilis etiam regibus terra, ipsi gloria in secula seculorum Amen.

In finem pro Idythum, psalmus

Asaph,

LXXVI.

VOce mea ad dominum clamaui, uoce mea ad deum & intendit mihi. In die tribulationis meae deum exquisiui manibus meis nocte contra eum, & non sum deceptus. Renuit consolari anima mea, memor fui dei et delectatus sum, & exercitatus sum, & defecit spiritus meus. Anticipauerunt uigilias oculi mei, turbatus sum & non sum locutus. Cogitavi dies antiquos, & annos æternos in mente habui. Et meditatus sum nocte cum corde meo, & exercitabar & scobebam spiritum

tum meum. Nunquid in æternum projiciet Deus aut non apponet ut complacitior sit adhuc. Aut in finē misericordiam suam abscidet, à generatione in generationem. Aut obliuiscetur misereri deus, aut continebit in ira sua misericordias suas. Et dixi nunc coepi, hæc mutatio dexteræ excelsi. Memor fui operum domini, quia memor ero ab initio mirabilia tuorum. Et meditabor in omnibus operibus tuis, & in adinuentionibus tuis exercebor. Deus in sãcto uia tua, quis deus magnus sicut deus noster, tu es deus qui facis mirabilia. Notam fecisti in populis uirtutem tuã, redemisti in brachio tuo populum tuum filios iacob & Ioseph. Uiderunt te aquæ deus uiderunt te aquæ & timuerunt, & turbatæ sunt abyssi. Multitudo sonitus aquarum, uocem uiderunt nubes. Etenim sagitte tuæ transierunt, uox tonitruï tui in rota. Illuxerunt coruscationes tuæ orbi terre, commota est & contremuit terra. In mari uia tua & semitæ tuæ in aquis multis, & uestigia tua non cognoscuntur. Dëduxisti sicut oues populum tuum, in manu Moysi & Aaron.

COMMENTARIUM

In isto psalmo promittit se propheta omnia mirabilia dei ab initio memoraturum, & causam huius commemorationis exponit. Ac memorans
s præterita

preterita bona, de malis presentibus querelatur:
Clamaui, inquit, ad dominum in die tribulationis.
Et expādi manus meas coram eo in noctibus, & nō
sum deceptus. Modo autem tantas moras faciet in
subueniendo dominus, ut dicam: Nunquid in ætere
num obliuiscetur misereri deus, aut continebit in
ira sua misericordiam suam? Et dixi, modo cœpit
mutatio dexteræ excelsi: Et ut ostendam, inquit,
quia modo cœpit, memor ero ab initio mirabili
lium eius, in quibus liberauit populum suum. Quis
enim tam magnus deus quàm deus noster, quem ui
derunt aquæ maris, & timuerunt. Turbate sunt
abyssi, dantes uiam siccam pedibus filiorum Israel
& Ioseph. Post hæc uocem dederunt nubes: In col
lumna enim nubis uox erat, quando sagitte dei in
Aegyptios transierunt. Vos tonitruui eius in rota.
Moyse rota comparatur. Rotâ licet in terra uol
uatur, tamen dum steterit, magna pars eius aliena
est à terra, & parua pars eius in terra consistit.
Vox ergo dei in rota est, qui paruis rebus terrenis
contētus, totum quod sursum est quærit, quod sur
sum est, pergat ubi Christus est. Illuxerunt consi
derationes eius orbi terræ, quando in mari uiam fec
it. Et semitam in aquis multis, quando deduxit uer
lut oues populum suum, in manu Moyse & Aaron,
Ipsi gloria in secula seculorum Amen.

Intellectus

Intellectus Asaph. LXXVII.

AT tendite popule meus legem meam, incli-
nate aurem uestram in uerba oris mei.

Aperiam in parabolis os meum, loquar proposi-
tiones ab initio. Quanta audiuius & cognoui-
uimus ea, & patres nostri annunciauerunt nobis.

Non sunt occultata à filiis eorum in generatio-
ne altera. Narrantes laudes domini & uirtu-
tes eius, & mirabilia eius quæ fecit. Et susci-
tauit testimonium in Iacob, & legem posuit in Is-
rael. Quanta mandauit patribus nostris nota
facere ea filiis suis, ut cognoscat generatio altera.
Filij qui nascentur & exurgent narrabunt filiis
suis. Ut ponant in deo spem suam, & non obli-
uiscantur operum dei, & mandata eius exquirant.

Ne fiant sicut patres eorum generatio praua
& exasperans. Generatio quæ non direxit cor
suum, & non est creditus cum deo spiritus eius.

Filij Effrem intendentes & mittentes arcum,
conuersi sunt in die belli. Non custodierunt tes-
tamentum dei, et in lege eius noluerunt ambulare.

Et oblitus sunt benefactorum eius, & mirabilium
eius quæ ostendit eis. Coram patribus eorum fecit
mirabilia in terra Aegypti in campo Thaneos.

Interrupit mare & perduxit eos, & statuit aquas
quasi in utre. Et deduxit eos in nube diei,

Et tota nocte in illuminatione ignis. Interrupit
 petram in cremo, Et adaquavit eos uelut in abisso
 multa. Et eduxit aquam de petra, Et eduxit tan-
 quam flumina aquas. Et apposuerunt adhuc pec-
 care ei, in ira concitauerunt excelsum in inaquoso.
 Et tentauerunt deum in cordibus suis, ut peterent
 escas animabus suis. Et male locuti sunt de deo,
 dixerunt, nunquid poterit deus parare mensam
 in deserto. Quoniam percussit petram Et flu-
 xerunt aquae Et torrentes inundauerunt. Nun-
 quid Et panem poterit dare, aut parare mensam
 populo suo. Ideo audiuit dominus Et distulit Et
 ignis accensus est in Iacob, Et ira ascendit in Israel.
 Quia non crediderunt in deo, nec sperauerunt in
 saluari eius. Et mandauit nubibus desuper, Et
 ianuas caeli aperuit. Et pluit illis manna ad man-
 ducandum, Et panem caeli dedit eis. Panem au-
 gelorum māducauit homo, cibaria misit eis in abun-
 dantia. Transtulit austrum de caelo, Et indu-
 xit in uirtute sua africanum, Et pluit super eos sicut
 pulcrem carnes, Et sicut arenam maris uolatilis
 pennata. Et ceciderunt in medio castrorum eor-
 rum circa tabernacula eorum. Et manducauer-
 runt Et saturati sunt nimis, Et desiderium eorum
 attulit eis, non sunt fraudati à desiderio suo. Ad-
 huc escae eorum erant in ore ipsorum, Et ira dei as-
 cendit

ceudit super eos. Et occidit pingues eorum & electos Israel impediuit. In omnibus his peccauerunt adhuc, & non crediderunt in mirabilibus eius. Et defecerunt in uanitate dies eorum, & anni eorum cum festinatione. Cum occideret eos querebant eum, & reuertebantur & diluculo ueniebant ad eum. Et rememorati sunt, quia deus adiutor est eorum, & deus excelsus redemptor eorum est. Et dilexerunt eum in ore suo, & lingua sua mentiti sunt ei. Cor autem eorum non erat rectum cum eo, nec fideles habiti sunt in testamento eius. Ipse autem est misericors, & propicius fiet peccatis eorum & non disperdet eos. Et abundauit ut auerteret iram suam & non accendit omnem iram suam. Et recordatus est, quia caro sunt spiritus uadens & non rediens, quotiens exacerbauerunt eum in deserto, in iram concitauerunt eum in inaquoso. Et conuersi sunt & tentauerunt deum, & sanctum Israel exacerbauerunt. Non sunt recordati manus eius die qua redemit eos de manu tribulantis. Sicut posuit in Aegypto signa sua, & prodigia sua in campo Thaneos. Et conuertit in sanguinem flumina eorum, & imbres eorum ne biberent. Misit in eos cynomiam & comedit eos, & ranam & disperdidit eos. Et dedit erugini fructus eorum, & labores eorum locu-

stæ. Et occidit in grandine uincas eorum, & moros eorum in pruina. Et tradidit grandini iumenta eorum, & possessiones eorum igni. Misit in eos iram indignationis sue, indignationem & iram & tribulationem, immisionem per angelos malos. Viam fecit semitæ iræ sue, non pepercit à morte animarum eorum, & iumenta eorum in morte conclusit. Et percussit omne primogenitum in terra Aegypti, primitias omnis laboris eorum in tabernaculis Cham. Et abstulit sicut oves populum suum, & perduxit eos tanquam gregem in deserto. Et deduxit eos in spe & non timuerunt, & inimicos eorum operuit mare. Et induxit eos in montem sanctificationis sue, montem quem acquisiuit dextera eius. Et eiecit à facie eorum gentes, & sorte diuisit eis terram in funiculo distributionis. Et habitare fecit in tabernaculis eorum tribus Israel. Et tentauerunt & exacerbauerunt deum excelsum, & testimonia eius non custodierunt. Et auerterunt se & non seruauerunt pactum, quemadmodum patres eorum cõuersi sunt in arcum prauum. In iram concitauerunt eum in collibus suis, & in sculptilibus suis ad emulationem eum prouocauerunt. Audiuit deus & spreuit, & ad nihilum redegit ualde Israel. Et repleuit tabernaculum Sylo, tabernaculum suum ubi habitauit

habitaui in hominibus. Et tradidit in captiuitatem uirtutem eorum, & pulchritudinem eorum in manus inimici. Et conclusit in gladio populum suum, & hereditatem suam spreuit. Iuuenes eorum comedit ignis, & uirgines eorum non sunt lamentate. Sacerdotes eorum in gladio ceciderunt, & uidue eorum non plorabantur. Et excitatus est tanquam dormiens dominus, tanquam potens crapulatus à uino. Et percussit inimicos suos in posteriora, opprobrium sempiternum dedit illis. Et repulit tabernaculum Ioseph, & tribum Effrem non elegit. Sed elegit tribum Iuda, montem Sion quem dilexit. Et edificauit sicut unicoruium sacrificium suum in terra quam fundauit in secula. Et elegit Dauid seruum suum, & sustulit eum de gregibus ouium: de postfœtantes accepit eum. Pascere Iacob seruum suum & Israel hereditatem suam. Et pauit eos in innocentia cordis sui, & in intellectibus manuum suarum deduxit eos.

COMMENTARIUM

QUOD promisit deo in septuagesimo sexto, hoc in septuagesimo septimo hominibus tradit: ibi dixit deo: Memor ero ab initio mirabilium tuorum. Hic dicit populo: Loquar propositiones ab initio, uirtutes & mirabilia eius quæ fecit, ut cognoscat

generatio altera, ut filij nascentes exurgant. Ipse narrent filiis suis, ut non cōfidant in mundi lucris, non in terrenis cupiditatibus seculi, sed in deo solo ponant spem suam, & non obliuiscantur opera dei sui, & mandata eius exquirant. Ut non fiant sicut patres eorum, genus prauum & peramarum. Sanè genus cum dicis, ante considera. Non enim creaturam in damnabilibus deus, sed uoluntatem condemnat. Videns ergo, quia genus uituperando quæstionem fecerat, cruens hunc sermonem à creatoris iniuria, exposuit non esse generis uicium, sed uoluntatis. Prosecutus enim ait, genus, inquit, quod non direxerit cor suum. Et quasi interrogatus esset, quomodo non direxerint cor suum, respōdit: Quia non custodierunt testamentū dei, & in lege eius noluerunt ambulare. Dicendo noluerunt, exclusit culpam à genere, & crimen uoluntatis ostendit, per quam oblitī sunt benefactorum, & mirabilium dei, quando diuisit mare ut transirent, et statuit aquas eius hinc inde quasi in utre. Quando duxit eos in columna nubis per diem, & in columna ignis per noctem. Quando rupit in deserto petram, & aduquauit eos uelut in abyssō multa, & potati gratias non egerunt, sed apposuerunt peccare. Et ita ut male loquerentur de deo, ut dicerent: Ecce de petra eduxit aquam, nun quid panem poterit dare? Hæc dicebant

dicbant, quia non credebant deo suo, nec sperauerunt in salutare eius. Et mādauit nubibus de super. Et ianuas cœli aperuit. Ianuas abusive dictū, sicut de terra: Aperuit, inquit, os suum: Aperiendī causa exegit, & in terra os et in cœlis ianuas nominare, & pluit illis manna ad manducandum: Manna, Latine quod dicimus, quid est hoc, dicit Hebræus. Cū ergo tanquam semē coriandri pluerent cœli, inter rogātes filij Israel nomen dederūt, dū quærunť. Nā dicentes: Quid est, id est, manna, de hoc qđ interro gabant uerbo, nomen species ipsa suscepit, quod au xesin faciens adiecit. Panem cœli dedit eis, per oc casionem mannae panis qui de cœlo descendit nomi natus est: Panem, inquit, angelorum manducauit homo. Quicquid æternitatem in potando, & in manducando præstat, angelicum est, non habens putentes atq; stercoreas digestiones. Habent enim uniuersa uiuendi materiam, & siue angeli, seu que cunq; in cœlo uiuunt, non sibi sine alimento suffi ciunt. Ducuntur enim fame & siti, siue laudis do mini. Et esuriunt & sitiunt iustitiam eius, per quam pinguescunt, & æternum apicem tenet. Sicut è con trario apostate angeli esuriunt & sitiunt iniusti ciam, & ex eo opere saginantur. Nam & quod di cit dominus gaudere angelos in cœlo super unum pœnitentem: ostendere uoluit, ad eorum refectio

nem redisse per iusticiam, cum qui per iniusticiam uentres demonum saginabat. Quanta sunt etiam in corporibus, quæ sine stercore a digestionem resiciunt, ut est nuncius bonus, ut est odor optimus, ut est aspectus mirabilis, ut est gratia maiorum, ut est opinio optima, quæ dicitur etiam ossa impiguarè. Hæc ideo diximus, ut ostendamus omnia quæ in cælo & quæ in terra sūt inuisibilia atque uisibilia, & mensuras suas habere, quia solus deus immensus est: & per compaginem suæ qualitatis subsistere, quia solus deus incorporeus est: & per aliam substantiam uiuere, quia solus deus nullius eget. Ipse autem omnibus est necessarius, ipsi nullus. Sed quia nimia gratia pietatis suæ, facturam suam in omnibus diligit, dignatur per legem, per uirtutum iudicia, per compunctionem cordis, per magnitudinem operum hominum inuitare hominem. Et ideo non solum panes angelorum, sed & auium carnes innumerabilium concupiscentibus tribuit etiam ingratiss. Et ne inultū ingratorum crimē posteritas nos timeret, cum adhuc esca eorum erāt in ore eorum, ira dei uenit super eos, quia non crediderunt mirabilibus eius. Defecerunt in uanitate dies eorum, & anni eorum cum festinatione. Verum quia, ut dixi, tu si non malo coactus benefacere non uis: Cum occideret, inquit, eos quærebant eum, & conuerterent/

tes diluculo ueniebant ad eum. Tunc recordati sunt, quia deus adiutor & protector eorum est: Sed dicentes, inquit, tu es deus noster, hoc sola ait, lingua mentiti sunt ei, cor autem eorum non erat rectum cum eo. Vnde & dominus dicit: Populus, inquit, hic labijs me diligit, cor autem eorum longe est à me. Hec quare hæc? Quia fides non est habita testamento eius. Sine fide autem, ut ait Apostolus, impossibile est placere deo. Discutiamus parumper de quo testamento agatur. Audi Apostolum: Hominis, ait, testamentum nemo irritum facit, aut superordinat. Abrahæ dictum est: In semine tuo hereditabo omnes gentes: Non, inquit, dixit in seminibus, quasi in multis, sed in semine tuo, quod est Christus. Hoc ergo testamentum quod cum Abraham patre eorum habuit deus, dum compleret in filio suo, fides non est habita testamento eius. Ipse autem est misericors, etiã in cruce positus, propicius sit peccatis eorũ, et eũ posset nõ disperdidit eos, ita ut roga- ret patrẽ suũ, ut & ipse indulgeret eis. Quia recor- datus est quod caro sunt, nihil in spiritu sapiẽtes, et spiritus effẽt eantes, & non reuertẽtes: Idro sepe dominus peccatoribus in hoc mundo leticiam & abundantiam & potentiã usurpatã relinquit, quia scit quæ passuri sunt in gehennæ incendio, & con-

dolens

dolens eis, auertit in hoc seculo iram suam ab eis, Hoc considerans, quod euntes ibunt in interitum eterni incendij, & ultra non redeunt. Quotiens, inquit, exacerbauerunt eum in deserto, non recordantes diem qua liberauit eos dominus de manu tribulatis, & inimicos eorum prius decem plagis percussit, postea etiam in mari merfit, ipsos autem eduxit tanquam pastor oves in deserto, & induxit in montes sanctificationis sue, & eiecit à facie eorum gentes. Et post omnia, quid fecerūt? Auertent se, inquit, & non obseruauerunt pactum sicut patres eorum, ita etiam ut in sculptilibus suis emularētur eum: Propter hoc, inquit, repulit tabernaculum Sylon. Facit locus contra hæreticos qui dicūt, pro duorum peccatis filiorum Heli, deus iustus omnem Israel populum tradidit Philistæis, Spiritus uero sanctus detegens crimen uniuersi populi dicit. Quod auerterunt se à deo, & non obseruauerint præcepta eius, sicut & patres eorum: Ideo, inquit, ad nihilum redegit nimis Israel, & ideo repulit tabernaculum Sylon, ideo conuertit in captiuitatem uirtutem ipsorum. Et pulchritudinem eorū, id est, arcam testamēti domini tradidit in manus inimici. Conclusit in gladio populum suum, et hæreditatem suam spreuit, ita ut & sacerdotes eorum gladio caderent, iuuenes ignis comederet, uirgines sine la-
mento

mento perirent, uiduæ sine plorantibus interirent. Venimus nunc ad locum, qui nos ab historia ad mysticum & moralem auditum impellat. Excitatus est, inquit, tanquam dormiens dominus. Quotiescunq; ergo captiuitas siue carnalis, siue spiritalis uenit, sciamus dormire dominum, & tam diu dormit, quandiu inueniantur idonei, qui ausi sint excitare eum. Hoc nanq; est quod finxit dominus noster Iesus Christus in naui dum transfretaret, nimia & incomparabili tempestate nauis in qua erat cū discipulis suis, agebatur, ita ut nihil superesset, nisi ut mergerentur in fluctibus. Accedentes discipuli ad dormientem dominum, clamore eum nimio excitant, dicentes. Præceptor perimus. Ille autem surgens imperauit uentis, & quieuerunt undæ & tranquillatæ sunt. Non ergo ideo dormit dominus, ut somno teneatur. Semper uigilat, & nunquam dormiet omnino, neque dormitabit. Sed quando eī nos silentium facimus tale, quale qui dicat: Sic uos filetis, sicut solet fieri silentium patrifamilias ut quiescat, ecce quiesco, ecce fileo, ecce dormio, non orationum gemitibus pulsor, non psalmodum uocibus inquietor, nec assiduis deprecationibus excitator, grandi hoc uestro silentio ego dormio, & me dormiente uenit super uos aut spiritalis, ut dixi, aut carnalis tempestat, qua compulsi ad regem confugiatis

fugiatis, ut eius uigilijs liberemini, cuius somno capimini. Deniq; excitatus precibus sanctorū, audite quid fecerit: Percussit, inquit, omnes inimicos in secreto natiuum eorum. Tantaq; murium copia extitit, ut nullus eorum esset cuius anus non à muribus roderetur, ita ut sicut dicit liber primus regnorum, exirent prominētes extales eorum. Hoc ergo est quod ait nunc in isto psalmo, excitatum dominum percussisse inimicos in posteriora. Opprobrium, inquit, sempiternum dedit illis, & repulit tabernaculum Ioseph, in regno Saulis. Duae istae tribus tenebāt imperium, Ioseph scilicet et Benjamin. Vnde adiecit, tribum Effrem non elegit, ut subaudiatur ad regnum, sed elegit tribum Iuda ad regnum, quod licet in Dauid tunc pactum sit, in Christo completum est. In monte Sion quem elegit, in quo aedificauit sicut unicornis sanctuarium suum, ibi natus, ibi baptizatus, ibi tentatus, ibi in uirtutibus manifestatus, ibi passus, ibi mortuus, ibi sepultus, ibi exurgens mortuis tertia die, ibi ascendit in caelis. In terram quam fundauit in secula, id est, in Sion, id est, in ecclesia sanctorum. Nam ibi elegerat Dauid seruum suum, quando eum tulit de gregibus ouium, ut pasceret Iacob, & Israel hereditatē suam, quos pascet usque hodie dei filius sine malicia cordis, & in sensu manuum duarum seducet nos. Ideo enim

enim manus suas in cruce leuauit, ut in gloria manuum suarum dirigat nos, qui regnat cum patre & spiritu sancto in secula seculorum Amen.

Psalmus Asaph. LXXVIII.

DEus uenerunt gentes in hereditatem tuam, polluerunt templum sanctum tuum, posuerunt Hierusalem in pomorum custodiam. Posuerunt morticina seruorum tuorum escas uolatilibus cœli, carnes sanctorum tuorum bestijs terra. Effuderunt sanguinem ipsorum tanquam aquam in circuitu Hierusalem, & non erat qui sepeliret. Facti sumus opprobrium uicinis nostris, subsannatio & illusio ijs qui in circuitu nostro sunt. Usq; quo domine irasceris in finem accendetur uelut ignis zelus tuus. Effunde iram tuam in gentes que te non nouerunt, & in regna que nomen tuum non inuocauerunt. Quia comederunt Iacob, & locum eius desolauerunt. Ne memineris iniquitatum nostrarum antiquarum, cito anticipent nos misericordie tue, quia pauperes facti sumus nimis. Adiuua nos deus salutaris noster, & propter gloriam nominis tui libera nos, & propicius esto peccatis nostris, ppter nomē tuū. Ne forte dicāt in gētibus, ubi est deus corū, & innotescāt in nationibus corā oculis nostris. Ultio sāguinis seruorū tuorū q̄ effusus est, ut rocat in cōspectu tuo gemitus cōpeditorū.

Secundum

Secundum magnitudinem brachij tui posside filios mortificatorum. Et redde vicinis nostris septuplum in sinu eorum, improperium ipsorum quod exprobrauerunt tibi domine. Nos autem populus tuus & oves pascuæ tuæ, confitebimur tibi in seculum. In generatione & generationem annuntiabimus laudem tuam.

COMMENTARIUM

Septuagesimus & octauus psalmus apicem at Stecessoris sui secutus, lamētum simul deo cum oratione effundit. Cuius histōria præteritam ceteram Philistinorum explanat, prophetiā futuram Nabuchodonosoris commemorat moralis nostri huius spiritualis prælij. Vt uere dicendum est: plorant uenisse gentes in hereditatem dei. Et liber Regum primus de Salom, & arca testamenti memorat. Et Hieremias de Hierusalem & de templo, si prophetico modo hunc psalmum quæris explanat. Nos uero qui Hierusalem nostrā animam dicimus, sitamen rex pacificus requiescit in ea, hæc quando per consensum suum, & per negligentiam suam dum non repugnando superatur. Ac dum peccando deo ab eius offensione discesserit, ueniunt ad eam gentes. Ad eam utiq; quam in hereditate sua possidet Christus, & polluunt templum sanctum eius, sanctum factum in baptismo corpus eius. Pos-

nunt

nunt Hierusalem, ueluti pomorum custodiam. Ita desertam faciunt eam, ut putes illam ciuitatem magnam in uilem casulam hortulani conuersam. Posuerunt mortalia seruorum tuorum escas uolatilibus cœli. Hoc loco uolatilia spiritus immundi nominantur, de quibus dicit Apostolus : Spiritus aeris huius. Ipsi uelut uolueres comedunt per luxuriam carnes sanctorum tuorum. Comedunt simul bestie terræ, si effuderint sanguinem eorum, uelut aquam circa ipsam Hierusalem. Et non fuerit qui sepeliat, dum nemo est qui exemplo uitæ ab interitu mortis abscondat. Tunc efficiuntur in derisu omnes demonijs, qui ideo uicini nostri & inimici dicuntur, quia nec uno quidem puncto ab inimicitijs iuxta nos positi non recedunt. Ad hæc rogandus dominus, ut effundat super eos iram suam. Quia ipsa sunt regna quæ nomen eius non inuocant, sed comedunt cotidie Iacob, & locum eius, quod erat ornatum moribus, in eremum conuertunt. Eueniunt nobis hæc si memor sit dominus iniquitatum nostrarum, uti nam antiquarum & non nouarum. Sed quia remedium uulneratis est necessarium, cito nos anticipet misericordie tuæ deus. Quia pauperes facti sumus nimis. perdidimus aurum pudicitie, argentum bonæ cōscientie. Nos ipsi præda hostium facti sumus. Propter honorem nominis tui domine libera nos,
 & propicius

& propicius esto, ne gaudeant increduli, & dicant:
 Vbi est deus eorum. Descende sanguinem seruatorum
 tuorum, qui effusus est. Sicut enim in ruina homi-
 num habent demones, ita in reparatione nostra
 gaudium habent angeli. Spiritus uero nequissimi
 interitum paciuntur, cum intrauerit in conspectu
 dei gemitus compeditorum. Si tantum gemitus pro
 peccatis non potest fieri, nisi intret in conspectu dei.
 Et incipit secundum magnitudinem brachij sui posi-
 dere dominus filios mortis. Vt qui erant filij mor-
 tis, incipiant esse & filij uitae. Cum reddiderit ini-
 micis septuplum, quia quod septiformi spiritu in ba-
 ptismatis tempore promissum est, eorum est sugges-
 tionibus ab ijs qui promiserant denegatum. Satis
 autem facientes spiritui sancto, quem in consecratio-
 ne suscepimus, dicamus ei nos: Populus tuus, &
 oues gregis tui, siue pascuae tuae, confitebimur tibi
 in secula, & in seculum seculi narrabimus laudes
 tuas, qui regnas cum patre & filio sancte spiritus,
 nunc & semper in aeterna secula seculorum Amen.

In finem pro his qui commutabun-
 tur Psalmus pro Assyrijs testimo-
 nium Asaph. LXXIX.

Qui regis Israel intende, qui deducis uelut
 ouem Ioseph. Qui sedes super cherubim
 in anse

manifestare coram Effraim, Benjamin & Manasse.
Excita potentiam tuam et ueni ut saluos facias nos.

Deus uirtutum conuerte nos, & ostende faciem tuam & salui erimus. Domine deus uirtutum quousq; irasceris super orationem serui tui. Cibabis nos pane lachrymarum, & potum dabis nobis in lachrymis in mensura. Posuisti nos in contradictionem uicinis nostris, & inimici nostri subsannauerunt uos. Deus uirtutum conuerte nos, & ostende faciem tuam & salui erimus. Vineam de Aegypto transtulisti, eiecisti gentes & plantasti eam. Dux itineris fuisti in conspectu eius, & plantasti radices eius & impleuit terram.

Operuit montes umbra eius, et arbuta eius cedros dei. Extendit palmites suos usque ad mare, & usque ad flumen propagines eius. Ut quid destruxisti maceriam eius, & uindemiant eam omnes qui prætergrediuntur uiam. Exterminauit eam aper de sylua, & singularis ferus depastus est eam. Deus uirtutum conuertere respice de caelo & uide & uisita uineam istam. Et perfice eam quam plantauit dextera tua, & super filium hominis quem confirmasti tibi. Incensa igni & suffossa: ab increpatione uultus tui peribunt.

Fiat manus tua super uirum dexterae tuae, & super filium hominis quem confirmasti tibi. Et non

discedimus à te, uiuificabis nos, & nomen tuum inuocabimus. Domine deus uirtutum conuerte nos, & ostende faciem tuam & salui erimus.

COMMENTARIUM

Adbuc eadem per eadem de exitio & tribulatione populi in isto psalmo cantat. Rogans ut qui regit Israel intendat, excitet potèntiam suam, quia nullus dignus inuenitur qui eum audeat excitare. Ipse ergo excitet potentiam suam, ueniat & saluos nos faciat. Verum quia inuisibilis est, & à nullo penitus uideri potest, sumat materiam per quam dignetur faciem suam ostendere, quam si ostenderit ille, nos salui erimus. Veluti si in periculo glaciali positi, ubi uis frigoris minatur interitū, liberantur sine dubio, si ostendatur eis solis aspectus. Quanto magis dei nobis ostensa facie, in domino nostro Iesu Christo nos salui erimus? Si ergo sentimus captiuitatem uinæ domini, quam de Aegypto per aquam & spiritum sanctum transtulit, quam cieclis demonijs plantauit, qui ita fuit uia in conspectu nostro, ut diceret: Ego sum uia. Qui ita plantauit radices nostras in fide sua, ut repletet omnem terram corporis nostri. Et esset in nobis uinea uera, cuius umbra operuit mōtes, omnibus sanctis melior. Cuius arbuta præstantiora essent, & altiora cedris dei, hanc exterminauit in passione

Aper de Syria, populus incredulus, & singularis
ferus depastus est eam. Quem prius & in nobis tu
multum Christus patitur, quando permittimus ra
biem demonum in corde nostro ingredi, ubi susce
pimus Christum. Et ideo cibus nobis non debet esse
gaudij, sed panis lacrimarum, & potus in lachry
mis, si sentimus quia facti sumus in opprobrium ui
cinis, & ipsi deriserunt nos. In oratione enim lac
rymarum permanentes, deus uirtutum respicit
de caelo, & uidet & uisitat uineam istam, & diri
git eam quam plantauit in nobis dextera eius per
filium hominis Iesum, quem confirmauit sibi incen
so igne, & suffossa manu, quando Abraham in
censo igne, & armata manu gladio, paratus fuit fi
lium suum iugulare coram domino. Tunc iurauit
Abrabae, quod filium eius ita confirmaret sibi, ut
in ipso hereditaret omnes gētes. Ergo memor esto
domine quod irasisti, & repara quod donasti, ut
non discedamus à te. Non enim discedemus à te, si
tu uiuificaberis nos. Nos autē semper nomen tuum
inuocabimus. Alia enim spes nostra non est, nisi ut
conuertas nos, dando bona consilia in cordibus
nostris, & ostendendo nobis faciem tuam. Cuius
nos aspectu saluemur, in Christo Iesu domino nos
stro, qui tecum & cum spiritu sancto uiuit & re
gnat in secula seculorum.

In finem pro torcularibus, Psalmus ipsi
Asaph quinta sabbati. LXXX.

Exultate deo adiutori nostro, iubilate deo
Iacob. Sumite psalmum & date tympanum,
psalterium iocundum cum cythara. Buccinate
in neomenia tuba in insigni die solennitatis ue-
strae. Quia praeceptum in Israel est, & iudicium
deo Iacob. Testimonium in Ioseph posuit illud,
cum exiret de terra Aegypti linguam quam non
nouerat audiuit. Diuertit ab oneribus dorsum
eius: manus eius in cophino seruiuerunt. In tri-
bulatione inuocasti me, & liberaui te & exaudiui
te in abscondito tempestatis, probaui te apud aquam
contradictionis. Audi populus meus & contes-
tabor te, Israel si audieris me, non erit in te deus
recens, neque adorabis deum alienum. Ego enim
sum dominus deus tuus quia eduxit te de terra Ae-
gypti, dilata os tuum & implebo illud. Et non
audiuit populus meus uocem meam, & Israel non
intendit mihi. Et dimisi eos secundum desideria
cordis eorum, ibunt in adinventionibus suis. Si
populus meus audisset me, Israel si in uis meis am-
bulasset. Pro nibilo forsitan inimicos eorum
humiliauisssem, & super tribulantes eos misissem ma-
num meam. Inimici domini mentiti sunt ei, &
erit tempus eorum in secula. Et cibauit illos ex
adipe

adipe framenti, & de petra melle saturauit eos.

COMMENTARIUM

IN septuagesimo nono psalmo uinea reparatur. Et in octoagesimo, p torcularibus agitur. Exultate deo adiutori nostro, q̄a surrexit uinea eius. Iubilate deo Iacob, reparata est uinea eius. Surrexit enī quē exterminauit incredulus populus. Ipsū utiq; exterminauit qui dixit: Ego sum uitis uera. Ipsū qui dixit, Exterminauerūt manus meas & pedes meos. Ipse uero q̄ exterminauit populus, apro syluestri est acrior, ecce surrexit. Qui ibi plorabatis, hic exultate: qui ibi tacuistis, hic iubilate: qui ibi anxii estis, hic in psalmis & hymnis congaudete, & in die insigni, id est, in die redemptionis domini. Quia ipsa est dies solennitatis nostræ, in quo præceptum dare dignatur dominus, ad testimonium Ioseph, eo quod uisitatione uisitaturus esset eos dominus. Ergo Ioseph testimonium de ipso posuit, cum exiret de terra Aegypti, linguam quam non nouerat audiuit, post quadringentos triginta annos. Audiuit uocem dei per noscē Moysi genus Abrahæ, sicut ei promissum fuerat, cum diuerteret ab oneribus grauissimis dorsum eius. Quando manus eius in cophino seruebant, in luto & latere. Tunc in tribulatione inuocasti me, & liberaui te, dicit ad Israel dominus:

t q̄ exaudiui

*exaudiui te in abscondito tempestatu, te exaudiui.
 & inimicos tuos mersi, Probauit te in aqua contra-
 dictionis, in murmure pessimo, in quo & Moyses
 seruus irreprehensibilis uisus est offendisse. Audi
 nunc populus meus, Et loquar Israel, & testifica-
 bor tibi, me quem crucifigis ego sum deus. Et qui
 deus? Ipse qui te eduxi de terra Aegypti. Dilata os
 tuum, & ego adimplebo illud. Quid est quod tan-
 toperere iubes, ut dilatet os suum populus criminor-
 sus atque incredulus, qui crucifixit dominum? Dil-
 lata, inquit, os tuum, et ego adimplebo illud. O piis-
 simus saluator, & humani generis euidentissimus
 reparator, Dilata os tuum, et ego adimplebo illud.
 Si uultis euadere mortem quam incurristis, bibite
 sanguinem quem sudistis. Sed quid sequitur? Non
 audiuit populus uocem meam, & Israel non inten-
 dit mihi. Et ideo dimisi eos secundum desideria cor-
 dis eorum, & abierunt in adinventionibus suis. Ad
 populum hunc ego ueni, ad hunc populum, & an-
 tequam uenirem prophetas misi. Ad hunc solum
 populum apostolos antequam paterer destinavi,
 qui me penitus audire contempsit. Si enim me au-
 disse, aut si in uis meis ambulasset, ad nihilum ini-
 micos eorum humiliasset, & super tribulantes eos
 misissem manum meam. Sed principes sacerdotum,
 & scribae & pharisaei, qui erant inimici domini Iesu
 Christi*

Christi, ipsi mentiti sunt populo dicentes: Non est à deo. Illi autem miseri contra salutem suam illis mentientibus crediderunt. Et cum qui eos liberare uenerat negauerunt, erit tamen tempus eorum in eternū. Cum enim plenitudo gentium introierit, tunc omnis Israel saluus fiet, tunc cibabuntur et ipsi ex adipe frumenti, & de petra melle saturabuntur credentes, ex quo ceciderunt inuidentes. Potens est enim dominus iterum inserere illos. Nos autem in fide eius stemus, ut ad nihilum inimicos nostros redigat. Et super tribulantes nos, siue spirituales hostes, siue carnales, mittat manum suam, per Christum dominum nostrum, qui regnat cum patre & spiritu sancto per omnia secula seculorum: Amen.

Psalmus Asaph,

LXXXI.

Deus stetit in Synagoga decorum, in medio autem deos dijudicat. Usque quo iudicatis iniquitatem, & facies peccatorum sumitis. Iudicate egeno & pupillo, humilem & pauperem iustificat. Eripite pauperem & egenum de manu peccatoris liberate. Nescierunt neque intellexerunt, in tenebris ambulant, mouebuntur omnia fundamenta terre. Ego dixi dij estis, & filij excelsi omnes. Vos autem sicut homines moriemini, & sicut unus de principibus cadetis. Sur-

ge deus iudica terram, quoniam tu hereditabis in omnibus gentibus.

COMMENTARIUM

OMne quod honorifico nomine generaliter nuncupari potest, hoc speciale dei est, per naturam incomprehensibilis maiestatis eius, quæ est deus, & dicitur tamen homini, dedi te deum. Pharaonis: dicitur & dominus homo, cum deus solus sit dominus, dicitur sanctus homo, cum deus solus sit sanctus, dicitur bonus homo, cum nemo bonus sit, nisi deus solus. Et hoc est deo simile in hominibus, quod ea quæ deus naturaliter possidet, homo per imaginem suscipit, tanto plus similiturus, quanto fuerit amplius suis moribus eius similitudinem imitatus. Vnde & in presenti psalmo deus ipse loquitur his quibus iudicandi tribuit potestatem: Ego, inquit, dixi dii estis, & filij excelsi omnes. Vos autem sicut homines moriemini, et sicut unus de principibus cadetis. Vnus de principibus, id est, diabolus & Iudas traditor, et Saul et Hieroboam, aut unus ex hijs, qui principatum tenuerunt. Sic & uos es detis, quia iudicatis iniquitatem. Et facies peccatorum sumitis, non iudicatis pupillo & egeno, humilē & pauperem non iustificastis, non eripuistis pauperem & egenum, nec de manu peccatorum liberastis. Et licet generaliter dicta sint ista de iudicibus

iudicibus & pauperibus, tamē Phariseis, unā cum principibus sacerdotum prophetia carminis sonat. Nescierūt enim neq; intellexerunt, quia dictum est illis: Nisi credideritis non intelligetis. Illi si credidissent, intelligerent suum esse dominum quem negabāt, et diligentem se odio persecuebātur iniquo. Esto secundum incredulitatem uestram non erat dominus, frater tamen erat Hebræus ex Hebræis, & parentes, fratres dicebatis apud uos esse. Dicite ergo quæ fuerit causa odij: Quare, inquiūt, infirmos curat in sabbatis? Et hoc meretur medicus odium pro salute fratrum incurrere, et pro charitate sua, uestra execrabilitate uexari. Verum quoniam qui odit fratrem suum in tenebris ambulat, atq; mouebuntur omnia fundamenta terre, cum exurget deus, ut iudicet terram, recedamus ab odio fratrum. Quia qui odit fratrem suum, nescit quo eat, quia circumdant eum tenebre. Agamus ergo sollicite de fine psalmi, ut cum surrexerit dominus iudicare terram, & nos in hereditate capiat, in omnibus gētibus, qui regnat in secula seculorum Amen.

D Canticum psalmi Asaph. LXXXII.
 Deus quis similis erit tibi, ne taceas, neq; compeascaris deus. Quoniam ecce inimici tui sonuerunt, & qui oderunt te extulerūt caput. Super populum tuum malignauerunt consilium, et cogitauerunt

gitauerunt aduersus sanctos tuos. Dixerunt uer-
 nite & disperdamus eos de gente, & non memore-
 tur nomen Israel ultra. Quoniam cogitauerunt
 unanimiter simul aduersum te, testamentum dispor-
 fuerunt tabernacula Idumeorum & Ismabelite.
 Moab & Agareni, Gebal & Ammon & Amalech
 alienigenæ cum habitantibus Tyrum. Etenim As-
 sur uenit cum illis, facti sunt in adiutorium filijs
 Loth. Fac illis sicut Madian et Sifara, sicut labin
 in torrente Cyson. Disperierunt in Endor, facti
 sunt ut stercus terræ. Pone principes eorum si-
 cut Oreb & Zeb & Zebeæ & Salmana. Om-
 nes principes eorum qui dixerunt hereditate pos-
 sideamus sanctuarium dei. Deus meus pone illos
 ut rotam, & sicut stipulam ante faciem uenti.
 Sicut ignis qui comburit siluam, sicut flamma com-
 burens montes. Ita persequeris illos in temper-
 state tua, & in ira tua turbabis eos. Imple facies
 eorum ignominia, & quærent nomen tuum domi-
 ne. Erubescant & conturbentur in seculum se-
 culi, & confundantur & pereant. Et cognoscant
 quia nomen tibi dominus, tu solus altissimus super
 omnem terram.

COMMENTARIUM

Octogésimus secundus psalmus habet quir-
 dem nomina gentium aduersus Israelitas de-
 micantium

micantium, contra quas exoratur altissimus deus, solus qui est super omnem terram dominus. Dicit autem contra Hebræos has gentes insurrexisse, Moab ex Loth, Amelech ex Cham. Hi erant in tabernaculis Idumææ, & cum his associati sunt Ismaelitæ. Hi conabantur tenere sanctuarium dei captiuum. Contra hos ut non silcat, neq; compefcatur dominus, exoratur. Ideo autem in capite habet, Deus quis similis tibi. Et in finem, Tu solus altissimus super omnem terram. Quoniam in dijs suis confidentes aduersum nos excitantur, qui te habemus deum, qui similem non habes. Tu enim solus es altissimus super omnem terram. Nos autem, quia istæ omnes gentes ab Apostolis occupatæ in Christi hereditate titulatæ sunt: si hos factos ciues sanctorum per gratiam credimus, & domesticos dei, non de his dicamus: Inimici tui domine sonauerunt, sed de dæmonijs, quorum consilijs totus mundus, & carnaliter concutitur, et spiritaliter fatigatur. Tamen non uinceremur carnaliter ab hostibus uisibilibus, si nos inuisibiles spiritaliter uinceremus. Nemo enim intrat in domum fortis, et uasa eripit, nisi fortem ligauerit. Fortes ergo spiritaliter homines sunt, quorum uasa carnes sunt exteriores, homines sunt, cum illis interioribus agent dæmonia bellum. Quos cum uicerint, & occupauerint uasa eor

rum, id est, corpora eorum, quæ pro armis bellicis tractabant aduersus inimicos : his occupatis, illi excitant gentes, quia illos qui contra eos spiritaliter pugnare consueuerant, & armis orationum, & puræ conscientie uincere, sciunt se penitus non habere. Da enim unum spiritalem, qui istum psalmum contra centum milia gentes, præsumens de conscientia, proferat, & uides protinus euenire uictoriam. Verum quia cum his nobis adhuc congressio est quos spiritaliter conamur uincere : quia eos nondum uicimus, etiam si nos uicisse putemus : quia si uicissemus spiritaliter, ut dixi, nequaquam carnaliter uinceremur : agamus ergo, ut quia terrene nobis superantur & occupantur pro uincie, spiritales nobis patrie non negentur, ut uel in fine uite nostre in bono studio inueniamur, quia cogitant aduersum nos, dicentes: Disperdamus eos ex gente, ut non memoretur deus nomen eorum amplius. Sciunt enim demones, quia si peccamus, sic erimus deo execrabiles, sicut & ipsi sunt. Rogemus dominum, ut sicut ignis comburit siluas, & ut flamma comburens montes, ita persequatur eos in tempestate sua. Quia dicunt, inquit, hereditate possideamus sanctuarium dei. Sanctuarium dei est, ubi mysteriorum sunt reposita sacramenta, ibi caro cœlestis, ibi sanguis diuinus, ibi charismatis uirtus, ibi fons perennis

rennis est, & lex diuina, ibi sunt omnia ista intus in nobis, qui per fidem sanctuaria dei facti sumus. Ergo excitemus in zelum dominum, dicentes ei: Domine quos tuo sanguine redemisti, quos tu sanctuarium dignatus es facere, inuaduntur ab his, qui aduersum testamentum tuum disposuerunt: Imple facies eorum ignominia, ut confundantur et pereant in eternum. Dum enim illi perierint qui impediunt cognoscere dominum, tunc cognoscet omnis gens, quia tu solus es altissimus super omnem terram, sicut deiectis deniq; ubiq; templis & idolis in ecclesia dominus regnat super omnem terram corporis nostri, regnat dominus Iesus Christus, qui est cum patre & spiritu sancto unus deus & solus altissimus per omnia secula seculorum Amen.

In finē p torcularib. filijs Chore psal. LXXXIII

Quā dilecta tabernacula tua domine uirtutū concupiscit et deficit anima mea in atria domini. Cor meum & caro mea exultauerunt in deum uiuum. Etenim passer inuenit sibi domum, & turtur nidum ubi reponat pullos suos. Altaria tua domine uirtutum, rex meus et deus meus. Beati qui habitant in domo tua domine, in secula seculorum laudabunt te. Beatus uir cuius est auxilium abs te, ascensiones in corde suo disposuit in ualle lacrymarum in loco quem posuit. Etenim benedictionem

tionem dabit legislator, ibunt de uirtute in uirtutem, uidebitur deus deorum in Sion. Domine deus uirtutum exaudi orationem meam, auribus percipe deus Iacob. Protector noster aspice deus, & respice in faciem Christi tui. Quia melior est dies una in atrijs tuis super milia. Elegi abiectus esse in domo dei mei, magis quàm habitare in tabernaculis peccatorum. Quia misericordiam & ueritatem diligit deus, gratiam & gloriam dabit dominus. Non priuabit bonis eos, qui ambulant in innocentia, domine uirtutum beatus homo qui sperat in te.

COMMENTARIUM

CUM in octogesimo secundo psalmo confusi fuerint & perierint, qui occupare uolentes sanctuarium dei, dabant fastidium castitatis, & legendi, & psallendi pariter, ac de bonis rebus cogitandi impedimenta gignebant, Regnante in nobis domino nos, qui eramus filij Chore prauaricatoris, hoc malo patre à terra deuorato, dei filij efficimur. Et qui ante ignem alienum à deo bibimus, & auaricie ferre cogitabamus, nunc igne amoris diuini succensi dicimus: *Quam amabilia, quam dilecta, quamq; pulchra tabernacula tua, in quibus habitas domine deus uirtutum. Quae sunt ipsa tabernacula, de quibus dicit? Quia concupiscit & defecit*

& defecit anima mea in atrijs eius, in quibus et cor
 eius & caro exultat noui huius amatoris, in qui-
 bus, inquit, passer Christus inuenit sibi domum, luli-
 bi & turtur nidum, id est, ecclesia, ubi congreget
 pullos suos. Vbi sunt, inquit, altaria tua domine uir-
 tutum, id est, mysteria tua, rex meus & deus meus.
 Beati qui ad ea pertingunt, quia in æternum lau-
 dabunt te. Ibi enim auxilium habentes tuum, ascen-
 siones ponunt in corde suo, non in conuiujs riden-
 tium, sed in conualle lachrymarum. Ibi enim benedi-
 ctionem accipiunt à te, à quo legem susceperunt,
 & uident in his deum deorum in Sion, id est, in ec-
 clesia tua, in qua domine deus uirtutum exaudies
 preces, non uitiorum deus: ille amet me, illud acqui-
 ram, illud habeam, has uitiorum preces dedignat-
 ur dominus uirtutum. Et quid amplectitur? Da
 mihi castitatem, sapientiam, contemptum mundi,
 patientiam, charitatem, bonam suspicionem in pro-
 ximo. si ista uirtutum genera sunt, & deus uirtu-
 tum est quem oramus, his utiq; rebus annuit, qui-
 bus nos suæ faciet naturæ consortes. Cum respicit
 in faciem Christi sui, & hominem uide rit sedentem
 ad dexteram suam, per quem melior dies una, quia
 æterna erit, & noctem non habebit, in leticia erit
 credentium, melior erit hæc dies una in regno eius
 super milia annorum, quæ sunt in terra cōsumpta.

Qui hæc autem credit, plus elegit abiectus esse in conuersatione credentium. Quia domus dei non cemento constat & calce, sed in homine credente, & eius precepta seruante. Inter nos ergo melius est mihi pro abiecto haberi, quam si pro rege habe ar in tabernaculis peccatorum, ubi misericordiam & ueritatem diligit dominus, & post misericordiam uiderit et ueritatem custoditam ab eo, cui eam dedit dominus. Post hæc gratiam et gloriam dabit, ita ut sine successione eas possideat. Non enim priuabit bonis eos, qui ambulauerint in innocētia. Ad hæc dicamus omnes: Domine deus uirtutum, beatus uir qui sperat in te. Vir cum dixeris, non sexum disceruisisti, sed mentem, Fœmina enim uirum aget uirtutum. Amat rex quæ iure uir dicitur, cum uitia quæ fœminam etiam uirum faciunt, animi sui credulitate prostrauerit per gratiam domini nostri Iesu Christi, qui regnat cum patre, & spiritu sancto in secula seculorum Amen.

In finem filijs Chore LXXXIII.

Benedixisti domine terram tuam, auertisti captiuitatem Iacob. Remisisti iniquitatem plebis tuæ, operuisti omnia peccata eorum, Mitigasti omnem iram tuam, auertisti ab ira indignationis tuæ. Conuerte nos deus salutaris noster, & auerte iram tuam à nobis. Nunquid in æter-

num irascaris nobis, aut extendes iram tuam à generatione in generationem. Deus tu conuersus uiuificabis nos, & plebs tua letabitur in te. Ostende nobis domine misericordiam tuam, & salutare tuum da nobis. Audiam quid loquatur in me dominus deus, quoniam loquetur pacem in plebem suam. Et super sanctos suos, & in eos qui conuertuntur ad cor. Veruntamen prope timentes eum salutare ipsius, ut inhabitet gloria in terra nostra. Misericordia & ueritas obuiauerunt sibi, iusticia & pax osculate sunt. Veritas de terra orta est, & iusticia de caelo prospexit. Etenim dominus dabit benignitatem, & terra nostra dabit fructum suum. Iusticia ante eum ambulabit, & ponet in uia gressus suos.

COMMENTARIUM

Octogesimus quartus psalmus nihilominus Chore filijs applicatur. Chore si lii sunt, quibus pater ignem alienum in altare uolens ponere tollitur, & pater Christus per gratiam condonatur. Sicut enim illius ignis libido est contra deum & contra Moysen, id est, contra legem uadens: ita huius ignis, corda credentium in amplexu misericordiae & ueritatis excitat, ita ut iustitia & pax osculentur se. Quando autem ista gesta sint, si requiris aesculta.

Quando benedixit dominus terram suam aduentu suo, tunc auertit captiuitatem Iacob. Tunc remisit impietatem plebis suæ, mitigauit omnem iram suam, & auertit à nobis iram indignationis suæ. Ostendens nobis misericordiam suam, & salutare suum in Christo dans nobis. Audiamus quid loquatur, qui uenit & benedixit terram suam: Pacem meam, inquit, do uobis. Ecce sic loquitur pacem in plebem suam. Primo super sanctos, id est, super Apostolos. Post hæc super eos, qui per Apostolos conuertuntur ad eum. Prope est enim timentibus deum salutare ipsius, si inhabitauerit gloria, id est, spiritus sanctus in terra nostra, id est, in corporibus nostris, quo habitante, misericordia & ueritas occurrunt sibi in nobis charis amplexibus. Iusticia uero & pax osculantur se. Quia ueritas qui est Christus, de terra, id est, de Maria orta est, & ita iusto hoc iudicio factum est, quod cum fieret docebamur, quod iusticia de cælo prospexit. Cum dominus daret hanc benedictionem Mariæ, In qua quasi terra nostra, ex nostra utiq; materia, daret fructum suum. Suum utiq; hominem perfectum, ex semine David secundum carnem, ante quem iusticia ambulauit in Ioanne baptista, ut ita poneret in uia gressus suos, ut ipse esset uox Esaiæ uaticinatione promissa, quæ clamaret in deserto huius seculi: Parate uias domini

ni, rectas facite semitas dei nostri. Nam & Zacharias sic dicit Ioanni. Tu quidem puer propheta altissimi uocaberis. Præibis enim ante faciē domini, parare uias eius. In ipso ergo iusticia ante eum ambulauit, ut ipsa iusticia, per Christum poneret iniuriā qua iretur ad caelos gressus suos, ut sequamur uestigia eius, qui peccatum non fecit, nec inuentus est dolus in ore eius, ipsi gloria in secula seculorum Amen.

Oratio Dauid

LXXXV.

Inclina domine aurem tuam & exaudi me, quoniam inops & pauper sum ego. Custodi animam meam, quoniam sanctus sum, saluum fac seruum tuum deus meus sperantem in te. Misere mei domine, quoniam ad te clamaui tota die, letifica animam serui tui, quoniā ad te domine animam meam leuauit. Quoniam tu domine suavis & mitis, & multa misericordiae omnibus innocantibus te. Auribus percipe domine orationem meam, & intende uoci deprecationis meae. In die tribulationis meae clamaui ad te, quia exaudisti me. Non est similis tui in dijs domine, & non est secundum opera tua. Omnes gentes quascunq; fecisti uenient & adorabunt coram te domine, & glorificabunt nomen tuum. Quoniam magnus es tu & faciens mirabilia, tu es deus solus. Deduc me

u 5 domine

domine in uia tua & ingrediar in ueritate tua, letetur cor meum ut timeat nomen tuum. Confitebor tibi domine deus meus, in toto corde meo, & glorificabo nomen tuum in æternum. Quia misericordia tua magna est super me, & eruisi animam meam ex inferno inferiori. Deus iniqui insurrexerunt super me, & synagoga potētium que sicerunt animam meam, & non proposuerunt te in conspectu suo. Et tu domine deus miserator & misericors, patiens & multæ misericordie & uerax. Respice in me, & miserere mei, da imperium tuum puero tuo, & saluum fac filium ancillæ tuæ.

Fac mecum signum in bono ut uideant qui oderunt me, & confundantur, quoniam tu domine adiuuisti & consolatus es me.

COMMENTARIUM

DVm in octogesimo secūdo aieret: Deus quis similis tibi. Nunc in octogesimo quinto dicit: Non est similis tui in dijs domine. Quod si interrogauerat quasi ignarus, edocuit. Ibi contra omnes gentes: Hic omnes gentes, inquit, quas fecisti, non uenient & bellabunt, ait, sicut ibi dixerat: Sed uenient, inquit, & adorabunt coram te domine. Vnde ista tibi præsumptio? Si inclinaueris, inquit, aurē tuam, & audieris me, & custodieris me, quia sanctus sum, id est, quia sanctificatus sum, & latifircaueris

erueris me, quia seruus tuus sum, & in die tribulationis mee clamantem me ad te exaudieris, & deduxeris me in uia tua, & ambulauero in ueritate tua, & liberaueris animam meam ex inferno inferiori, & hos iniustos spiritus immundos, qui insurrexerunt in me confuderis, tunc letabitur cor meum de uictoria, & timebit nomen tuum de pugna. In prelio enim hoc unum & solum solatium habui, quod te dominum meum me timere gloriabar: cum his qui insurrexerunt in me, non proponerent te ante oculos suos. Verum quia misericors & miserator es, & contemptores tuos non occides, sicut in illis misericors es, in me uerax esto, & da potestatem tuam puero tuo Iesu Christo, & saluum fac filium ancille tue Mariæ. Illo enim exurgente à mortuis & ascendente in caelum, nos Apostoli & discipuli eius habebimus signum crucis eius in bono cum uniuersis qui credimus, ita ut uideant in frontibus nostris signum tuum, & confundantur, siue uisibiles, siue inuisibiles inimici. In ipso enim signo adiuuas, & in ipso consolaris nos, qui regnas in secula seculorum Amen.

Psalmus cantici filijs Chore LXXXVI.

Fundamenta eius in montibus sanctis, diligit dominus portas Sion super omnia tabernacula Iacob. Gloriosa dicta sunt de te ciuitas

dei. Memor ero Raab & Babylonis, scientibus me. Ecce alienigenæ & Tyrus & populus Aethiopum, hij fuerunt illis. Nunquid Sion dicet homo, & homo natus est in ea, & ipse fūdavit eam altissimus. Dominus narravit in scripturis populorum, & principum horum qui fuerunt in ea. Sicut letantium omnium habitatio in te.

COMMENTARIUM

OMnes penè psalmi qui in filijs Chore titulantur, leticia pleni sunt. Non enim secuti iniquitatem patris, alienum à deo ignem libidinosum assumunt, sed hoc amantes quod diligit dominus, de ciuitate gloriosa loquuntur. Quod tamen principium dederit psalmo octogesimo sexto prophetiæ spiritus, requiramus. Fundamenta eius. Adhuc non dixisti cuius, & dicis iam eius? Vnde apparet deum tibi ostendisse ciuitatem, cuius te positio, dum cantares domino, appellauit, & dans tuæ cogitationi responsum, subite exclamasti: Fundamenta illius ciuitatis quam cogito, cuius portas diligit dominus super omnia tabernacula Iacob, de qua gloriosa dicta sunt à prophetis. Fundamenta eius in montibus sanctis, ibi sunt fundamenta ciuitatis, quos Christus montes excelsos fecit, quorum uertices cælum pulsant, in quibus transfigurantur in splendore, in quibus apparent cum eo Moyses & Helyas

Helyas, in quibus lex & prophetia cum Christo concordant, in quibus apertis caelis, clamat pater de Christo suo: Hic est, in quo mihi bene cōplacui, ipsum audite. In ipsis montibus fundamenta sunt ecclesie collocata. Fundamentum autem ibi nemo potest ponere, præter id quod positum est. Saxum enim positū est solidum. Et si quis præter hoc quod positum est posuerit, in arenam posuit. Sed forte dicis, cum unum fundamentum memoret Apostolus, quomodo hic plura memoras fundamenta? Ad hoc illud respice, Si regem dixeris Christum solum, dicitur tibi, rex regum est, Si dominum, respondebitur tibi, dominus dominantium est. Si sanctum, sanctus sanctorum est, Sic & si solum fundamentum memores, fundamentum fundamentorum negare non poteris. Vnde idem Apostolus super edificari credentes Christo desiderat & exoptat, super fundamentum Apostolorum & prophetarum. In hac ergo ciuitate memorabo Raab, excipientem nuncios, & Babylonem ducentem captiuos, gentium scilicet plebes sordidas in fornicatione, sicut Raab, & superbas in uirtute sicut Babylon. Has dico, inquit, in ista ciuitate uenturas, ut sciant te. Ibi enim & alienigenæ, ibi Tyrij, ibi etiam populus Aethiopum clamabunt de Apostolis, dicentes, Audiuius eos unusquisq; linguis nostris loquentes magnalia

dei. Ibi cognouimus matrem Sion dicentem, quod homo & homo natus sit in ea, in Sion prouincia matrem ciuium Hebræorum dicentem: Cognouimus nos gentes, quod homo Adam primus factus sit ex terra in animam uiuentem, nunc alius homo nouissimus Adam natus sit ex uirgine, in spiritu uiuificante: Primus homo generat filios qui possideant terram, secundus homo generat qui possideant cælos. Ecce homo & homo, hoc uos gentes unde nostis? In Sion, id est, in ciuitate, cuius fundamenta in montibus sanctis sunt. Ibi nobis dictum est: Dominus hoc narrauit in scripturis populorum & principum, qui fuerunt in ea, & hoc didicimus quod in habitatione eius nullus erit tribulans, nullus suspirans, nullus flens, nullus afflictus, sed letantium erit omnium habitatio in ea. Quorum leticia, quia uerbis exprimi non potuit, comparatione distincta est, ut quanta potest omnium nostrorum, qui in seculo sumus leticia in unam summam colligi, tanta in uno ei habitatore fundatur, per eum qui fundauit eam altissimus, regnans cum filio patre & spiritu sancto, per æterna secula seculorum Amen.

Canticum psalmi filij Chore in firmam pro Amalech, ad respondendum intellectus Heman Izraite.

LXXXVII.

Dominic

Domine deus salutis mee, in die clamaui & nocte coram te. Intret in conspectu tuo oratio mea, inclina aurem tuam ad precem meam.

Quia repleta est malis anima mea, & uita mea in ferno appropinquauit. Aestimatus sum cum descendentibus in lacum, factus sum sicut homo sine adiutorio inter mortuos liber. . Sicut uulnerati dormientes in sepulchris, quorum non es memor amplius, & ipsi de manu tua repulsi sunt. Posuerunt me in lacu inferiori, in tenebrosis, et in umbra mortis. Super me confirmatus est furor tuus, & omnes fluctus tuos reduxisti super me. Longe fecisti notos meos à me, posuerunt me abominationem sibi. Traditus sum & non egrediebar, oculi mei languerunt præ inopia. Clamaui ad te domine, tota die expandi ad te manus meas. Nunquid mortuis facies mirabilia, aut medici suscitabunt & confitebuntur tibi. Nunquid narabit aliquis in sepulchro misericordiam tuam, & ueritatem tuam in perditione. Nunquid cognoscuntur in tenebris mirabilia tua, & iusticia tua in terra obliuionis. Et ego ad te domine clamaui, & mane oratio mea præueniet te. Ut quid domine repellis orationem meam, auertis faciem tuam à me. Pauper sum ego & in laboribus à iuuentute mea, exaltatus autem humiliatus sum

& contur

Conturbatus. In me transferunt iræ tuæ, & terrores tui conturbauerunt me. Circumdederunt me sicut aqua, tota die circumdederunt me simul. Elongasti à me amicum & proximum, & notos meos à miseria.

COMMENTARIUM

IN huius psalmi titulo nominantur quidem filij Chore, sed psalmus canticum suum pro Malech dirigit, & dat intellectum Eman Israelitæ. Malech, id est, destitutum uocant, Eman inopem. Ergo ad destitutum & pauperem sermo est. Credo ad illum destitutū, quem relinquentes discipuli solum in manibus, fugierunt. Ad quem autem pauperem, nisi ad eum, de quo Apostolus memorat: Quia cum diues esset, pauper pro nobis factus est, ita ut oculi eius infirmati sint præ inopia. Pauper, non habens diuitias immortalitatis in passione. Cuius oculi præ ipsa infirmitate in morte clausi sunt. In qua dicit, medici suscitare non possunt, in qua dicit positū se in lacu inferiori, in tenebris & in umbra mortis. Tempore quo posuerunt cum abominationem sibi, quo traditus est Iuda: Tūc inquit, quando traditus sum et non egrediebar, Calicem non exiebam passionis, de manibus ligantium me. Tūc oculi mei infirmati sunt præ inopia. Nō enim utebar salutem deitatis, sed patiebar infirmitatem humanitatis de
sumpta

sumpte. Audiamus ergo quid ipse homo assumptus loquatur: Fecisti nasci ex uirgine, ut narrantes mirabilia tua, credant homines, & ab incredulitate fugientes, ad uitam adtingant. Ambulare fecisti super aquora tumentia siccis pedibus, imperare uentis, cæcis lumen reddere, in firmantibus salutem, mortuis uitam quam amiserant reuocare. Quid modo ad mortem me ire permittis? Nunquid narrabunt in sepulchris misericordiam tuam, aut in perditione positi, agnoscunt ueritatem tuam, aut cognoscunt iustitiam tuam reducti in terram obliuionis? Hæc sunt quæ clamaui ad te in oratione mea, dum dicerem: Si fieri potes transeat à me calix passionis. Verum quia non potest transire nisi bibam illum, fiat uoluntas tua, exalter in cruce, humiliet in conspectu iudicis, et uidear confusus in mortem, & hoc modo sim exaltatus, & humiliatus, & confusus. Verum quia inter mortuos liber sum, mane oratio mea preueniet te, et uidebunt resurgentem, quem uiderant tota die expandisse in cruce manus suas. Et post hæc in sepulchro positum, à quo longatus est omnis amicus, & omnis proximus, pro ipsa miseria passionis. Intrat enim oratio eius in conspectu dei. Et inclinauit aurem suam ad precem eius, & uita eius quæ in infernũ appropinquauit, exurgat à mortuis. Dum enim mane factum fuerit, statim

tim oratio eius præueniet, promissionem resurrectionis perficiens, ut non solum se uiuentem exhibeat, sed & in cœlis ascendentem ostendat. Cui gloria in secula seculorum Amen.

Intellectus Ethan Ezraitæ LXXXVIII.

Misericordias domini in æternum cantabo. In generatione & generationem, annuntiabo ueritatem tuam in ore meo. Quoniam dixisti in æternum misericordia edificabitur in cœlis, præparabitur ueritas tua in eis. Disposui testamentum electis meis, iuravi Dauid seruo meo usque in æternum præparabo semen tuum. Et edificabo in generatione & generationem sedem tuam. Confitebuntur cœli mirabilia tua domine, etenim ueritatem tuam in ecclesia sanctorum. Quoniam quis in nubibus æquabitur domino, similis erit domino in filiis dei. Deus qui glorificatur in consilio sanctorum, magnus & terribilis super omnes qui in circuitu eius sunt. Domine deus uirtutum quis similis tibi, potens es domine, & ueritas tua in circuitu tuo. Tu dominaris potestati maris, motum autem fluctuum eius tu mitigas. Tu humiliasti sicut uulneratum superbum, in brachio uirtutis tuæ dispersisti inimicos tuos. Tui sunt cæli, & tua est terra, orbem terre & plenitudinem eius tu fundasti, Aquilonem & mare tu creasti. Thabor

bor & Hermon in nomine tuo exultabunt, tuum
brachium cum potentia. Firmetur manus tua &
exaltetur dextera tua, iusticia & iudicium prepa-
ratio sedis tue. Misericordia & ueritas prece-
dent faciem tuam, beatus populus qui scit iubilatio-
nem. Domine in lumine uultus tui ambulabunt,
& in iusticia tua exultabunt tota die, & in nomi-
ne tuo exaltabuntur. Quoniam gloria uirtutis
eorum tu es, & in beneplacito tuo exaltabitur cor-
nu nostrum. Quia domini est assumptio nostra,
& sancti Israel regis nostri. Tunc locutus es in
uisione sanctis tuis, & dixisti posui adiutorium in
potente, & exaltaui electum de plebe mea. In-
ueni David seruum meum, oleo sancto meo unxi-
tum. Manus enim mea auxiliabitur ei, & bra-
chium meum confortabit eum. Nihil proficiet
inimicus in eo, & filius iniquitatis non apponet no-
cere ei. Et concidam à facie ipsius inimicos eius,
et odientes eum in fugam conuertam. Et ueritas
mea & misericordia mea cū ipso, & in nomine meo
exaltabitur cornu eius. Et ponā in mari manum
eius, et in fluminibus dexterā eius. Ipse inuocabit
me pater meus es tu, deus meus & susceptor salutis
meæ. Et ego primogenitum ponā illum, excelsum
pre regibus terræ. In æternum seruabo illi miseri-
cordiam meam, & testamentum meum fidele ipsi.

Et

Et ponam in seculum seculi semen eius, & thronum eius sicut dies cœli. Si autem dereliquerint filij eius testamentum meum, & in iudicijs meis non ambulauerint. Si iusticias meas prophanauerint, & mandata mea non custodierint. Visitabo in uirgâ iniquitates eorū, in uerberibus peccata eorum.

Misericordiam autem meam non dispergam ab eo, neq; nocebo in ueritate mea. Neq; propheta uerbo testamentum meum, & quæ procedunt de labijs meis non faciam irrita. Semel iuravi in sancto meo si David mentiar, semen eius in æternum manebit. Et thronus eius sicut sol in conspectu meo, & sicut luna perfecta in æternum, & testis in cœlo fidelis. Tu uero repulisti & despexisti, distulisti Christum tuum. Auertisti testamentum serui tui, prophanasti in terra sanctuarium eius. Destruxisti omnes sepes eius, posuisti firmamentum eius formidinem. Diripuerunt eum omnes trāscuntes uiam, factus est opprobrium uicinis suis. Exaltasti dexteram deprimentium eum, letificasti omnes inimicos eius. Auertisti adiutorium gladij eius, & non es auxiliatus ei in bello. Destruxisti eum ab emundatione, & sedem eius in terra collisisti. Minorasti dies temporis eius, perfudisti eum confusione. Vsq; quo domine auertis in finem, exardescet uelut ignis ira tua. Memo

rare quæ mea substantia, nunquid enim uane constituisti omnes filios hominum. Quis est homo qui uiuet, & non uidebit mortem, eruet animam suam de manu inferni. Vbi sunt misericordiæ tuæ antiquæ domine, sicut iurasti David in ueritate tua. Memor esto domine opprobrij seruatorum tuorum, quod continui in sinu meo multarum gentium. Quod exprobrauerunt inimici tui domine, quod exprobrauerunt commutationem Christi tui. Benedictus dominus in æternum fiat, fiat.

COMMENTARIUM

DE tempore illo, quo numeratus est populus huius psalmi historia declaratur. Mysterium uero psalmi, ad domini nostri passionem extenditur. Dicamus ergo prius historicum sensum, & de hoc ad sensum mysticum cōuertamur. Ethan Hebraei humiliatum uocant. Humiliatur ergo rex David per diminutionem populi. Totum de misericordijs domini excitat carmen. Se misericordias dicit domini æternas cantare, deum dicit dixisse, in æternum misericordiam ædificare: cælos dicit misericordias confiteri domini, dicit sibi seruo suo iurasse, & hanc ueritatem in cælis preparasse, quando disposuit testamentum electis, tunc iurasse David seruo suo. Quid autem iurasset inferius patet. Quod si etiam filij eius, inquit, reliquerint
x legem

*legem meam, uisitabo in uirga & in uerberibus peccata eorum, misericordiam uero meam non tol- lam ab eis, neq; nocebo ueritatē meam. Et adiecit: Semel iuravi in sancto meo, si David mētiar. Tu autē domine repulisti, & expulisti, & distulisti Chri- stum tuum, id est, David regem. Quia per occasio- nē unius facti eius, totus populus moritur. Et ideo ait: Nunquid in uanum cōstituisli filios hominum. Quis est homo qui uiuit, & non uidebit mortem? Aut quis eruit animam suam de manu inferi? Vbi sunt misericordiæ tuæ antiquæ domine, sicut iuras- sti David in ueritate tua? Sufficiat nobis historicus sermo, ascendamus ad mysticum. In Christo enim misericordia æterna ædificata est, non manusæta ædificatio, sed spiritu sancto composita. Cuius ue- ritas est ita in cœlis preparata, ut disposito testa- mento legis suæ iurasset David seruo suo, quod de fructu uentris eius poneret super sedem suam, cui nullus similis esset inter filios dei, ut est magnus & metuendus super omnes, qui in circuitu eius sunt. Omnes enim serui eius sunt. Signum autem dedit se ipsum esse dominus Iesus Christus, cum in nauipot- situs, ipse dominatus est super potestates maris, & motum fluctuum eius ipse mitigauit, & humiliavit sicut uulneratum superbum, ipsum diabolum, & in uirtute brachij sui dispersit omnes demones. Tunc
suos*

suos ostendit caelos, cum cæcis lumen caelorum daret. Suam ostendit terram, cum sepultos iuberet eam mortuos reddere. Se quoq; Aquilonē creasse ostendit, cum eius flatibus imperaret. Tabor & Hermon in eius nomine exultauerunt, cum uiderent habitatores horum montium Hierosolymis uicinarum, in firmos suos saluari, ab eo paralyticos curari, leprosos mundari, mortuos suscitari. Ipsi montes, id est Tabor & Hermon, in Iesu nomine exultabunt, dicentes ei: Tuum brachium, & tua potentia, quia firmatur manus tua, & exaltetur dextera tua super omnem egrotantium sanitatem. Nos exultamus, non solum te ista faciente, sed & discipulos tuos uidemus domine in lumine uultus tui ambulantes, quoniam gloria & uirtus eorum tu es. Tua est enim deus assumptio hominis, quod locutum te ac dixisse per os sanctorum, sacra testatur scriptura, delecturi electū de plebe dei, in quo gloriatur gloria manus tuæ, qui tibi deo diceret in ueritate: Pater meus es tu. De quo & tu diceres: Ego primogenitū ponā eū, ut in noīe eius omne genu flectatur caelestium, terrestrium, & infernorum, et omnis lingua cōfiteatur, Quia dominus Iesus in gloria est dei patris qui posuit in seculū seculi sedē eius, cui testamētum suū in eternū fideliter seruat. Cuius dies sicut dies caeli sunt re promittit. Hic tamen ꝑ peccatis nostris

ab inimicis suis tentus, prophanata est in terra sanctitas eius. Non permisit, nec in uno discipulo adiutorium gladij eius, sed clamat ei: Reconde gladium tuum in theca sua. Et cum posset ei exhibere plusquam duodecim legiones angelorum, noluit auxiliari ei in hoc bello, sed minoravit dies temporis eius, & perfudit eum tanta confusione, ut cum impijs deputatus in medio homicidarum crucis compelleretur subire patibulum. Non est hoc irascentis dei, sed miserentis. Quid tamen dicit quia patitur? quousque accenditur, uelut ignis ira tua. Memorare domine, quia ex uirgine me genuisti, et memor esto quae sit mea substantia. Quia cum omnes homines moriantur in peccatis suis, ita ut nullus sit qui uiuat, & non uideat mortem, & penè nullus sit, qui eruat animam suam de manu inferi (conclusa sunt enim omnia in incredulitate, ut omnibus misericordis) ueniant misericordiae tuae promissae domine, & memor esto Apostolos, quos continui in sinu meo, lucratores multarum gentium, quos exprobrauerunt inimici tui domine, quos exprobrauerunt ad commutationem Christi tui, alium Christum expectantes, istum qui passus est denegantes. Nos autem qui scimus iubilationem in lumine uultus eius ambulans. Et quem fleuimus patientem, gaudeamus à mortuis resurgentem, et adorantes eum,

dicamus ei : *Benedictus es domine in eternum fiat fiat Orantes ut in fine nostro confessio nobis ista proficiat, per ipsum dominum nostrum Iesum Christi, qui regnat cum patre, et spiritu sancto in secula seculi. Amē.* Oratio Moysi bovis dei LXXXIX

Domine refugium tu factus es nobis à generatione in generationem. Priusquam montes fierent aut formaretur terra et orbis à seculo et in seculum tu es deus, ne auertas hominem in humilitate, et dixisti convertimini filij hominum. Quoniam mille anni ante oculos tuos tanquam dies hesternae quae praeteriit. Et custodia in nocte, quae pro nihilo habentur eorum anni erunt. Mane sicut herba transeat, mane floreat et transeat, uespere decidat, induret et arescat. Quia defecimus in ira tua, et in furore tuo turbati sumus. Posuisti iniquitates nostras in conspectu tuo, seculum nostrum in illuminatione uultus tui. Quoniam omnes dies nostri defecerunt, et in ira tua defecimus.

Anni nostri sicut aranea meditabuntur, dies annorum nostrorum in ipsis septuaginta anni. Si autem in potentibus octoginta anni, et amplius eorum labor et dolor. Quoniam superuenit mansuetudo et corripiemur. Quis nouit potestatem ire tuae, et praetimore tuo iram tuam dinumerare, Dexteram tuam sic notam fac, et eruditos corde

in sapientia. Conuertere domine usq; quo, & dei precabilis esto super seruos tuos. Repleti sumus mane misericordia tua exultauimus, & delectati sumus in omnibus diebus nostris. Latati sumus pro diebus quibus nos humiliasti, annis quibus uidimus mala. Respice in seruos tuos, & in opera tua, & dirige filios eorum. Et sit splendor domini dei nostri super nos, & opera manuum nostrarum dirige super nos, & opus manuum nostrarum dirige.

COMMENTARIUM

Octogesi mus nonus psalmus canit dominum nostrum, qui refugium factus est nobis in Christo Iesu. Hunc esse qui fecit montes, & firmavit terram & orbem, à seculo, & in seculum, antequàm ista fierent, iam tunc regnasse. Interroges Dauid, & dicas ei: Vnde hoc nosti, quia deus tuus antequàm fieret terra, iam deus erat & regnabat? Respondebit tibi: Moyses ille magnus propheta, qui locutus est cum deo facie ad faciem, quasi loquatur cum amico suo: ipse ex ore dei didicit, & ipse nos docuit. Hec quare egimus? Quia legimus in titulo: Oratio hominis dei. Quæ ergo ab ipso didicerat, ipsius ei nomini consecrauit. Quæ autem causa in mysticum uadit? Quia preuidit inæthematicas esse hereses, dicturas filium dei, qui refugium

fugiam factus est nobis in Christo, non fuisse priusquam mundus fieret, & firmaretur terra & orbis. Contra hos ait: A seculo et in seculū tu es deus. Non auertas hominem in humilitatem, hoc est, in humilitate positum hominem non condemnas, quia dixisti: Convertimini filij hominum, hoc est, dixisti te superbis resistere, humilibus gratiam condonare. Ne auerferis hominē in humilitate positum, qui quasi herba oritur, et quasi flos, quod mane ortum, uespere arefcit. Cū apud te mille anni sic sint, sicut una dies, aut sicut custodia in nocte. Custodia in nocte quarta pars noctis est, quam sibi pastores diuidunt, ut ternis horis alijs custodientibus, alijs quiescentibus transeat. Quod autem memorat, quia defecimus in ira tua, hoc memorat, quod antecessor in psalmo cecinerat, Post populi numerum in ira tua defecimus, quia posuisti iniquitates nostras in conspectu tuo, & seculum nostrum in lumine uultus tui. Contra herbam & araneam, & contra flos foeni, domine qui semper misertus es hominibus, quid moueris? Tibi anni mille sic uidentur, sicut nobis nocturna uigilia. Nostri autē anni, qui sicut aranea meditatur, uix ut multiū octoginta anni sunt, et plus est in eis nobis labor et dolor. Quid tanta mansuetudo uenit super miseros. Quid tam grauius corripimur? Quis nō potestati ire tue?

Nunquid sciebam te irasci, si ego populum numerarem? Sufficeret, quia impeditum corde fecisti sapere. Conuertere domine aliquantulum, & esto desiderabilis super seruos tuos. Quotienscunq; transierunt à nobis tenebræ peccatorum per correctionem, quasi in mare positis misericordiam præbuisi, per quàm exultauimus & delectati sumus, in omnibus diebus, quibus nos humiliasti, & in annis quibus uidimus mala. Sic fac & modo, quia iam dexteram tuam notam fecisti, & erudisti nos, & fecisti sapere quod desipimus. Noli delectari in mortem nostram, qui dixisti peccantibus: Conuertimini filij hominum, quia non delectaris in perditione uiuorum. Respice obsecro in seruos tuos, & in opera manuum tuarum, quia sicut scriptum est: quia opera manuum tuarum nos omnes, quia patres indignatione tua correpti defecerunt. Dirigantur filij eorum per aduentum domini nostri Iesu Christi filij tui, ut sit splendor domini dei nostri super nos, per quæ opera manuum nostrarum. Per ipsum enim directus est omnis terror discipline, emendata lex, correctæ perversitas, æquitas adimpleta, ipsi gloria in secula seculorum Amen.

Q Laus cantici ipsi David XC.
 Vi habitat in adiutorio altissimi, in protectione

tione dei cœli commorabitur. Dicit domino sus-
 ceptor meus es tu, & refugium meum deus meus
 sperabo in eum. Quoniam ipse liberauit me de
 laqueo uenantium, & à uerbo aspero. Scapulis
 suis obumbrabit tibi, & sub pennis eius sperabis.
 Scuto circumdabit te ueritas eius, non timebis à ti-
 more nocturno. A sagitta uolante in die, à ne-
 gocio perambulante in tenebris, ab incurso & des-
 monio meridiano. Cadent à latere tuo mille &
 decem milia à dextris tuis, ad te autem non appro-
 pinquabit. Veruntamen oculis tuis considera-
 bis, & retributionem peccatorum uidebis. Quo-
 niam tu es domine spes mea, altissimum posuisti re-
 fugium tuum. Non accedet ad te malum, & fla-
 gellum non appropinquabit tabernaculo tuo.
 Quoniam angelis suis mādauit de te, ut custodiant
 te in omnibus uijs tuis. In manibus portabunt
 te, ne forte offendas ad lapidem pedem tuum. Su-
 per aspidem & basiliscum ambulabis, & concu-
 cabis leonem & draconem. Quoniam in me sper-
 rauit liberauo eum, protegā eum quoniam cogno-
 uit nomen meum. Clamauit ad me, & ego exau-
 diam eum, cum ipso sum in tribulatione, eripi-
 am eum & glorificabo eum. Longitudi-
 ne dierum replebo eum, & ostendam
 illi salutare meum.

COMMENTARIUM

Multi putant libertatem arbitrij eousq; sibi posse sufficere, ut sese per ipsam libertatem ab hostibus inuisibilibus eruere posse confidant. Libertatem autem arbitrij, & negare periculum est, & nudare peccatum. Si enim negaueris, omnibus frena laxasti: si nudaueris, decepisti. Nam negas si dixeris: Deus si uult bonus sum, Si non uult bonus non sum. Cum constet deum uelle omnes homines saluos fieri, & unusquisq; suo fit iniquus arbitrio. Nudas autem, cum tantum ipsi arbitrio dederis, ut cum rebus diuini adiutorij denudaris. Nam qui habitat in adiutorium altissimi, & qui in protectione dei caeli commoratur, & dicit domino: Susceptor meus es, & refugium meum, quia dicit sperabo in eum, quia ipse liberabit me de laqueo daemorum, et à uerbo aspero suggestionum eorū. Si ita dixeris, si ita credideris, tunc demum in scapulis suis obumbrabit te, & sub pennis eius sperabis. Pennae dei angeli eius sunt, quorum custodie mancipamur. Scuto circumdabit te ueritas eius. Scuto corporis, sanguinis, ebrismatis, quo scuto & defendimur & coronamur. Sic enim psalmus alius asserit, quod scuto bonae uoluntatis coronet nos. Hoc etiam in isto psalmo, ut non timeamus à timore nocturno. Libidine scilicet uoluptatis, cuius sagitta uolat per diem

diem. Quod enim in aspectu luminis concupiscitur, huius negociū in tenebris perpetratur, aut in ruina, aut in demonio meridiano perficitur. Sed si habitaueris in adiutorio altissimi, cadēt à latere tuo mille, & decem milia à dextris tuis. Sinistrū in eo, qui sub auxilio dei agit, nō nominatur, sed latus tantū exponitur cōtra quod mille insurgūt, à dextris autem decē milia. Latus hoc sinistrū quod noluit nominare, liberū arbitrium est, cōtra quod minor pugna laxatur: In dextera autem dei auxilium est. Et ideo prius nominauit latus, quia in arbitrio est, ut credas prius, ut dum credideris gratiam consequaris. Inuenies tam multiplicem uirtutū cuneū, auxiliōrum in dextera. Ipsa armat tropheo crucis frontē, ipsa lorica mysteriōrū assumit, ipsa suscipit salutis remedia, ipsa loquentis exprimit signa. Nam et quod memorat sapientia dei, quod uias que à dextris sunt nouit dominus, peruersę autē sunt à sinistris: hoc ostēdere fortasse uoluit, quod quādo uincimus, partis dextre uirtutibus tradimus: quando autē uincimur, sinistrę partis infirmitatibus applicamus. Auxilium non uincitur dei, sed nostri libertas arbitrij superatur. Qui si propēiores fuerimus in dextera, āgelis suis mādat de nobis, ut custodiāt nos in omnibus uijs nostris: ita ut si super Aspidem et Basilicū ambulemus, id est, sup diabolū et regnū eius

eius conculcare possimus & leonem & draconem.
 Hæc enim dicit dominus, quoniam in me sperauit &
 berabo eum, protegam eum, quoniam, cognouit no-
 men meum. Inuocauit me, ego exaudiam eum. Cum
 ipso sum in tribulatione, eripiam eum & glorifica-
 bo eum. Longitudine dierum adimplebo eum, &
 ostendam illi salutare meum. Ipsi gloria in secula
 seculorum Amen.

Psalmus cantici in die sabbati. XCI.

Bonum est confiteri domino, & psallere no-
 mini tuo altissime. Ad annuncian- dum ma-
 ne misericordiam tuam, & ueritatem tuam per no-
 stem. In decachordo psalterio, cum cantico in ci-
 thara. Quia delectasti me domine in factura tua,
 & in operibus manuum tuarum meditabor.

Quonia magnificata sunt opera tua domine, nimis
 profunde factæ sunt cogitationes tue. Vir in-
 sipientis non cognoscet, & stultus non intelliget hæc.

Cum exorti fuerint peccatores sicut scænum, &
 apparuerint omnes qui operantur iniquitatem.

Vt intereant in seculum seculi, tu autem altissimus
 in æternum domine. Quoniam ecce inimici tui
 domine, quoniam ecce inimici tui peribunt, & di-
 spergentur omnes qui operantur iniquitatem.

Et exaltabitur sicut unicornis cornu meum & se-
 nectus meus in misericordia uberi. Et despectus oca-
 let

lus meus inimicos meos, & ab insurgentibus in me
malignantibus audiet auris mea. Iustus ut pal-
ma florebit, sicut cedrus libani multiplicabitur.

Plātati in domo domini, in atrijs domus dei nostrī
florebunt. Adhuc multiplicabuntur in senectā
uberi, & bene patientes erunt ut annuncient.

Quoniam rectus dominus deus noster, & non est
iniquitas in eo.

COMMENTARIUM

Die sabbato inimici domini percunt, ut die do-
minica amici domini gratulentur. Sabbato
enim iacet dominus in sepulchro mortuus, & die
dominica adoratur inter angelos uiuus. In hac re
nimis profunde factæ sunt cogitationes eius, quas
uir insipiens non cognoscit, & stultus non intelli-
gūt ea. Nobis autem bonum est, si confiteamur pec-
cata nostra cotidie, & psallamus nomini eius altis-
simo, si annunciemus mane, à tenebris peccatorum
exuti, misericordiam eius, & dum uenerit nobis
nox questionum, nequaquam ad libitum, quæ ne-
scimus, usurpando loquamur. De deo enim loqui
etiam uera, quia periculosum est timeamus. Ea ergo
quæ lucida sunt in scripturis sanctis, præiudicium
ab obscuris locis pati non debent, utpote proferat
mus aliquid breuiter, ex quo uniuersa noscantur.
Habet in lucido positum, non esse personarum ac-
ceptio nem

ceptionē apud deum, hoc Petrus, hoc Paulus, hoc omnes euangelistę testantur. Quod si non dicerēt, tam lucida definitio est, ut illis eam tacentibus crederemus. Quid nunc? Contra hanc in obscuro nascitur questio. Iacob dilexi, Esau autem odio habui. Et cui uult miseretur, & quem uult indurat, et multa similia. In his positus in nocte deuenisti. Non potes luci diei noctis huius caliginem tradere, & dici medio uim tenebrarum inferre. Si est tibi sermo, annuncia ueritatem in nocte, sin alijs, sit digitus tuus super os tuum. Si enim mille tales questiones inuenias, nūquam probabis domini per electionem personę unum uelle, recusare alium. Aliud est, si doceas Esau bonū fuisse in operibus suis, & inique odio habitum. Aut Iacob malorum operum reum iniuste delectum. Sed rumpamus moras alieni operis, et in decem chordarum psalterio delectet nos dominus in factura sua, & in operibus manuum eius, quas expandit in cruce, in his inquam operibus exultemus. Ibi enim magnificata sunt opera eius, que uir insipiens non cognouit. Populus incredulus Iudeorum, qui sicut scœuum exorti, paraucrunt operantes iniquitatem, ut intirent in seculum seculi. Atq; domino in æternum manente, hij peribunt & dispergentur super uniuersam faciem terre omnes Iudei operantes iniquitatem. Christus autem ut
 palma

palma floret, plantatus in domum suam, in atrijs domus dei nostri florebit, & multiplicabitur in senecta uberi. Hic senecta non ipsius, sed seculi senectam commemorat, quia secula finiuntur, & senectute deficiunt. Dominus autem in eternum permanet. Nec hoc accipias ingratis, quod palmæ florenti comparauerit eum, quia comparatus minus est ab eo cui comparatur. Non palma florens ipse est, & comparatio Christi diuinitatis comparatur ipsi palmæ semper florenti, qui ad dexteram patris sedes, uictoribus ramos suos porrigit, de floribus suis coronam tribuens, & de fructibus perpetua refectioe saginam impertiens. Ipsi gloria in secula seculorum Amen.

Laus cantici David in die ante sabbatum
quando fundata est terra. XCII.

Dominus regnauit decorem indutus est, indutus est dominus fortitudinem & præcinxit se. Etenim firmavit orbem terræ qui non commouebitur. Parata sedes tua ex tunc, à seculo tu es.

Eleuauerunt flumina domine, eleuauerunt flumina uocem suam. Eleuauerunt flumina fluctus suos, à uocibus aquarum multarum. Mirabiles elationes maris, mirabilis in altis dominus. Testimonia tua credibilia facta sunt nimis, domum tuam decet sanctitudo domine in longitudine dierum.

COM

COMMENTARIUM

Dominus regnavit, id est, regnum adsumpsit in cruce. Decorem induit in resurrectione. Induit enim infirmitatem in uirtute, & precinxit se eternitatem, & firmam fecit terram in resurrectione sua. Et paratam sedem habens, ascendit in caelum sedens ad dexteram patris. Hunc preconata sunt flumina scripturarū sanctarum, super hunc eleuauerunt uoces suas, à uocibus aquarum multarum, id est, gentium potentius clamantes. Omnes enim scripturae gentium, uoces habent: uirtutes habent, istae scripturae regibus imperant, illi deseruiunt. Ergo cum eleuarent flumina uoces suas, mirabilis factus est Christus elationi maris, id est, mundi huius regibus & sublimibus, nec his tantum, sed & mirabilis in excelsis, dominus caelos ascendens, tunc testimonia dei credibilia facta sunt nimis. Dedit enim potestatem, ut in nomine eius sanitates generi humano operarentur. Qui cum dei filium predicabant, & hijs ista signa facientibus, testimonia eius facta sunt nimis credibilia, & domum eius quam Pharisei dicebant non posse suscipere sancta praecipua, legis ueteris testamenti suscepit. Et decent ea sancta sanctorum, ut ibi habitent in secula seculorum Amen.

Psalmus David quarta sabbati. XCIII.

DEUS ultionum dominus deus ultionū libere
 egit. Exaltare qui iudicas terram, redde
 retributionem superbis. Usquequo peccatores do
 mine, usquequo peccatores gloriabuntur. Effa
 buntur & loquentur iniquitatem, loquentur om
 nes qui operantur iniusticiam. Populum tuum
 domine humiliauerunt, & hereditatem tuam ve
 xauerunt. Viduam & aduenam interfecerunt,
 & pupillos occiderunt. Et dixerunt non uide
 bit dominus, nec intelliget deus iacob. Intelligite
 insipientes in populo, & stulti aliquando sepue.
 Qui plantauit aurem non audiet, aut qui finxit
 oculum non considerat. Qui corripit gentes
 non arguet, qui docet hominem scientiam. Do
 minus scit cogitationes hominum, quoniam uane
 sunt. Beatus homo quem tu erudieris domine,
 & de lege tua docueris eum. Ut mitiges ei à die
 bus malis, donec fodiatur peccatoris fouea. Quia
 non repellet dominus plebem suam, et hereditatem
 suam non derelinquet. Quo ad usque iusticia con
 uertatur in iudicium, & qui iuxta illam omnes qui
 recto sunt corde. Quis consurget mihi aduer
 sus malignantes, aut quis stabit mecum aduersus
 operantes iniquitatem. Nisi quia dominus ad
 iuuit me, paulo minus habitasset in inferno anima

mea. Si dicebam motus est pes meus, misericordia tua domine adiuuabat me. Secundum multitudinem dolorum meorum in corde meo, consolationes tuæ letificauerunt animam meam. Nunquid adheret tibi sedes iniquitatis qui fingis laborem in præcepto. Captabant in animam iusti, & sanguinem innocentem condemnabunt. Et factus est mihi dominus in refugium, & deus meus in adiutorium spei meæ, Et reddet illis iniquitatem ipsorum, & in malicia eorum disperdet eos, disperdet illos dominus deus noster.

COMMENTARIUM

DEus uindex esse populi sui iudicibus canit, quibus leue uidetur personas peccantium sumere, in iudicio orphanis & egenis, ab hijs autem qui exaltant dominum in cordibus suis, et iudicant terram in corporibus suis, hijs reddunt retributionem supbis. Applicare possumus testimoniũ Apostoli, quo ait: Si nos ipsos iudicaremus, nõ utiq; iudicaremur. Iudicamus autẽ nos ipsos, quando finem uicij ponimus, & principium uirtutibus collocamus. Quod si non facimus, populum dei, id est, uirtutem humiliamus, & hereditatem eius, quæ nobis promittitur, spernimus, Viduam & aduenam occidentes. Vidua est anima, quæ non habet uirum, uerbum

bum aut intellectū prudentiæ. Hæc si aut uerbo tuo aut exēplo decipias, quā liberare debueras, uiduam interficis. Aduena est, qui ciuis esse sanctorum non nouit. Huic si te amatorē mundi ostendas, tollis ei fidem futuræ ciuitatis, & quasi interfeceris eū spiritaliter, à presenti psalmo argueris. Sic etiam orphani occidūtur. Orphani sunt, qui deum se posse patrem habere sancte uiuendo non credunt. Hic tu sapis, & nosti filios dei fieri posse credētes, si exemplum cōtrarium præbeas, quo se filios dei fieri contemnant, orphanos occidisti. Nam si de his orphanis & de aduenis & uiduabus agit, ergo qui coninges, aut ciues, aut habentes patrē & matrem filios occiderit, criminis reatū euadit. Aut si taceret psalmigraphus, quis unquā de hoc facto non argueret criminosos? Verum quia hæc agentes nos ipsi qui putamus nos sapere, sic nobis uidetur, quod has minucias ruinarum quæ per nos fiunt non requirat dominus & non intelligat, ista quæ nos intelligere nolumus: clamatur nobis, intelligite qui insipientes estis: id est, uos qui desipuistis in populo positi, dum unus alterius sectamini exempla ad contemptum domini: & stulti, aliquando sapite. quibus imperatur & dicitur sapite: ostenduntur suo arbitrio non sapere. dicunt enim: Modo deo

Fort. Mon.

uideat singula queq; facta nostra. Ad hæc respon-
detur eis. Ergo qui auditum dedit tibi, ipse non au-
dit: qui tibi usum tribuit, ipse non respicit: qui tibi
scientiæ saporem infudit, ipse non sapit. ille totus
sapientia est, & uidet cogitationes hominum, qui si
sibi sapere uidentur, quoniam ipsæ cogitationes eor-
um uanæ sunt. Beatus homo est quem hoc ipsum
erudierit dominus non eligendo negligentem, sed
legem suam docendo credentem. Hic mitigabitur in
diebus malis, quando demones parant peccantibus
foveas, tunc non repellet dominus plebem suam, id
est, de suo auxilio presumentem, & hæreditatem
suam non derelinquet, sed protegit à tētationibus
eos, dans eis tolerantiam per promissam hæreditas
tem uite æternæ. Et facit eos expectare retributio-
nem, quoadusq; iusticiam conuertat in iudicio, &
qui tenent eam, id est, ipsam iusticiam omnes qui re-
cto sunt corde. Verum quia maligna consilia men-
tibus ministrantes insistent, contra quos animo sa-
tis est arguit pugnandum, qui nouit per singulas
quasq; suggestiones acriter dimicandum clamat:
Quis exurget mecum pugnans aduersum operan-
tes iniquitatem? Quæso te agonista fortissime in-
dica mihi, quo ordine hostium impetus euasisti. Ad
hæc audi responsum. Nisi, ait, dominus adiuuasset
me, modico minus habitasset in inferno anima mea.

Si dicebam cum lacrymis domino, quia motus est pes meus, & à recti tenore auersus, statim tantum & amplius misericordia eius adiuuauit me, quantum multitudinem dolorum esse uidebat in corde meo, & consolationibus suis letificauit animam meam. Dicas forte ó auditor, grandis hic labor est. Sed labor iste temporalis est, & premium laboris æternum, non adhæret deo sedes iniquitatis. Qui enim format fatigationem aut laborē, aut dolorem in præcepto, siue pro labore certaminis. seu pro labore martyrij, æterni gaudiij premium non negauit. Dum enim captauerint peccatores animam iusti confitentis deum, & sanguinem eius innocētem condemnauerint, tunc efficitur ei dominus in refugium, & deus erit in auxilio spei eius, ita ut reddat eis iniquitates ipsorum, & in malicia disperdat per secutores eorum, qui regnat in secula seculorum Amen.

Laus cantici ipsi David. XCIII.

Venite exultemus domino, iubilemus deo salutari nostro. Præoccupemus faciem eius in confessione, & in psalmis iubilemus ei. Quoniam deus magnus dominus, & rex magnus super omnes deos, quoniam non repellet dominus plebem suam. Quia in manu eius sunt omnes fines terre, & altitudines montium ipsius sunt. Quoniam

7 3 iesus

ipſius eſt mare & ipſe fecit illud, & ſiccā manus eius formauerunt. Venite adoremus & procidamus et ploremus ante dominum qui fecit nos, quia ipſe eſt dominus deus noſter. Et nos populus paſſcuae eius, & oves manus eius. Hodie ſi uocem eius audieritis, nolite obdurare corda ueſtra. Sicut in iritatione ſecundum diem tētationis in deſerto, ubi tentauerunt me patres ueſtri, probauerunt et uiderunt opera mea. Quadraginta annis offenſus fui generationi illi, et dixi ſemper errāt corde. Et iſti nō cognouerūt uias meas, ut iuravi in ira mea ſi introibūt requiē meā. COMMENTARIUM

LAUS cantici hæc eſt, ut exultemus non in delectatiōibus uanis, ſed in domino: ante quam præoccupemur, nos præoccupemus faciem eius in confeſſione peccatorum noſtrorum, credētes quod non repellet plebem ſuam confitentem ſibi, ille qui magnus eſt ſuper omnia, cuius cœli ſunt, cuius montes, qui terram manibus ſuis fundauit. Venite, hūc adoremus, non in forma ſerui cum attendentes, putemus eum hominem purum. In ipſo eſt, qui hæc omnia fecit. Venite adoremus dominum, ploremus quia pius eſt, ipſe eſt qui fecit nos. Ipſe eſt paſtor, cuius nos oves ſumus. Audiamus uocem eius, & ſequamur eum quocunq; uadit. Ideo enim paſtor noscum ad oves emittit, ut audientes eum ſequantur.

Aut

Aut enim pascua procurauit, aut ab insidijs ferarum eruere studet. Vnde clamatur nobis hodie, ut si uocem eius audierimus, non obduremus corda nostra, sicut fecerunt per quadraginta annos filij Israel in eremo. Et quia non audierunt uocem eius, non introierunt in requiem eius. Nos autem audiamus pastorem nostrum, & sequamur uestigia eius, ut euadentes mortem deserti huius, cum Iesu terram fluentem lacte & melle mereamur intrare, ipsi gloria in secula seculorum Amen.

Psalmus David quādo dominus edificabatur post captiuitatem. XCV.

Cantate domino canticum nouum, cantate domino omnis terra. Cantate domino & benedicite nomini eius, annūciate de die in diē salutare eius. Annunciate inter gentes gloriā eius, in omnibus populis mirabilia eius. Quoniā magnus dominus, & laudabilis nimis, terribilis est sup omnes deos. Quoniā oēs dij gentiū demonia, dominus autē cælos fecit. Cōfessio & pulchritudo in cōspectu eius, sanctimonia & magnificentia in sanctificatione eius. Afferte domino patriē gētium, afferte domino gloriā & honorē, afferte domino gloriā nomini eius. Tollite hostias & introite in atria eius, adorare dominū in atrio sancto eius. Cōmoueaturn à facie eius uniuersa terra, dicite i gētib.

quia dominus regnavit. Etenim correxit orbem terre, qui non commovebitur, iudicabit populos in æquitate. Letentur cæli & exaltet terra, commoveatur mare & plenitudo eius, gaudebunt campi & omnia quæ in eis sunt. Tunc exultabunt omnia ligna silvarum à facie domini quia uenit, quoniam uenit iudicare terram. Iudicabit orbem terre in æquitate, & populos in ueritate sua.

COMMENTARIUM

Qui plorauimus pœnitentes in nonagesimo quarto, in quinto & nonagesimo gratulemur. Ibi enim domũ nostram fleuimus, credentes nos per misericordiã eius ad ædificationem huius domus iterum posse pertinere. Vnde et titulus ad hæc eadem cõsentit qui post captiuitatem ipsam domum ædificari conscripsit, quam ædificans Christus, dat gaudium omni terræ, & ideo dicitur, ut cantet domino omnis terra canticum nouum & benedicat nomen eius. Habuit enim captiuitatem mundus per Adam, quam captiuitatem postquàm Christus conuertit, ædificauit domum gloriosissimam non habentem maculam neq; rugam, quo ædificante domum, templa uniuersa destructa sunt. Probatum est enim quod omnes dij gētium qui in templis positi essent, habitarent in eis demonia. Hic autem qui fabricauit domum, ipse est qui cælos fecit, consensione

fessione eius nascitur omnis, qui non confitetur do-
 minum Iesum, anathemabili fœditate despicitur.
 Qui autem confitentur fulgebunt sicut sol in con-
 spectu dei. Sanctitas enim & magnificentia est in
 ipsa sancta confessione eius. Vniuerse ergo patrie
 gentium inuitamini, uenite, offerre domino, quid
 offeremus domino, Offerre gloriam quã incassum
 idolis prebustis. Offerre honorem, quo frustra ido-
 lorũ anistites honorastis. Tollite hostias ab idolis,
 & hic introite in domum quam edificauit, et ador-
 rate cum in aula sancta eius, & gens genti dicat.
 Quia unus dominus regnat à ligno crucis, quia
 per lignum concupiscentie regnum dei ab homini-
 bus recesserat, modo per lignum crucis regnum re-
 uersum est dei, qui firmavit eam in orbem terræ, ut
 non commoueatur. In qua ecclesia iudicat populos
 in equitate, & gentes in ira sua. Pro hoc opere læ-
 tantur cœli in sanctis, letatur et terra in nobis pec-
 catoribus. Ad hoc gaudium mouetur mare, uulgus
 ignobile & fluctuans, & plenitudo eius, id est, di-
 uites pleni opibus, hij commouentur ridentes hu-
 miles Christi, & psalmos eius, & doctrinam eius
 frigidæ nœnias computantes. Ligna uero siluarum
 qui lignei & siluestres uidentur mundi sapientibus,
 tunc exultabunt ante faciem domini, cum uenerit
 iudicare terrenos. Non enim iudicat, ut personas

potentium accipiat, sed sola æquitate totum orbem terrarum iudicat, & populos in ueritate confirmat per omnia secula seculorum Amen.

Psalmus ipsi David quando terra eius restituta est ei. XCVI.

Dominus regnauit exultet terra, lætentur insulæ multæ. Nubes & caligo in circuitu eius, iusticia & iudicium correctio sedis eius. Ignis ante ipsum præcedet, & inflammabit in circuitu inimicos eius. Alluxerunt fulgura eius orbi terræ, uidit & commota est terra. Montes sicut cera fluxerunt à facie domini, à facie domini omnis terra. Annunciauerunt cœli iusticiam eius, & uiderunt omnes populi gloriam eius. Confundantur omnes qui adorant sculptilia, & qui gloriantur in simulacris suis. Adorate cum omnes angeli eius, audiuit & lætata est Sion. Et exultauerunt filie Iudæ propter iudicia tua domine.

Quoniam tu dominus altissimus super omnem terram, nimis exaltatus es super omnes deos.

Qui diligitis dominum odite malum, custodit dominus animas sanctorum suorum, de manu peccatorum liberabit eos. Lux orta est iusto, & rectis corde læticia. Letamini iusti in domino, & confitemini memorie sanctificationis eius.

COMMENTARIUM

SEcurus cantas in nonagesimo sexto, qui in nonagesimo quinto dominum cognouisti. In hoc enim psalmo, & terra exultat de resurrectione sanctorum, & insula non omnes, sed in quibus habitant sancti. Ecce enim ueniet sicut promisit in anteriore psalmo, uenit ut iudicet, & nubes & caligo in circuitu eius, iusticia & iudicium directio sedis eius. Ignis ante eum precedit, ignis duo officia peracturus. Vno enim eodemq; aspectu amicos dei illuminat, & inflammat inimicos eius. Quando appauerint fulgura eius orbi terra, tunc montes sicut cera liquefcent ante faciem eius, & à facie domini tremet terra, omnibusq; rebus metuentibus ac formidantibus atq; tremantibus confundentur omnes qui adorant idola, cum uiderint omnes in resurrectione gloriam domini Iesu Christi: tunc sola letabitur Sion, id est, ecclesia. Exultabunt & filie Iudæ, id est, synagoga omnes, quæ ante aduentum domini prophetas habuerunt, aduentum domini preconantes. Propter iudicia domini iusta, præiudicium posterioris temporis non habebunt. Quoniam idem dominus nunc, qui tunc ante aduentum domini in synagogis illuxit, ipse est solus super omnes deos. Quicumq; ergo bonum domini diligitis, odite omne quod malū est. In odio enim mali, boni dilectio

dilectio comprobatur. Sed & si qui uos pro amore boni fuerint persecuti, securi estote, nolite timere eos qui occidunt corpus. Custodit enim dominus animas sanctorum suorum, et de manu peccatorum liberat eas. Ignis enim qui inflammaturus est delinquentes, lux efficitur iustis et rectis corde leticia. Nolite ergo metu pœnæ sed amoris gaudio seruire iusticiam, ut etiam in hoc mundo iam gaudeatis in domino, & confitemini memorie sanctitatis eius qui regnat in secula seculorum Amen.

Psalmus David.

XCVIII.

CAntate domino canticum nouum, quia mirabilia fecit. Saluabit sibi dexteram eius & brachium sanctum eius. Notum fecit dominus salutare suum, in conspectu gentium reuelauit iusticiam suam. Recordatus est misericordiae suae: & ueritatis suae domui Israel. Viderunt omnes termini terræ salutare dei nostri. Iubilate deo omnis terra, cantate & exultate & psallite. Psallite domino in cythara in cythara & uoce psalmi, in tubis ductilibus & uoce tubæ corneae. Iubilate in conspectu regis domini, moueatur mare & plenitudo eius, orbis terrarum & qui habitant in eo. Flumina plaudent manu simul montes exultabunt à conspectu domini, quoniam uenit iudicare terram. Iudicabit orbem terrarum in iusticia & populos

populos in equitate.

COMMENTARIUM

Causas cantici presentis ipse psalmus exponit. Dicit enim, ideo nouum canticum ut canticis exhortor, quia mirabilia fecit. & sicut dixit, ideo cantate quia mirabilia fecit, quasi si audisset sibi dici: semper mirabilia fecit dominus, non ergo nouum sed uetus est canticum mirabilia diuina cantare: ad hec ille respondeat, noua mirabilia nouum carmen exposcunt. Dic ergo nouum nobis, quae sunt noua mirabilia? si interrogas audi. Dixerunt Iudei in cruce posito domino, saluum faciat eum: hunc autem saluauit dextera eius, & brachium sanctum eius, tunc quando notum fecit dominus saluatore suum, suscitans eum a mortuis, & in conspectu gentium reuelauit in fiduciam suam. Memor enim fuit misericordiae, quam promisit Iacob, dicens: Et ego te faciam in gentem magnam. Hanc ueritatem impleuit domui Israel, quando uiderunt omnes fines terrae salutare domini dei Israel. Et licet omnes prouinciae uideant salutare domini, tamen hoc non ociose transeat intuentem, quod finem terrenae cogitationes dum acceperint, nascuntur cogitationes caelestium rerum. Et ipse faciunt uideri salutare domini dei nostri. In hoc studio iubilate domino uniuersa terra, id est, omnia membra corporis terreni in officio sanctae

sanctæ conuersationis offerte. Non cum tristitiis, sed cantantes exultate, & psallite in cythara, cuius cantor inuitat auditum, et in uoce psalmi, cuius mysteria incitant mentes, in tubis ductilibus et in uoce tube corneæ, quibus uocibus belli uictoria declaratur. Iubilate in conspectu regis domini, conspexit autem domini præconâtes seculis. Nolite timere, etiam si moueatur mundus sicut mare & plenitudo eius & orbis terræ, & omnia quæ in eis sunt. Tunc flumina plaudant manu simul in unum, quoniã nullum penè flumen est in quo non data sunt remissa peccatorum, nulla aqua est, quæ non protulit ex se animam uiuentem ad uitam eternam. In quo facti mōtes exultabunt, ex quorum uisceribus egrediuntur fontes qui faciunt flumina, montes quorum capita cœlos pulsant, quorū habitatores cœlo uicini sunt. Hij exultabunt cum uenerit iudex, ut iudicet orbem terræ in æquitate, & populos in ueritate. Omnes sancti exultabunt, quia remunerator sanctitatis aduenit, qui regnat in secula seculorum. Amē.

Psalmus David.

XCVIII.

Dominus regnauit irascantur populi, qui sedes super cherubin moueatur terra. Dominus in Sion magnus & excelsus super omnes populos. Confiteantur nomini tuo magno, quoniã terribile & sanctum est, et honor regis iudicium dili-

git. Tu parasti directiones, iudicium & iustitiam in Iacob tu fecisti. Exaltate dominū deum nostrū, & adorete scabellum pedū eius quoniam sanctum est. Moyses & Aaron in sacerdotibus eius, & Samuel inter eos qui inuocant nomen eius. Inuocabant dominum & ipse exaudiebat eos, in columna nubis loquebatur ad eos. Custodiebant testimonia eius, et præceptum quod dedit illis. Domine deus noster, tu exaudiebas eos, deus tu propicius fuisti eis, & ulciscens in omnes adinventiones eorum. Exaltate dominū deum nostrū, & adorete in monte sancto eius quoniam sanctus dominus deus noster.

COMMENTARIUM

IRascantur populi, & in elatione dominum nostrū lesū Christū aspiciant. Ipse regnavit quē regnare super se non putant. Ipse se det super cherubin, quantuncūq; moueatur terra. Ipse erit in Sion magnus, ipse excelsus super omnes populos. Sanè hoc scire nos conuenit, quod honor regis iudicium diligit: non enim timent iudicium, nisi qui se sciunt habere, quod iure puniatur, factum scilicet quo ex honoratus est deus. Hij autē qui honorem domini in suis mētibus seruauerūt, hij iudicium diligūt: sicut illi è cōtrario metuūt, qui sciunt se in cōtumeliā regis, legis eius iura uiolasse, in qbus rex iste parauit æquitatē. Ergo æquitatē custodientes regē honorāt,
& honor

Et honor iste iudicium non timet, quin imò etiam diligit. Ipse tamen iudicaturus est, qui iusticiam et iudicium in Iacob fecit, qui habuit Moysen et Aaron in sacerdotibus suis, qui habuit Samuelem simili ipsi. Ipsam quem isti inuocauerunt et exaudisti sunt, cum in colūna nubis loquebatur ad eos. Hi custodiebant testimonia eius et præcepta que dedit eis. Quicunq; ergo imitantur eos, hi iudicium futurum non solū non metuunt, sed etiam diligunt. Dicamus ergo domino nostro Iesu Christo: Tu es domine qui cum Moysse et cum Aaron locutus es, tu exaudisti eos, tu propicius fuisti illis, tu iudicasti in omnibus studijs eorum. Exaltemus ergo dominum deum nostrum in Christo. Et adoremus in mōte sancto eius, in celsitudine fidei eius, que altitudine sua nubes penetrat, dum credimus quoniam ipse est dominus deus noster, cui gloria in secula seculorum Amen.

Psalmus in confessione. XCIX.

Iubilate deo omnis terra, seruite domino in letitia. *Et a.* Introite in conspectu eius in exultatione.

Scitote quoniam dominus ipse est deus, ipse fecit nos et non ipsi nos. Populus eius et oues pascuæ eius introite portas eius, in confessione atria eius, in hymnis confitemini illi. Laudate nomen eius quoniam suavis est dominus, in æternum misericordiã

ricordia eius, & usq; in generationem & generationem veritas eius.

COMMENTARIUM

OMnis terra ad iubilationem inuitatur, ut sine personarum acceptione sciatur esse uocatio. Venite omnes qui laboratis, & onerati estis, & intrate in conspectu eius in exultatione. Scitote quod dominus Iesus Christus, non est alius quàm qui cum Moyse locutus est. Ipse est deus qui fecit nos, de quo Moyses locutus est, quod fecerit hominem, ipse fecit nos, eius enim factura sumus omnes homines. Deniq; multi cupientes filios, quia deus non dat non habent: Multi nolentes, quia seminantes nolunt fructum, eo quod contra ordinem nolunt, etiam quia iniuste nolunt, deus iuste creaturam iubet semini dare responsum: & ut probetur, quia ipse fecit nos, dū non nostro arbitrio, uel dantur filij, uel negantur. Ergo quia eius populus sumus, efficiamur oues pascuæ eius agnoscentes pastorem dicentem, Ego sum pastor bonus. Et intremus portas eius in confessione unitatis: laudantes nomen sanctum eius, quia suavis est: credētes, quia est in æternum misericordia eius, Credentibus & promissionibus eius veritas, quæ manet in secula seculorum Amen.

Psalmus ipsi David.

C.

Misericordiam & iudicium cantabo tibi domine. Psallam & intelligam in uia immaculata quoniam uenies ad me. Perambulabam in innocentia cordis mei, in medio domus mee.

Non proponebam ante oculos meos rem iniustam, facientes preuaricationes odiui. Non adhaesit mihi cor prauum, declinantem à me malignum non cognoscebam. Detrahentem secreto proximo suo, hunc persequebar. Superbo oculo & insatiabili corde, cum hoc non edebam. Oculi mei ad fideles terrae ut sedeat mecum, ambulans in uia immaculata hic mihi ministrabat. Non habitabit in medio domus mee qui facit superbiam, qui loquitur iniqua non direxit in conspectu oculorum meorum. In matutino interficiebam omnes peccatores terrae, ut disperderem de ciuitate domini omnes operantes iniquitatem.

COMMENTARIUM

Iudicium sine misericordia hijs qui non faciunt misericordiam, misericordiam autem facientes euadunt iudicium. Scis ergo o homo, unde ponaris in dexteram pastoris? Fac misericordiam & iudicium securus expectas. Non enim dicit iniustis ad sinistram positis: Ite in ignem æternum, quia mentiti, quia fornicati, quia diuersa facinora commisitis

flis. Sed quia esuriui, & non dedistis mihi manduca-
re, sitiui & non potastis me, peregrinus & non
suscepistis me, infirmus & non uisistis me. Cum
ergo ignis criminibus debeat, cur criminibus nõ
imputetur supplicium, quo crimina per misericor-
diam remittantur: Ite ergo, inquit, in ignem æter-
num, quia unde ignis extinguitur contempsistis.
Audiſtis enim scriptum, quod eleemosyna à pecca-
to liberat. Audiſtis quia sicut ignis extinguitur ab
aqua, ita ab eleemosyna tolluntur uniuersa pecca-
ta. Ite ergo in ignem, quia uiuere cum uobis uos fe-
cistis. Ego autem misericordiam uobis super faciem
terre, cū iudicio feci cantari, ut ille iudicium euade-
ret, qui misericordiam non negaret. Psallam ergo
& intelligam in uia immaculata, & intelligā quan-
do uenies ad me, ut si hospitem te uidero, suscipiam,
si esurientem, reficiam. Intelligam quādo uenies, ne
putem qualencunq; hominem, & recusem. Si enim
perambularem in innocētia cordis mei, non propono
ante oculos meos rem iniustam, Iniustum est enim
ut consorti naturæ non miscear, in quo inhabitas
Christe. Sed et facientes præuarcationem odio ha-
beam, non adhareat mihi cor prauum. Declinantes
à me malignos non cognoscam, loquaces oculi-
tos persequar, cum superbis & inuidis non commu-
nicem. Sed sint oculi mei super fideles terre, qui

terram corporis sui fideliter seruant, ut isti sedeant mecum. Ambulans autem in uia immaculata hic mihi minister. Non queram ab his aliquid consequi qui reprehensibiliter uiuunt in domo mea. Non inhabitet superbiam faciens, id est, in domo corporis mei non habitet inimicus, qui suadet contemni dominum. Quia hæc est radix superbiæ. Sed in matutinis interficiam omnes peccatores terræ, id est, in ipso ortu suo peccata orientia interficiam, & uere non sinam cum percant de ciuitate domini. Ciuitas domini anima nostra est, in qua habitat rex & sancti, apices ciues dei, qui ex ipso sũt nati. Cum ergo nascũtur peccatorum cogitationes in anima, mox ut natæ fuerint occiduntur. Et percant de ciuitate domini omnes qui operantur iniquitatem, ut sit dominus in ciuitate sua requiescens, cum omni comitatu uirtutum, cui gloria in secula seculorum Amen.

Oratio pauperis cum anxietate, & coram domino effudit precem suam. CI.

Domine exaudi orationem meam, & clamor meus ad te ueniat. Non auertas faciem tuam à me, in quacunq; die tribulor inclina ad me aurem tuam. In quacunq; die inuocauero te uelociter exaudi me. Quia defecerunt sicut fumus dies mei, & ossa mea sicut cremum aruerunt.

Per

*Percussus sum ut fœnum & aruit cor meum, quia
 oblitus sum comedere panem meum. A uoce gemitus
 mei adhesit os meum carni meæ. Similis factus
 sum pellicano solitudinis, factus sum sicut nycti-
 corax in domicilio. Vigilavi & factus sum
 sicut passer solitarius in tecto. Tota die expro-
 babant mihi inimici mei, & qui laudabant me ad-
 uersum me iurabant. Quia cinerem tanquàm
 panem manducabam, & poculum meum cum fletu
 miscebam. A facie ira indignationis tue, quia
 eleuans allisisti me. Dies mei sicut umbra decli-
 nauerunt, & ego sicut fœnum arui. Tu autem
 domine in æternum permanes, & memoriale tuum
 in generatione & generationem. Tu exurgens
 misereberis Sion, quia tempus miserendi eius quia
 uenit tempus. Quoniam placuerunt seruis tuis
 lapides eius, & terre eius miserebuntur. Et ti-
 mebunt gentes nomen tuum domine, & omnes re-
 ges terre gloriam tuam. Quia edificauit domi-
 nus Sion, & uidebitur in gloria sua. Respexit in
 orationem humilium, et non spreuit preces eorum.
 Scribantur hæc in generatione altera, & populus
 qui creabitur laudabit dominum. Quia prospex-
 it de excelsu suo, dominus de cælo in terram aspe-
 xit. Ut audiret gemitus compeditorum, ut solu-
 ueret filios interemptorum. Ut annuncient in*

Sion nomen domini, et laudem eius in Hierusalem.
In conueniendo populos in unum, & reges ut seruiant domino. Respondit ei in uia uirtutis sue, paucitatem dierum meorum nuncia mihi. Ne reuoces me in dimidio dierum meorum, in generatione & generationem anni tui. Initio tu domine terram fundasti, & opera manuum tuarum sunt cœli. Ipsi peribunt tu autem permanes, & omnes sicut uestimentum ueterascent. Et sicut opertorium mutabis eos & mutabuntur, tu autem idem ipse es, & anni tui non deficient. Filij seruatorum tuorum habitabunt, et semen eorū in seculū dirigetur.

COMMENTARIUM

Legimus clamorem Sodomorum ascēdisse ad deum, et ita demum sulphureo eos imbre crematos. Prius ergo quàm ad fletum & ad ieiunium pro peccatis nostris animum conuertamus, non audeamus dicere, Clamor meus ad te perueniat. Ne forte non sit talis clamor, quī misericordiam consequatur. Ne forte sit in eo ira, causatio, maledictio, adulatio, detractio, insultatio, mendacium, & cetera his factis similia. His ergo uicijs pessimis nostro clamore sonante, rogandus est deus, ne clamor hic ad eum perueniat. Sed te, in aliquibus factis nefarijs constitutis nobis, rogemus dicētes. Ne auertas
faciem

faciem tuam à me. Et dicendum est. Auerte faciem tuam à peccatis meis. Renunciemus ergo omnibus uicijs, & passionibus, et facti pauperes spiritu, præterita nostra facta plangentes, ita nos in huius carmine psalmi fundamus orantes, ut clamor noster ad eum perueniat, et non auertat faciem suam à nobis. Quid tamen flentes dicamus nos, qui pro peccatis oramus, his uersiculis edocemur: Dies, inquit, mei sicut umbra declinauerunt, id est, perdididi quod uixi, quia in peccatis sicut fœnum arui. Fœnum autem & stipula & lignum esca ignis est. Et ideo tribulor, quia & ossa mea sicut frixorium, id est, fasciculum sarmeti aridum, ita confixa sunt, parata ad incendium gehennæ. Percussus sum sicut fœnum, et aruit cor meum. Percussus sum compunctione futuri supplicij, & propter hoc oblitus sum manducare panem. A uoce autem gemitus mei, adhaeserunt ossa mea carni meæ, factus sum sicut pellicanus in solitudine, id est, sicut uis illa quam pellicanum uocant, quæ non habitat nisi in desertis, habens escas ueneno eremi & incultis amaritudinibus plenas. Factus sum sicut nycticorax in domicilio. Coruus præ nigredine obscurus est, iam nocte quasi nigrior, cui & obscuritas nigredinem geminat. Ergo & ego, inquit, duplicatam nigredinem peccatorum in me deplorans, uoces meas quasi nycticorax dirigo-

clamans solus, sicut passer solitarius in ædificio. In qua tota die expræbrauerunt me inimici mei, & qui dudum laudauerunt me, nunc aduersum me iurabant, id est, non lato illius uiuam. Quomodo enim uiuebas, ut sic illi iuraret? Ideo, inquit, sic iurabāt, quia cinerem sicut panem manducabam, & potum meum fletibus miscebā. Hoc quare? A facie iræ tuæ, & indignationis tuæ, Cuius iræ? Pro peccatis utiq; in iudicio debite. In quo hic qui eleuantur & exaltantur, ibi allidantur necesse est. Cum ergo moriatur omne genus hominū in peccatis, quid superest; nisi ut persona totius seculi, tibi preces flebili effundat eloquio. Nullus enim saluabitur, nisi tu domine exurgēs miserearis Sion. Venit enim tempus, ut uenias & miserearis Sion. Quia beneplacitos habuerunt serui tui lapides eius, Lapidēs utiq; de quibus legitur: Lapidēs iusti uoluūtur in ea. Qui enim serui dei sunt, bene illis placent libri omnes ueteris testamenti, qui habent in se unum lapidē angularem. Nec solum lapidēs beneplacitos habuerunt, sed & terræ eius miserebuntur. Terra lapidum, corpora sunt animarum. Non solum nobis anime sanctæ placent, si serui dei sumus, sed ipsa corpora eorum in quibus afflicti sunt, torti, combusti, ac diuersis supplicijs macerati miserantes ueneramus. Quomodo miserantes? Dolor nobis est in afflictione & suppli-

cio quo passi sunt, & gaudium nobis est in persecu-
rantia qua uicerunt. Cum ergo domine & tu uene-
ris, & sancti tui pro testimonio nominis tui passi
fuerint: tunc timebunt gentes, & omnes reges
terre gloriam tuam. Tūc edificabitur ecclesia tua
in Sion, & uideberis in maiestate tua, cum respexe-
ris de excelsu tuo Iesu Christo, ut audias gemitum
compeditorum, & soluas filios interemptorum. In-
terempti sunt patres non omnes sancti qui nobis
predicauerunt Christum. Nos ergo ligati eramus
à sathana, quia hi qui genuerunt nos uerbo uitæ,
fuerunt interempti. At ubi cognouimus eos in cœ-
lis gaudere et possidere gloriam Christi, edificata
est in nobis Sion, & uisus est dominus in maiestate
sua. Gaudemus enim, quia respexit in orationes eo-
rum, & non spreuit preces eorum. Scripsimus pas-
siones eorum in progenies alteras, & populus qui
creabitur, usque in sempiternum laudat dominum,
in sanctis suis. Ibi conueniunt populi in unum, &
regna, ut seruiant domino. Per quos paucitas dierū
nostrorum regitur, & nunciatur nobis propè esse
finem, reliquum esse, ut & qui utuntur hoc seculo,
tanquam non utantur. Præterit enim figura huius
mundi, & transcunte figura, ueniet ueritas Chri-
stus, cui dicimus: In secula seculorum sunt anni tui.
Initio terram ipse fundasti, & cœli opera manuum

tuarum sunt. Non ergo nouū dominum adoramus in Christo, sed eum qui est, & semper idem est, cuius anni non deficient. Quod autem de cælo, et terra dicit: ipsi peribunt: promissionem illam confirmat, qua cautum est futurum cælum nouum & terram nouam, in quibus filij seruorum Christi habitent. Paulus seruus Christi, similiter et omnes Apostoli serui Christi. Nos qui credidimus per eos, filij seruorū ipsius sumus. Et si secuti fuerimus uestigia eorum, sicut illi Christi, habitabimus cum eis in cælo nouo & in terra noua. Et semen uerbi quod nobis spem dedit credentibus, tunc capiet in remuneratione nostra fructum, quod iam finem nō habeat, sed maneat directum à deo inreuocabile ad dimidium dierum. Dimidium dierum prima iuuetus est, & ultimum dierum senectus. Ibi ergo iam nec in dimidio dierum finiuntur, nec in senectute moriuntur. Quia cæli noui sunt, rorem immortalitatis manantes, & terra noua est mortis gremium non habens, sed habens uitam dominum Iesum Christum, qui regnat in secula seculorum Amen.

Psalmus ipsi Dauid.

CII

Benedic anima mea domino, & omnia que intra me sunt nomini sancto eius. Benedic anima mea domino, & noli obliuisci omnes retributiones

tiones eius. Qui propiciatur omnibus iniquitatibus tuis, qui sanat omnes infirmitates tuas.

Qui relinquit de interitu uitam tuam, qui coronat te in misericordia & miserationibus. Qui replet in bonis desiderium tuum, renouabitur ut aquilæ inuentus tua. Faciens misericordias dominus & iudicium omnibus iniuriam patientibus. Notas fecit uias suas Moysi, & filijs Israel uoluntates suas. Miserator & misericors dominus, longanimis & multum misericors. Non in perpetuum irascetur, neq; in æternum comminabitur.

Non secundum peccata nostra fecit nobis, neque secundum iniquitates nostras retribuit nobis. Quoniam secundum altitudinem cœli à terra, corroborauit misericordiam suam super timentes se. Quantum distat ortus ab occidente, longe fecit à nobis iniquitates nostras.

Quomodo miseretur pater filiorum, misertus est dominus timentibus se, quoniam ipse cognouit figmentum nostrum. Recordatus est, quoniam puluis sumus, homo sicut fœnum, dies eius tanquam flos agri sic effloreat. Quoniam spiritus pertransibit in illo, & non subsistet, & non cognoscet amplius locum suum. Misericordia autem domini ab æterno, & usq; in æternum super timentes eum. Et iusticia illius in filios filiorum,
his

his qui seruant testamentum eius. Et memores sunt mandatorum ipsius ad faciendum eā. Dominus in caelo parauit sedem suam, & regnum ipsius omnibus dominabitur. Benedicite domino omnes angeli eius potentes uirtute, facientes uerbum illius ad audiendam uocem sermonum eius. Benedicite domino omnes uirtutes eius, ministri eius qui facitis uoluntatem eius. Benedicite domino omnia opera eius, in omni loco dominationis eius, benedic anima mea domino.

COMMENTARIUM

Benedicimus nos dominum, cum facimus aliquid quod tale opus, quo nomen domini benedicatur. Nam quo modo potest deus ab homine benedici, nisi hoc solum modo, quod opus ex omnibus interioribus nostris faciendum est. Si enim misericordes fuerimus uisceraliter, & ille cum benedicatur à nobis, propitiabitur oibus iniquitatibus nostris, sanat omnes infirmitates nostras, replet in nobis desiderium nostrum, et coronat nos in regno suo, pro miseratione sua, & misericordia sua. Misericordibus enim dicturus est: Venite benedicti patris mei, percipite regnum quod uobis paratum est ab origine mundi. In quo regno mors non erit, nec dura senectus debilitat uires, sed renouantur ibi iuuentutes, ut aquila, ibi misericordibus faciet misericordias

dias

diat dominus, & iudicium omnibus iniuriam patientibus. Ipse utiq; deus, qui notas fecit vias suas Moysi, ipse qui ostendit filijs Israel uoluntatem suam. Ipse est deus in Christo, siue mundum concilians, siue sanctos remunerans, siue misericordias misericordiis faciens. Ipse qui patiens, ipse qui multum misericors est, si nos uiderit patientes, & misericordes, non secundum peccata nostra faciet nobis, neq; secundum iniusticias nostras reddet nobis, sed secundum altitudinem caeli à terra, confirmat super nos misericordiam suam. Et quantum distat ortus ab occasu, tantum elongat à nobis iniquitates nostras. Sicut pater filijs, sic miserebitur nostri, si misericordes fuerimus. Si consideremus in hominibus stentibus, aut egentibus, uel necessitatem patientibus figmentum nostrum, in qua mensura mensi fuerimus aliorum necessitates, in ea metietur nobis. Non sui misericors in causa aliena, non mihi miseretur in mea. Subueni egenti, subuenitur mihi. Indulsi peccanti, indulgetur mihi. Consideraui unius figmēti me agentem in mollibus, et dolui super nudum, & uestiui eum. Esurienti compassus, alui. Ergo quia consideraui figmentum unum meum & indigentis, considerat & ille figmentum meum, & recordatur, quia caro sum terrena et puluis. Ex quo si dignatus fuerit, nos poterit suscitare.

Nam

Nam si hoc non esset, quis computaret hominem, qui sicut flos agri, ita floriet, & transiet spiritus eius ab eo, & non est, & locum suum non agnoscet amplius. Si uero misericordiam temporalem exerceuerimus fratribus nostris, misericordiam cōsequamur sempiternam, quam perficiet super timentes se dominus. Iusticiam autem suā in filios filiorum, qui quoniam non potuerūt pauperum carnalium curam gerere, spiritualium pauperum curam egerunt, ut aut uerbo aut exemplo suo, ad iusticie diuitias prouocēt spiritualiter mendicātes. Si uis uidere diuitem et mendicum, sancti Apostoli Ioannis lege Apocalypsin. Huic ergo similes sunt omnes diuites in auro & argento, & in fide, aut in operibus iusticie mendicantes. Iusticia autem dei in filios filiorum. Filij Apostolorum sunt omnes magistri bonorum consiliorum. Et sicut ipsi filij eorum sunt, ita qui audiunt eos, filij filiorum sunt, custodientes testamentum dei, & memoria tenentes mandata dei, non ut inslentur scientia, sed ut faciant ea que memoriter norunt. Videamus nunc illum, cui pater in caelis parauit sedem suam. Dominus enim domino parauit. Et dixit dominus domino, sede à dextris meis. Ibi ergo sedet regnans, & regni eius non erit finis. Ideo quia dici potest, si semper fuit filius cum patre, quomodo ei ante parauit, & postea dixit se

de? Aduertendum est ergo, quia filio hominis, para-
 uit deus sedem suam. Nam filius dei qui assumpsit
 istum filium hominis, semper fuit in sinu patris, &
 est, & futurus est. Sicut enim fluvius, quamuis per
 multas terrarum prouincias uadat, de sinu tamen
 fontis sui nunquam recedit, ita & dei filius inuisibi-
 lis letetur cum Iacob, splendeat in rubo, sit in col-
 lumna nubis, sit in columna ignis, sit in nube, sit in
 duce, & in qua uoluerit forma. Pro salute hominum,
 de patris tamen sinu non recedit. Nec enim legis,
 qui fuit in sinu patris, sed qui est in sinu patris ipse
 narravit. Hunc benedicunt angeli, potentes uirtu-
 tes, obtemperantes uerbo eius. Hunc benedicunt uir-
 tutes omnium inimicæ. Ipse enim faciunt uolunta-
 tem eius. Hunc benedicent omnia opera eius in omni Forte mini-
stra.
 ni loco dominationis eius. Vbicunque enim aliqua
 creatura est, locus dominationis eius est, quia ipse
 creauit uniuersa. Hunc operibus hijs benedicat
 anima nostra in omni tempore, qui regnat cum
 patre & spiritu sancto, per omnia secula seculor-
 um Amen.

Psalmus ipsi David

CIII.

Benedic anima mea domino, domine deus
 meus magnificatus es uebementer. Con-
 fessionem et decorem induisti, amictus lumine sicut
 uestimèto. Extendens cœlũ sicut pellem, qui tegis
 aquis

aquis superiora eius. Qui ponis nubem ascensum tuum, qui ambulas super pennas uentorum.

Qui facis angelos tuos spiritus, & ministros tuos ignem urentem. Qui fundasti terram super stabilitatem suam, non inclinabitur in seculum seculi. Abyssus sicut uestimentum amictus eius, super montes stabunt aquæ. Ab increpatione tua fugient à uoce tonitru tui formidabunt. Ascendunt montes & descendunt campi, in locum quem fundasti eis. Terminum posuisti quem non transgredientur, neq; conuertentur operire terram. Qui emitis fontes in conuallibus, inter medium môtium pertransibunt aquæ. Potabunt omnes bestie agri, expectabunt onagri in siti sua. Super ea uolucres cæli habitabūt, de medio petrarum dabunt uocem.

Rigans montes de superioribus suis, de fructu operum tuorum satiabitur terra. Producent fœnum iumentis & herbam seruituti hominum.

Vt educas panem de terra, & uinum lætificet cor hominis. Vt exbilaret faciem in oleo, & panis cor hominis confirmet. Saturabuntur ligna campi, & cedri libani quas plantauit, illie passeres nidificabunt. Herodij domus dux est eorum, montes excelsi ceruis, petra refugium erinacijs. Fecit lunam in tempora, sol cognouit occasum suum.

Posuisti tenebras, & facta est nox, in ipsa pertransibunt

sibunt omnes bestiae siluae. Catuli leonum rugientes, ut rapiant & querant à deo escam sibi.

Ortus est sol & congregati sunt, & in cubilibus suis collocabuntur. Exhibet homo ad opus suum, & ad operationem suam usq; ad uesperam Quàm magnificata sunt opera tua domine, oia insipientia fecisti, impleta est terra possessione tua. Hoc mare magnum & spaciosum manibus, illic reptilia quorum non est numerus. Animalia pusilla cum magnis, illic naues pertransibunt. Draco iste quem formasti ad illudendum ei, omnia à te expectant, ut des illis escam in tempore. Dante te illis colligent, aperiente te manum tuam omnia implebuntur bonitate. Auertente autem te faciem turbabuntur, auferes spiritum eorum & deficient, & in puluerem suum reuertentur. Emitte spiritum tuum & creabuntur, & renouabis faciem terrae.

Sit gloria domini in seculum, latabitur dominus in operibus suis. Qui respicit terram & facit eam tremere, qui tangit montes & fumigant. Cantabo domino in uita mea, psallam deo meo quàm diu sum. Iocūdum sit ei eloquium meum, ego uero delectabor in domino. Deficiant peccatores à terra et iniqui ita ut nō sint, benedic anima mea domino.

Sit gloria domini in seculum, latabitur dominus in operibus suis. Qui respicit terram & facit eam tremere, qui tangit montes & fumigant. Cantabo domino in uita mea, psallam deo meo quàm diu sum. Iocūdum sit ei eloquium meum, ego uero delectabor in domino. Deficiant peccatores à terra et iniqui ita ut nō sint, benedic anima mea domino.

COMMENTARIUM

Pervenimus ad psalmum centesimum tertium

A qui

qui continet uniuersam fabricam mundi, in qua magnificatur dominus uehementer. Sed cum fabricam memorat, aduentum domini manifestat. Prius enim quàm ueniret dei filius, non erat hominum dominus, confessionem & decorem indutus. Omnes enim in dijs & simulachris suis, & in uanis figmentis spem collocantes à deo recesserāt. Deniq; Apostolus hoc ipsum asserit cum dicit, quod adueniens dominus cōcluserit omnia in incredulitatem, ut omnium misereatur. Per ipsum enim confessionem & decorem induit deus, per mediatorem dei & hominum. Mediatorem qui est filius hominis. Cuius hominis? Filius David, Filius Abraha. Sic enim legis euangelij caput: Liber generationis Iesu Christi, filij David, filij Abraham. Quis autem sit iste filius hominis, ne forte putes eum talem qualis fuit Moyses, aut Iesus Naue filius, aut Helias, aut unus ex magnis, non ita est. Hic enim dominus eorum est, & illi serui eius. Hic enim amictus est lumine sicut uestimentum. Ipse est qui extendit coelum sicut pellem, & tantum cum extendit, ut & meretrices & publicanos capiat, qui non capiebat nisi solos immaculatos. Et quia quando tenditur pellis, super ipsam aqua aspergitur, ita hic tensurus celos sicut pellem, textit in aquis superiora eorum. Non enim poterant tendi, & usq; ad peccatores at

tingere, nisi aqua sacri baptismatis tegerentur, ad ipsos caelos posuit nubes ascensum suum. Videntibus Apostolis, ambulans super pennas uentorum. Veni enim in nubibus agant, & alia uia non est qua ascensum suum ad caelos haberet, nisi ambularet super pennas uentorum. Tunc fecit angelos suos spiritus. Angeli nuncij Latino sermone uocantur, & euangelium bonum nuncium explanatur. Angelos ergo suos, id est Apostolos, tunc fecit spiritus, quando eis dixit: Accipite spiritum sanctum, & euangelizate omni creature. Et tunc eos fecit ignem urentem, cum ipse spiritus sanctus, sicut ignis consedit in eis. Tunc fundauit terram in stabilitatem suam, terrenas scilicet mentes gentium, quae fuerunt in fabrica turris diuise, nunc ad stabilitatem suam reuocans, in uno uerbo Iesu Christo corroborat, & ita fundat in eis ecclesiam super hanc petram, ut non inclinetur in seculum seculi. Huius sanè terrae abysus, sicut pallium amictus est. Agant sibi philosophi infructuosas exquisiciones, & magno labore dicant se posse discere, quod terra subtus se abysum habeat, quo ueluti pallio amiciatur: nos ad terram istam quae fundatur in stabilitate ecclesiae, sermonis aciem dirigamus. Abysus enim circumdat eam. Non enim habet finem altitudo

diuitiarum sapientiæ, quæ circumdat eam, & super
 montes eius stabunt aquæ. Quicumq; sursum cor ha
 bent montes sunt, & super ipsos stant aquæ. Stat su
 per ipsos baptismatis sanctificatio, stant in fide re
 cta, non circumducuntur omni uento doctrinæ. Qui
 tamen isti sunt montes, diligenter ausculta. Isti sunt,
 qui ab increpatione dei fugiant. Fugiant utiq; fu
 cta quæ increpantur à deo, & à uoce tonitruui eius
 formidant, timent comminantem incendium sempit
 ternum, & à prohibitis uniuersis, sua facta suspen
 dunt. Ascendunt montes cogitantes regna cælo
 rum, descendunt mōtes cogitantes quemadmodum
 terrenas actiones suas, in locum quem fundauit do
 minus dirigant. ubi terminum posuit deus, & iussit
 non transgredi, & positum terminum non trans
 grediuntur, ut operiant terram, sicut operuit ter
 ram Adam. Ex folijs ficulneis operuit terram, &
 abscondit se. Isti non transgrediuntur terminum,
 quem posuit dominus, & non operient terram. Et
 quia non est operata, rigat eam dominus de superio
 ribus. Si enim distectam eam inuenerit, imber rigat
 eam, ueniens de superioribus. Si uero tecta fuerit,
 & cælo absconditur, nec de superioribus rigatur.
 Si uero pateat cælis, & imber eam cælestis infuderit,
 producat foenum iumentis, dabit doctrinam tar
 tem simplicibus ad escam animæ eorum, qualem car
 pere

pere possunt. Dabit herbam seruituti hominum. Herbam inter initis, uenientibus ad deum herbam proferet. Non enim possunt solidioribus cibis refici. Perfectorum namq; est solidior cibus, qui discretionem habere possunt boni & mali. Post herbam dabit spicam & incipit educere panem de terra. Sicut enim lac de uberibus, sic de terra per herbam attingitur ad spicam, de spica peruenitur ad panem, qui de caelo per imbrem descendit. Ergo per fontem perennem, uenit tibi panis de terra. Mariae uirginis. Imber iste qui in Maria uenit, audi qualiter uenit, Angelus ei dicit: uirtus altissimi, id est, ex alto ueniens obumbrabit tibi. Et exiit nobis panis de terra. Nos ergo ad nos redeamus, qui hunc ex alto uenientem imbrem accipimus, si ueniens ex superioribus fons, nos sibi patentes inuenerit. Accipimus panem quod confirmet cor nostrum. Accipimus uinum, quod letificet cor nostrum, & duabus confirmationibus cordis acceptis, exhilarantur facies nostrae oleo chrismatis, ita ut per lignum crucis facientur omnia ligna campi, id est, omnis turba simplicitatis, inter quos sunt diuites & sublimissimae potestates, quas pro celsitudine cedros libani nuncupauit. In his passeret nidificant. Non dixit in omnibus passeret nidificabunt. Sunt enim aliquanti qui diligunt Christianos, & sua eos ope sus-

stentāt, qui in his requiescentes nidificant deo, quā passerēs ideo nuncupantur, quia cœlestia & altā petentes, sic se iungunt cōversationibus hominum, ut fugiant ipsos homines, in quorum domibus nidi ficare probantur. In his passerēs qui nidificant, fulicæ domus dux est eorum. Fulicæ in aqua manet, in aqua nidificat, in aqua uiuit, & aqua domus est eius. Horum ergo passerum fulicæ domus, id est, aqua ipsa dux eorum est passerum. Ibi sunt montes excelsi, ceruis fugientibus diabolum, fugientibus mundum, ibi est petra præstans refugium, siue Erinaciorum filijs, quia minora habentes iacula, à canibus non timentur, siue leporibus, quia & lepores canes fugiunt, & Erinacij. Qui ergo fugiunt hos canes, de quibus clamat Paulus: Videte canes, uidete malos operarios: inueniunt sibi petrā in refugium, & iuxta semitam positos canum morsus effugiunt. Nunc euasimus montes ac siluas, et facta nobis cœli resplendet, in qua uidemus lunam factam, in tempore passionis lucentem in tenebris. In quo tamen tempore doce. In tempore passionis diximus. Quomodo? Quia tunc sol iusticiæ occasum suū, ipsa sexta hora dici posuit tenebras, & facta est nox, in quo transierūt omnes bestie siluarū, phariseorum serocitas. Et eorum qui deuorant plebem dei, sicut escā panis, tam spirituales bestie quàm

Pro Herodio
fulicā uertit,
Hieronymus
uertit Miluā

carnales. Sed propterea dedit lunam in nocte, ut
 habentes lumen cœlestis, ferarum morsibus eua-
 damus. In ipsa enim tenebrositate eius abundant
 catuli leonum, id est, filij demonum omnes heretici
 non docentes sancta, sed rugientes ut rapiant,
 & querant à deo tollere escam sibi. Orto autem
 sole iusticiæ, siue resurgente ab inferis domino ad
 Iudeos, siue exurgente per assertionem catholici-
 cam contra hæreticos: Hoc ergo oriente uniuersæ
 diffugiunt bestie, tendentes insidias, & in cubili-
 bus suis se collocabunt, Iudæi ad synagogas suas,
 & hæretici ad synedria sua. Illic congregabun-
 tur, & quàm diu resplendet nobis sol iusticiæ,
 illi in cubilibus suis dormiunt, non sunt ausi exi-
 re ad lucem. Omnis enim qui male agit, odit
 lucem. Qui odit fratrem suum, in tenebris am-
 bulat, bestia est, dormit & ipse cum Iudæis &
 hæreticis: sicut Iudæi in cubilibus infidelitatis,
 & hæretici in cubilibus malæ credulitatis collo-
 cant se & dormiunt. Ita bis de medio atra nox odij
 oculis eorum incumbit, & nihil præter tenebras
 uidentes in odio dormiunt. Qui autem homo est
 & non fera, exiit ad opus suum credens & be-
 ne credens, & ab operatione sua quam inchoa-
 uit, lucescente sibi sole iusticiæ, operatur usque
 uesperum, id est, quàm diu in hac luce perdurat,

Et hæc non suis uiribus reputans clamat : Quam
 magnificata sunt opera tua domine. Omnia hæc in
 sapientia fecisti, siue uisibilia secundū Apostolum,
 siue inuisibilia. Repleta est enī terra creatura eius.
 Venimus ad fines terræ, intremus nunc mare. Hoc
 mare magnum et spaciosum, non te docet pro ma-
 gno propheta psalmographus patriarcha, imò san-
 ctus spiritus in his qui loquitur, hoc nos habuit do-
 cere, quia magnum est mare et spaciosum et ibi re-
 pentia quorum non est numerus. Animātia magna
 et parua, et quia ibi naues transeunt, non hoc doc-
 cuit quod nullus ignorat, sed scire nos uoluit mare
 magnum et spaciosum esse, omnem legem noui et
 ueteris testamenti ibi repentia, quorum non est nu-
 merus: in lege Iudæi, in lege Samara, et in lege he-
 retici et in lege catholici, in lege reges, consules, di-
 uites, pauperes. In lege pusilli et magni, ibi naues
 trāseunt, solæ ecclesiæ uniuersarum prouinciarum,
 que epibatas ducunt ad regna coelorum, à ciuitati-
 bus terrenis ad ciuitatem Hierusalem matrem nos-
 tram. Qui autem sine naue fuerit in hoc mari ma-
 gno inuentus, inueniet draconem qui formatus est
 ad illudendum eis. Notandum tamen est, quia deo
 dicitur : illic est, inquit, draco quem formasti, quia
 Manichæi dicunt principem tenebrarum à se habe-
 re principium. Ergo ut creatura assignetur deo,

Deo

Deo dicitur quem tu formasti : quod autē sequitur ad illudendum eis, illis utiq; qui naues recusant, & quasi animales sine magistro catholico, & ab Apostolis ducente traditionem legis se fluctibus, & altitudinibus tradunt. Ergo quia extra ecclesiam sunt, inter animalia pusilla & magna uagantes inueniunt draconem, ita sibi illudentem, ut putent se melius catholicis sapere, & ad arbitrium suum inueniunt perpetuę mortis interitum, cum deuenerint in profundum. Quid tamen ut domine patiens & multum misericors & Iudei & heretici, & ingrati simul cum seruis tuis. Omnes quā diu in isto sunt corpore omnes à te expectant, ut des. illis escam in tempore isto. Isto uite presentis, quia si tu non dederis, nullus colligit. Aperis manum tuam super bonos & malos, et imple omne animal benedictione, sed cum auertis faciem tuam, tunc turbabūtur, cum auferes spiritus eorum & defecerint, & in terra sua reuertentur, de qua assumpti sunt. Cum autem fuerit resurrectionis tempus, ueniet spiritus tuus, & resuscitabuntur hij in quibus renouasti faciem terre, qui in nouitatem uite ambulauerunt, qui ambulauerunt in nouitatem spiritus, & non remanserūt in uetustate literę, in quibus omnia uetera transierunt, & facta sunt omnia noua. In ipsis erit gloria domini in secula seculorum cum beatus fuerit in

operibus suis, quæ nunc operatur cum patre & spiritu sancto, qui respicit terram, id est, corpora fidelium, & facit ea tremere iudicium futurum. Qui tangit montes & fumigant. Fumus montium nubes facit. Ergo eos qui sensum ad gloriam cœlestem exaltât, ita ut apud homines in terra imminuti esse uideantur, ut in futuro inueniantur excelsi, hos tanget dominus, & dant fumum oris sui, proferentes sermonem, qui nubes sunt oculorum, & facient multos plorare peccata sua, multos lauare ea elemosinis, multos festinare ad fontem sacrum. Sic ergo tactu dei montes fumigant ad inundationem nubium, quæ pluuiam dantes tam sordes abluunt, quàm frugibus & arboribus nascendi copiam administrant. Cantemus ergo ipsi domino deo nostro in uita nostra, & psallamus ei quàm diu uiuimus, suauis sit ei laudatio nostra catholicis assertio nibus suauificata, nihil morbo Iudæorum, nihil morbo hereticorum circumferens: ut & nos delectemur in domino cum deficere cœperint heretici, aut Iudæi à terra & iniqui, ita ut non sint: tunc letata anima nostra benedicens domino in omni tempore, ipsi gratias aget, cui gloria in secula seculorum Amen.

C

Alleluia.

CIII

Confitemini domino, & inuocate nomen eius

eius, annunciate inter gentes opera eius. Cantate ei & psallite ei, narrate omnia mirabilia eius. Laudamini in nomine sancto eius, letetur cor querentium dominum. Querite dominum & confirmamini, querite faciem eius semper. Mementote mirabiliū eius quæ fecit, prodigia eius & iudicia oris eius. Semen Abraham serui eius, filij Iacob electi eius. Ipse dominus deus noster, in uniuersa terra iudicia eius. Memor fuit in seculū testamēti sui, uerbi quod mādauit in mille generationes. Quod disposuit ad Abraham, & iuramenti sui ad Isaac. Et statuit illud Iacob in præceptum, & Israel in testamentum æternum. Dicens tibi dabo terram Chanaan funiculum hereditatis uestræ. Cum essent numero breui, paucissimi & incole eius. Et pertransierunt de gente in gentem, & de regno ad populum alterum. Non reliquit hominem nocere eis, & corripuit pro eis reges. Nolite tangere Christos meos, et in prophetis meis nolite malignari. Et uocauit famē super terram, & omne frumentum panis contriuit. Misit ante eos uirum, in seruum uenundatus est Ioseph. Humiliauerunt in compedibus pedes eius, ferrum pertransijt animam eius, donec ueniret uerbum eius. Eloquentium domini inflammatum eum, misit rex & soluit eum, princeps populorum & dimisit eum.

Constituit eum dominum domus suae, & principem
 omnis possessionis suae. Ut erudiret principes
 eius sicut semetipsum, & senes eius prudentiam do
 ceret. Et intrauit Israel in Aegyptum, & Iacob
 accola fuit in terra Cham. Et auxit populū suum
 uehementer, & firmavit eum super inimicos eius.
 Conuertit cor eorum ut odirent populum eius,
 & dolum facerent in seruos eius. Misit Moyses
 seruū suum, Aaron quem elegit ipsum. Posuit
 in eis uerba signorum suorum, & prodigiorum in
 terra Cham. Misit tenebras & obscurauit, &
 non exacerbauit sermones suos. Conuertit aquas
 eorum in sanguinem, & occidit pisces eorum.
 Edidit terra eorum ranas in penetrabilibus regum
 ipsorum. Dixit & uenit cynomia & cynises in
 omnibus finibus eorum. Posuit pluias eorum
 grandinem, ignē cōburentē in terra ipsorum. Et
 percussit uineas eorum, & ficulneas eorum, et con
 triuuit lignum finium eorum. Dixit & uenit le
 custa, & brucus cuius non erat numerus. Et
 comedit omne fœnum in terra eorum, & come
 dit omnem fructum terræ eorum. Et percussit
 omne primo genitum in terra eorum, primitias om
 nis laboris eorum. Et eduxit eos cum argento
 & auro, & non erat in tribubus eorum infirmus.
 Letatus est Aegyptus in profectiōne eorum,
 quia

quia incubuit timor eorum super eos. Expandit nubem in protectionem eorum, et ignem ut luceret eis per noctem. Petierunt et uenit coturnix, et pane caeli saturauit eos. Dirupit petram et fluxerunt aquae, abierunt in sicco flumina. Quoniam memor fuit uerbi sancti sui, quod habuit ad Abraham puerum suum. Et eduxit populū suum in exultatione, et electos suos in leticia. Et dedit illis regiones gentium, et labores populorum possederunt. Ut custodiant iustificationes eius, et legem eius requirant.

COMMENTARIUM

Alleluia in isto psalmo principium sumpsit, quam qui interpretantur gloria deo creatori omnium, uerum dicunt. Ad omnes enim gentes imperat nunciari gloriam eius, et enarrari omnia mirabilia eius, quomodo ex uirgine natus, quomodo exemplo et uerbo docuit, quomodo uirtutes exercuit, quomodo in cruce pependit, quomodo mortuus, sepultus, resurrexit, et ea quae ante passionem docuit, post resurrectionem suam iterum confirmauit, quomodo ascendit in caelos, et misit paraclitum, qui in conspectu gentium, quasi ignis dispersus, uniuersarum gentium quae in presenti erant linguas in Apostolos reseraret, ita ut quod imperatum fuerat in presenti psalmo, ab ipso spiritu sancto

esto tunc adimpletum, gentes ipse de Apostolis dicerent: Nonne isti, inquit, Galilæi sunt? & quomodo nos unusquisque, linguis nostris audivimus eos loquentes magnalia dei? Tunc ergo gentibus confessi sunt dominum, & innocauerunt nomen eius, nomen quod Iudæa sola retinebat, tunc annunciarunt inter gentes magnalia eius. Tunc iure primo cantatum est in aduëtu sancti spiritus alleluia, in quo narrauerunt omnia mirabilia eius, & docuerunt gentes hoc ordine: Nolite laudari in uirtute regum uestrorum, neque in potentia praeliorum uestrorum, sed deponentes potentias arcuum & scutum & gladium & bellum, pacem assumite, Et Christum quem predicamus uobis, uestro nomini sociate, ut uos qui dicimini gētes, dicamini Christiani, & laudemini in nomine sancto eius. Et letetur cor uestrum, qui queritis dominum, querite Christum, & confirmamini. Et quia ascendit in cœlis & parat uobis gaudium sempiternum, quam diu ad eum pertingatis, querite faciem eius semper, memento te mirabilia eius quæ fecit, quæ supra diximus prodigia eius, & iudicia oris eius, quæcunque apostoli, quæcunque quatuor euangelistæ testantur, non ex gentibus uenientes, sed ex semine Abraham serui eius, qui sunt filij Iacob electi eius. Non est enim Christus deus recens, non aduena.

non nouicius, sed ipse est dominus deus noster, qui semper fuit: & qui in Hebræorum gente tantum ceremonia collocauerat, nunc uult, ut in uniuersa terra sint iudicia eius. Quid nunc uultis Iudei? Dicite si uultis, arguimus uos noscentes, et dicimus uobis: falsas habetis scripturas. Si uere deus erat qui cum Abraham locutus est, cur quod promisit implere non potuit? si non potuit, omnipotens non est, si potuit & noluit, mentitus est. Ad hæc Paulus clamat Hebræus ex Hebræis, impossibile est mentiri deum. Docete ergo impletum quod iurauit deus per semetipsum dicens: In semine tuo hereditabo omnes gentes, quod disposuit ad Abraham, & iuramenti sui ad Isaac, statuit illud Iacob in præceptum & Israel in testamentum æternum, dicens, tibi quidem dabo terram Chanaan, funiculum hereditatis uestre. Et quando hoc factum est? Cum adhuc essent ipsi ex Cham numero breues, paucissimi & incole in ea. Tunc pertransierunt de gente in gentem, de regno Chanaanorum ad populum Aegyptiorum, non tamen permisit hominem nocere eos, & corripuit pro eis reges, sicut Amalech, & ceteros, & dixit eis. Nolite tangere Christos meos, & in prophetas meos nolite malignari. Vnde Amalech rex dixit ad Abraam. Nisi deus admonisset me
noſte

nocte in uisione, habueram peccare in te: sed corripuit me in uisione & admonuit me, ut rogem te, & ores pro me. Egimus haftenus & mysticum & historicum sensum, sed una nobis quaestiuncula uidetur in manibus. Queritur enim, quomodo uerbum hoc mandauit in mille generationes, quod disposuit ad Abraham. Has mille generationes gentium edocere, laciniosa satis narratio flagitat. Sed ut prout potuerimus iuuante domino, commatice trāseamus. De gente ad gentem, de regno ad populum alterum. Noe tres filios habuit, Sem Cham, Iafeth. Sem primogenito pars facta est à Persida et Baſtris usque in Indiam longe, & usq; Rhinocoruras, quae spacia terrarū habent linguas sermone barbarico uiginti & septem, in quibus linguis gentes sunt patriarum quadringente sex, non diuersarum linguarum, sed, ut dixi, diuersarum patriarum, uerbi gratia. Cū una lingua Latina sit, sub una lingua diuersae sunt patriae, Brutiorum, Lucanorū, Apulorum, Calabrorum, Picentum, Tuscorum, & his atq; buiuscemodi patrijs similia si dicamus. Cham uero secundus filius Noe, à Rinocoruris usq; Gadirā, habens linguas sermone Punico à parte Garamātum, Latino à parte Boreae, barbarico à parte meridiana Aethiopum & Aegyptiorum ac barbaris interioribus uario sermone numero uiginti duabus linguis

guis, in patrijs trecentis nonaginta & quatuor. Iafet autem habet flumen tigridem, qui diuidit Mediam & Babyloniam, in patrijs ducentis sermone uario, in linguis uiginti tribus. Fiunt ergo omnes simul linguæ septuaginta due, patriæ autem generationum mille, quæ in tripartito seculo hoc ordinæ sitæ sunt. Habet, ut diximus, Iafet flumen tigridem, qui diuidit Mediã & Babyloniam. Sem autem Eufraten. Cham uero. Geon, qui uocatur Nilus. In his tripartitis gentibus ex uno homine manãtibz, trinitas per dominum nostrum Iesum Christum hominem perfectum apparuit, & solus his mille generationibus per lignum suæ passionis occurrit, quia memor fuit uerbi quod iurauerat in mille generationes, dicens Abrabæ, quod in semine tuo hereditabo omnes gentes. Et sicut filijs Israel famem passuris succurrit Ioseph, qui uẽditus est, qui postquam uenditus est, ad regnum ascendit, et fame perituris aliquantis gentibus & patrijs frumentatione reposita caute succurrit. Ita uenditus à Iuda Christus, in triumpho crucis exaltatus est. Ante quidem passus synagogam falsam testem, sicut Ioseph domi-
nam meretricem. Post hæc exurgens à mortuis accepit regnum, ut in nomine eius omne genu flectatur, coelestium, terrestrium, & infernorum, & fame pereuntibus his mille generationibus, apertis

horreis, manuum suarum profluentissima largitate succurrit, nō solā eis speciē frumenti, sed et uini et olei administrans. A cunctis eas aduersitatibus liberauit. Vocauit enim famem super terram eorum, prius qui in idolis confidebant, & omne eis firmamentum panis contriuit, quia panem uerum qui de cœlis descenderet ignorabant. At ubi uenit uir perfectus, qui in seruum uenundatus est. posteaquam ferrum pertransiuit animam eius, quia eloquium falsæ testis inflammauerat iram super eum. At ubi misit rex de cœlo & soluit eum, et princeps qui est deus in Christo mundū concilians sibi, dimisit eum soluens ab omni uinculo fragilitatis, continuo statuit eum dominum domus suæ. Dominum in cœlo & in ecclesia, & principem omnis possessionis suæ omnis sanctitatis, ut erudiret Apostolos sicut seipsum, qui profecerat ætate & sapientia, & senes suos hos ipsos patres omnium credentium, prudentiam doceret, & in ministerio absconditam. Tunc intrauit Israel in Aegyptū uidens deum, Apostolos inter idolatras, & Iacob accola fuit in terra Chanaan, & auxit populum eius nimis, ita ut milia hominum haberent cor unum & animam unam. Et cōfirmavit cor eius super omnes inimicos eius qui negabant eū. Contemntes enim eos, Apostoli conuersi sunt ad gentes, Conuersum est cor gentium,

ut odirent populum eius, & occidentes martyres dolum facerent in seruos eius, quousq; ueniret ad ros Moyses & Aaron, quousq; pertingeret ad sensum eorum lex dei, & ponerent in mente sua uerba signorum, & prodigiorum, quæ aut legētes agnouerant, aut referentes audierant. Cœperunt enim timere, ne paterentur non credētes, quod passa fuerat Aegyptus cū rege suo, tenebras, aquas sanguineas, ranas, locustas, brucos, cynifes, cynomias, grandinem, ignitumq; uētum, qui combussit uineas ficulneas, atq; omne lignum finiū eorum. Post hæc etiam percussione[m] angeli in omnem primogenitum terræ eorū, & primitias omnis laboris eorum. Dantes ergo omnes timorem his uirtutibus uincētis dei, fugerunt Aegyptiorum incredulitatem, & secuti Apostolorum fidem, educti sunt in argento & auro, in duobus testamentis, argento ueteri, & auro noui, in bono & meliore, & non est inuentus in his, qui per aquam transierunt, ullus infirmus. Nullus enim inuenitur in omnibus mille his generationibus baptizatis, uel unus peccatum habens in hora baptismatis. Alioquin, si peccatum habet non credidit, & cum Aegyptijsmersus est. Nam omnes qui crediderunt, ex hora qua transierunt, uenientes ad consignationem, non inuenitur in tribubus eorum infirmus, omnes firmi sunt. Omnes enim

confirmati sunt. *Letatus est Aegyptus. Aegyptus totus mundus, licet in peccatis agens, tamen letatur die sancto paschæ, in profectioe eorū, qui fugientes Pharaonem, & sequentes Moysen, per aquam transierunt, ut inueniant ubi audiant uocē domini. Incubuit enim timor super incredulos, et non sunt ausi sine ferijs esse in ipso die, qui si non letantur, credentes deum, feriantur timentes regnum et populum Christianum. Et ideo letantur, quia incubuit timor eorū super eos. Expandit enim deus nubem, id est, ecclesiam suam in protectionem eorum, & ignem fidei, quæ lucet eis in tenebris mundi, ubi petierunt carnem & acceperunt ortigometram. Caro enim illis data est, tūc coturnices uolantes utiq; & cœlestia cupientes, & his datur caro que ascendit super Cherubin, & uolauit, & pane cœli saturati sunt. Quando dirupit petram, & fluxerunt aquæ, & in deserto totius seculi curruēt flumina, quia memor factus est uerbi sancti sui quod dixit ad Abrabam puerum suum. Ideoq; eduxit populum suum in exultatione, in alleluia, in abbis uestibus, & electos suos in leticia, & dedit illis regiones gentium, & ciuitates populorum, ut custodiant iustificationes eius, & legem eius requirant. Sic enim ait: Baptizate, inquit, omnes gentes in nomine patris & filij & spiritus sancti, docem*

tes eos custodire omnia quæcūque præcepi uobis,
 & ecce ego uobiscum sum omnibus diebus, usque
 ad consummationem seculi Amen.

Alleluia Alleluia.

CV.

Confitemini domino quoniam bonus, quo-
 niam in seculum misericordia eius. Quis
 loquetur potentias domini, auditas faciet omnes
 laudes eius. Beati qui custodiunt iudicium, &
 faciunt iusticiam in omni tempore. Memento no-
 stri domine in beneplacito populi tui, uisita nos in
 salutari tuo. Ad uidendum in bonitate electorum
 tuorum, ad letandum in leticia gentis tuæ, ut lau-
 deris cum hereditate tua. Peccauimus cum pa-
 tribus nostris, iniuste egimus, iniquitatem fecimus.

Patres nostri in Aegypto non intellexerunt
 mirabilia tua, non fuerunt memores multitudinis
 misericordie tuæ. Et iritauerunt ascendentes in
 mare, mare rubrum. Et saluauit eos propter no-
 men suum, ut notam faceret potentiam suam. Et
 increpauit mare rubrum & exiccatum est, & deduxit
 eos in abyssis sicut in deserto. Et saluauit eos
 de manu odientium, & redemit eos de manu inimi-
 ci. Et operuit aqua tribulantes eos, unus ex eis
 non remansit. Et crediderunt uerbis eius, &
 laudauerunt laudem eius. Cito fecerunt oblitè
 sunt operum eius, & non sustinuerunt consiliūne

eius. Et concupierunt concupiscentias in deserto, & tentauerunt deum in inaquoso. Et dedit eis petitionem ipsorum, & misit saturitatem in animas eorum. Et iritauerunt Moysen in castris, Aaron sanctum domini. Aperta est terra, & deglutiuit Dathan, & operuit super congregationem Abyron. Et exarsit ignis in synagoga eorum, flamma combussit peccatores. Et fecerunt vitulum in Oreb, & adorauerunt sculptile. Et mutauerunt gloriam suam in similitudinem vituli, comeditis foenum. Obliti sunt deum, qui saluauit eos, qui fecit magnalia in Aegypto, mirabilia in terra Cham, terribilia in mari rubro. Et dixit ut disperderet eos, si non Moyses electus eius stetisset in confectione in conspectu eius. Vt auerteret iram eius, ne disperderet eos, & pro nibilo babuerunt terram desiderabilem. Non crediderunt uerbo eius, & murmurauerunt in tabernaculis suis, non exaudierunt uocem domini. Et eleuauit manum suam super eos, ut prosterneret eos in deserto. Et ut deijceret semen eorum in nationibus, & disperderet eos in regionibus. Et initiati sunt Beelphegor, & comederunt sacrificia mortuorum. Et iritauerunt eum in adinventionibus suis, & multiplicata est in eis ruina. Et stetit Phinees & placauit, & cessauit quassatio. Et reputatum est ei

ad iusticiam, in generatione & generationem, usq[ue]
in sempiternum. Et iritauerunt eum ad aquam
cōtradictionis, et uexatus est Moyses propter eos,
quia exacerbauerunt spiritum eius. Et distinxit
in labijs suis, non disperdiderunt gentes quas dixit
dominus deus illis. Et commixti sunt inter gen-
tes, & didicerunt opera eorum, & seruierunt scul-
ptilibus eorum, & factum est illis in scandalum.
Et immolauerūt filios suos & filias suas demonijs.

Et effuderunt sanguinem innocentem, sanguinem
filiorum suorum & filiarum suarum, quas sacrifi-
cauerunt sculptilibus Chanaan. Et infecta est ter-
ra in sanguinibus, & contaminata est in operibus
eorum, & fornicati sunt in adinventionibus suis.

Et iratus est furore dominus in populum suum, &
abominatus est hereditatem suam. Et tradidit eos
in manus gentium, et dominati sunt eorum qui ode-
runt eos. Et tribulauerunt eos inimici eorum,
& humiliati sunt sub manibus eorum, sepeliberat
uit eos. Ipsi autem exacerbauerunt eum in con-
silio suo, & humiliati sunt in iniquitatibus suis.

Et uidit cum tribularentur, & audiuit orationem
eorum. Et memor fuit testamenti sui, & pœnit-
tuit eum secundum multitudinem misericordiæ
sue. Et dedit eos in misericordias in conspe-
ctu omnium qui ceperant eos. Saluos fac

nos domine deus noster, & congrega nos de nationibus. Ut confiteamur nomini sancto tuo, & gloriemur in laude tua. Benedictus dominus deus Israel à seculo & usq; in seculum, & dicet omnis populus fiat fiat.

COMMENTARIUM

Alleluia primum egit ut baptizentur credentes. Alleluia secundum agit ut reconcilientur poenitentes. Ibi suscepit plebem suam in exultatione, & electos suos in laticia. Hic poenitentes exaudit, & dat eos in misericordiam in conspectu omnium, qui eos ceperant. Beati sunt ergo, qui custodiunt iusticiam. Non enim ad hoc ueniunt: ut à suis hostibus capiantur. Hij autem qui capti sunt clamant ad misericordē, dicentes. Peccauimus cum patribus nostris: Iniuste egimus, iniquitatem fecimus. Nec illud cum aliqua controuersia respicias uolo, quod dixi, omnes qui non custodiunt iusticiam, capiuntur ab hostibus suis. Illos enim magis hostes respice, qui cum esse pro certo noscantur, pro certo uideri non possunt. Et cum illos aspectu mentis adtēderis, illum plus uidebis à suis hostibus possideri, qui post peccatū exultat, nullo flagello percussus. Verum quia uerus Christianus ille est, qui pro suis quotidie peccatis exorat, suscipiat regu-

Legendā ar. lam poenitentiae, excluso noua ita ut centesimum
quis

quintum psalmum centesimoquarto subiūgat, non recusset flentem in quinto, quem in quarto letatē accepit. Et sicut ille cantauit alleluia, & iste alleluia decantet. Ibi diues factus in argento & auro egreditur gaudens, hic mēdicus effectus reuertitur plorans. Et ibi alleluia cantatum est, et hic alleluia cantatur. Ibi cōfitemini dictum est, & inuocate nomen eius, hic confitemini dicitur quoniam bonus. Dicite peccata uestra, unde exacerbastis dominum. Distulit enim super uos sententiam, ut deiciat uos in nationibus et, dispergat uos in regionibus. Confitemini bono, confitemini uolenti parcere. At illi: Peccauimus, inquit, cum patribus nostris. Peccauimus cum patribus, non de tempore posuit. Cum patribus enim tunc peccauerunt, quando iritauerunt ascendentes in rubrum mare, quādo operuit aqua tribulātes eos. Posteaquam crediderunt uerbo dei, & cantauerunt laudem eius, statim obliti sunt operum eius. Et concupierunt concupiscentiam in deserto, ollas Aegypti, & iritauerunt in siccitate, & data est eis petitio eorum, & data est saturitas in animam eorum. Saturitatem secuta est luxuria, & iritatus est dominus à superbis Dathan, Chore, & Abyron. Et siue pro igne alieno, siue pro superbia contra Moysen usa, aperta est terra, & deglutinit eos uiuentes. Populus autem li-

bitror excluso nouato. Nā is non recipiebat penitētes

beratus, immemor liberatoris sui, memoratur superstitiones Aegypti. Quibus memor aurum suum in nituli similitudinem fundit, adorat opera manuum suarū. Oblitus est eum qui liberauit eū, pro quo factū dū uellet dominus disperdere eos, stetit Moyses dicēs: Domine dele me de libro tuo, si istis non par eis. Putas ne tu o Moyses plus misericors es, quā ille qui blasphematus manna pluit, qui contemptus de petra producit aquas. Non tu plus misericors, sed uoluit dominus affectū tuum ducibus populi recitari, ut sic agant circa peccantes, sicut te fecisse cognoscunt, non cito damnent, sed uolentem dominū condēnare, suis precibus flectant. Audi quid eātas: Dixit, inquit, ut disperderet eos, si non Moyses stetisset in contractione qua cōperat agi populus: Stetit, inquit, in conspectu eius, ut auerteret iram eius, ne disperderet eos. Iā si placet, quia longus est psalmus, transeamus ad causam nostram ab historia Iudeorum. Omnia enim nobis ista post baptismatis cōsecrationē eueniūt. Ingre dimure enim per baptismum terram fluentem lac, et mel. Et post haec pro nibilo habemus terram desiderabilem, quando polluimus terrā corporis nostri. Non enim uere credimus uerbis dei perpetuum incendiū cōminantibus propinquis tēporalibus factis. Et quia deo non credimus murmuramus in tabernaculis mentū nostrā

Sic legendum
censeto. commi
nanti pro ini
quis tempora
libas factis.

rum, quia non exaudimus uocē domini. Quae fronte
dicimus deo: Exaudi uocem nostrā, qui non exaudē
mus uocē domini. Insuper etiā cōsecramus Bilsigor,
uentri & libidini seruientes, aut illos colimus, qui
colunt uētres nostros, aut illos quorum persona à
mūdo suscipitur. Quos cum sciamus, aut turpes in-
factis, aut iniustos in iudicio, tamen quia potentum
amicicijs copulātur, aut ipsi potētes sunt, hos in sa-
cerdotio consecramus, hos dignos clamamus & ius-
tos, per quos māducamus mortuorū sacrificia. Hī
enim q̄ offerūt siue pecunias, siue munera ecclesijs,
et mortui sunt in peccatis suis, propterea utiq; of-
ferunt, ut nostris precibus reuiuiscant: nos uero pe-
iora scelera committentes, illa quae offerunt sacri-
ficia mortui comedimus, illi autem in sua morte
perdurant, quia nostro non reuocabuntur exem-
plo: sic fit ut iritemus dominum in his studijs no-
stris, & multiplicatur super nos ruina. Percunt
urbes, percunt prouinciae, quia percunt disci-
plina. Superest ut siet Fines, & exoret pro nobis
his, id est, siet populus martyrum, qui non ti-
muerunt sicut Fines sanguinem fundere. Ut his
orantibus cesset à nobis quassatio, ut hoc quod
euadimus, quia nostra iusticia nulla est, illorum
reputetur iusticia, à generatione & generatione
usque in aeternum. Nunc uidendum est, qualiter

3. *Et nos sicut illi iritamus dominum ad aquam con-*
tradictionis, ita ut uexetur Moyses propter nos,
qui exacerbamus spiritum eius. Ita, ut dixi, liquet
psalmus hic in historia, ut penitus & expositor nec-
cessarius non sit. Sed quia à litera ingressi sumus in
fra literam, uideamus quomodo iritetur dominus
ad aquam contradictionis. Post baptisma unum,
aqua nobis contradictionis exoritur, cōtradicitur
nobis aqua baptismatis: unus enim deus, una fides,
unum baptisma. Ibi uexamus Moysen. Moyses lex
dei est, uexamus legem eius contemnentem prece-
pta eius. Iu super etiam exacerbamus spiritum eius
sanctum, in quo signati sumus in die redemptionis.
Hoc autem facimus, quando non disperdimus gen-
tes quas dixit dominus, quando nutrimus uicia,
amantes ea que odit dominus commiscemur inter
gentes, similia aut peiora facientes, quàm gentes
que ignorant deum. Seruimus sculptilibus eorum,
deum habentes uentrem & gloriam in stercore.
Hinc nascitur nobis scandalum, id est, libido. Tunc
immolamus filios nostros & filias nostras demo-
nijs, id est, sensus nostros, qui ex nobis quasi filij na-
scuntur. Et cogitationes nostras demonijs tradi-
mus. Effundimus sanguinem innocentem, id est, san-
guinem animarum simplicium, que nostro exem-
plo delinquant. Sanguinem utiq; eorum sacrifici-

mus sculptilibus Cham. Cham irrisor patris est. Hij ergo qui irrident legem dei nostri, his eos sacrificamus qui nostro exemplo delinquant. Iacent enim ante ora eorum, de ipsis loquuntur, de ipsis risus, de ipsis iocus, de ipsis opprobria uniuersa reperiunt. Ille monachus hoc egit, ille clericus hoc, illa sanctimonialis hoc, sic interficitur terra sanguinibus, id est, terrenae mentes interficiuntur hoc ordine, si ille qui sanctus uocatur & nonnus sic agit, ego quis aut quotus sum ut non agam, sic interficitur uicio nostro terra sanguinibus, & contaminatur in operibus nostris. Quia fornicamur in obseruationibus nostris, id est, in proposito sancto positi, aut corde, aut opere fornicamur. Ideo irascitur dominus super populum suum, et abominatus est hereditatem suam. Ideo tradidit nos in manu inimicorum, & dominantur nostri qui oderunt nos. Et tribulant nos inimici nostri, & humiliant nos sub pedibus suis, sepe diximus: Parce domine, et sepe liberauit nos. Nos autem iterum liberati exarsimus in cogitationibus nostris. Nihil nobis superest, nisi ut de isto corpore exeamus. Si contempsimus quae passi sumus, quae passuri sumus contemnimus. Ibi enim passio finem non habet, iam ex integro poeniteamus. Quia sicut contemnentes deum, deum nobis fecimus contemnentem, ita dum poenitemur ex animo, deum

nonnus hoc uerbo Acgyptio ni fallor usus est Hier.

deum nobis facimus pœnitentē. Nos pœnitēmur, quia cōtempſimus: ille pœnitetur se dictasse ſententiam. Tu facta renouas, ille ſententiam: tu pœniteris, & ille pœnitetur ſecundum multitudinem miſericordiæ ſuæ, & tollens à nobis iram, dat nobis miſericordiam, in conſpectu omnium qui ceperunt nos. Clamamus ergo ad ſaluatorem ex animo dicentes: Saluos fac nos domine deus noſter, & congrega nos de nationibus, ut ultra non ſeruiamus peccato, Nec mores noſtri ſimiles ſint gentibus, quia etiam ſi in gentibus diſpergamur, ſicut Daniel et tres pueri, non ſumus inter gētes, ſi eis moribus non miſcemur: Quin imò gloriāmur in laude eius, cum uiuentes homines opera noſtra bona, laudant & benedicunt deum Iſrael, & dicet omnis populus, fiat fiat, id eſt, fiat fiat ſemper tale opus in quo benedicatur deus, qui regnat in ſecula ſeculorū Amen.

Alleluia alleluia.

CVI.

Conſitemini domino quoniam bonus, quoniam in ſeculum miſericordia eius. Dicant nunc qui redempti ſunt à domino quos redemit de manu inimici, & de regionibus aggregauit eos. A ſolis ortu & occaſu, ab aquilone & mari. Errauerunt in ſolitudine in inaquoſo, uiam ciuitatis habitaculi non inuenerunt. Eſurientes & ſitientes, anima eorum in iſtis deſecit. Et clamauerunt

runt ad dominum cum tribularentur, & de necessitatibus eorum eripuit eos. Et deduxit eos in viam rectam, ut irent in ciuitatem habitationis.

Confiteantur domino misericordie eius, & mirabilia eius filiis hominum. Quia satiauit animam in anem, & animam esurientem satiauit bonis. Sedentes in tenebris & in umbra mortis, uinctos in mendicitate & ferro. Quia exacerbauerunt eloquia dei, & consilium altissimi iritauerunt. Et humiliatum est in laboribus cor eorum & infirmati sunt, nec fuit qui adiuuaret. Et clamauerunt ad dominum cum tribularentur, & de necessitatibus eorum liberauit eos. Et eduxit eos de tenebris, & umbra mortis, & uincula eorum dirupit.

Confiteantur domino misericordie eius, & mirabilia eius filiis hominum. Quia contriuit portas areas, & uestes ferreos confregit. Suscepit eos de uia iniquitatis eorum, propter iniusticias enim suas humiliati sunt. Omnem escam abominata est anima eorum, & appropinquauerunt usque ad portas mortis.

Et clamauerunt ad dominum cum tribularerentur, & de necessitatibus eorum liberauit eos. Misit uersum suum & sanauit eos, & eripuit eos de interitionibus eorum. Confiteantur domino misericordie eius, et mirabilia eius filiis hominum. Et sacrificet sacrificium laudis, et annunciet opera eius in exultatione.

Qui

Qui descendunt mare in nauibus, facientes operationem in aquis multis. Ipsi uiderunt opera domini, & mirabilia eius in profundo. Dixit & stetit spiritus procellæ, & exaltati sunt fluctus eius. Ascēdunt usq; ad cælos et descendunt usq; ad abyssos, anima eorum in malis tabescebat. Turbati sunt & moti sunt sicut ebrius, & omnis sapientia eorum deuorata est. Et clamauerunt ad dominum cum tribularentur, et de necessitatibus eorum eduxit eos. Et statuit procellam eius in auram, et siluerunt fluctus eius. Et lætati sunt quia siluerunt, & deduxit eos in portum uoluntatis eorum. Confiteantur domino misericordie eius, & mirabilia eius filijs hominum. Et exaltent eum in ecclesia plebis, & in cathedra seniorum laudent eum.

Posuit flumina in desertum, & exitus aquarum in sitim. Terram fructiferam in saluginem, à marlicitia inhabitantium in ea. Posuit desertum in stagna aquarum, & terram sine aqua in exitus aquarum. Et collocauit illic esurientes, & constituerunt ciuitatem habitationis. Et seminauerunt agros & plantauerunt uineas, et fecerunt fructum natiuitatis. Et benedixit eis & multiplicati sunt nimis, & iumenta eorum non minorauit. Et paucifaciati sunt, et uexati sunt à tribulatione malorum & dolore. Effusa est contentio super principes,

Et errare fecit eos in inuio & non in uia. Et adiu-
uit pauperē de inopia, et posuit sicut oues familias.

Videbunt recti et letabuntur, & omnis iniquitas
oppilabit os suum. Quis sapiens & custodiet hæc
& intelliget misericordias domini.

COMMENTARIUM

Tertium alleluia canitur in psalmo centesimo
sexto, in quo usus noster cottidianus retexi-
tur. Audi Nouatiane audi de quibus loquitur, uult
enim in isto psalmo agere contra te specialiter spiri-
tus sanctus. Tu enim dicis, qui adhuc non sunt red-
empti, ipsi possunt ad indulgentiam per pœniten-
tiam peruenire. Nos dicimus, illi per fidē solam ad
indulgentiam attingunt. Isti autem qui iam redem-
pti sunt, non per fidem solam, quia iam crediderūt
sed per pœnitentiam, perueniūt ad misericordiam
redemptoris. Denique audi quid dicat. Dicant, in-
quit, hij qui redempti sunt à domino, quos redemit
de manibus inimicorum, utiq; per baptismum de re-
gionibus, congregauit eos, utiq; ad fidem, à solis or-
tu et occasu, ab Aquilone & mari. Hij errauerunt,
id est, à recti tenore recesserunt, passi siccitatem in-
uia, id est, in Christo ambulantes, quia ipse est uia.
Passi siccitatem sermonis, dum nullus docet, nullus
exhortatur, aut nullus est cuius exemplo perfunde-
rentur. Passi siccitatem errauerunt, & ciuitatem

C habita

habitationis non inuenerunt, non inuenerūt cuius exemplo spiritaliter uiuerent, sed desertum huius mundi passi, esurientes & sitientes anima eorum in ipsis defecit. Quia cibum uerbi dei & boni exempli non habuit, & clamauerunt ad dominum cum tribularentur, id est, dum pœniterentur. Et de necessitatibus eorū liberauit eos. Reduxit eos in uiam rectā, per pœnitētiā sunt reuocati ad Christum, ut per ipsum perueniant ad ciuitatem habitationis, & possint refici sermonibus sanctis. Confiteantur domino misericordiæ eius, & mirabilia eius filijs hominum. Quia satiauit animā quæ fame peribat, & animam esurientem. Quid esurientem? Bona uti q; quæ non habebat esurientem. Ergo bona saturauit bonis pœnitentem, & sedentem non in schematibus mundi, non in publico gloriantem, sed sedentem in tenebris, & in uinculis in mendicitate & in ferro. Quare hoc, inquiunt mundi homines, quid sibi uolunt isti religiosi plorare, sedere in uinculis, sedere in tenebris? Vbi est scriptum? Ecce hic scriptum est, quia illam animam respicit deus, quæ sedet in tenebris & in uinculis, pro eo quod exacerbauerit dominum, & consilium altissimi spreuerit. Qui humiliat in labore & ieiunijs cor suum. Quia ergo cor contritum ac humiliatum deus non despiciet, audi quid sequitur: Clamauerunt, inquit, non

cum epularentur, sed cum tribularentur. Ipsi enim sibi imponunt tribulationis iugum: ne forte dum preterita facta ad indulgentiam peruenire postulant, incurrant presentia. Lætus enim animus facile lapsus incurrit, quod tristi & afflicto difficile euenit. Humilietur ergo in labore, ieiunio cornostrum, non cum lætificent uino, & ostendentes infirmitatem nostram medico cœlesti, clamemus ad eum. Ipse enim educet nos de tenebris & de umbra mortis. Et uincula nostra dirumpet, ita ut confiteamur ei, quia contriuerit nobis portas æreas. Portæ æræ sunt consuetudines uiciose, quæ sic claudunt nos, ut propemodum etiã arbitriũ nostre libertatis includat. Nãq; qui cõsueuimus uerbi causa iurare, iurare iã nolumus, sed quasi porta clausa huius cõsuetudinis, uolentẽ egredi non finit. Sic enim fit, ut etiã non uolens ex ore meo proferã iuramentũ. Sic & de uniuersis uitijs dictũ puta. Quia in ipsis uitijs, uelut in portis æreis impingimus, fugientes & uolentes egredi nõ ualemus. At ubi tribulantes claudauerimus ad Christũ, cõstringit portas æreas, & uelles ferreas cõminuit. Velles enim ferrei immundi spiritus sunt, q̄ portas nobis impie cõsuetudinis claudunt. Hic si se subduxerit dominus, libertas ipsa nostri arbitrij euanescit. Sed non se subducit dominus, nisi in spiritu tribulati cũ lachrymis exoretur.

Tribulanti dicitur
c i Grece. pro
co qui tribu-
latur.

Mittet enim uerbum suum sicut misit ante filium suum. Mittit eum & sanat nos, & sicut redemit nos de manu inimici, ita nunc eripit nos de interitu nostro. Confiteantur ergo domino pluraliter misericordiae eius, & mirabilia eius filiis hominum, ut sacrificent sacrificium laudis. Ideo annuncient opera eius in exultatione, & non in tribulatione: Hii, inquit, qui descendunt mare in nauibus. Mare descendunt in nauibus, qui in conuersatione sancta in isto mundo degunt. Ipsi enim faciunt operationem in aquis multis, id est, & uerbo & exemplo suo, eorum qui eos aut audiunt, aut imitatur operationem, in aquis multis facere referuntur. Ipsi uident opera domini cottidie, ad hoc uacant ut uideant opera domini, quae iste mundus sic dum fruitur non uidet. Hii autem non solum opera domini uident, sed mirabilia eius in profundo considerant. Verum quia nullus iustus sine tentatione transijt, audi quid de eis dicatur: Ascendunt, inquit, usque ad caelos. Quid est ascendunt? Disce in Petro, ut quod in ipso inuenieris, in omnibus cernas. Ascendit Petrus usque ad caelos, dicens domino: Etiam si oportuerit me tecum mori, non te negabo. Descendit usque ad abyssos, cum negat. Post haec ita turbatus est & motus est, sicut ebrius. Et omnis sapientia eius ita deglutita est, ut nisi clamasset ad dominum cum tribularetur, &

ploraret amarissime, non de his necessitatibus euasisset: fleuit ergo & statuit ei procellam in auram. Audi dicentem dominum: Petre, ait, petis satbanas, ut uentilet uos sicut triticum in area. Ego autem intercessi pro te: quasi qui dicat, statui tibi procellam in aura, & feci ut sileant à te fluctus eius. Letatus est Petrus, quia siluerunt, & deduxit eum in portum uoluntatis suæ, in ecclesia sine dubio. Vbi exaltant eum in ecclesia populi. Et in cathedra seniorum laudant eum, quia posuit flumina in deserto, id est, in deserto huius seculi perambulans, quousque perueniret ad Romam, prædicauit baptismum Iesu Christi, in quo uniuersa flumina benedicuntur usque hodie à Petro. Ipse posuit exitus aquarum in sitim, ita ut qui exierit foras ab ecclesia Petri, siti pereat. Posuit terram fructiferam in falsuginē. Sicut falsugo terram à fructu reuocat, ita litera mundi à fructu spiritali reuocat mentes. Sed per Petrum in falsugine literarum positam Romam, fecit eam fructum afferre. Vnde autem ipsa terra falsuginem haberet expressit: A malicia, inquit, hominum inhabitantium in ea. Et adiecit: Posuit, inquit, desertū ab aquis, quæ peccata lauant. Posuit in stagno aquarum, abundant aquæ baptismatis, Martyrum penitentiae elemosynarum abundant in deserto isto, quod ante Petri aduentum siccum fuit & aridum.

hoc nunc excultum est cum constitueretur in coeli
 uitas ecclesie, in qua cottidie seminantur agri, &
 plantantur uince, ut fiat fructus natiuitatis, quos
 benedixit deus, & fecit ut multiplicarentur. Sed
 post hæc persecutio facta est, & pauci facti sunt.
 Multi enim uocati, pauci uero electi. Pauci uero ad
 martyrij palmam attingere meruerunt. Quando
 effusa est contentio super principes mundi. Tunc se
 duxerunt eos in inuio, & non in uia, id est, in idor
 lis & non in Christo, qui uia est. Sed adiuuauit do
 minus pauperem de mendicitate, & respexit, quia
 tentationes ferre populus credens ei omnino non
 poterat. Adiuuauit cum de mendicitate uirum, &
 posuit sicut oues familias in uniuersam faciem ter
 ræ, statuens eis pastores & pascuas, quæ uidentes
 recti letabuntur. Non recti uero murmurabunt, sed
 iniquitas omnis aduersus ecclesiam dei, et aduersus
 oues & pasto res iam obstruxit os suum. Qui sapiens
 est intelligit hæc, & cum intellexerit, nihil aliud in
 telligit, nisi misericordiam domini, qui regnat in se
 cula seculorum Amen.

Canticum psalmi ipsi David. CVII.

Paratum cor meum deus paratum cor meum,
 cantabo & psallam in gloria mea. Exur
 ge psalterium & cythara, exurgam diluculo.
 Confitebor tibi in populis domine, & psallam tibi

in nationibus. Quia magna est super cœlos misericordia tua, & usq; ad nubes ueritas tua. Exaltare super cœlos deus, & super omnem terram gloria tua ut liberentur dilecti tui. Saluum fac dextera tua et exaudi me deus locutus est in sancto suo.

Exultabo & diuidam siccimam, & conuallem tabernaculorum dimetiar. Meus est Galaad, & meus est Manasses, et Effraim susceptio capitis mei. Iuda rex meus, Moab lebes spei meæ. In Idumæam extendam calciammentum meum, mihi alienigenæ amici facti sunt. Quis deducet me in ciuitatem munitam, quis deducet me usq; in Idumæam. Nonne tu deus qui repulisti nos, & non exhibis deus in uirtutibus nostris. Da nobis auxilium de tribulatione, quia uana salus hominis. In deo faciemus uirtutē, & ipse ad nihilū deducet inimicos nostros.

COMMENTARIUM

Psalms centesimus septimus ex duorum psal-
morum sinibus probatur esse constructus, ex
parte quinquagesimiseptimi & quinquagesiminoni.
Quam considerationem, si diligenter sensus spiri-
talis attendat, uidit satis necessarium deo cor
suum, & omnes occasiones mundi ab eo separans,
paratum deo alludet in psalmo & in uerbo con-
geminat. Quid est enim dicere deo: Paratum cor

meum, nisi hoc, ut dicat ei, Veni domine paratum cor meum, & in rem tibi preparatam ingredi, ut cantem & psallam in gloria mea. Quam autem suam gloriam memoraret adiunxit: Exurge, ait, gloria mea in psalterio & in cythara, ut in ipsam gloriam exurgam diluculo, mox ut mihi auxilium tuum fulgescens, tenebras à me meorum excluderet peccatorum, tunc & in populis confitebor, & dicam: Quia non sum dignus uocari seruus tuus pro peccatis meis, non me iactabo in superbia, etià cum me per indulgentiam tuam mundatum agnouero. Sicut ille qui uas electionis factus clamabat dicens: Non sum dignus uocari Apostolus. Et hæc cōfessus in populis domino, cœpit psalmū dicere inter gentes. Quem psalmū Paulus cecinit inter gētes? Hūc sine dubio, Quia magnificata est usq; ad cœlos misericordia eius. Qui uenit in hūc mundum peccatores saluos facere, quorum primus, ait, ego sum. Et hæc ueritas eius, usq; ad nubes peruenit, id est, usq; ad Apostolos peruenit ueritas qui est Christus. Iā prophete silent, soli Apostoli loquuntur, & apostolorum discipuli. Quid loquuntur? Quia exaltatus est super cœlos deus dei filius, & sedens ad dexteram patris, super omnem terram eius gloria prædicatur, ut liberentur in toto orbe terrarum, qui sunt delecti eius, in quibus clamat ecclesia: Saluum

me fac dextera tua, & exaudi me. Nisi enim dextera eius traxerit ab inferis animam nostram, id est, ab inferis cogitationibus, non saluamur à descendentibus in lacum, id est, non eripimur, sed à fornicationis laqueo innodamur. Sed sicut nō eripimur, nisi per dexteram eius, sic non eripit nos dextera eius, nisi dicamus credentes. Saluum me fac dextera tua & exaudi me. Ad hæc deus, inquit, locutus est in sancto suo, id est, in domino Iesu Christo locutus est deus. Exultabo & diuidam Siccimam. Ciuitas est quam Hebræi humiliauerunt in gladio, quia soror eorum ibi corrupta fuerat. Nunc uero quia mens eorū corrupta est, in gentes misit deus filium suum, qui hanc urbem gentium tollat de potestate Hebræorum. Et diuidam eam Apostolis, & conualles tabernaculorum eius metiar in tres partes, ita ut ipsas tres partes in uno regno coniungam, & sit trinitas dei in trinitate populi Hebræorum, Græcorum & Latinorum. Ex his tribus catur in cunctis partibus mundi, ut nostri sint omnes per fidem, qui sine fide nostri esse non possunt. Sint nostri Galaad & Manasse in gentibus, & Effrem fortitudo capitis nostri in benedictionibus. Sit Iuda rex meus in Christo, sit Moab olla spei mee. Moab filia Loth, ex quo Moabitæ sunt gentes, quæ angelis ducibus euasit pluuias igneas de caelo uenientes,

pro qua rogat, ut non ardeat in Sodomiticis flammis, sed in spiritu ferueat sancto, & cum filiis suis, id est, gentibus quæ ignorant deum, sit olla spei mee: In Idumeam, inquit, id est, in habitatione gentium. Ibi extendam calciamentum meum, non inde fugiant discipuli mei, excutientes puluerem de pedibus suis, sed ibi eant extendentes calciamentum suum, ut dicatur de eis: Quam speciosi pedes euangelizantium pacem, euangelizantium bona. Hæc autem & nobis euenient ut euadamus calores Sodomiticos, & flammis sancti spiritus accendamus, si Allophylos concurremus euincere, et eos quotienscumque contra nos arma corripunt, id est, immundos spiritus subiugare nitamur, ut merito dicamus, Mibi Allophylisubditi sunt. Quibus subditis, quis deducet nos in ciuitatem munitam, nisi filius dei. Aut quis deducet nos in Idumeam, nisi dominus Iesus Christus. Ipse enim dat nobis auxiliũ. Vnde nobis dat auxiliũ de exultatione, an de tribulatione? De tribulatione, inquit, quasi qui dicat non meretur auxiliũ consequi, qui se tribulantem non exhibet Christo, & crediderit, quia uana salus est in homine. In deo enim facimus uirtutem. Quam uirtutem? Ut uicia per consuetudinem subiugentur, & uirtutes animi sublimentur. His incumbentes studijs, in deo facimus uirtutem, & ipse ad nihilum rediget tribulantes nos

tes nos, qui regnat in secula seculorum Amen.

In finem psalmus David.

CVIII.

DEus laudem meam ne tacueris, quia os peccatoris & os dolosi super me apertum est.

Locuti sunt aduersum me lingua dolosa, & sermonibus odij circūderunt me, & expugnaverunt me gratis. Pro eo ut me diligerent detrahebant mihi, ego autem orabam. Et posuerunt aduersum me mala pro bonis, & odium pro dilectione mea.

Constitue super eum peccatorem,

& diabolus stet à dextris eius. Cum iudicatur exeat condemnatus, & oratio eius fiat in peccatum.

Fiant dies eius pauci, & episcopatum eius accipiat alter. Fiant filij eius orphani & uxor eius uidua.

Nutantes transferantur filij eius & mendicent, eijciantur de habitationibus suis.

Scrutetur scenerator omnem substantiam eius, & diripiant alieni labores eius. Non sit illi adiutor, nec sit qui misereatur pupillis eius.

Fiant nati eius in interitum, in generatione una deleatur nomen eius.

In memoriam redeat iniquitas patrum eius in conspectu domini, & peccatum matris eius nos deleatur.

Fiant contra dominum semper, & dispercat de terra memoria eorum, pro eo quod non est recordatus facere misericordiam.

Et

Et persecutus est hominem inopem & mendicum,
 & compunctum corde mortificare. Et dilexit
 maledictionem & ueniet ei, & noluit benedictio-
 nem, & elongabitur ab eo. Et induit maledictio-
 nem sicut uestimentum & intrauit sicut aqua in in-
 teriora eius, & sicut oleum in ossibus eius. Fiat
 ei sicut uestimentum quo operitur, & sicut zona
 qua semper praeingitur. Hoc opus eorum qui
 detrahunt mihi apud dominum, & qui loquuntur
 mala aduersus animam meam. Et tu domine fac
 mecum propter nomen tuum, quia suavis est miser-
 ricordia tua. Libera me quia egenus & pauper
 sum ego, & cor meum conturbatum est intra me.
 Sicut umbracum declinat ablatum sum, & excussus
 sum sicut locuste. Genua mea infirmata sunt à
 ieiunio, & caro mea immutata est propter oleum.

Et ego factus sum opprobrium illis, uiderunt me
 & mouerunt capita sua. A diuina me domine deus
 meus, saluum me fac propter misericordiam tuam.

Et scient quia manus tua haec, & tu domine feci-
 sti eam. Maledicent illi & tu benedicet, qui in-
 surgunt in me confundantur, seruus autem tuus
 letabitur. Induantur qui detrahunt mihi pudor-
 re, & operiantur sicut diploide confusione sua.

Confitebor domino nimis in ore meo, & in medio
 multorum laudabo eum. Qui astitit à dextris

pauperis, ut saluam faceret à persequentibus animam meam.

COMMENTARIUM

VEnimus ad psalmū centesimum octauum, quem Apostolus Petrus interpretatur in Iudam Ischarioten. Huius nos pedissequi uiam quam ipse aperuit ambulemus. homo perfectus in teriorem suum alloquitur, dicens: Deus laudem meam ne tacueris, quasi qui dicat: homines uituperationes in me excitant falsas. Tu deus meus laudem meam non taceas. Redi ad conscientiam tuam ò homo dei, qui Christum sequeris. Et cum os peccatoris et dolosi super te apertum fuerit, gratulare, securus esto. Quia os peccatoris ad uituperationem tuam aperitur in terra, & ad laudem tuam os dei aperitur in caelo. Loquantur aduersum te, sicut pharisei contra dominum lingua dolosa, & sermonibus odij circumeant te, & expugnent te gratis. Nota tibi gratis non uitio tuo sit, nō culpa tua sit, sed eorum mendacium ueritati tue seruiat. Seruit enim mendacium ueritati, si famam non timeas hominum. Nihil enim agit falsus testis, nisi ut ipsam commaculet. Si times hoc, seruus effectus es: si non times liber es. Time ergo solum deum, & de bona conscientia presumens, sentiat se propositi tui famae esse ancillam, & eam compelle seruire magis quàm

quàm imperare uirtuti. Nam si eam timueris, eris omnium qui obrectare poterūt seruus. Et timebis uerum dicere, ne de te falsa consingant. Dicas forsitan: Et quid faciã si uulnerauerint opinionẽ meã. Hoc fac quod iste fecit, cuius carmen exponis: Pro eo, inquit, ut me diligenter detrahebant mihi, ego autem orabam. Ostendit tibi quid facias. Nunc ad maledictiones accedẽtes, caueamus exitum rerum, ne ad homines ista dirigamus, & putemus nobis hãc regulam datam, quo maledicamus eos qui nos iniquo odio persequuntur. Hoc euangelicus magister omnino prohibuit, unde ad principem malicie currendum est animo. Et quotienscunq; maledictiones cantaueris, ipsi eas quem maledixit dominus de cantabis. Ipse enim ponit aduersum nos mala pro bonis, siue dũ bona operamur, quia mala nobis persuum excitat zelum. Siue dum idola ostendit, mala pro bonis ostendit. Siue dum cõcupiscentias carnis exagitant, cum sint mala omnia opera concupiscentie, ille ipsa mala pro bonis ostendit, & odium pro dilectione immittit, ita ut uideatur nobis amare ac diligere, cum ad peccatum tribuit facultatem. Constitue aduersus eum peccatorem. Quomodo stare potest hoc diligenter ausculta. Aduersus me constituit discipulum meum, aduersus eum constituatur discipulus eius. Et sit persecutor diaboli, qui persecutor

rutor extiterat Christi, & stet diabolus à dextris
 eius ad confutandum, & ad convincendum. Stetit
 diabolus à dextris Pauli, ita ut iudicans eū Paulus,
 faceret eum à se exire condemnatum, & totam ora-
 tionē & cōsiliū eius statureret in peccatū. Ipse fecit
 dies eius paucos. Paulo enim gētibus prædicāte, nō
 multo tēpore obtinuit principatum in tēplis. Post
 hæc cessauit princeps esse super gētes, & magister
 riū eius accepit ille qui dicebat: Ego sum magister
 gētiū, in fide & ueritate. Ille enim fuerat magister
 gentiū, in infidelitate & fallacia. Tunc hij quibus
 dictū fuerat à domino: Vos de patre diabolo estis,
 deiecto incredulitatis rege facti sunt orphani, sa-
 ta est & uxor diaboli uidua. Sicut enim uni uiro
 despōsata est ecclesia p fidē, sic per infidelitatē non
 spōsa sed uxor est potestas incredulitatis, quæ da-
 bat pontificiū dominādī sacerdotibus tēplorū, siue
 synagoge, seu hæreticorū ecclesijs. Hæc potestas de-
 iecto diabolo efficitur uidua, ita ut anathemati filij
 eius eijciātur ut mēdicent. Perferutatur fornicator
 dominus noster oēm substātiā eius, exigit ab ea, id
 est, ab ipsa potestate usuras uerbi prudētie, quibus il-
 la male usa est. Diripiūt alieni oēs labores eius, ostē-
 dūtur iniuste docuisse, iniuste scripsisse, iniuste fa-
 bricasse. Et ista oīa diripiunt alieni à societate eius,
 dē potestatis, quæ potestas deficiens in ipso diabolo
 deum

deum adiutorem penitus non habet. Nec est qui miseretur orphani eius: in generatione una, id est, in solo populo Christiano deletur nomen eius. Ibi in memoriam redit iniquitas patrum eius. Cottidie legitur in ecclesia in conspectu dei: quanta mala fecerunt Christo, apostolis & martyribus, & peccatum matris eius populi, hoc est, peccatū potestatis eius non deletur. Sed fit contra dominum semper, & perdet de terra memoriam. Ecce perijt potestas persecutorum, quia ipsi rerum domini serui sunt Christi. Perijt ergo de terra potestas. Illa quæ non est recordata, ut faceret misericordiam, sed persecuta est hominem. Quem hominem? Pauperē, inquit, & mendicum. Christum utiq; & in passione & in suorum martyrio. Dilexit maledictionē Adæ quæ per Christum aufertur, & ueniet ei: noluit benedictionem quæ per Christum affertur, & utiq; elongabitur ab eo. Nota ex arbitrio euenisse ut nollet, propter haresim, quæ dicit deum alios predestinasse ad benedictionem, alios ad maledictionem. Hic enim ex dilectione sua maledictionem habere probatur, & nolle suum benedictionis premium non habere. Vnde & adiecit, quod ipse se induerit maledictionem, sicut uestimentum. Sicut enim per fidem dicitur nobis: Christum induistis, ita per infidelitatem induit se homo maledictum, id est, diabolum

lum, qui intrat sicut aqua sanctis ad liberandum ita
 istis ad necandum. Et sicut oleum sanctis ad exhiben-
 dum, ita impijs ad tribulandum, fitq; eis ipsa ma-
 ledictio sicut uestimentum quo induti sunt, et sicut
 zona qua precinguntur. Hoc opus eorum qui de-
 trahunt fidei catholice, & qui querunt mala san-
 ctis & orthodoxis definitionibus, quibus dominus
 facit misericordiam propter nomen suum. Quia &
 si peccator sit, quicumq; tamen propter hoc quod
 recte fidei est misericordiam consequitur. Si cor
 eius conturbatum fuerit de timore iudicij, & ex-
 cussus fuerit de manu peccati sicut locusta, & ger-
 mina eius infirmentur in ieiunio, & caro eius immu-
 tata fuerit a pinguedine destituta, tunc inueniet
 misericordiam: qui licet dicat, & uere dicat: Vi-
 derunt me, & mouerunt capita sua, sicut phari-
 sei in Christo, ita demonia in Christiano. Dum
 pateretur enim Christus, pharisei mouerunt ca-
 pita sua insultantes, & dum passionibus premis-
 tur Christianus, uident eum demones consentien-
 tem & insultant ei. Sed argutus dei seruus clamat
 Adiuua me domine, ut sciant quia manus tua mecum,
 & tu domine fecisti ea. Ea isto loco sic accipe, sicut
 dixit Pilato dominus: Non haberes potestatem, nisi
 data tibi esset desuper, ita parue & nos relinqui-
 mur tentationi. Et ideo ait: Tu domine fecisti ea, ut

moueant super me capita sua. Sed quia fidelis es, & non pateris nos tentari supra quàm possumus, fac ut induantur, sicut diploidem confusionem. Diploidis est siue eblamydis in quadruplici amictu, siue quæcūque alia species, quæ in ante duplex est, & à tergo duplex. Ergo quadrifariam confusionē induuntur demones, quādo nos quadrifariā euangeliolorum liberationem arripimus. In qua confitemur domino nimis in ore nostro, & in medio multorum laudamus eum confitentes. Et quia ipse est qui stat à dextris pauperis, ut saluet à persequentibus animas nostras Christus filius dei, qui regnat cū patre et spiritu sancto in secula seculorū Amen.

Psalmus ipsi dauid.

CIX

Dixit dominus domino meo sede à dextris meis. Donec ponam inimicos tuos scabellum pedum tuorum. Virgam uirtutis tuæ emit tet dominus ex Sion, dominare in medio inimicorum tuorum. Tecum principium in die uirtutis tuæ, in splendoribus sanctorum ex utero ante luciferum genui te. Iurauit dominus & non penitebit eum, tu es sacerdos in æternum secundum ordinem Melchisedech. Dominus à dextris tuis, confregit in die iræ suæ reges. Iudicabit in nationibus, implebit ruinas, cōquassabit capita in terra multorum. De torrente in uia bibet, propter

rea exaltabit caput.

COMMENTARIUM

Centesimi noni psalmi caput, & à Phariseis
 Christus inquit, dicens: Si Dauid in spiritus
 tu uocat Christum dominum, dicēs: Dicit dominus
 domino meo, sede à dextris meis. Si ergo inquit, uo-
 cat eum dominum Dauid, quomodo eius est filius.
 Interrogantis est ista oppositio, non negantis. Nos
 enim eum et dei filium ante luciferum ex deo deum
 genitum credimus: & Dauid eum filium per partū
 uirginis Mariæ profitemur, qui ascendēs in coelis,
 sedet ad dexteram patris, unde uenturus est iudex.
 Habebit inimicos suos se abellū pedū suorum, secun-
 dam quod & Apostolus dicit: Cū euacauerit om-
 nem principatum, potestatem & uirtutem: tunc
 oportet illum regnare donec ponat omnes inimi-
 cos suos sub pedibus eius. Cuius inimicos si interro-
 gas, respondebit tibi, eius sine dubio, cuius uirgam
 uirtutis misit dominus ex Sion. Virga uirtutis, ho-
 minis corpus est ex uirgine nati, quā uirgā ex Sion
 misit dominus, ut dominetur in medio inimicorum
 suorū. Nō ergo sicut dānabilis Photinus credit, ex
 Mariæ partu sumpsit exordiū, sed ante luciferum
 est ex patris ore progenitus. Hic qui per myster-
 rium panis ac uini sacerdos factus est in æternum,
 secundum ordinem Melchisedech, qui panem &

vinum solus obtulit in sacerdotibus, dum Abraham victor reuerteretur de pralio. Videamus nunc quo modo à dextris eius, confracti sunt in die iræ eius reges. A dextris domini in cruce positi fixus erat latro, quem sibi uindicabant reges & principes te nebrarum. Hos confregit in die iræ suæ. In die utiq; iræ, quam patiebatur eorum qui eum crucifigebat. Et confractis his principibus conquassauit capita multa, ita ut capitales criminosi diceret, homicida per fidem uno uerbo saluatus est. Quare non & nos credamus? In cruce positus ille unus, multos nos in terra numero copioso conuertit. Per illum qui de torrente in uia bibit. De torrente iracundie Iudeorum in uia bibit calicem passionis. In uia immaculata ambulans, cõquassauit capita demonum in terra in corpore constitutus. Et exaltauit caput hominis dum à confusione erigit, à confusione utiq; prime præuicationis. Et nisi filius dei in uia bibisset, non exaltaisset caput hominis deieclum ad terras. Non ergo dicas, quia conquassauit capita criminum, Christus ipse exaltauit caput. Non enim dixit exaltauit caput suum, sed simpliciter ait: Propterea, inquit, quod dijudicauit deus in nationibus, et impleuit ruinas demonum. Ut ubi abundauit iniquitas eorum, superabundaret Christi gratia. Et quia bibit calicem passionis de torrente seditionis,

in illa uia qua dicit ego sum uia, propterea exalta-
uit caput in libertate ligni crucis, quod fuerat der-
iectum in prauaricatione ligni concupiscētia. Aga-
mus ergo ipsi gratias, qui regnat cum patre unus
deus cum spiritu sãcto in secula seculorum Amen.

Alleluia.

CX.

Confitebor tibi domine in toto corde meo,
in consilio iustorum & congregatione.

Magna opera domini, exquisita in omnes uolunta-
tes eius. Confessio & magnificentia opus eius,
& iusticia eius manet in seculum seculi. Memori-
am fecit mirabilium suorum misericors & misera-
tor dominus, escam dedit timentibus se. Memor-
erit in seculum testamenti sui, uirtutem operum suo-
rum annunciat populo suo. Ut det illis heredi-
tatem gentium, opera manuum eius ueritas & iu-
diciū. Fidelia omnia mandata eius, confirma-
ta in seculum seculi, facta in ueritate & equitate.
Redemptionem misit dominus populo suo, manda-
uit in aeternum testamentum suum. Sanctum &
terribile nomen eius, initium sapientia timor domi-
ni. Intellectus bonus omnibus facientibus eum,
laudatio eius manet in seculum seculi.

COMMENTARIUM

Centesimus decimus psalmus in consilio san-
ctorum confitetur magna opera domini na-

tiuitatis, passionis, resurrectionis, et in cœlos ascen-
 sionis. Magna hæc opera domini, magna & exqui-
 sita in omnibus uoluntatibus eius. Magna sunt qui-
 dem omnia opera eius ab initio seculi, sed ista non so-
 lum magna, sed & exquisita in omnibus quæ ab ini-
 tio uoluit & fecit. Confessio trinitatis & magnifi-
 centia deitatis, opus eius, iusticia eius immutabilis
 perseuerat in secula seculorum, in qua iusticia, me-
 moriam fecit mirabilium suorum, dicens: Hæc quo-
 tienscunq; feceritis, in mei memoriã facietis. Quan-
 do hoc dixit, misericors & miserator dominus?
 Tunc sine dubio, quando escã dedit corporis sui in-
 mētibus sc. Et hoc testamētum memor erit dominus
 in æternũ, per quod uirtutem operum suorum an-
 nunciavit populo suo. Per quod dedit eis heredita-
 tem gētium, per quod non in fantasmate ut anathe-
 mabilis Manicheus somniatus est, sed et in ueritate
 in iudicio, & quæcunq; leguntur mandata eius fi-
 delis & sancta sunt. Confirmata in Christo manen-
 tia in seculũ seculi, quia facta sunt in ueritate. In ip-
 so utiq; domino nostro Iesu Christo completa, et in
 eius æquitate sunt custodita, quãdo redemptionem
 per apostolos misit populo suo dicens: Ite baptis-
 zate omnes gentes in nomine patris & filij & spi-
 ritus sancti, docētes eos custodire omnia, quæ man-
 dauit uobis. Quia fidelia omnia mandata sunt, in
 quibus

quibus mandatis ita sanctum, & ita terribile est nomen eius, ut initium sapientie huius timor sit domini. Nam qui sine timore est, incidit in malum, qui autem timorē dei habet, caput sapientie habet, per quem intellectum habebit bonum, ita ut laus eius maneat in seculum seculi. Manens imò permanens in timore dei, habebit in Christo laudem, & ipsa laus manet in secula seculorum Amen.

Alleluia reuersionis Aggei &
Zacharie. CXI

BEatus uir qui timet dominum, in mandatis eius uolet nimis. Potens in terra erit semen eius, generatio rectorum benedicetur. Gloria & diuitia in domo eius, & iustitia eius manet in seculum seculi. Exortum est in tenebris lumen rectis, misericors & miserator & iustus. Iocundus homo qui miseretur & commodat, disponet sermones suos in iudicio, quis in æternum non commouebitur. In memoria æterna erit iustus, ab auditione mala non timebit. Paratum cor eius sperare in domino, confirmatum est cor eius, non commouebitur donec despiciet inimicos suos.

Dispersit dedit pauperibus, iusticia eius manet in seculum seculi, cornu eius exaltabitur in gloria.

D 4 Pecca

Peccator uidebit & irasectur, dentibus suis fremet & tabescet, desiderium peccatorum peribit.

COMMENTARIUM

Vir dei Hesdra propheta, cum recapitularet omnem legem, dei nutu quedam adiunxit, Unde etiam Aggeo & Zacharie istum titulum consecrauit. Canamus ergo centesimū undecimum psalmum, & demus laudem eius, quasi in uno uiro perfecto omnibus sanctis, ut quod de uno dixerimus, sit de omnibus dictum. Et quod singulariter fuerit explanatū, uniuersalis sanctitas capiat. Beatus uir qui timet dominum. Finem præteriti psalmi presentis principio collocauit, ut hoc quod dixit in illius fine, laudem timentis dominum manere in seculum seculi, hic in principio ipsi qui timet dominum beatitudinem applicaret, cuius beatitudinis & species declararet et facta. Quis ergo qui timet dominum? Sine dubio, qui mādātā eius cupit nimis potens erit semen eius in terra non in petrosa, nec secus uiam, nec inter spinas, sed in terra bona. Potens est & generatio, quæ ex ipso semine nascitur, semper in benedictione erit. Gloria & diuitie in domo eius. Audiamus dei sapientiam alloquentem: Et si diuitie, inquit, diligātur in hac uita, quid sapientia locupletius quæ omnia possidet? Qui ergo sapientiam intra domum corporis sui habere memerit

rit, habet intus gloriam. Habet & diuitias non caducas, non quas tinea exterminat, non quas fures rapiunt, sed illas diuitias, quas memorat in seculum seculi permanere, per quas orietur in tenebris huius mundi lumen rectis corde, quorum uidentes homines opera, glorificent patrem qui est in caelis, sit tantum misericors & miserator homini. Sicut sibi uult homo effici dominum, sit pius, sit iocundus, miseretur & commodet, et in iudicio non personam inopis confundat, et potentis accipiat, quod si non fecerit in eternum non commouebitur. Memoria autem eius aeterna erit, & dū coeperit tuba sonare de caelo, dum coeperit ignis strepitu gehennae frudentibus globis flammam euomere, hic penitus non timebit. *Quare?* Quia paratū semper fuit cor eius sperare in domino. Ideoq; confirmato corde non commouebitur, donec uideat inimicos suos in ipsum mitti incendium. Omnes scilicet immūdos spiritus, qui ab inimicitijs, quā diu sumus in isto corpore, omnino non cessant. Verum quis, ut dixi, si unum aliquem beatum istum uirū in isto opere nominat, omnibus applicabitur, qui eiusdem facti similitudinem perpetrant: sic dicam in beato Laurētio haec omnia & prophetata & facta. Dispersit enim omnia, & dedit pauperibus, non reposuit, non occultauit, dispersit & dedit pauperibus. Ideo iusticia

eius temporalis non est, sed permanet in eternū, et cornu eius, id est, Christus eius, qui in ipso regnat, exaltatur in gloria. Hoc peccator uidit rex amarissimus, uidit quoniam dispersit & dedit pauperibus, dentibus cœpit fremere & tabescere, sed desiderium peccatoris perijt. Desiderium autem iusti martyris, manet in secula seculorum Amen.

Alleluia alleluia.

CXL.

LAudate pueri dominum, laudate nomen domini. Sit nomen domini benedictum, ex hoc nunc & usq; in seculum. . . A solis ortu usq; ad occasum laudabile nomen domini. . . Excelsus super omnes gentes dominus, et super caelos gloria eius. Quis sicut dominus deus noster qui in altis habitat, & humilia respicit in caelo & in terra. . . Suscitans à terra inopem, & de stercore erigens pauperem. . . Ut colloquet cum cum principibus, cum principibus populi sui. Qui habitare facit sterilem in domo, matrem filiorum letantem.

COMMENTARIUM

Venite pueri, nolite expectare, nolite dicere nondū scnes sumus. Ordo nascēdi est, ordo uero moriēdi non est. Venite ergo pueri, nō ad laborem aliquem, sed ad laudem. Laudate pueri dominum, laudate nomen domini in Christo. In ipso enim

enim nomen domini benedicitur, ex hoc nunc &
 usq; in secula. Non in Iudæa sola, sed in omnem ter-
 rā à solis ortu usq; ad occasum laudabile est factū
 in Christo nomen domini. Antea enim quot gētes,
 tot & sectæ tot & dij, sed ab aduentu domini Iesu
 Christi, ita hæc omnes superstitiones à gentibus res-
 nunciatae sunt, & unum laudant deum & confiten-
 tur in Christo. Ipse est enim excelsus super omnes
 gentes dominus, cuius in terra quidem magna hu-
 militas extitit, sed super caelos magna est gloria
 eius. Quis enim sicut dominus deus noster qui in
 altis habitans, & humilia respicit, non sicut de ter-
 rā attēdit ad terram, sed quum in forma dei esset,
 non rapinam arbitratus est esse se æqualē deo, sed
 semetipsum exinanivit, formam serui suscipiens, ut
 suscitaret de terra inopem illum cui dixerat iratus.
 Terra es & in terram ibis. Hunc suscitauit de ter-
 ra inopem, quia perdidit diuitias uitæ æternæ
 & paradisi. Hunc de stercore erigit in Christo,
 & collocauit eum cum principibus, id est, cum
 Apostolis, qui sunt principes populi dei. Et quis
 est qui collocauit eum? Ille sine dubio qui eum as-
 sumpsit, filius utique dei filium hominis. Vbi collo-
 cauit eum cum principibus populi? Sine dubio ubi
 fecit habitare in domo eam quæ sterilis fuerat, hæc
 habitare in domo, id est, ipsam domū fieri, & dixit eis
 Letare

Letare sterilis quæ non parit, quia multi filij desertæ magis quàm eius quæ habet uirum, & fecit eam matrem in filijs exultantem. Sanctam utiq; ecclesiam, in qua trinitas regnat patris & filij & spiritus sancti, in unitate deitatis, nunc & semper, & in secula seculorum Amen.

Alleluia Alleluia.

ĈXIII.

IN exitu Israel de Aegypto, domus Iacob de populo barbaro. Facta est Iudæa sanctificatio eius, Israel potestas eius. Mare uidit & fugit, Iordanis conuersus est retrorsum. Montes exultauerunt ut arietes, & colles sicut agni ouium.

Quid est tibi mare q. fugisti, & tu Iordanis quia conuersus es retrorsum. Montes exultastis sicut arietes, & colles sicut agni ouium. A facie domini mota est terra, à facie dei Iacob. Qui conuertit petram in stagna aquarum, & rupem in fontes aquarum. Non nobis domine non nobis, sed nomini tuo da gloriam. Super misericordia tua & ueritate tua, ne quando dicant gentes ubi est deus eorum. Deus autem noster in cælo, omnia quæcunq; uoluit fecit. Simulachra gentium argentum & aurum, opera manuum hominum. Os habent & non loquentur, oculos habent & non uidebunt. Aures habent & non audient, nares habent & non odorabunt. Manus habent & non palpa

palpabunt, pedes habent & non ambulabunt, non clamabunt in guttore suo. Similes illis fiant qui faciunt ea, & omnes qui confidunt in eis. Domus Israel speravit in domino, adiutor eorum & protector eorum est. Domus Aaron speravit in domino, adiutor eorum & protector eorum est.

Qui timent dominum speraverunt in domino, adiutor eorum & protector eorum est. Dominus memor fuit nostri, & benedixit nobis. Benedixit domui Israel, benedixit domui Aaron. Benedixit omnibus qui timent dominum, pusillis cum maioribus. Adijciat dominus super uos, super uos & super filios uestros. Benedicti uos à domino qui fecit cælum & terram. Cælum cæli domino, terram autem dedit filiis hominum. Non mortui laudabunt te domine, neq; omnes qui descendunt in infernum. Sed nos qui uiuimus benedicimus domino, ex hoc nunc & usq; in seculum.

COMMENTARIUM

Videamus in exitu Israel de Aegypto, quomodo profecta sit domus Iacob de populo barbaro. Quomodo facta sit Iudæa sanctificatio eius. In Bethleem Iudææ nascitur Christus, qui sanctificat eos qui fugiunt Pharaonem, & sequentes Moysen, id est legem dei, ueniunt ad aquam, per ipsam transeuntes exeunt ad locum quietis & silentij

lentij, qui alio nomine locus desertus dicitur. Desertus utiq; à sceleribus mundi, ibi inueniunt manna ueniẽtem de coelis. Sanè cum uenissent ad mare credentes, mare eos uidit & fugit. Fugit ut præberet credentibus transitum, & inimicis eorum aptaret interitum. Similiter & Iordanis conuersus post se, & ipse, ut transitum dei populo prepararet. Sine aqua enim nec terra Aegypti fugitur, nec terra repromissionis intratur. ut quid tamen mare fugerit diximus, & Iordanis quare conuersus est retrosum exposuimus. Nunc uideamus montes, quare exultant, ut arietes, & colles uelut agni ouium. Nunquid montes, terra & saxa ipsa exultant. Sed montes sunt prophetae, qui uident uoces suas impletas in Christo, qui locuti sunt altitudines dei. Gaudent enim prophetae ut arietes, in omnibus gaudent, uidentes pastorem natum, qui animam suam ponat pro ouibus, & sic gaudent sicut arietes. Colles uero sic gaudent, sicut agni ouium. Hij utiq; colles sunt, qui humilem scientiæ locum tenent, nihil scientes nisi aut signare frontem, aut nomen domini inuocare, ita gaudent sicut agni ouium. Oues scientiam & sui habent & uocem pastoris audiunt & cognoscunt eum, & sequuntur eum quocũq; uadit. Agni uero ouium suarum uoces intelligunt, quia adhuc pastorem intel-
ligere

ligere nequeunt, tamē per oues, id est; matres suas,
 sequuntur & ipsi pastorem dominum Iesum Chri-
 stum. Ante cuius faciem commota est terra, quando
 conuertit solidam petram in stagna aquarum, id est; sax-
 cea corda fecit aquas ex uentre suo producere, sa-
 lientes ad uitam aeternam, & rupem, id est, inaccessi-
 bile saxum incredularum gentium pectus conuer-
 tit ad fontes aquarum. Hec in figura facta sunt, ut
 historia Exodi loquitur, & psalmus iste testatur,
 sed scripta sunt ista, ait Apostolus, non ad eorum
 narrationem, sed ad nostram edificationem, in qua
 clamamus domino, dicētes: Non nobis domine non
 nobis, sed nomini tuo da gloriam. Non per merita
 nostra, sed pro misericordia tua concede, ut non di-
 cant increduli, ubi est deus eorum. Exurge à mor-
 tuis & ascende in caelo sursum, quia tu es qui re-
 gnas in caelo & in terra, & omnia quae uolueris
 operaris. Nam idola gentium ex quocunq; metallo
 muta & surda & caeca sunt, similes illis sint con-
 fidentes in eis. Nos autem omnes de domo Israel
 speramus in te domine, ut tu adiutor noster & pro-
 tector noster esse digneris, qui memor nostri, de cae-
 lo descendens benedixisti nos. Benedixisti domum
 Israel, nascendo ex Maria. Benedixisti domum Aa-
 ron, fundendo sacerdotium. Benedixisti omnes ti-
 mētes dominum, eligendo Apostolos pusillos cum
 maioribus

maioribus. Ibi erant Iacobus & Ioannes cum maioribus, utiq; cum essent pusilli, adiiciat dominus super uos. Addat uobis Paulum, super uos & super filios uestros. Addat uobis populum credentium. Benedicti uos domino, qui fecit coelum & terram, ipsum enim praedicatis qui fecit. Coelum coeli domino, terram dedit filijs hominum. Quicquid caeleste est in mentibus, in actibus, in cogitationibus, hoc domino deputadum est. Quicquid autem terrenum, quasi mortale & miserum contemnendum, etiam si culpa careat. Est enim quicquid fuerit de terra mortale, in quibus non dignatur laudari dominus. Nec ab his laudari uult qui descendunt in inferno, id est, qui in inferioribus uitae actibus degunt, sed qui uiuimus in eo qui dicit: Ego sum uita, nos benedicimus dominum. Si tamen uiuimus recedentes ab omni opere mortali, benedicimus patrem & filium et spiritum sanctum, qui regnat in secula seculorum Amen.

Alleluia.

CXIII

Dilexi, quoniam exaudiet dominus uocem orationis meae. Quia inclinauit aurem suam mihi, & in diebus meis inuocabo. Circumdederunt me dolores mortis, & pericula inferni inuenerunt me. Tribulationem & dolorem inueni, & nomen domini inuocaui. O domine libera

ra animam meam, misericors dominus & iustus, & deus noster miseretur. Custodiens paruulos dominus, humiliatus sum & liberauit me. Conuertere anima mea in requiem tuam, quia dominus benefecit tibi. Quia eripuit animam meam de morte, oculos meos à lacrymis, pedes meos à lapsu.

Placebo domino in regione uiuorum.

COMMENTARIUM

CAusas dilectionis domini explicat psalmist^a in cantico: Dilexi, inquit, dominum, quia cum circumdarent me dolores mortis, & suggestiones demonum circumuallarent me, Ego ad tribulationem iui, ipsam quasiui, ipsam inueni, & sic nomen domini inuocaui. Nescio quo enim modo, quando leticiam inuenimus, nomen domini de summis labijs inuocamus. Tribulationem uero, aut ipsi nobis per abstinentiam & poenitentiam excitantes, aut casu aliquo incurrentes, talis clamor cordis nostri excutitur, ut ad ipsas excelsi dei aurès attingat. Tamen uideamus quid fecit, ut liberationem domini mereretur. Opus est enim nobis qui uolumus liberari, scire quid fecerit, qui se liberatum annunciat. Dic nobis, quid fecisti, ut te dominus liberaret? Humiliatus sum, inquit, & liberauit me. Concordat euangelij ista sententia. Dicit enim in eu angelij liberationis ipsius magister & dominus, quia omnis qui

se humiliat exaltabitur, & qui se exultat humiliabitur. Teneda est humilitas, ex qua liberatio et exaltatio æterna conquiritur. Per ipsam enim eripitur anima à morte, & oculi liberantur à lachrymis, id est, nihil poenitendum admittunt. Et pedes liberantur à lapsu. Stant enim humiles in proposito sanctitatis, qui ut placeant domino in regione uiuorum, perseverant stantes in regione mortalium, ut transseant de morte ad uitam, per dominum nostrum Iesum Christum, qui regnat in secula seculorũ Amē.

Alleluia.

CXV

CRedidi propter quod locutus, ego autē humiliatus sum nimis. Ego dixi in excessu meo, omnis homo mendax. Quid retribuam domino, pro omnibus quæ retribuit mihi. Calicem salutaris accipiam, & nomen domini inuocabo. Vota mea domino reddam coram omni populo eius, preciosa in conspectu domini mors sanctorum eius.

O domine quia ego seruus tuus, ego seruus tuus & filius ancillæ tuæ. — Dirupisti uincula mea tibi sacrificabo hostiam laudis, & nomen domini inuocabo. Vota mea domino reddam in conspectu omnis populi eius, in atrijs domus domini in medio tui Hierusalem.

COM

COMMENTARIUM

ANtequam dicat quid locutus sit, fidē suam exponit: *Credidi, inquit. Quid credidisti? Natum & passum, & quia credidi, ideo humiliatus sum nimis. Cum autē credidi hoc locutus sum, si dominus rerum exinanivit seipsum, & pro me formam servi suscepit, quid ego miser faciam? Quid retribuam domino pro omnibus quæ retribuit mihi? Quantumuis dicat se homo seruire ad uisitudinem beneficiorum eius, Omnis homo mendax est. Quid enim dignum retribuet homo domino, nisi forte passionem passione compensans & Calicem salutaris accipiam, & nomen domini inuocem. Preciosa est enim in conspectu domini mors sanctorum eius: Si tamen in ipsa morte doceat se seruum dei, & filium ancillæ eius. Ancilla dei est disciplina sancta. Qui enim in fine corporis dixerit domino ueraciter: O domine ego seruus tuus, id est, non te contempsi, & filius sum ancillæ tuæ, id est, disciplinæ tuæ uelut filius obtinueram, Disrumpet dominus uincula eius quibus à diabolo implicatur, & sacrificat deo hostiam laudis, ita ut uota sua domino reddat in atrijs domus domini, in conspectu omnis populi eius, id est, in eorum conspectu, qui populus dei est, non populus huius mundi, ut uidear ab hominibus ad perditionem*

nem laboris sancti, sed coram sanctis qui gloriatur in medio tui Hierusalem, in qua imperator est Christus, qui regnat cum patre & spiritu sancto, per omnia secula seculorum Amen.

Alleluia Alleluia.

CXVI

Laudate dominum omnes gētes, laudate eum omnes populi. Quoniam confirmata est super nos misericordia eius, & ueritas domini manet in æternum.

COMMENTARIUM

Laudate dominū omnes gētes. Exclusi sunt Iudæi, qui tulerūt clauē regni cælorū, nec ipsi ingredi diebātur, nec uos ingredi permittebāt. Oēs laudate dominū, qui absque personarum acceptione omnes homines uult saluos fieri. Omnes gentes laudate, quoniam cōfirmata est super nos misericordia eius. Exclussit enim merita nostra, & induxit super nos misericordiam suam, quam confirmauit super nos per indulgentiam omnium peccatorum, credentibus & poenitentibus sit promissa. Veritas ipsa domini manet in æternum. In hoc enim confirmatio misericordie eius pietatis ostenditur, in quo corrigentes à peccato, ueniā nos & indulgentia comitantur, nostrū que desinere à peccato, dei indulgere est, cui gloria per omnia secula seculorum Amen.

Alleluia

Alleluia Alleluia.

CXVII

Confitemini domino quoniã bonus, quoniã
in seculum misericordia eius. Dicat nunc
Israel quoniam bonus, quoniam in seculum miseri-
cordia eius. Dicat nũc domus Aaron quoniam
bonus, quoniam in seculum misericordia eius.

Dicant nunc qui timent dominum, quoniam in secu-
lum misericordia eius. De tribulatione inuocaui
dominum, et exaudiuit me in latitudine dominus.

Dominus mihi adiutor, non timebo quid faciat mi-
hi homo. Dominus mihi adiutor, & ego despi-
ciam inimicos meos. Bonum est confidere in do-
mino, quàm confidere in homine. Bonum est spes-
rare in domino, quàm sperare in principibus.

Omnes gentes circumdederunt me, & in nomine
domini quia ultus sum in eos. Circundantes cir-
cundederunt me, & in nomine domini quia ultus
sum in eos. Circundederunt me sicut apes, &
exarserunt sicut ignis in spinis, & in nomine do-
mini quia ultus sum in eos. Impulsus euersus sum
ut caderem, & dominus suscepit me. Fortitudo

mea & laus mea dominus, & factus est mihi in sa-
lutem. Vox exultationis & salutis in tabernacu-
lis iustorum. Dextera domini fecit uirtutem, dex-
tera domini exaltauit me, dextera domini fecit uir-
tutem. Non moriar sed uiuam, & narrabo opera

E 3 domini

domini. *Castigans castigauit me dominus, & morti non tradidit me. Aperite mihi portas iusticie, ingressus in eas confitebor domino, hec porta domini, iusti intrabunt in eam. Confitebor tibi quoniam exaudisti me, et factus es mihi in salutem.*

Lapidem quem reprobauerunt edificantes, hic factus est in caput anguli. A domino factum est istud, & est mirabile in oculis nostris. Hac est dies quam fecit dominus, exultemus & letemur in ea. O domine saluum me fac, ó domine bene prosperare, benedictus qui uenit in nomine domini. Benediximus uobis de domo domini, deus dominus & illuxit nobis. Constituite diem solennem in condensis, usque ad cornu altaris. Deus meus es tu & confitebor tibi, deus meus es tu & exultabo te. Confitebor tibi quoniam exaudisti me, & factus es mihi in salutem. Confitemini domino quoniam bonus, quoniam in seculum misericordia eius.

COMMENTARIUM

Confitemini domino quoniam bonus, quoniam in seculum misericordia eius. Licet in æternum regnet misericordia eius, tamen confessio in isto seculo poterit prodesse peccantibus. Post istud enim seculum, confessio penitus non ualebit

ad ueniam. Itaq; cum est tempus confitendi domino fateamur. Est enim in isto seculo paratissima misericordia eius. Si uis discere ita esse, docere te poterit & domus Israel, & domus Aaron. In scripturis omnibus ueteris testamenti ibi legis, quia quotienscunq; conuersus est populus ad confessionem et poenituit, totiens est misericordiam consecutus. Quod si ad legendum incapax esse uideris, requirere homines qui timent dominum, & ipsi tibi ostendunt quomodo confitentibus parata sit misericordia eius. Nam & ego in tribulatione mea confessus sum, & inuocaui dominum, & exaudiuit me in latitudine. Verum quia & nos ipsi nobis hostes sumus, dum contra salutem nostram aliquid concupiscimus, & nihilominus extra nos alios inimicos habemus uisibiles atq; inuisibiles, oremus ut dominus nobis adiutor esse dignetur contra inimicitias istas quas memorauimus, & tunc demum non timebimus inimicos nostros. Melius est enim confidere in domino, quam confidere in homine. Nota tibi confidentiam quam teneas Christiane. Noli confidere in te, noli dicere, sic te liberum habere arbitrium, ut tu tibi in teipso confidas. Habes quidem liberum arbitrium, sed noli de eo presumere, de deo presume, quis uinci non potest, nam liberum arbitrium uinci potest. Bonum est cōfidere in

domino, quàm confidere in homine, aut in principibus. Si enim confidas in domino, tunc poteris dicere: Omnes gentes circumdederunt me, & in nomine domini ultus sum eos: Hoc libertas arbitrij dicere non potest, aut si dixerit, docebo eam aperte mentiri, aut certe ab initio seculi det mihi qui sine dei auxilio euaserit, siue uisibiles, siue inuisibiles inimicos. Attende etiam in auxilio positus, quid accidat: Impulsus sum, inquit, uersatus sum ut caderem, & dominus suscepit me. Et subiugatur si potest: Fortitudo mea & laus mea libertas arbitrij, & ipsa facta est mihi in salutem. Hoc si non potest dicere, imò quia non potest iuste dicere, dicat se à domino suscipi, & fortitudinem omnem auxilijs diuinis ascribat. Eius enim dextera fecit uirtutem, si quam in nobis habemus. Eius dextera exaltat nos ex inferno inferiore. Ipse enim facit, ut uiuamus, & non moriamur, ut narremus opera eius. Ipse castigans castigat nos in misericordia, & morti non tradet nos. Nunc forte audiat me predestinationem docens, & arbitrium hominum infringens, putet me libertatem arbitrij ita excludere, ut peccantes existimem dei abiectione peccare. Quod peccamus, nostri arbitrij docebitur, qui contemnimus gratiam. Vide quanta libertas est arbitrij tui, negetur à seruo dominus, ut dicat homo deo: nolo tibi credere,

& faciat sibi templum ubi idolum colat, aut syna-
 gogam ubi suum abneget saluatorem. Quod ergo
 malum facimus, per libertatem incurrimus, quia
 non dignatur dominus iustus coacta seruitia. Si ue-
 ro aliquid boni fecerimus, imputabimus largitori,
 qui bona omnia ad se confugiētibus prestat, secun-
 dum illud quod ipse dignatus est repromittere.
 Omnis qui petit accipit, & qui querit inuenit, &
 pulsanti aperietur. Pulsemus ergo, & cum prophe-
 ta in isto psalmo cantemus: Aperite mihi portas iu-
 sticie, et ingressus eas confitebor domino. Hæc nos
 clamamus amminiculis auxilijsq; diuinis, unde no-
 bis uox responsionis eorum uidetur audiri: Hæc
 porta quam pulsatis non est homini libertate con-
 cessa, sed est in domini auxilio constituta, & soli iu-
 sti introibunt per eam. Confiteamur ergo domino,
 quoniam ipse exaudit nos, & ipse nobis efficitur in
 salutem. Veniamus nunc ad lapidem quem repro-
 bauerunt edificantes. Hic lapis legitur in Daniele
 excisus sine manibus, id est, sine opera uiri natus ex
 uirgine. Aedificantes erant Iudei soli super uniuersam
 faciem terre. Omnes enim gentes in destructio-
 ne idolorum morabantur, soli Iudei sub omnipoten-
 ti & uero deo ædificationem legis & prophetis
 tractabant, quibus ab origine mundi per Moysen
 quid egerit circa humanū genus, quid ue gesserint

circa deum homines notum faciens, & hoc notum fecit, quod in nouissimis temporibus suscitaret eis ex femore Iudæ regem Christū, de quo ipse Moyses diceret: ipsum audietis tanquam me per omnia, de quo iurauit deus pater ad Dauid, dicens: De fructu uentris tui ponam super sedem tuam. De quo iurauit ad Abraham, quod in semine tuo hereditabo omnes gentes, de quo per Esaiam dixit deus, quod uirgo in utero concipiet, & pariet Emanuel. Hæc & his similia multa in ueteribus libris inuenies, quæ & Iudæi ad ædificationem populi legentes ædificantes nominati sunt. Hij dum ædificant perueniunt ad lapidem angularem, qui duos parietes amplecteretur, & duos conderet in semetipso. Et quia ipsi in uno pariete stare uolebant, reprobauerunt lapidem, qui non erat aptus ad unum, sed ad duos. Videns deus iniustam reprobationem hominum, ipse quod probauerat illis nolentibus ordinauit, & hunc lapidem ipse per se posuit in capite anguli, ut ex duobus testamentis, et ex duobus populis ædificatio surgeret, quam increduli relinquentes à eo derelicti sunt. Credentes autem super ædificant supra fundamentum hoc, quod ex angulari lapide in capite anguli positum utraq; cōstringit & continet, et ipsum lapidem mirabilem in suis oculis habentes confitentur hunc esse diem, cui non succedit

dit nox, quem horæ non diuidunt, quæ umbra non impedit. Exultemus ergo & letemur in eo, qui à lumine uero nostras tenebras fugaturus illuxit. Bene dictus qui uenit in nomine domini. Benedixit nos in domo domini, deus dominus et illuxit nobis. Nos ergo cōstituamus diē dominicā, in cōfrequētationibus usq; ad cornua altaris. In qua die dicamus deo: Deus meus es tu, et cōfitebor tibi, deus meus es tu, & exaltabo te. Cōfitebor gemēs peccata mea, exultabo gaudēs indulgentia tua. Sic deniq; sequitur: Cōfitebor, quia exaudisti me, et factus es mihi in salutē. Et quasi qui sodales hortetur, ut sicut ipsi indultū est cōfiteōti, et illis cōfiteōtibus dimittatur: Et uos, inquit, cōfitemini domino quoniā bonus, quoniam in seculū misericordia eius, qui regnat in secula seculorum Amen. Alleluia. CXVIII

Beati immaculati in uia, qui ambulant in lege domini. Beati qui scrutantur testimonia eius, in toto corde exquirunt eum. Non enim qui operantur iniquitatem in uis eius ambulauerunt.

Tu mādasti mādata tua custodiri nimis. Utinam dirigantur uia mee ad custodiendas iustificationes tuas. Tūc nō cōfundar cū perspexero in omnibus mādatis tuis. Cōfitebor tibi in directione cordis, in eo quod didici iudicia iusticie tue. Iustificationes tuas custodiā, nō me derelinquas usquequaque.
in quo

IN quo corrigit adolescentior uiam suam, in cuius
 studio sermones tuos. In toto corde meo
 exquisiui te, ne repellas me à mandatis tuis. In
 corde meo abscondi eloquia tua, ut non peccem ti-
 bi. Benedictus es domine, doce me iustificationes
 tuas. In labijs meis pronunciaui omnia iudicia
 oris tui. In uia testimoniorum tuorum delectar-
 tus sum sicut in omnibus diuitijs. In mandatis tuis
 exercebor, & considerabo uias tuas. In iustifica-
 tionibus tuis meditabor, non obliuiscar sermones
 tuos.

Retribue seruo tuo, uiuifica me & custodiam
 sermones tuos. Reuela oculos meos, & con-
 siderabo mirabilia de lege tua. Incola ego sum in
 terra, non abscondas à me mandata tua. Concur-
 piuit anima mea desiderare iustificationes tuas in
 omni tempore. Increpasti superbos, maledicti
 qui declinant à mandatis tuis. Aufer à me op-
 probrium et contemptū, quia testimonia tua exqui-
 siui. Etenim sederunt principes, & aduersum me
 loquebantur, seruus autem tuus exercebatur in iu-
 stificationibus tuis. Nam & testimonia tua me-
 ditatio mea est, & consilium meum iustificationes
 tue.

ADe sit pauimento anima mea, uiuifica me
 secundum uerbum tuum. Vias meas enun-
 ciaui

tiani & exaudisti me, doce me iustificationes tuas.

Viam iustificationum tuarum instrue me, et exercebor in mirabilibus tuis. Dormitauit anima mea pre tædio, confirma me in uerbis tuis. Viam iniquitatis amoue à me, & de lege tua miserere mei.

Viam ueritatis elegi, iudicia tua non sum oblitus. Adhæsi testimonijs tuis domine, noli me confundere. Viam mandatorum tuorum cucurri, cum dilatasti cor meum.

LEgem pone mihi domine uia iustificationum tuarum, & exquiram eam semper. Da mihi intellectum & scrutabor legem tuam, et custodiam illam in toto corde meo. Deduc me in semitam mandatorum tuorum, quia ipsam uolui. Inclina cor meum in testimonia tua, & non in auaritiam.

Auerte oculos meos, ne uideant uanitatem, in uia tua uiuifica me. Statue seruo tuo eloquium tuum, in timore tuo. Amputa opprobrium meum quod suspicatus sum, quia iudicia tua iocunda. Ecce concupiui madata tua, in æquitate tua uiuifica me.

ET ueniat super me misericordia tua domine, salutare tuum secundum eloquium tuum.

Et respondebo exprobrantibus mihi uerbum, quia speraui in sermonibus tuis. Et ne auferas de ore meo uerbū ueritatis usq; quaq; quia in iudicijs tuis supersperaui. Et custodiam legem tuam semper,

in

in seculum & in seculū seculi. Et ambulā in latitudine, quia mandata tua exquisiui. Et loquebar de testimonijs tuis in cōspectu regū, & non cōsumdebar. Et meditabar in mādatīs tuis, quę dilexi. Et leuaui manus meas ad mandata tua quę dilexi, & exercebor in iustificationibus tuis.

COMMENTARIUM

Alleluia cū alphabeto inchoat, quod est misterium dei in Alleluia, & eruditio hominibus tradenda in alphabeto. Dicamus ergo beatos et immaculatos Christi discipulos, qui usq; hodie in uia sunt, qui est Christus. Ipse enim qui se dixit uia, ipse dixit eis: Manete in me, sicut & ego in uobis. Ergo manent isti beati, quia Apostoli immaculati, quia obtēperātes per omnia, in uia, quia in Christo sunt, ambulāt, quia in toto orbe terrarū eorū ambulat sancta doctrina, quę est in lege domini. Primus beatitudinis gradus in Apostolis cōsummatus est: secundus nobis est reseruatus. Sicut enī in primo psalmo, Beatus est qui in lege domini meditabitur die ac nocte, legētem noluit negligentē. Nā qui legit, si nesciat quid legat, negliget. Deus enim sciri uult omnia suarum mysteria literarum. Et sicut quod scriptum nō inuenies, si queras incurris: sic quod scriptum est, si non inquiras, argueris. Beatus enim perfectus esse non poteris, nisi scrutatus fueris testimonijs

monia eius, & in toto corde exquirunt eum. Non enim militantes, negotiantes, terrena cogitantes, his studijs occupari possunt, non eis uacat, mūdum custodiunt, eius totas partes agunt. Tu quid facis Christiane, si militas homini scrutare legem eius, quia si quid licet iam ignarus incurreris, morieris. Nescire enim legem nemini licet. negotiator es, inquire pretia constituta, quia si nescius licet incurreris, non eua des. Seruus Christi es, scrutare testimonia eius. Si enim illis non uacat, tu qui clericum aut religiosum profiteris, nec tibi fortè uacare uis, legem suā deus cui debeat delegare responde. Noui isto loco multos dicere: ergo simplices non uidebūt regnum dei, qui scrutari ista nō possunt. Audi charissime, à nullo deus quod nō potest queret, mutus non dānabitur de taciturnitate, nec eger culpabitur de labore. Volūtas sola sufficit deo, ubi possibilitas deest, ipsa reū efficit, ipsa sanctū, de his qbus uerè uoluit, & uerè non potuit. Ergo excussimus nos de uncino obiectionis, et à simplicibus utcūq; erui mus te. Cū modo causas quas memorauī tractabo, qui nosti discutere, qui nosti species uestium, species uini, species cibi, species argenti. Ista et his similia, etiam si non possideas, nosti tamen, & quid imposture habeant, & quid ueritatis obtineant discutis. Quid uicini tui agunt, non te latere uis.

quid

quid loquantur extranei, quid index ciuitatis fenserit, quid noui constituerit imperator, quid agant orientales, quid occidētales, quid rustici per omnia rura querantur, ista et multa his similia scrutaris, uenis ad mandata dei, & tolles te et dices: Nihil melius nisi simpliciter uiuere. Ergo ne astutia ex contemptu concepta simpliciter uiuit, & quis domini sui iussa custodit, quæ custodire non poterit, nisi ante didicerit, dicente sancto spiritu per prophetam. Nisi quis didicerit iusticiam super terram, ueritatem non faciet. Et sicut maius est uoluntatem dei facere quàm nosse, ita prius est nosse quàm facere. Illud merito præcedit, hoc ordine. Et fieri potest ut obsequendi uoto offendat, qui qualiter obsequi debeat ante non didicit. Nobis ergo desiderantibus ac dicentibus, utinam dirigantur uia meæ ad custodiendum iustificationes dei. Non cōfundimur, dum respicimus ad omnia mandata eius. Si tamen confiteamur domino in directione cordis, in eo quod didicerimus iudicia iusticiæ eius. Tantum enim exigitur quantum sapimus, non quantum non sapimus, imò quantum sapere possumus, non quantum non possumus. Verum quia mandata, inquit, tua custodiri uis nimis, nō me derelinquas usq; quæque. Non est enim aliud ubi adolescentiæ uias corrigam, nisi in custodia sermonum tuorum. Videamus nunc orationem

tionem, qui orat non mentitur deo in uerbis orationis suæ: In toto, inquit, corde meo exquisiui te. Si uerum dicis non te repellet à mandatis suis: In corde, inquit, meo abscon di eloquium tuum, ut non peccent tibi. Non ergo ideo ad scientiam laboraui pertingere, & præcepta dei memoriter retinere, ut uiderer sciolus, & per scientiam inflatus superbia increpatione aptarer, sed ideo ut non peccarem tibi. Doce ergo me, ait, domine iustificationes tuas. Ad hæc respō debit tibi ille quem oras, ut doceret te iusticias suas: Hæc est, inquit, iusticia mea, ut omnia quæ uis ut faciat tibi homo, eadem tu homini facias. Si amplecteris iusticiam dei dices: In labijs meis pronunciaui omnia iudicia oris tui, & in his delectatus sum, sicut in omnibus diuitijs. Videamus nūc quid est quod sequitur, In mandatis tuis me exercebo. Sicut tyronia corpus exercet, ita animam diuina præcepta instituunt. Docent enim ea qualiter pugnoscute suscipiat, qualiter fortiter reddat. Et considerabo, ait, uias tuas, id est, attendo qualiter superasti, & ipsa imitabor exempla. Si quidem qui nos docuit sic dixit: Imitatores mei estote sicut ego magistri: Non obliuiscar, inquit, sermones tuos. Vides quia obliuio res uitij est nō nature: Retribue, inquit, seruo tuo. Quid tibi uis retribuui? Amoris, inquit, affectum ut uinam. Et si tibi uitam dederō quid facies? Forte dixit uinā & epuler,

*leter, edificē, agros excolā, agam causas, & cetera
 quæ cū tempore pereunt, nō hoc dixit, sed quid ait,
 uiuā & custodia sermōnes tuos. Verū q̄a inter api-
 ces tuos thesauros oculos sentio, quos inuenire non
 possum, tu domine reuela oculos meos, et cōsiderabo
 mirabilia de lege tua. Cautē sane accipiendū est quod
 adiecit: Incola, id est, peregrinus ego sum apud te in
 terra, id est nihil terrenū quæro: quod quæro, hoc
 mihi noli abscondere. Nō abscondas à me mādata tua.
 Nō enim cōcupiscit anima mea, nisi desiderare iusti-
 ficationes tuas. Et q̄a scio te increpare superbos, au-
 fer à me opprobriū & cōtemptū. Superbi sunt enim,
 qui contemnunt dominum imperantē, & maledicti
 sunt qui declināt à mandatis tuis. Tuis sane, quia no-
 bis pie agētibus, principes aeris huius deiectiones ex-
 cogitant. Idcirco adiecit. Quod hij principes, ait, ad-
 uersum me loquebantur. Ego uero seruus tuus exer-
 cebar in tuis iustificationibus. Nam et testimonia tua
 meditatio mea est, & consilium meum iustificatiōes
 tue. Videamus quod consilium secutus sis in iustifi-
 cationibus domini: Adhesit, inquit, pauimento ani-
 ma mea, hoc est, iacui in pauimento, te domine depre-
 cans, te exorans, uiuifica me secundum uerbum tuū.
 Quid enim promisit deus? Promisit, inquit, deus di-
 cens. Quia in me sperauit, ego liberabo eū. Ecce ego
 sperans in te iam pauimento adhasi. Tu qui suscitās
 de terra inopem, uiuifica me secundum uerbum tuū.*

Vias tuas enunciaui, & exaudisti me. Cōsidera quid se fecisse dixit, ut exaudiretur. quid est vias tuas enūciaui? Hoc est quibuscunq; mihi possibilitas loquendi fuit, hos illis calles ostendi, quibus parebant uestigia. Per ipsos enim euaditur mors, & peruenitur ad vitam. *Quando ergo vias tuas enunciaui, tunc exaudisti me.* Artem exaudiendi didicisti Christiane, si exaudiri vis, vias dei nuncia, doce castitatem, humilitatem, contemptum mundi, & quicquid petteris exaudiris, & rogans te doceri à domino, quid doceat collibertum, dicito: Ego quia uolo vias tuas enunciare, ut exaudias me, uiam iustificationum tuarum fac ut intelligam, & exercebor in mirabilibus tuis. *Exerceri argutari est: Argutus, inquit, ero non piger.* Quid tantum promittis? ecce una tentatio nascitur, & moueris ita ut dicas: Dormitat anima mea præ tedio. Dormire corporis, non est anime. *Quantus sopor tuum corpus inuasit, qui et animam dormitare compellit. At ille, ista mihi tuerent, quia de me presumpsi. Excita me domine quia dormio. Excitas autem me, si confirmaueris me in uerbis tuis.* Cōfirmas autem me in uerbis tuis, si uia iniquitatis, idest, ipsam tentatorem amoueas à me. Nisi enim longe eum feceris à me, in somno anime, & in mentis meo tedio permanebo, Tu ergo uia iniquitatis amoue à me, et in uia tua miserere mei. Meum est enim cligere

uiam ueritatis, tuum est concedere electionis huius effectum. Et quia adhaesi testimonijs tuis, credens ut omnis qui petit accipit, Peto domine, noli me confundere. Naturaliter confusio nascitur, quādo quod poscitur denegatur, & ab eo qui praedicat eum quē petiturus est, nihil negare posse. Unde & hic ab hac confusione se liberari desiderans clamat: Domine noli me confundere, quid tamen postulas uideamus. Quid curris uiam mandatorum? Quid postulas intellectum ut scrutaris legem dei? Quid ducem quaeris uiae dei? Pande quid postulas. Inclina, inquit, cor meum in testimonia tua, & non in auaritiam. Ideo ergo dormitabat anima tua praetudio, quia de auaricia cogitabas, attendens ad ea, quae uidentur, quae in uanitate consistunt, quia dum teneri putantur aufugiunt. Ora ergo, ut auertat oculos tuos, ne uideant istam uanitatem siue in ambitionibus mundi, siue in concupiscentijs carnis. Et dic domino, ut statuat seruo suo eloquium suum in timore suo, & amputet opprobrium quod suspicatus es. Quid enim suspicatus es, cum praetudio dormitares? dixisti: Quid manducabo, quid bibam, quid operiar? At ubi inclinauit dominus cor tuum in testimonia sua, liberauit te ab auaricia, & coepisti quaerere regnum dei & iusticiam eius, credens quod haec omnia apponantur tibi. Mordo ergo iam rogas, ut huius suspicionis opprobrium ampute!

amputetur à te. Opprobrium est enim, ut credas hominem sollicitum esse de seruo suo, & deum negligere seruientem sibi. Peccaui domine, quia ita suspicatus sum: p. trce, quia iudicia tua iocūda sunt. Ecce credo, ecce nihil cōcupisco nisi mandata tua, fac ut ueniat super me misericordia tua, si salutare tuum super me uenerit, secundum eloquium tuum quod promissisti, *Qui erite regnum dei, & ista omnia apponentur uobis.* Dum ergo compleueris salutare tuum secundum eloquium tuum, ego respondebo exprobrantibus mihi uerbum, quia in sermonibus tuis spero. Nō ergo auferas ex ore meo uerbum ueritatis usquequaque. Ecce inficias in deū uadis. Ergo deum alicui tollit uerbū ueritatis ex ore? Hoc diabolus facit, tollit ueritatem, & mittit mendacium. Quid ergo deo loquar ostende: Ego, inquit, uolo respōdere exprobrantibus mihi uerbum, quia in sermonibus dei sperans, nihil cogitavi de uentre, sed de mente: nihil de terra, sed de cœlo. Cum ergo dicerem deus omnia parat seruis suis, illi, id est, increduli, siue immundi spiritus huius predicationis ueritatem conuertebant in mendacium. Tu ergo domine cum compleueris quod de te dum crederem repromisi, & illis respondebo exprobrantibus mihi uerbum, & nō est ablatum ex ore meo sermo ueritatis usq; quaq; quia bene feci, ut sperarē in sermonibus tuis. Non ergo custodiam nummos me

os, non diuitias meas, non gloriã inanem, sed custodi
am legẽ tuã semper in eternũ. Audiuimus nũc quid
est quod dicat se ambulasse in latitudine, quã mãdata
dei quãsiuit, cũ latitudo ad mortem ducat. Nõ ita est
ista latitudo. Vis scire quomodo ambulat homo in la
titudine? Quia mandata dei exquirat. Latum ambu
lat quem affectus non ligat carnis, spaciatur quem
rerũ sarcinæ nõ coartant. Loquitur testimonia dei
etiam in conspectu regum, & nulla confusione dice
tur ei: tu possides, quid contemptũ prædicas mundi?
Nulla trepidatio, quia nec gloriã ab eo, nec censum
expectat, sed ad deum solum leuat manus suas, quem
solum diligit, & exercetur in iustificationibus eius,
qui regnat in secula seculorum. Amen.

Memor esto uerbi tui seruo tuo, in quo mibi
spẽ dedisti. Hæc me consolata est in hu
militate mea, quia eloquium tuum uiuificabit me.

Superbi inique agebant usquequaq; , à lege autẽ
tua non declinaui. Memor sui iudiciorũ tuorum
à seculo domine, & consolatus sum. Defectio te/
ruit me, pro peccatoribus dereliquentibus legem
tuam. Cantabiles mibi erãt iustificationes tue in
loco peregrinationis mee. Memor sui nocte no
minis tui domine, & custodiui legem tuam, Hæc
facta est mihi, quia iustificationes tuas exquisiui.

Portio mea domine, dixi custodire legem tuã.
Deprecatus sum faciẽ tuã in toto corde meo,

miserere mei secundū eloquiū tuum. Cogitavi vias meas, & cōverti pedes meos in testimonia tua. Paratus sum & non sum turbatus, ut custodiā mandata tua. Funes peccatorū circūplexi sunt me, & legem tuā non sum oblitus. Media nocte surgebā ad confitendum tibi, super iudicia iustificationis tuæ. Particeps ego sum omnium timentium te, & custodientium mandata tua. Misericordia tua domine plena est terra, iustificationes tuas doce me.

Bonitatē fecisti cū seruo tuo domine, secundū uerbum tuum. Bonitatē & disciplinā & scientiam doce me, quā mādatis tuis credidi. Priusquā humiliarer ego deliqui, propterea eloquiū tuum custodiui. Bonus es tu, & in bonitate tua doce me iustificationes tuas. Multiplicata est super me iniquitas superbōrū, ego autē in toto corde meo scrutabor mādata tua. Coagulatum est sicut lac cor eorum, ego uero legē tuā meditatus sum. Bonum mihi quia humiliasti me, ut discā iustificationes tuas. Bonū mihi lex oris tui, super milia auri & argenti.

Manus tuæ fecerunt me et plasmauerunt me, da mihi intellectū ut discā mādata tua. Qui timēt te uidebūt me & letabuntur, quia in uerba tuas supersperaui. Cognoui domine quia æquitas iudicia tua, & in ueritate tua humiliasti me. Fiat misericordia tua ut consoletur me, secundum elo-

quiam tuum seruo tuo. Veniant mihi miserationes tuae & uiuam, quia lex tua meditatio mea est. Confundantur superbi, quia iniuste iniquitatem fecerunt in me, ego autem exercebor in mandatis tuis. Conuertantur mihi timentes te, & qui nouerunt testimonia tua. Fiat cor meum immaculatum in iustificationibus tuis, ut non confundar.

COMMENTARIUM

HAstenus à capite unus est sensus. Aliter incipit textus orationis, quo ait: Memento domine uerbi tui seruo tuo, in quo mihi spem dedisti. In hac oratione omne hominum deplorabat genus, Perierat omne genus hominum in preuaricatione Adæ, & promissum fuerat uerbum dei uenturum in carne, & per ipsum genus nostrum recuperaturum in melius. Clamatur ergo: Memento uerbi tui seruo tuo, id est, generi humano, in quo mihi spem dedisti. Hæc spes me consolata est in humilitate mea, dum superbi inique agerent usqueque, id est, dum immundi spiritus ita superbe agerent, ut & capitolia sibi & templa alta construerent. Ego memor fui iudiciorum tuorum, quia promissisti uerbum tuum uenire ad destructionem eorum. Hoc memor fui, & consolatus sum, tamen in presenti, defectio animi tenuit me pro peccatoribus dereliquentibus legem tuam, & euntibus ad legem demonum, quæ agebatur in templis, mihi tamen carabiles erant iustificationes tuæ in loco peregrini

reginationis mee, ubi aduena cōprobabar. Deniq; tolle subito Christianū, & pone inter Iudeos aut Gētiles, nōne aduena uidetur, licet in sua urbe cōsistat? Ibi, inq̄t, tamē cāt abiles mihi erāt iustificatiōes tuæ, & iniuste agentibus nō tacbā. Memor erā in nocte nominis tui domine, id est, in tenebrosis hominū cōcilijs positus, memor erā nominis tui, & custodini legem tuā; non me exempla multorum à recto tenore reuocabant. Hæc deniq; sola mihi facta est portio, quia iustificationes tuas exquisiui, cū discere custodire legē tuam. Hæc sola facta est mihi portio. Cū enim illi sibi diuiderēt agros, domus, uineas, gloriasq; mūdi diuersas, me inermē à suo cōtubernio reliquerunt dicētes: Si nō in pane uinere potes, sed in uerbo dei, hæc sola sit tibi portio. Et ego dixi tibi domine, miserere mei secundū eloquium tuū. Tu promissisti, ut nihil horū requiramus, nō mihi promissionē tuā peccata mea impediāt, quia cogitavi uias tuas. Et cōuerti pedes meos ad testimonia tua. Nūc autē paratus sum, & nō sū turbatus, nō me turbet triticū nō est ī horreo, oleū nō est in uasculo, nūmus nō est ī sacculo, uestimētū in cōditis nō est, expeditus sū, paratus sum, & in hac paup̄tate nō sum turbatus. Et ad qd paratus es? Ut custodiā, inq̄t, mādata tua. et licet funes peccatorum in tenebrositate distendit, ego & funibus peccatorum circūplexus, & in medijs tenebris positus, sur-

gebā ad confitendū tibi, uadens sup iudicia iusticiae tuae. Desiderabā enim particeps fieri timentū te, & custo dientiū mādata tua. Considerabā tamē peccata mea, sed misericordiā tuā plenius cogitabā et dicebā: Quia misericordiā tua plena est terra. Quid est plena est terra misericordiā dei? Medicamentum est anima. Medicamentū autē quādo uulneribus mittitur, nisi impleuerit uulnera nō curantur. Terra ergo corpus nostrū est, quod per omnia mēbra spiritalia uulnera cōtrahendo opus habuit saluatorē, cuius misericordiā impleretur terra, & saluatos iustificationes suas doceret. Deniq; ita sequitur: Ut bonitatē & disciplinā & scientiā, inq̄t, doceas me. Quia mandatis tuis credidi, ego, inquit, qui prius quā tibi humiliarer deliqui. Nunc uero quia misericordiā tua plena est terra, propterea eloquia tua custo diui. Et licet multiplicetur sup me iniquitas superbarū, id est, licet multiplicentur mihi suggestiones dæmonū, ego tamen in toto corde meo scrutabor legē tuā. Et licet coaguletur sicut lac cor corū, ego tamen legem tuā meditatue sum. Bonum est enim mihi quod humiliasti me, ut discā mandata tua. Non est afflictio corporalis in miseris deputāda, si nobis etiā nolētibus ueniat. Vide enim quid dixit: bonū, inq̄t, mihi quia humiliasti me, ut discā mandata tua. Alij possideāt & in suis locupletationibus gloriētur, mihi melior est lex oris tui.

super

super milia auri & argenti. Manus enim tuæ fecerunt me, hoc memor esto, quia cum omnia uerbo feceris, me manus tuæ ad tuam effigiem plasmauerunt. Da ergo mihi intellectum & discam mandata tua, ista cupientem, ista desiderantem qui timent te uidebunt me, & letabuntur. Quia in sermonibus tuis speraui. In ipsis enim cognoui, quia æquitas iudicia tua. Et ueritate humiliasti me, id est, uera causa extitit ut humiliares me. Propter iniquitatem enim corripuisti me. Fiat nunc misericordia tua, ut consoletur me, secundum eloquium tuum seruo tuo. Veniant mihi miserationes tuæ & uiuam, quia lex tua meditatio mea est. Cauendum sane & preuidendum, quia quotiescunque lex dei meditatio nostra est, tunc superbi iniquitates operantur in nobis. Quanto enim nos humiliores propter deum esse uoluerimus, tanto nobis superbi nequiores existunt. Confundantur, inquit, superbi, quia iniuste iniquitatem fecerunt in me. Ego autem, ait, non recessi à patientia, sed ceptis insistens, in toto corde meo seruitabar legem tuam. Verum quia orandum est, ut quietam uitam agamus, isti à me auertantur. Et conuertantur ad me qui timent te, & qui nouerunt testimonia tua, quia per societatem honorum efficitur cor nostrum mundum. In iustificationibus domini, ut non confundamur. Hoc autem prestat ipse

ipse solus, qui est in dextra patris, q̄ interpellat pro nobis, cui gloria situs! cū patre & Spiritu sancto in unitate deitatis, per omnia secula seculorum Amen.

Descendit in salutare tuo anima mea, & in uerbū tuū sup̄ speraui. Descenderūt oculi mei in eloquiū tuū, dicētes quādo cōsolaberis me. Quia factus sum sicut uter in ruina, iustificationes tuas nō sum oblitus. Quāt sunt dies serui tui, quādo facies depersequētibus me in dicū. Narrauerūt mihi iniqui fabulationes, sed nō ut lex tua. Omnia mādāta tua ueritas, iniqui p̄secuti sunt me adiuua me. Paulominus cōsummauerūt me in terra, ego autē nō dereliqui mādāta tua. Secūdū misericordiā tuā uiuifica me, & custodiam testimonia oris tui. In eternū domine uerbū tuū permanet in caelo. In generatione & generationē ueritas tua, funda sti terrā et permanet.

Ordinatione tua p̄seuerāt dies, quoniā oīa seruiūt tibi. Nisi quod lex tua meditatio mea est, tūc forte perissem in humilitate mea. In eternū nō obliuiscar iustificationes tuas, q̄ in ipsis uiuificasti me. Tuus sum ego saluā me fac, quoniā iustificationes tuas exquisiui. Me expectauerūt peccatores ut perderent me, testimonia tua intellexi. Omnis cōsummatiōis uidi finem, latum mandatum tuum nimis.

Quomodo dilexi legē tuā domine, tota die meditatio mea est. Super inimicos meos prudē
tem me

te me fecisti mādato tuo, quā in eternū mibi est. Super omnes docētes me intellexi, quā testimonia tua meditatio mea est. Super senes intellexi, quia mādata tua quasiui. Ab omni uia mala prohibui pedes meos, ut custodiā uerba tua. A iudicijs tuis nō declinaui, quā tu legē posuisti mibi. Quā dulcia faucibus meis eloq̄a tua, sup̄ mel ori meo. A mādatis tuis intellexi, propterea odiui omnem uiam iniquitatis.

Lucerna pedibus meis uerbū tuū, & lumen semitis meis. Iuraui et statui custodire iudicia iusticie tue. Humiliatus sum usq; quaq; domine, uisifica me secundū uerbum tuū. Volūtaria oris mei beneplacita fac domine, et iudicia tua doce me. Anima mea in manibus meis semper, & legē tuā nō sum oblitus. Posuerūt peccatores laqueū mibi, & de mādatis tuis nō erraui. Hereditate acquisiui testimonia tua in eternum, quia exultatio cordis mei sunt.

Inclinaui cor meum ad faciendas iustificationes tuas in eternum propter retributionem.

Iniquos odio habui, et legē tuā dilexi. Adiutor & susceptor meus es tu, & in uerbum tuū speraui. Declinate à me maligni, & scrutabor mādata dei mei. Suscipe me secundū eloq̄ū tuū et uia, & non cōfundas me ab expectatione mea. Adiuua me & saluus ero, & meditabor in iustificationibus tuis semper. Spreuisti omnes discedentes à iudicijs tuis

tuis, quia iniusta cogitatio eorum. Præuaticætes repudi-
taui omnes peccatores terre, ideo dilexi testimonia tua.
Cõfuge timore tuo carnes meas, à iudicijs enim tuis

Feri iudiciũ & iusticiã, nõ tradas me (timui.
calumniantibus me. Suscipe seruũ tuũ in bo-
num, nõ calumniẽtur me superbi. Oculi mei defecer-
rũt in salutare tuũ, & in eloquium iusticie tue. Fac
cũ seruo tuo secũdũ misericordiã tuã, & iustificatio-
nes tuas doce me. Seruus tuus sum ego, da mihi in-
tellectũ, ut sciã testimonia tua. Tẽpus faciẽdi domi-
ne, dissipauerunt legẽ tuã. Ideo dilexi mãdata tua
sup aurũ & topazion. Propterea ad omnia mãda
tua dirigebar, omnem uiam iniquam odio habui.

Mirabilia testimonia tua, ideo scrutata est ea
anima mea. Declaratio sermonũ tuorum il-
luminat, & intellectũ dat paruulis. Os meũ aperui
& attraxi spiritũ, quia mãdata tua desiderabã. Aspi-
ce in me & miserere mei, secũdũ iudiciũ diligentĩũ
nomen tuũ. Gressus meos dirige secũdũ eloquiũ
tuũ, & nõ dominetur mei omnis iniusticia. Redime
me à calumnijs hominum, ut custodiã mãdata tua.

Faciẽ tuã illumina sup seruũ tuũ, & doce me iu-
stificationes tuas. Exitus aquarum deduxerunt
oculi mei, quia non custodierunt legem tuam.

Iustus es domine, & rectum iudicium tuum.
Mandasti in iusticiã testimonia tua, & ueritatem

tuam

tuam nimis. Tabescere me fecit zelus meus, quia oblitus sunt uerba tua inimici mei. Ignitum eloquium tuum uehementer, & seruus tuus dilexit illud.

Adolescentulus sum ego & contemptus, in iustificationes tuas non sum oblitus. Iusticia tua iusticia in eternum, & lex tua ueritas. Tribulatio & angustia inuenerunt me, mandata tua meditatio mea est.

Aequitas testimonia tua in eternum, intellectum da mihi & uiam.

CLamaui in toto corde, exaudi me domine, in iustificationes tuas regredere. Clamaui ad te et saluum me fac, ut custodiā mandata tua. Praeueni in maturitate & clamaui, quia in uerba tua super speraui. Praeuenērūt oculi mei ad te diluculo, ut meditarer eloquia tua. Vocem meam audi secundum misericordiam tuam domine, et secundum iudicium tuum uiuifica me. Appropinquauerunt persecutores me iniquitati, à lege autem tua longe facti sunt. Prope esto domine, & omnes uiae tuae ueritas. Initio cognoui de testimonijs tuis, quia in aeter-

Vide humilitatem meam et eris (non fundasti ea. Prope me, quia legem tuam non sum oblitus. Iudica iudicium meum et redime me, propter eloquium tuum uiuifica me.

Longe à peccatoribus salus, quia iustificationes tuas non exquisierunt. Misericordiae tuae multe domine, secundum iudicium tuum uiuifica me. Multi qui persequuntur me & tribulant me, à testimonijs tuis non declinaui.

Vidi

Vidi preuaricantes & tabescam, quia eloquia tua non custodierunt. Vide quoniã mandata tua dilexi domine, in misericordia tua uiuifica me. Principium uerborum tuorũ ueritas, in æternum omnia iudicia iusticie tue.

P Rincipes persecuti sunt me gratis, & à uerbis tuis formidauit cor meũ. *Letabor ego super eloquia tua, sicut q̄ inuenit spolia multa. Iniquitatẽ odio habui & abominatus sum, legẽ aut tuam dilexi.*

Septies in die laudẽ dixi tibi, sup iudicia iusticie tue. Pax multa diligẽtibus legẽ tuã, & nõ est illis scandalũ. Expectabã salutare tuũ domine, & mã data tua dilexi. Custodiuit anima mea testimonia tua & dilexit ea uehementer. Seruauĩ mã data tua & testimonia tua, q̄a omnes uie meã in cõspectu tuo

A Ppropinquet deprecatio mea in conspectu tuo domine, iuxta eloqũ tuũ da mihi intellectũ. *Intret postulatio mea in cõspectu tuo, secundũ eloqũ tuũ eripe me. Eructabũt labia mea hymnum, cũ docueris me iustificatiões tuas. Pro nũciabit lingua mea eloqũ tuũ, quia omnia mã data tua equitas.*

Fiat manus tua ut saluet me, quoniã mandata tua elegi. Cõcupiui salutare tuũ domine, & lex tua meditatio mea est. Viuet anima mea et laudabit te, & iudicia tua adiuuabũt me. Erraui sicut ouis que perijt, quere seruũ tuũ, q̄a mã data tua nõ sum oblitus,

Commen

COMMENTARIUM

CVcurrit usq; ad istū uersiculum unus idem sensus, nunc incipit alius qui ex ipso cursu descendit. inebauit itaq; in isto sensu omne humanum genus dicens: Memor esto uerbi tui, in quo mihi recuperandi spem dedisti. Hæc spes me consolata est, quando superbi inique agebant in me. Nunc ad hanc eādem expectationis defectum sui euenisse casatus, iterum clamat: Defecit, inquit, in salutare tuo anima mea, et in uerbo tuo speraui, defecerunt oculi mei in eloquio tuo, dicentes. Quando uenies, quando restaurabis me, quando consolaberis me: Quia per præuaricationem Adæ factus sum sicut uter in pruina, intus uacuus, à foris uero contractus. Iustificaciones tamen tuas non sum oblitus. Verum quia uita hominis parua est super terra, quantum dies restant mundo seruo tuo, ut finiatur, quando facies de persecutibus eum iudicium? Qui narrant idolatræ fabulationes, sed non ut lex tua: Iniqui demones persequuntur eum. Adiuua eum domine, ecce mundi finis propè est, & modico minus cōsummabitur ipse mundus in terra. Veni domine, quia ego qui in his doleo, id est, chorus omnium sanctorum, non dereliqui mandata tua. Ut secundum misericordiam tuam uiuam & custodiam testimonia oris tui. Quibus promisisti, te nobis pereuntibus

bus mittere saluatorem. Certus sum enim, quod in æternum permanebit uerbum tuum in cœlo. Qui licet cum hominibus uideatur, ut promissisti, de cœlo tamen nunquam abscedit. Sicut nec fluuius cum mare ingreditur, & circuit terras, de sinu sui fontis unquàm est absens, Ita proculdubio uerbum tuum, cum ad nos uenerit, de sinu tuo sancte pater nunquàm abscedit. Quid moraris cum mittere, qui huc ueniens super terram de cœlo nunquàm abscedit. Veniat ut liberemur repromissio, quæ mentiri non potest. Quia in seculum seculi ueritas tua. Fundasti terram & permanet, & homo propter quem terram fundasti, non permanet. Ecce & ordinatio tua perseverant dies, & homo propter quæ dies fecisti non perseverat. Ideo autem perseverant omnia, quoniam omnia seruiunt tibi, homo autem non perseverat, quoniam non sicut omnia seruit tibi. Qui statim ut à seruitio tuo recessit, tunc quando preuaticatus à sublimitate bonæ cōscientiæ cadens humiliatus est. Qui ideo habuit perire in ipsa humilitate sua, quoniam his perseverantia concessa est, qui obtemperando recessit ab eo securitas uite, & sic humiliatus ut putaret se ita perire in humilitate sua, ut ultra genus humanū non haberet statum. In ipsius nunc deiectione dicitur deo: Tuus sum ego, saluum me fac. Veniat qui saluet eum, quia spiritus immundi

immundi expectant, ut perdant cum in perseverantia idolorum: & moras faciente seruatore, ueniat consummatio seculi. sed illis expectantibus ut pereat mūdus, Ego, id est chorus prophetarū, testimoniam tua intellexi. Et omni cōsumationi nequissimæ uidi finē, mandatū uero tuum latum est nimis. Latum, quia omnia terræ spacia occupat, & corporis & animæ fines tenet, ducet sibi sursum ad cœlos, contēnentē deponit ad inferos. Latū nimis est eius imperiū, siquidē & potētibus simul et regibus & cūctis gētibus imperat. Hoc mādatum, ait chorus ut dixi sanctorū, ego non timui, sed dilexi. Perfecta quippe dilectio foras mittit timorē. Et ita dilexi, ait, ut tota die meditatio mea esset. Videamus nunc, quid sibi euenisse referat per amorē mādati. Super inimicos meos, inquit, prudentē me fecisti mādato tuo, quia in eternū mihi est. Inimicos hoc loco, & inuisibiles et uisibiles memorauit. Super omnes docētes me intellexi, quia mādata exquisiui. Nota tibi eruditissime, quia cum sapientior esset docentibus, discipuli formā gerebat. Etiam super senes intellexi, quia legē tuā nō sum oblitus. Nullus obliuionē rem nature existimet, cū ex uitio negligentie oriatur. Quia ergo ait, legē tuam non sum oblitus. Ab omnia mala prohibui pedes meos, ut custodiā mandata tua, id est, à malo recessi, & ita ad custodiā tuorum

mandatorum accessi. Cumq; accessissem à iudicijs tuis non declinaui, quia tu legē posuisti mihi, quam ego uoluēs in ore meo, super mel habeo dulciorem. Et intelligens quanta bona mihi per dilectionem legis tuæ proueniant, odio cœpi habere omnem uiam iniquitatis. Et sicut si lucerna in tenebris docet pedes hominis foueas aut offendicula quæ declinant, ita ego gressibus uel pedibus cordis mei, Veluti lucernam pedibus meis, ita uerbum tuū sēsibus meis. Videns ergo me tenebras per eam euasisse diaboli, & lucidas semitas inuenisse, iurauit atq; statui custodire iudicia iusticiæ tuæ. Quid est quod dicitur, iurauit ut constitui, siue regulam posui, in qua statui custodire iudicia iusticiæ dei, & propter hoc humiliatus sum usq; quaq;. Ita humiliatus sum, ut non liceret mihi, nec seruum contemnentem me ledere, iniuriam passus, tacui. Et passus calūniam quicui, non tendendo utiq;, sed omnia quæ eueniunt contemnendo humiliatus sum. Non enim hoc quod staueram custodire, custodire poteram, nisi essem humilis usq; quaq;, & efficerer tanquàm purgamentum huic mundo. Verum quia mortem minantur excitantes infamiam: Domine, ait, uiuifica me secundum uerbum tuum, & hoc quod statui, quia uoluntario iudicio statui, non necessitatis imperio: deprecor, ait, ut uoluntaria oris mei facias beneplacita domine

domine, & iudicia tua doceas me. Sit anima mea in manibus tuis semper, & legem tuam nō obliuiscar, & hoc stat quod Græci canunt: anima mea in manibus meis semper, secundum illam sententiam: Si recorderis, inquit, nouissima tua, in æternum nō peccabis. Ita iste animam suam dum in manibus suis habet, semper eam exituram considerans, legem dei non obliuiscitur, etiam si peccatores laqueos ei posuerint, euadet primo, quia lucernam pedibus habens, legem qua deteguntur laquei immundorum, euadit. Adiecit huic bono, ut semel cœptam custodiam etiam iurando firmaret. Et hæc faciendo cœnit mihi, inquit, ut hæreditatem acquirerẽ in æternum. Nō dicitur hæreditas, nisi mortuus fuerit qui heredem instituit. Ergo mortuo pro me domino, ego hæreditatem acquisiui, testimonia eius in æternum, quia testimonia exultatio cordis mei sunt. Te status est enim mihi, quod perpetuam uitam inueniam & æternam mortem euadam. Et ego credens iniquos odio habui, et legẽ tuã dilexi, atq; ideo dixi spiritibus immundis: Declinate à me maligni, ut scrutèr mādata dei mei. Nota tibi quomodo scrutatũ legis, et ita scrutare, dic et tu immūdis spiritibus: Declinate à me, ut scrutèr mandata dei mei. Quia ipsi tibi immittunt impedimentum, quando tuam mentem intentam attendunt. Eueniant itaque dam/

na rerum, et diuersa aduersa uel prospera. Audi angelos clamantes : Attende animam tuam Lotb, ne prospexeris retro. Age quod agis, quia quod reuocaris transiris, si stare uolueris. Noli ergo occupationibus, quæ te à seruatione sancta reuocant ac quiescere, sed clama cum propheta ad deũ, Adiuua me domine, & saluus ero, et meditabor in tuis iustificationibus semper, id est, die et nocte, ut in primo psalmo pronissum est : Quoniam spreuisti, inquit, omnes qui descendunt à iusticijs tuis. Iniusta enim cogitatio eorum. Propter hoc ait, præuaricâtes reputaui oēs peccatores terræ, quia legẽ tuã dilexi. Verũ quia concupiscit caro aduersus spiritũ, ut infigas timori tuo carnes meas ex oro. Aiudicijs enim tuis timui : nisi enim fixæ fuerint carnes meæ timori dei, risus nobis nascitur, & dei iudicium nõ timeamus. Et dum non timeamus dominũ, inimicis ac persequētibus tradimur. Vnde his adiecit : Feci, inquit, iudicium & iusticiam, non tradas me persequentibus me. Quod iudicium, quam eius iusticiã expone nobis : Caro, inquit, mea domina uolebat fieri animæ, ego eam maceraui & seruituti redegi. Ecce iudiciũ, iusticiam uero feci, animæ tradi di dominatum super eam, quia per carnem calumniabantur mihi superbi. Elige queso te domine, elige seruũ, id est, totum mundum, elige eum in bono, id est, in Cbriv
sto

sto. Non calumniuntur ei superbi, id est, immūdi spūritus, qui tenent chirographum peccati. Veni domine & dele illud, excludens inimicitias superborum. Oculi enim mei defecerunt in salutari tuo. Expectans semper attendet, ut uenientem aspiciat, quo morante dicit: Oculi mei defecerūt in expectatione eius. Fac quaeso cum seruo tuo, id est, cum seculo tuo secundum misericordiam tuam, & iustificationes tuas doce me. Tēpus est ut uenias, perdissepata est ab iniquis lex tua, id est, à Iudæis, qui eam accipientes dissipauerunt eam, sua præcepta, sicut arguit dominus, statuentes, & traditiones hominum custodientes, legem uero dei contemnebant. Dissipauerunt iniqui legem tuam, nullus credit, omnes declinauerunt. Veni domine, quia tempus faciendi misericordiam, concludere omnia in incredulitate, ut omnibus miserearis. Memor esto qui legis, quia uocē diximus hic agi omnium prophetarū, qui & præconia sua uoluerūt ad effectum adduci per aduentum domini, & humano generi subueniri. Hic ergo, id est, prophetarum & sanctorum chorus loquitur: Dilexi, inquit, mandata tua super aurum & topazion, id est, super aurum et lapidem preciosum. Sic repetijt in cētesimo octauo decimo, sicut in octauo decimo iam prædixit. Et propterea, inquit, ad omnia mandata tua dirigebar. Et omnem

uia iniquam odio habui, quia mirabilia testimonia
 tua. Pingge pingge ante oculos tuos qui hæc cætas ali
 quas fabricas. Quales? Illas quas mirabantur Apo
 stoli, pingge templa, pingge thermas, pingge fora &
 mœnia in uertice excelsa surgentia. Et dum ista
 cõsideras, memento casulae cuiuscunq; ex frondium
 septo contextæ. Nun quid non tanto illa tibi erit de
 spectior, quanto ista mirabilia stupueris. Ergo is
 quicumq; legem dei rationem habere uult, totum
 quasi uilem casulam despicit mundum, & sola mira
 bilia habens testimonia eius, ideo scrutatur ea ani
 ma eius, cunq; declaratio sermonum eius in rebus
 æternis illuminauerit eum, & paruulis considera
 tionibus eius magnum tribuerit intellectum, ape
 riet os suum in laudibus dei, & attrahit spiritum,
 id est, suspirijs occupatur, quia mandata dei deside
 rat, & incipit sic desiderare, ut præ desiderio non
 dormiat, atq; escam potumq; sibi ac læticiã subtra
 hens, præ desiderio sui pectoris clamet: Aspice me
 & misere re mei secundum iudicium diligentium no
 men tuum: hæc totius humani generis oratio fun
 ditur. Vnde & sequitur: Gressus meos dirige secun
 dum uerbum tuum & uiuam, qui gressus meos in
 tortum misi per Adam, & mortem inueni. Tu ue
 ni domine, et per te gressus meos dirige secundum
 uerbum tuum, quod ille præuaticatus est, & uitam
 inueniam

inueniam per te, quam per illum amisi. Expecto dormire ueni, & non confundas me ab expectatione mea. Si enim ueneris, non dominabitur mei omnis iniquitas, scilicet demonum. Nam increduli homines credentes calumniantur, dicentes: Quid negatis deos gentium, & uirginis filium expectatis, quando habet uirgo in utero concipere, & parere uobis Emanuelem. Vni ergo domine & redime me à calumnijs hominum, & custodiam tua mandata, non hominum. Cū faciem tuā illuminaueris super seruum tuum, id est super seculū tuum. Tunc doces nos per filium tuū iustificationes tuas. Cōsideremus nunc summū gradum orationis. Summus gradus enim orationis est, quando in oratione positus, preces simul et lacrymas fundis. Impossibile enim est, ut non oculi tui peccatū incurrerint. Omne enim quod in mūdo est, ut ait Apostolus, concupiscentia oculorum est, & ambitio seculi, quæ non est à patre. Dic ergo cum propheta: Exitus aquarum deduxerunt oculi mei, quia non custodierunt legem tuam. Dixi equidem misericordiam tuam, & spes mea omnis in ipsa est. Sed quid faciam, quia scio, quia iustus es domine, & rectum iudicium tuum. Et mandasti iusticiam tuam, & testimonia tua, quibus comminaris eternum incendium, & scio in loquela tua ueritatem nimis. Ideo ergo fundunt oculi aquas, quæ

abluant plorando, quod cōcupiscendo polluerunt.
 Zelor tamen mundum tuū ab idolis, quia gaudent
 super eum inimici tui, & ita hinc inde bacchantur,
 ut obliti sint uerba tua, ipsi inimici generis huma-
 ni. Sciunt enim & intelligunt uoces prophetarum,
 in quibus uerba tua pollicētur nostri redemptoris
 aduentum. Sed tantum moraris domine, ut obliti
 sint uerba ipsa promissionis huius inimici mei. Por-
 rō autem ignitum est eloquiū tuum uehementer,
 ignitum est amatorium, excludens amores mortife-
 ros & uite eterne amores includens. Adiecit post
 quā ignitum dixerat: Et seruus tuus, inquit, dilex-
 it illud, adulescentior ego sum, & contemptus ijs,
 qui pugnat aduersum me, mūdo omni seniores sūt,
 & omnibus uetustis seculis antiquiores esse noscu-
 tur. His ergo adulescentior pro cōtempo habeor,
 dum iustificationes tuas exquiro. Iusticia enim tua
 certus sum, quo d iusticia sit in eternū. Et scio quia
 lex tua ueritas sit, & ideo me tribulatio & angus-
 tie inuenerunt. Quia mandata tua meditatio mea
 est. Non enim faciunt tribulationes et angustias de-
 mones, nisi his quā maxime qui mandata domini
 meditantur: Et ideo clamaui, inquit, in toto corde
 meo, exaudi me domine, iustificationes tuas exqui-
 ram. Ita meos mores in tuo amore dispone, ut nihil
 de hoc mūdo quæram, sed solas tuas iustificationes
 exquiram

exquiram. Præueni enim in maturitate et exclamaui: Fui puer, postea adolescens, itemq; iuuenis, nūc ecce iam senui, & uitæ meæ finem attendens, in hac maturitate positus clamo, et præueniunt oculi mei ad te diluculo, id est, ætequā alius te orare incipiat. Lucem ipsam dici ueniētem præueniunt ad te oculi mei, ut uocem meam audias secundum magnam misericordiam tuam, quia propè sunt qui persequuntur me. Iniquitates mihi propè sunt quia à lege tua longe facti sunt, id est, demones in idolis, & spiritus immundi in cogitationibus malis. Hij appropinquaerunt persequentes me, putantes te adhuc longe esse, tu autem propè es domine, & omnia mandata tua, quibus mandasti, tuum expectandum aduentum, omnia mandata tua ueritas. Ab initio cognoui de testimonijs tuis, quia sic firma sunt promissa tua, ut in aternū fundaueris ea. Vide ergo humilitatē meam. Chorus sanctorū pro mūdo uniuerso exorat. Vide humilitatem meā & eripe me, quia legem tuā nō sum oblitus, promissam salutē aduentus tui. Iudica iudicium meū, et redime me propter eloquium tuum. Ut uerum illud uniuersis non credentibus manifestes, propter eloquium tuum eripe me. Lōge est à peccatoribus salus, siue qui uēturum non credūt, seu qui iā uenisse nō credunt. Longe est utiq; salus ab eis, quia iusticias tuas nō exquisierūt.

Tue

Tuæ autem miserationes multæ sunt domine, cum non requirentes te requiris, cum cõtemptores tuos exaudis. Quia ergo illis misericordiam exhibes, qui testimonia tua non exquisierunt, quãto magis et mihi miserere, qui à testimonijs tuis non declinaui. Hoc, ut sæpe dicimus, chorus sanctorũ omnium protestatur, qui & adiecit: Vidi non seruantes partum, & tabescebam, quia iusticias tuas non custodierunt, quomodo distabit Moyses in populo præuaricatore, quomodo Finees, quomodo Chaleb filius Iephane, quomodo Iesus Naue filius, quomodo Samuel in Saule. Omnis ergo chorus sanctorum ante aduentum domini, uidens non seruantes partum tabescebat, & dicebat domino: Vide quia dilexi legem tuam, in tua misericordia uiuificame. Hoc autem quod diximus sæpenumero, sanctorum ab Abel usque ad Mariam & Ioseph omnes qui dem in lege ueteri placuerunt, usq; ad Abraam legem nature seruantes, ab Abraam usque ad Moysen legem nature & circumcisionis, à Moysen usque addominum Iesum Christum legem nature circumcisionis & legis, omnes hij iam tunc ex semetipsis fundamentum ecclesie construebant, cuius dedicatorem & adimpletorem dominum expectabant, qui cõpleret quod iurauerat seruo suo Abraham, quod in semine eius hereditaret omnes gentes.

Hic

Hic chorus omnium sanctorum, iam dei filium ex ore patris didicerat natum, ut euidenter diceret patri: Principium uerborum tuorum ueritas. Quid minus hic quàm euangelia declarauit. In his ergo iam tunc Christus cum patre & spiritu sancto regnabat. Non enim poterat fieri, ut cuperent eum & confiterentur eum, nisi mentis suæ oculis eius pulchritudinem aspexissent. In ipsis ergo iam ecclesia Christi, ita quæ sūt futura preloquitur, ut præterita enarrare uideatur: Principes, inquit, persecuti sunt me gratis, sed contempta persecutione eorum, à uerbis tuis formidauit cor meum. Eis scilicet uerbis quibus dixisti: Nolite timere qui occidūt corpus, sed eum qui potest corpus & animam perdere in gehennam. Habens ergo in uerbis tuis timorem et leticiam, sicut qui inuenit spolia multa, tempore quo iniquitatem odio habui, id est, idolis sacrificare cōtempsi, & uidens iniquitatem abominatus sum, ita ut supplicijs diuersis maceratus excederē. Tunc utiq; septies in die laudem dixi tibi, cum in septiformi spiritu septem ecclesijs textū superioris fabricæ extruebam. Sicut enim diximus in ueteribus sanctis Christum in fundamento ecclesiæ operatum: ita in muribus nouis operatum, per quos unius eiusdemq; fundamenti, usq; ad finem seculi arces exurgunt. In quibus pax multa diligentibus no-

men tuum domine, & non est in illis scandalum. In quibus expectatur salus tua domine, & mandata tua custodiuntur. In quibus intrat postulatio nostra in conspectu tuo domine, & secundum uerbum tuum liberas nos. In quibus eructuant labia nostra hymnum, cum doceamur iustificationes tuas. In quibus pronunciat lingua nostra eloquia tua, & docetur quod omnia mandata tua sint æquitas. In quibus manus tue, ille quæ in cruce fixæ fuerunt, ipse saluos nos faciunt, si mandata tua diligimus, & concupiscimus salutare tuum, & lex tua meditatio nostra est. Credentes quod etiam corpore nostro uiuet anima nostra, & laudet te, credentes quod iudicia tua adiuuent nos. Confitentes quod errauimus, sicut ouis illa quæ periit, rogantes ut requiras eam, & humeris imponens, gregi applices per manenti secundum promissum tuum domine Iesu Christe, qui regnas cum patre, & spiritu sancto per omnia secula seculorum Amen.

Canticum graduum.

CXIX

AD dominum cum tribularer clamaui, & exaudiuit me. Domine libera animam meam à labijs iniquis, & à lingua dolosa. Quid detur tibi aut quid apponatur tibi, ad linguam dolosam. Sagitte potentis acute, cum carbonibus desolatorijs. Heu mihi, quia incolatus meus prolon-

longatus est, habitavi cum habitantibus cedar, multum incola fuit anima mea. Cum hijs qui oderunt pacem eram pacificus, cum loquebar illis impugnabant me gratis.

COMMENTARIUM

CAntica graduum, cātica ascensionum sunt. Veluti si alicui qui in foueam ceciderit, ponatur scala, ut inde ascendēdi capiat facultatem. In fouea itaq; captiuitatis cum populus Israeliticus deuenisset, cum tribularetur clamauit ad dominum, & exauditus est, unde & plorat, dicens: Heu me, quia peregrinatio mea longa facta est. Et adiecit: Habitavi cum habitantibus cedar. Cedar unus ex filijs Israel fuit qui obtinuit solitudinem in regione orientis quæ à deserto Palestine usque ad terras Persarum extenditur, in qua parte nunc Sarraçeni habitant, quorum pater Cedar filius Ismael esse repperietur lectione Geneseos: Hij odientes pacem eo usque probantur, ut nunquàm cum gente aliqua fœdus inierint pacis, ex quo orti sunt usque ad presentem diem. Quam gentem ego dæmonibus comparans, ad meum captiuum accedo: fugiensque moras historicæ narrationis, ei qui cecidit in peccati foueam, istum psalmum expono: dico ei, tribulare, quia male letatus es. Et cū tribulātem te fecerit pœnitentia, clama ad dominum credens quod

quod te exaudiat, dic ei: Libera animam meam à labijs iniquis, et à lingua dolosa, dicūt ei demones: Et cum in cloaca deiecerim peccatorum, interim modo differo clamorem. Restat tibi tempus quo possis ascendere. Hos populos idcirco seminant, ut qui eos audierit, dum sperat expiret. Hijs labijs dolosis, & huic lingue nequissime prepara sagittas potentes, orationibus temperatas, & ieiunijs acuitas, cum carbonibus diuino igne succensis. Applica te ad gradum & pone ascensiones in corde tuo, à conualle fletus ad montem refugij. Et non solum tu ipse moras non innectas, sed illatas excogita. Et flebili uoce te moratum in peccatis inter suspiria ingemisce. Heu me, quia incolatus meus prolongatus est, habitauī cum habitantibus cedar. Cum hijs habitauī qui mecum uerbo dei, ne pacem facerem per suadebant, tibi multum incola fuit anima mea. Benè posuit animam. Caro enim quia de terra est, ubicunq; fuerit, in terra sua est. Ego tamen, licet cum his qui oderant pacem consisterem, cum uerbo tamen dei eram pacificus. Et cum loquebar illis, quod uellem ad gradum ascensionis accedere, illi expugnabant me gratis. Mox enim ut cœperit peccator ad penitentiam conuolare, & à fouea mortis ad uitæ supernæ montem conscendere, expugnationes demonū quod sit passurus, agnoscat, si credit sibi uere à dei

à dei sapientia dictum : Cum accesseris ad seruitutem dei, stā in timore & tremore, & prepara animam tuam ad tentationem. Quod sciens dominus, in eo sermonem nostrum orationis nostræ inclusit, ut clā memus, ne nos patiatur induci in tentationē, sed liberet nos à malo, q̄ regnat in secula seculorū Amen.

Canticum graduum. CXX

Leuauit oculos meos in montes, unde ueniat auxilium mihi. Auxilium meum à domino, qui fecit cælum & terram. Non det in commotionem pedem tuum, neq; dormiet qui custodit te. Ecce non dormitabit neq; dormiet, qui custodit Israel.

Dominus custodit te, dominus protectio tua super manum dexteram tuam. Per diem sol non uret te, neque luna per noctem. Dominus custodit te ab omni malo, custodiat animam tuam dominus. Dominus custodiat introitum tuum & exitum tuum, ex hoc nunc & usq; in seculum.

COMENTARIUM

Centesimi uicesimi psalmi ascēsus patet. *Leuauit oculos tuos ad mōtes. Quid moraris in conuallibus? Crede quia si leuaueris oculos tuos ad mōtes, euades mortem & uitam inuenies. Si tamen leuaueris oculos tuos ad montes, & tuleris eos à conuallibus, de quibus dictum est: Oculos suos statuerunt declinare in terram, id est, statue-*

H runt

runt deorsum terrena despiciere, terram diligere. Nobis autem clamat Apostolus: que sursum sunt querite, que sursum sunt sapite. Et sacerdotalis uox ad percipienda mysteria nobis omnibus clamat: sursum cor. Noli ergo timere, non tuis uiribus derelinqueris, si ascendere cogitaueris, ueniet tibi auxilium à domino, qui fecit cælum & terram, tu tantum non des in commotionem pedem tuum, id est, non uolo, nolo ascendendi consilium sumas, sed incunctor ante ascende. Quia non dormit qui custodit te: Ipse etiam protectio tua erit super manū dexteram tuam, id est, porriget tibi manum ascendere cupienti, præstabit tibi ut non uraris à sole per diem, præstabit tibi, ut lux solis non tibi concupiscentie ignem exagitet, neque uraris stimulo. Si enim ex animo ad auxilium dei conuolaueris, ipse custodit te ab omni malo, & corpus tuum custodit, custodit etiam & animam tuā dominus. Ipse custodit introitū tuū ad pœnitentiā, & exitū tuū de corpore ex hoc, id est, ex hoc die quo ex fide conuerteris. Ipse iā custodit te dominus Iesus Christus, qui regnat in secula seculorum Amen. Canticum graduum. CXXI

Lactatus sum in his que dicta sunt mihi, in domum domini ibimus. Stantes erant pedes nostri, in atrijs tuis Hierusalem. Hierusalē que edificatur ut ciuitas, cuius participatio eius in idipsum.

Illuc

Illuc enim ascenderunt tribus tribus domini, testimonium Israel ad confitendum nomini domini.

Quia illic sederunt sedes in iudicio, sedes super domum David. Rogate quæ ad pacem sunt Hierusalem, & abundantia diligentibus te. Fiat pax in virtute tua, & abundantia in turribus tuis. Propter fratres meos & proximos meos, loquebar pacem de te. Propter domum domini dei nostri, quæ sui bona tibi. COMMENTARIUM

SECUNDUM gradum ascendisti, accede ad tertium. Bona tibi in isto gradu promissa sūt, si credis, sume psalmum & exprime canticum. Tunc te scimus credidisse, si letatus fueris, in his quæ dicta sūt tibi. Et relinquens conuersationem peccantium, in domum domini ieris, et ibi stantes fuerint pedes tui in atrijs Hierusalem, ubi edificatio in muris ciuitatis futuræ extruitur. Ad quam ascenderunt tribus domini in testimonium Israel. Tribus domini duodecim Apostoli cognoscuntur, qui priores ascenderunt hos montes ad confitendum nomini domini Iesu Christi, & ibi sederunt sedes in iudicio, sedes super domum David. Rogantes quæ ad pacem sunt Hierusalem, & abundantia diligentibus te, id est, te diligentibus Hierusalē. Ibi enī confirmata est pax Christi, quæ in toto mūdo diffusa est. Ibi eis dictū est: Pacem meam do uobis, ipsi ciuitati dicit dominus Iesus

Christus, propter fratres meos & proximos meos: Qui sunt fratres, inquit, mei & proximi mei, nisi isti, inquit, qui faciunt uoluntatem patris mei. Propter ipsos ergo loquor pacem de te, promittā in cœlis ubi uere edificaris ut ciuitas, promittam quod sit mihi participatio in idipsum. Et mecum in ea regnabunt fratres mei & proximi mei. Propter domum etenim dei mei quæsiui tibi bona, bona æterna, ut ciues tui tecum non temporaliter, sed perpetualiter regnēt. Ipsi gloria qui ista repromisit quiq; regnat cū patre & spiritu sancto in secula seculorum Amen.

Canticum graduum. CXXII

AD te leuaui oculos meos, qui habitas in cœlis. Ecce sicut oculi seruatorū in manibus dominorum suorum. Sicut oculi ancillæ in manibus dominæ suæ, ita oculi nostri ad dominū deū nostrum donec misereatur nostri. Misere nostri domine misere nostri, quia multū repleti sumus despectione.

Quia multum repleta est anima nostra, opprobrium abundantibus & despectio superbis.

COMMENTARIUM

PAulatim à montibus pertingamus cœlos. Nam si iam leuauius oculos ad montes, & letati sumus in omnibus quæ dicta sunt nobis: Leuemus nunc oculos nostros ad cœlos, imò ad eum qui habitat in cœlis. Ideo enim ascensionum cantica decātamus, ut paulatim

paulatim à peccatorum foueis ascendamus. Recorde-
mur nos seruos, quia creati ab eo sumus, Seruos, quia
creati & redempti probamur. Et sicut oculi seruorū
ad dominum, aut sicut oculi ancillæ ad dominam, ita
oculi nostri ad dominum deum nostrum, donec misere-
reatur nostri. Verum quia in opprobrio iacemus de-
monum superborum, & uolētibus nobis euadere cri-
mina, uicia & peccata, nostra opera aduersantur: U-
deo rogamus miserere nostri domine, miserere noi-
stri, Quia multum repleta est anima nostra oppro-
brio abundantium, eorum qui in malicia exabundāt.
Et despectiones nobis superborum exagitant, quibus
necessitatibus tuam credimus solam misericordiam
subuenire, qui regnas in secula seculorum Amen.

Canticum graduum.

CXXIII

Nisi quia dominus erat in nobis dicat nūc Isra-
el, nisi quia dominus erat in nobis. Cum
exurgerent homines in nos, forte uiuos deglutissent
nos. Cum irasceretur furor eorum in nos, forsitan
aqua absorbuisset nos. Torrentem pertrāsīuit ani-
ma nostra, forsitan pertransisset anima nostra aquā
intolerabilem. Benedictus dominus qui non de dit
nos in captionem dentibus eorum. Anima nostra
sicut passer crepta est de laqueo uenantium. La-
queus contritus est, & nos liberati sumus. Adiu-
torium nostrum in nomine domini qui fecit calum

H 5 & ter/

¶ terram. COMMENTARIUM

Quæquid martyribus in persecutionibus fecerunt homines increduli, hoc nobis, si tamē exhibeamus deo seruitium, in suis tentationibus inuisibiles faciunt inimici. Cum ergo illorum uisibiles legeris, pugnas tuas inuisibiles cogita. Et ita tu animo contradicito spiritui, quod iniustū est suggerenti, sicut illi homini sacrificium per suadenti. Vnde illi uicerunt, inde uince. Illorum uictoria mors fuit, tua uictoria uita sit. ¶ persuasio ibi et uis operata est, pone quod ¶ tecum sic agatur, ¶ persuasio te cum ¶ uolentia præliantur, quanquā sola persuasio tecū agat ó magister Christianissime. Si enim iusto iudicio tecum loqueris, soli persuasione faterberis repugnare, sed concedo ¶ persuasionem tecum ¶ uolentiam demonum cōluctari. Habes unde uincere parata sunt adminicula, incipe præliari dominus tecū. Imò dominus in te sicut in illis fuit, qui post uictoriam istum psalmum domino cecinerunt, dicentes: Nisi quod dominus erat in nobis, diceat nūc Israel, nisi quia dominus erat in nobis. Dum insurgerēt homines in nos, forte uiuos deglutissent nos. Dum irasceretur animus eorum aduersum nos. Quare non irascentur? Cur illi suis contradictionibus repugnabant, ¶ non timebant minātes, cedentes, torquentes, et ipsam uitam multis ¶ exquisitis supplicijs

supplicijs asferentes. Pone quod & tecum sic agatur, Ferio unguam cordis, ferio mentis iniurias, non consentio clama. Illi enim offerunt opportunitatem peccandi, suauitatem alloquij, elegantiam mulieris, occasiones lucrorum, pietatem actionis carnalis. Pium est ut iudicem uideas, ut causam defendas, ut libellum porrigas, preces effundas, interim prandeas, bodie letus dies sit, hac nocte non sunt uigiliae, & cætera quibus inermis efficitur preliator. Noli credere, se ducris: experto crede quod loquitur, ora, uigila, clama, tene propositum, martyrum pedissequam profiteris. Clama ad singula, non consentio, et erit dominus tecum, per quem anima tua eripitur de laqueo uenatum, ut cum sanctis suauiter psallas: Laqueus contritus est, et nos liberati sumus: Adiutorium nostrum in nomine domini, qui fecit cælum & terram, ipsi gloria qui regnat in secula seculorum Amen.

Q Canticum graduum. CXXIII

Vi confidunt in domino sicut mons Sion, non commouebitur in æternū qui habitat in Hierusalē. Montes in circuitu eius, & dominus in circuitu populi sui, ex hoc nunc & usq; in seculum. Quis non relinquet dominus uirgam peccatorum super sortē iustorum, ut non extendant iusti ad iniquitatem manus suas. Benefac domine bonis et rectis corde.

H 4 Declina

Declinantes autem in obligationes adducet dominus cum operantibus iniquitatem, pax super Israel.

COMMENTARIUM

Qui confidit in imperatorem, militet in circuitu eius: qui confidit in potestatibus mundi, apparitores in tuitione eius: qui confidit in facultatibus suis, nummi in manu eius. Qui cōfidit autem in domino, mōtes sunt in circuitu eius, qui sic cōfidit sicut mōs Sion, qui secundū legem dei: De Sion enim procedit lex. Ergo qui catholicam fidem tenens confidit, non commouebitur in æternum, nulla secta, nulla heresis, nullus disputator eū à recti tenore detorquet, mōtes sunt in circuitu eius, & dominus in circuitu populi sui, hoc est, testimonia scripturarum sanctarū in circuitu eius, pro defensione simplicis populi, quē Christus suo sanguine cōparauit. Ipse dominus in circuitu populi sui ex hoc tempore, quo pro eis passus est, ut ipse ait: Usq; ad consummationem seculi, ipse non derelinquet uirgam hereticorū, super sortem catholicorum. Egreditur enim uirga legis nostre de manu legislatoris, & effecta draco deuorauit uirgam eorum, ut non extendant orthodoxi ad heresem uanam sanctas manus suas, id est, opera sua hereticis non extendant. Verum quia sunt aliqui quorum cor illi peruertunt, sanctus spiritus pro relictis corde orat. Declinantes autē in anathematis obligatione

ligationem adducet in diem iudicij cum operantibus iniquitatem. Sit pax in Israel per dominum nostrum Iesum Christum, qui regnat in unitate deitatis cum patre & spiritu sancto, per uniuersa secula seculorum Amen.

Canticum graduum. CXXV

IN conuertendo dominus captiuitatem Sion, facti sumus sicut cōsolati. Tūc repletū est gaudio os nostrum, & lingua nostra exultatione. Tūc dicēt inter gentes, magnificauit dominus facere cum eis.

Magnificauit dominus facere nobiscum, facti sumus letantes. Cōuertere domine captiuitatem nostram, sicut torrens in austro. Qui seminant in lacrymis, in exultatione metent. Euntes ibant & flebant, mittentes semina sua. Venientes autem venient cum exultatione portantes manipulos suos.

COMMENTARIUM

CAntica graduum sunt portæ cœli patētis. Iacob requiescens, uidet in uisione sua dominū super caput, cœlis patentibus accubantem, cuius superiora in cœlum incumbunt, per quæ respicit dominus, inferiora in terra sunt ubi dormiuit homo. Quid istius scalæ ascensus ad dominum ducit? Bene fac domine bonis & rectis corde. Audierūt enim sibi à sacerdotibus clamari, sursum cor, & dixerunt deo:

H 5 Ad

At te leuavi oculos meos qui habitas in caelo, ascende, quia benefacit dominus bonis & rectis corde. Declinantes autem & discedentes à deo adducit in obligationem, & deputat cum operantibus iniquitatem. Surge Israel, qui dormisti euigila. Ungue lapidem angularē oleo laticiae, pax tecum. Filij enim tui de captiuitate liberati per Christum, istum canticum graduum cecinerunt, dicentes: In cōuertendo dominus captiuitatem Sion, facti sumus sicut consolati. Gradatim à tribulatione primi cantici ad gaudiū ascēdimus, & qui ibi seminauimus lachrymas, hic gaudia metemus, et qui ibi captiui gemeuimus, dicentes: Heu me quid incolatus meus prolongatus est, hic repletur gaudio os nostrū, & lingua nostra exultatione. Ecce enim dicunt inter gentes: Magnificauit dominus facere cum illis, magnificauit dominus facere nobiscum, facti sumus letātes. Memores esse debemus, quia diximus ædificationi nostræ applicare omnia, quæ mystico tractu, aut ad dominū ducunt, aut ad eius martyres trahunt. Notum est enim omnibus sanctis ista competere. Ad nos uero ab eorum passione riuum ducētes, captiuitatem nostram per pœnitētiā euasisse gratulemur, credentes quod magnificet dominus facere nobiscum: & unde nos ei exhibuimus flentes atq; tristantes, inde nos faciat ipse letantes atq; gaudentes. Si enim lachrymas

ebrymas seminauimus pœnitentiæ, secunda sine dubio mœsis nobis indulgentiæ orietur, ex qua exeuntes de corpore, uenientes ad dominum in exultatione, erimus cum sanctis portantes manipulos nostros. Nam ubi illi gaudebunt coronati, nos exultabimus liberati, per dominum nostrum Iesum Christum, qui regnat in secula seculorum Amen.

Canticum graduum Salomonis. CXXVI

Nisi dominus edificauerit domum, in uanum laborauerunt qui edificant eam. Nisi dominus custodierit ciuitatem, frustra uigilat qui custodit eam. Vanum est uobis ante lucem surgere, surgite postquam sederitis qui manducatis panem doloris. Cum dederit dilectis suis somnum ecce hereditas domini, filij merces fructus uentris.

Sicut sagitte in manu potētis, ita filij excussorum.

Beatus uir qui impleuit desiderium suum ex ipsis, non cōfundetur cū loquetur inimicis suis in porta.

COMMENTARIUM

Multi istius psalmi male explanantes principia, ocium predicant pro labore. Aiunt namq; casto certamine sãctis hoies studijs occupari. Sed et uana spe suis aliquid hominẽ nisibus impetrare, et ex medicamento uulnus faciunt, hoc modo dicētes: Nisi dominus edificauerit, in uanũ edificas. Nisi dominus custodierit, in uanũ uigilas. Poteram

Laciniose

laciniosa disputatione ædificationis huius, & fundamenta & parietes & tecta & mœnia demonstrare, sed alio proposito res agitur. Eginus enim ab initio, ut breuiter strictimq; loqueremur, tamẽ parũper circumceo, & cito ad te redeã qui psalmũ expectas. Ab initio seculi quicũq; sancti uixerũt, ciuitatẽ domino cõstruxerunt. Siquidẽ ciuitatis futuræ mœnia sancti erũt: Aedificauit Abel, Enoch, Noe, Abrahamã, Isaac, Iacob, Ioseph, Moyses, Iesus Naue, et omnes sancti ædificauerunt domũ, & custodierũt ciuitatẽ. Sed nisi dominus, id est, dei filius ueniẽs ædificasset oĩa que illi ædificauerãt (Probata est uox eius, dicẽtis: Non ueni destruere, sed adimplere) Si ergo illis fundamenta mittentibus, & parietes ædificãtibus nõ uenisset, qui tecta cõstrueret, et omnia intus ornaret, illi inuana laborauerãt ædificãtes domũ. Deniq; hodie synagoga ideo uana est, q̃a ædificia parietũ habet, & tectum non habet, & in protectione dei cœli nõ cõmoratur. Habet parietes quos ædificarunt sancti, sed tectum nõ habet, quod Christus expleuit. Habet limẽ, sed in limine agni sanguinẽ non habent. Dũ cœperit pluere super peccatores laqueũ ignis & sulphuris, isti sine tecto patent huic pluuiæ. Dum cœperit angelus percutere primitias, isti sine sanguine agni percussorem angelum non euadunt. Quid ergo ædificatis Iudæi? Quid hæretici uigilatis? Sine causa hæc facitis

facitis, quia uobiscum nec edificat, nec uigilat dominus. Vos autem orthodoxi Christum in incorruptione amantes, nolite timere, securi edificate, quia uobiscum edificat dominus. Dei enim estis edificatio, dei cultura estis. uigilate, quia non solum uobiscum uigilat, sed & dormientes excitat, dicens: Vigilate mecum, uigilate & orate, ne intretis in tentationem. Tale est quale si dicat in uanū uigilaretis, si ego non uigilarem uobiscum. Nunc autē satis iniquum est, ut me uigilante uobiscum, uos somno occupemini. Unde & Apostolus clamat: Aedificate alterutrum. Vana ergo esset edificatio, si dominus non edificaret. Vana uigilia, si dominus nō custodiret, dominus custodit, & uane non sunt. In uanum est uobis ante lucem surgere, id est, lux Christus est, & uos qui ante eum surgitis, uanū est uobis ante eū surgere, qui mā ducatis panē doloris. Nisi enim ille uenerit qui panē gaudij tribuat, uos in uanū surrexistis. Quando autē ueniet? Cum dederit, inquit, dilectis suis somnū, hoc est, tunc ueniet, quando isti qui nunc sancti sunt, somnum pacis acceperint. Ut quid ueniet? Ut in resurrectione hereditas domini demonstraretur, in qua omnes filij dei accipiūt hereditatē, si tamen filij uentris eius fuerint, id est, si in fonte catholice fidei fuerint baptizati. Vbi est uēter ecclesie, qui illi filios parit, & sicut sagitta de manu potentis excussa, sic uulnerant inimicum

inimicum, quando implent desiderium suum in bonis, ut non confundantur dum exeunt de corpore. Tunc enim inveniunt inimicos suos in porta, cum egrediuntur corpus in quo diabolus superarunt. Notandum tamen est, quia in titulo sic habet, canticum ascensus domus Salomonis, ut historicum sensum teneas tu hodie, dictum tunc Salomoni: O prudentissime Salomon, fabricas quidem domum deo, sed nisi dominus edificauerit domum, sicut ipse dixisti, quia edificat sapientia sibi domum, & ponet columnas septem. Nisi ergo ipse qui sapientia dicitur, edificauerit domum, tu in uanū laborasti. Nam in domum quam edificasti, lapis super lapidē non relinquetur. Domus autem quam edificat dominus, ascendit in caelos, & in ea gloriabitur rex dominus in secula seculorum Amen.

Canticum graduum. CXXVII

BEati omnes qui timent dominum, qui ambulat in uijs eius. Labores manuum tuarum quia manducabis, beatus es & bene tibi erit. Vxor tua sicut uitis abundans in lateribus domus tuæ. Filij tui sicut nouellæ oliuarum, in circuitu mensæ tuæ. Ecce sic benedicetur homo, qui timet dominum. Benedicat tibi dominus ex Sion, & uideas bona Hierusalem omnibus diebus uite tuæ.

Et

Et uideas filios filiorum tuorum pacem super Israel.

COMMENTARIUM

Nihil ualet si timeas dominum, quia et demones cum timent. Sed beatus eris si sic timeas dominum, ut ambules uiam eius. Si enim ambulaueris in uiam eius, id est, in fidem catholicam, ibi labores fructuum tuorum manducabis, carnem filij hominis, ut habens uitam manentem in te, beatus sis, & bene tibi erit. Tunc uxor tua, id est, caro tua, sicut uitis abundat in lateribus domus tue. tunc, inquam, quomodo uitis profert botryones, ita ex actibus corporis tui proficiunt filij tui: & te sicut uite proficiente in sanguine Christi, illi sicut nouellae oliuarum proficiunt in circuitu mensae tuae, ubicunque conuiuium illis uerbi dei exhibueris. Sic enim benedicitur omnis homo qui timet dominum, id est, qui sic egerit, sic benedicitur, ut dicatur ei ab spiritu sancto: Benedicat te dominus ex Sion, id est, ex ecclesia sua, & uideas bona Hierusalem omnibus diebus uite tuae. Et sicut tu deo filios genuisti, ita filij tui generent, ut uideas in conspectu domini filios filiorum tuorum, cum acceperit pacem Israel, cum abcesserit tempus hoc belli & uenerit tempus pacis, gloria aeterno, qui regnat in secula seculorum Amen.

Canticum

Canticum graduum. CXXVIII

SAepe expugnauerunt me à iuuentute mea, dicit nunc Israel. Sæpe expugnauerunt me à iuuentute mea, etenim nõ potuerunt mihi. Supra dorsum meum fabricauerunt peccatores, prolongauerunt iniquitatem suam. Dominus iustus concidet ceruices peccatorum, cõfundantur et cõuertantur retrorsum omnes qui oderunt Sion. Fiant sicut scœnum tectorum, quod priusquã euellatur exaruit. De quo non impleuit manum suam qui metet, & sinum suum qui manipulos colligit. Et non dixerunt qui præteribant, benedictio domini super uos, benediximas uobis in nomine domini.

COMMENTARIUM

Non patitur pugnare, nisi in iuuentute positus. Tu ergo qui secundum explanationem nominis Israel, uidere incipis deum per mundiciã cordis, pugnare necesse est ut dæmonum patiaris. Sed securus esto, quia sic pro te dominus pugnat, ut concidat ceruices eorum, si tamen tu non cessaueris præliari, ut possis dicere: Non potuerunt mihi, licet super dorsum meum fabricauerunt peccatores, id est, licet pōdera grauiã tribulationum super me ponentes, incuruauerint me, & prolōgauerint iniquitates suas, id est, moras fecerint in afflictionibus suis, quibus me tribulauerunt. Dominus autem iusto iudicio suo concidet

cidet ceruices eorum. Habeant partem cum eis Pharisæi & hæretici omnes, qui odiunt Sion, id est, qui odiunt ecclesiam Christi. Fiant sicut fœnum testorum, uel edificiorum, quod priusquam euellatur arcescit. Hoc loco testum uel edificiũ nominat, quia maxime partes hæreticorum ad personas altas uadunt, ubi quasi falces fœna secantium sacerdotum tuadant, sed sic ibi antequam euellantur arcescent. Non enim implet manum suam ex eis qui metet uerba eorum: nec sinus suos implent hij, qui manipulos eorum colligunt. Ex omnibus enim qui præterierunt ab Apostolis: sancti usq; hodie, siue qui sunt, seu qui præterierunt, nullus eos benedixit in nomine domini. Et qui à beato Apostolo Petro, aut ab Apostolis, uel à posteris eorum benedictionem non accepit, & sic plebeculas docuit quas decepit, quia benedictionem usurpauit, maledictionem incurrit, per quam priusquam euellatur, id est, priusquam moriatur arcescit, id est, dum uiuere uidetur in corpore iã in spiritu aruit: à quibus nos separati, si ad catholicam integerrime continentes, uitam inuenimus eternam, per Iesum Christum dominum nostrum, qui regnat in secula seculorum Amen.

D Canticum graduunt. CXXIX.
 DE profundis clamaui ad te domine, domine exaudi uocẽ meam. Fiant aures tuæ intendentes in

nocem deprecationis meæ. Si iniquitates obserua-
ueris domine, domine quis sustinebit. Quia apud
te propitiatio est, et propter legem tuam sustinui te
domine. Sustinuit anima mea in uerbo eius, spera-
uit anima mea in domino. A custodia matutina usq;
ad noctem, speret Israel in domino. Quia apud
dominum misericordia, & copiosa apud eum redem-
ptio. Et ipse redimet Israel ex omnibus iniquitati-
bus eius.

COMMENTARIUM

Poenitens meus in bono iam positus præteri-
tos clamores recolit. Audit enim sibi uirum
sapientem dicentem: Fili peccasti, ne adijcias iterum,
sed & pro pristinis deprecare. Ille seruus utilis est,
qui culpas suas semper recolit. Non enim bonam pa-
tientiam & misericordiam domini sui aliter memo-
rabitur, nisi suam impatientiam & iniquitatem fue-
rit recordatus, illud feci, illud gessi, contra inuisio-
nem domini mei. domine si uelles considerare con-
temptum nostrum, olim delesses mundum, sed satis
apud te propitiatio est: propter legem tuam susti-
nui te domine. Nam recesseram à te, non te expecta-
ram, sed lex tua mihi dixit de te, quia nullū perire
uis, sed oēs homines saluos uis facere. Propterea su-
stinuit anima mea uerbum tuum, id est, uenientem fi-
lium tuum, qui promittitur ad hoc uenire, ut tollat
peccata mundi. Hic ueniet à custodia matutina. *Cu-
stodis*

stodia una, quarta pars noctis est. Ergo prima custodia à uespere incipit, Secunda ad medium noctis attingit, Tertia pullorum cantus transit, Quarta uigilia matutina, quæ in ortū luminis adimpletur, in qua custodia matutina natū dominū nostrū āgeli pastoribus nūciarūt. sed nos dicamus uigiliā matutinam luce nascente memoratā, in qua luce usq; ad noctē, id est, usq; cū finē accipiat seculi, usq; tūc speret Israel in domino, uel quā diu ipse homo est in corpore speret, quia est apud deū misericordia. Agat pœnitentiā, cesset à peccato usq; ad uesperum sui ab hora matutina, ex quo ei illuminatio orta est saluatoris. Nullo modo periet si cessauerit à peccato & pœnituerit, quia grandis apud deum misericordia, & ipse redimet Israel. Alium enim non redimet, nisi Israelē, id est, nisi baptisatum nō redimet. Nā si forte pœniteatur in malis factis quispīā et in bonis operibus se mirificū prebeat, hic si Israel nō fuerit, si nō baptisatus fuerit, nō redunitur ab iniquitatibus suis. Sunt enim quidam qui putant se sine Christo Christianos, cum homo quod bonū fecerit ad honorem suum fecisse doceatur, quod autem bene crediderit, ad honorē pertinet dei. Magnus ille seruus est, qui de honore suo fortiter gessit, & domini sui honorem neglexit, huic preponetur peccator ultissimus Christianus, qui se credit p fidem ad misericordiam

peruenire eius, qui regnat in secula seculorū Amē.

Canticum graduum. CXXX.

Domine non est exaltatum cor meum, neque delati sunt oculi mei. Neque ambulavi in magnis, neque in mirabilibus super me. Si non humiliter sentiebam, sed exaltaui animam meam. Sicut ablactatus est super matrem suam, ita retributio in animam meam. Speret Israel in domino, ex hoc nunc & usque in seculum.

COMMENTARIUM

Vitata uulgo sententia est quæ dicit, iuxta mores domini familiam constitutam. Hæc sententia sicut inter dominos & seruos, sic inter Christum & Christianos, si haberet effectum, iure nos Christi famulos diccremus. Ille cum dominus cæli & terræ esset, non rapinam arbitratus est esse se æquale deo, sed semetipsum exinan iuit, & formam serui suscipiens dixit: Domine non est exaltatum cor meum. Age seruus iuxta mores domini tui, cum sis natura humilis, quid exaltaris? Iudex ille refertur humilis, nos superbi, ille in gloriosus, nos è contrario gloriosi. ille in magnis non ambulat, nos in magnis personis ambimus, & in eo quod nos adorant aut diligunt nobiles gloriamur, si tamen diligunt, & non ridiculo abutuntur, quasi ignoremus illud: Os quod nos occultatum est uenientes, in quantum

nos laceret abscedentes. Nos autem exhonoramus pauperem, cuius in se personam Christus excepit, et non ambulamus in paruis, sed in magnis et mirabilibus super nos, et cātamus humiliter sentire nos, & nō exaltare animam nostram, immemores Apōstoli hortantis atq; dicentis: Tanquā paruuili lac concupiscite, ut in eo crescatis. quod si faceremus, eramus profecto quasi ablactati super matre sua. Agnoscebat in nobis sua nutrimēta mater ecclesia, & quasi ablactato ecclesie sue, ita retribuebat nobis sue Christus caritatis effectum, in quo sperat Israel, id est, mūdus corde, quia ipse est Israel, quod interpretatur uidens deū. Spes enim eius alia non est, nisi ut ad aspectum diuinum attingat. Tūc enim satiabitur, cum ei apparuerit gloria eius, qui regnat in secula seculorum Amen.

Dictum est
uulgatum de
eo qui sub dōle
laudat corā,
& ridet abjen
tem.

M Canticum graduum. CXXXI
Emento domine David, & omnis mansuetudinis eius. Sicut iurauit domino, uotū uouit deo Iacob. Si introiero in tabernaculum domus mee, si ascendero in lectum strati mei. Si dederō somnū oculis meis, & palpebris meis dormitationem. Et requiem temporibus meis donec inueniam locū domino tabernaculū deo Iacob. Ecce audiuimus eam in Effrata, inuenimus eā in cāpis siluæ. Introibimus in tabernaculum eius, adorabimus in loco ubi

I 3 steterunt

steterunt pedes eius. Surge domine in requiem tuam, tu & arca sanctificationis tue. Sacerdotes tui induantur iustitiam, & sancti tui exultent. Propter David seruum tuum non auertas faciem Christi tui, Iurauit dominus David ueritatem & non frustrabitur eum, de fructu uentris tui ponam super sedem tuam. Si custodierint filij tui testamentum meum, & testimonia mea hæc quæ docebo eos. Et filij eorum usque in seculum sedebunt super sedem tuam.

Quoniam elegit dominus Sion, elegit eam in habitationem sibi. Hæc requies mea in seculum seculi, hic habitabo, quoniam elegi eam. Viduam eius benedicens benedicam, pauperes eius saturabo panibus. Sacerdotes eius induam salutari, & sancti eius exultatione exultabunt. Illuc producam cornu David, parauit lucernam Christo meo. Inimicos eius induam confusione, super ipsum autem effloreat sanctificatio mea.

COMMENTARIUM

Memento domine David, non ut ab obliuione ad memoriam redeat, Deus ab homine commonetur, sed docetur homo qualiter diuinitas uotis delectetur humanis. Ut deposita feritate, quæ iracundias generat, discordias nutrit, superbiam gignit, sub onus domini mansuescat. Leue onus est, porta mansuete: iugum suauis, trabe Christiane hoc.

In te recordabitur dominus, quod ad portāda præcepta eius, mansuetū pecus tuū, id est, corpus tuum, & nō recalcitrantem exhibes Christo. Memor erit tui dominus, si māsuētudines tue eius memoriā in terpellatiōe sancta pulsauerint, si profecisti de mansuetudine, profice de deuotione: iurauit, inquit, domino, et uotū uouit deo Iacob. Audi sollicitudinem uouētis, et ita demū te participē psallētis ostēde. Postea enim quā uotum uouit deo, non intrauit tabernaculū domus sue, nō ascēdit lectū stratus sui, nō dedit somnū oculis, nō dormitationē palpebris suis, donec inueniret locū domino, tabernaculū deo Iacob. Sollicitudo integra & perfecta tā diu est deo à promittēte seruāda, quam diu inueniat locum domino. Dominus æternus est, & locus eius tēporalis nō potest esse. Quid quærimus temporalia loca, qui æternum habitatorem inquirimus. Si uero æternum est, quod sollicite & uigilāter inquirimus perpetuū cōpōatur, non cessemus strenuissimè quærere, quousque quod quærimus inuenire mereamur. Quid tamē querit Psalmista sanctissimus uideamus: Locum, inquit, ubi habitet deus Iacob. Et adiecit: Hanc habitationē, ait, audiuimus in Ephrata. Ephrateus Helcana qui caput regaliū uoluminū tenet, pater est Samuelis, in quo audiuimus uocē domini, dicētis Suscibe mibi sacerdotē fidelē, q̄ iuxta cor meum oīa faci-

ciat, & ipsi edificabo domum & ambulabit coram Christo in eternum. Hanc ergo uocem quam tunc in Ephrateo audiuimus, nūc inuenimus in cāpis siluæ, ubi pastores ouium angeli allocuti sunt, dicētes: Nunciamus uobis gaudium magnum, quod erit omni populo, quia natus est uobis hodie dominus, qui est saluator omnium, & hoc uobis signum erit, Inuenietis puerum inuolutum pannis, & positum in præsepio. Hanc ergo habitationem ubi in eternum habitat deus, indicantibus angelis pastores adepti sunt: & non pastores talium qualium pecudum, sed ouium tantum, nec dormientium, sed uigilantium: & qui non dormientes, sed uigilantes inuēti sunt: neq; negligentes, sed solliciti: neq; remissi, sed timentes. Deniq; inde āgelus cœpit alloqui, ubi timoris agnoscebat terrorem: Nolite, inquit, timere, quasi qui dicat, quia uigilatis & estis solliciti circa gregē mansuetudinis, & pascitis in campis pectoris uestri, Ibi sunt enim cāpi siluæ. Quia ergo custoditis gregem uigilanter, pernoctanter, ne ouem mansuetam, siue patiētiam, siue charitatem, siue hospitalitatem, siue castitatem, & ceteras socias earū, quas pascitis uerbo dei, quia timetis dominū gregis, et solliciti estis, ne quid uobis feritas luporum inuadat, iam nolite timere, quia talis pastor natus est, qui animā suam ponat pro ouibus suis. Nūc interrogamus uos o pastores

scoret, dicite nobis, si intuenistis puerum sicut uobis angeli indicarunt. Ad hæc illi respondentes dixerunt: Introiuimus in tabernaculū eius, adorauimus in locū ubi steterūt pedes eius. Certe iacentē in præsepio uisuri perrexistis, quomodo stantē nos uidisse testamini: Nos, inquit, credētes, stātē uidimus non iacentē, incredulis & dubijs iacens & pannis inuolutus ostenditur, credētibus rex diadematus demonstratur. Deniq; tantā coruscationē regię eius dignitatis aspeximus, ut non auderemus ipsum adorare, sed uestigia illa adorauimus, in quibus steterunt pedes eius. Quid ergo terram adorastis? Terram, inquit, sanctam corporis Iesu Christi, in qua terra nobis sunt ostēsa uestigia dei, dū uirgineo foetu editum uideremus infantē, cui angeli eboros ducebāt, cælo terreq; per eū pacē fore cantantes. Huic dicimus quotidie: Exurge domine in requiem tuam. Requies dei in Iesu euidēs & specialis est, in quo est arca, id est, arcanū sanctificationis eius, per quē Apostoli sunt in diti iustitia, & sancti oēs exultant propter David seruū dei, quia de fructu uētris eius posuit deus super sedē suā, per quē custodiunt filij eius testamētum dei, id est, Apostoli ex scēmore Iudæ secundum carnē uenientes, qui non solū custodierūt testamētum domini nostri Iesu Christi, sed & testimonia eius quæ docuit eos. Nunc filij eorum usque

hodie sedent super sedem eorum, habentes & ipsi soluendi, ligandi potestatem. Hoc autem eis concessum est, quia recusauit dominus synagogam falsitatis, & legit Sion sanctam, scilicet fidei rectæ ecclesiam, quā prælegit præsciens in habitationem sibi, in qua est requies dei in seculum seculi, in qua habitat, quoniā prælegit eam, in qua uiduæ benedicentur in castitate, in qua pauperes satiantur panibus pietatis: in qua sacerdotes induuntur iustitiis, in qua sancti exultatione exultant, in qua productum est cornu. Ideo sit regnum David. Ipsa est lucerna que super candelabro posita, lucet omnibus qui in domo sunt, id est, qui in fide sunt Iesu Christi, ut e contrario omnis assertio præter hanc, lucet quidem in uerbis, & habet materias adclamationis & admirationis humane, sed sub modio posita non lucet, qui in domo sunt, sed quos inuenerit subtus modium. Subtus modium enim degunt, qui mensuram rectæ fidei utuntur inuersā, qui sunt inimici lucernæ, quā spiritus sanctus per Apostolos parauit Christo suo domino nostro. Inimicos ergo eius induit confusione anathematis, & super Christum floriet sanctificatio eius, per omnia secula seculorum Amen.

Canticum graduum. CXXXII

Ecce quā bonum & quā iucundum, habitare fratres in unum. Sicut unguentum in capite

capite, quod descendit in barbam, barbam Aaron. Quod descendit in oram uestimenti eius, sicut ros Hermon qui descendit in montem Sion. Quoniam illic mandauit dominus benedictionem, & uisitam usq; in seculum.

COMMENTARIUM

IN primo cantico graduum positi in captiuitate clamamus tribulantes ad deum, et exaudit nos. In secundo gradu ad montes oculos leuauimus, unde uenit auxilium domini, quo custodimur ab omni malo. Tertio gradu ascēdentes uenimus ad domum domini. Quartum gradum aggressi, oculos quos ad montes leuaueramus, tunc leuauimus ad coelos. In quinto inuenimus persecutiones hominum, et defensionem dei. In sexto hereticos declinātes in obliuione præcipit dominus tradi. In septimo gradu, facti sumus latantes qui fueramus ante plorantes. In octauo gradu edificantem domum sanctam non habentem maculam neque rugam inuenimus Christum. In nono gradu uidimus timentes dominum, & ambulantes in uis; eius. In decimo gradu passi sumus pugnas, & in adiutorio dei uictoriam cepimus. In undecimo gradu tantam misericordiam dei inuenimus, ut per ipsam redimeremur ab omnibus iniquitatibus nostris. In duodécimo gradu inuenimus

inuenimus cōtēptum mundi, in quo non exaltatur cor nostrum. In tertio decimo gradu illum quem in Effrata audieramus, inuenimus in cāpis silue. Ibi inuenimus filium dei cum sanctis suis exultatione exultātem. Ibi paratā lucernā plenā oleo leticie, uincētē obscuritatē mundi, ut qui erāt tenebris uirgentibus disiuncti, & per edificatiōnē superba turris à se inuicem separati: nunc omnes conueniant in unum, ut illud malū consilium, dei consilio probare tur esse correctum. Vidēs sanctus spiritus exclamauit: Ecce quā bonum, et quā iocundum habitare fratres in unum. Habent enim unguentum chrisimatis, quod descendit de capite in barbā. hoc est, de Christo in uirtutibus. Sicut enim capilli capitis, et barbæ unguento infundūtur: sic uirtutes omnes, quæ contra uitia luctātur quotidie, et uincere ualeant Christi infundūtur auxilio. Nota tamē chrisimatis sacramenta in unguento capitis, et ros Hermō descēdentem in mōtem Sion, ad fontis undam aque perēnis extēde. Ibi enim mandauit dominus benedictionem, & eternam uitam usq; in secula seculorum Amen.

E Canticum graduum. CXX XIII.
 Ecce nunc benedicite domino omnes serui domini. Qui statis in domo domini, in atrijs domus dei nostri. In noctibus extollite manus uestras in sancta, & benedicite domino. Benedicat dominus

te ex Sion, qui fecit cœlum & terram.

COMMENTARIUM

Peruenit gradus ad charitatē, & ubi superius
iret non inuenit. Nā quicquid egit quartus de
cimus gradus, in quintodecimo proficit ascēdenti-
bus. Ad charitatē enim à discordia fraternitas diuisa
reuertitur, & fiunt omnes boni qui fuerant oēs
mali. Modo dicite mihi, quid conuenis omnes in
unū uos, qui fratres nominamini, aut unde estis oēs
fratres ostēdite. De uno, inquit, patre Christo, et de
una matre ecclesia. Ideo ergo cōuenimus in unum,
quia nos seruos agnouimus domini. ^Quatur nobis re-
sponsum, & dicitur: Nunc ergo quia in unum con-
uenistis omnes, benedicite dominum, omnes, inquit,
serui domini. Et quia potest dici, oēs homines serui
domini sunt, respōdit: Ego uobis seruis dico, qui sta-
tis in domo domini, qui meruistis ingredi domū, in
qua requiescit deus cū amicis suis, & epulatur cum
Apostolis suis. Soli ergo hi benedicent dominum,
qui intus in domo sunt? Non inquit, soli ipsi, sed &
hi, qui adhuc in atrijs domus consistunt. Et uos d-
cater humeni, & uos, inquit, qui in atrijs domus dei
nostri statis, & intus ingredi non audetis, & uos
simul extollite manus uestras intus in sancta sancto-
rum, & simul benedicite dominum, in uexillo cru-
cis leuantes sanctas manus, sine ira & disceptatio-

ne in nocte huius seculi, tanquã luminaria lucentes,
ut per uos benedicatur dominus ex Sion, qui fecit
cælum & terram, qui regnat in secula seculorum
Amen. Alleluia. CXXXIII

Laudate nomen domini, laudate serui domi/
num. Qui statis in domo domini, in atrijs
domus dei nostri. Laudate dominum quia bonus
dominus, psallite nomini eius quoniã suauis. Quo/
niam Iacob elegit sibi dominus, Israel in possessio/
nem sibi. Quia ego cognoui quod magnus est do/
minus, & deus noster præ omnibus dijs. Omnia
quæcunq; uoluit dominus fecit in cælo & in terra,
in mari et in omnibus abyssis. Educēs nubes ab ex/
tremo terre, fulgura in pluuiã fecit Qui produ/
xit uētos de thesauris suis, qui percussit primogeni/
ta Aegypti, ab homine usq; ad pecus. Emisit signa
& prodigia in medio tui Aegypte, in Pharaonem
& in omnes seruos eius. Qui percussit gētes mul/
tas, & occidit reges fortes. Seon regē Amorreor/
rum, & Og regem Basan, & omnia regna Chana/
an. Et dedit terram eorum hereditatem, heredi/
tatē Israel populo suo. Domine nomē tuū in eter/
nū, domine memoriale tuū in generationē & gene/
rationē. Quia iudicabit dominus populū suū, &
in seruis suis deprecabitur. Simulachra gentium
argentum & aurum, opera manuum hominum.

Ois habent & non loquentur, oculos habent et non videbunt. Aures habent & non audiēt, neq; enim est spiritus in ore ipsorum. Similes illis fiant qui faciunt ea, & omnes qui confidunt in eis. Domus Israel benedicite domino, domus Aaron benedicite domino. Domus Levi benedicite domino, qui time- tis dominum, benedicite domino. Benedictus do- minus ex Sion, qui habitat in Hierusalem.

COMMENTARIUM

Scala ista cuius caput pertigit in cœlū quinde- cim gradus habet in quinque libris Moysi, & in decem præceptis legis: ibi lapis ad caput Iacob unctus est, hic ipsum caput unctum ad ros Hermon destinatum est, nō ad omne ros Hermon. Ros enim montis per circuitum habet descensus, nos ad illud ros attingimus, quod descendit in montem Sion, solum huius roris fontē post unguētum Chrismatis requirētes, qui in montē Sion, id est, in altitudinē sū- tus ecclesiæ pfluit uenis, et ita trinitatem in una dei- tate coniungit, ut & tres uerè dicam esse personas, & unā uerè dicā esse substātiā. Sic enim laudatur à seruis dominus. Sic nomē eius uerè laudabile præ- dicatur, cū in trinitate unitas, et in unitate trinitas ore dicitur, & pectore continetur: tunc asserimus, quoniā bonus & benignus est dominus. nam si sibi maiorē partem deitatis dicatur pater assumere, aut gradum

gradum sibi supra filium hominis uindicare, non ut bonus laudatur, sed ut æmulus blasphematur. Nihil ergo in deo maius est, quia nunquam senescit pater. Nihil minus in filio, quia nunquam crescit. Vbi enim maius aliquid & minus est, & maiori defectum miratur grandæuitas, & pollicetur etas minori profectum. Hos gradus diuinitas caret, quia non est deus temporum posterior. Si enim tempora aliqua ante deum fuerunt, faciunt eum maiorē qui pater est, & minorē eū qui filius. Si uero ante oīa genitus, tēpus illi nequaquā potuit necessitatē imponere, quia ut esset tempus ab eo sumpsit exordium. Sic ergo laus domini celebratur, in qua laude canendum est. Quoniam Iacob elegit sibi dominus: Hunc, inquit, elegit, qui supplantat uoluptuosum consilium, & hunc habet in possessionem, qui mundo corde studet deum uidere. Sicut enim Iacob supplantator dicitur, sic Israel uidens deū. Tūc cognoscit quod magnus est dominus, cum habuerit mundissimum pectus. Quod si mundū non fuerit, magnum illi uidetur hoc seculum, & aut personas mirabitur, aut pulchritudines illicitas stupet. Cum uero mundus fuerit animus, nihil iudicat admirandum, nisi solum deum, & hunc præ omnibus dijs admirabitur deum. Quomodo præ omnibus dijs? Cautus cantator ausculta. Dij gentium demonia, hi mirari nos uolunt pulchritudines perituras,
 uerbi

uerbi causa in mœnijs, in psonis, in glorijs mūdi, in cōcupiscētijs fugitiuis. Cū ergo præ omnibus hunc deū nostrum æterna nobis ostēdentē amplectimur, tunc cum præ omnibus dijs honoramus, illorum scilicet consilia respuentes, & dei consilia amplectentes. Ipse enim omnia quæcunq; uoluit fecit in cælo & in terra, in mari & in abyssis. Ipse nobis produxit nubes ab extremis terræ, id est, finem facientes terrenis occupationibus, hos ueluti nubes exhibet mundo, propter quod et fulgura in pluuiam fecit, id est, ut in igne fulgureo interficiat inimicum, & un-da pluuiæ abluat peccatorem. Et quis hoc facit? Ille sine dubio, qui producit uentos de thesauris suis, id est, Apostolos de sēsibus suis. Sicut enim uenti nauibus, ita Apostoli animabus. Ventis flātibus, naues ad desiderata pertingunt: & Apostolis prædicātibus, animæ ad Christum qui est uerè portus, perueniunt. Qui percussit primogenita in cruce positus, & ita percussit, ut non homini, nō pecudi crederet esse parcendum. Quicquid enim Aegyptium est, simul cum principe Aegypti fluctibus mergitur, pereat cum Pharaone, & cum omnibus seruis eius. Cum ergo uentum esset ad aquam, quæ nobis salutis uiam aperuit, & omnes qui nos persequebātur operuit, tunc confessi sumus nomen domini æternum, & suscipimus memoriale eius, ut sit in

K nobis

nobis in seculum seculi, credentes uenturum iudicium, in quo cum iudicauerit uiuos & mortuos, in solis suis consolabitur seruis. Melior enim ibi inuenitur fornicator Christianus, quam castissimus idololatra. Simulacra enim in quibus sp̄e habuit, habentia membra omnia sine sensu, & capsum sine sp̄ritu. Similes illis erunt confidentes in eis, id est, simili incendio conflagrantur, non ut in aliquibus formis deducantur, sed ut æterno consumantur incendio. Sola domus Israel in his qui mundo corde uidet deum, id est, in Apostolis fundata ipsa liberabitur, in qua domo benedixit Aarō in sacerdotibus, & Leui in ministris cum his qui timent dominum, id est, cum omni populo Christiano, qui in canticis Dauidicis psallit alleluia, benedicens dominum ex Sion, qui habitat in Hierusalem. Illam uenturam de cælis, prophetis & Apostolis concionantibus credimus, in qua regnat pater cum filio & sp̄ritu sancto per uniuersa secula seculorum Amen.

Alleluia alleluia. CXXV.

Confitemini domino quoniam bonus, quoniam in æternum misericordia eius. Confitemini deo deorum, quoniam. Confitemini domino dominorum, quoniam. Qui facit mirabilia magna solus, quoniam. Qui fecit cælos in intellectu, quoniam. Qui firmavit terram super aquas, quoniam.

niam. Qui fecit luminaria magna, quoniam. Solem in potestate diei, quoniam. Lunam & stellas in potestatem noctis, quoniam. Qui percussit Aegyptū cū primogenitis eorū, quoniam. Qui eduxit Israel de medio eorum, quoniam. In manu potenti & brachio excelso, quoniam. Qui diuisit mare rubrum in diuisiones, quoniam. Et eduxit Israel per medium eius, quoniam. Et excussit Pharaonem & uirtutem eius in mari rubro, quoniam.

Qui traduxit populum suum per desertum, quoniam. Qui percussit reges magnos, quoniam. Et occidit reges fortes, quoniam. Seon regem Amorraeorum, quoniam. Et Og regem Basan, quoniam. Et dedit terram eorum hæreditatem, quoniam. Hæreditatē Israel seruo suo, quoniam.

Quia in humilitate nostra memor fuit nostri, quoniam. Et redemit nos ab inimicis nostris, quoniam. Qui dat escam omni carni, quoniam. Confitemini deo cæli, quoniam. Confitemini domino dominorum, quoniam in eternū misericordia eius.

COMMENTARIUM

VEnimus ad alleluia quod duplex scribitur, in quo illud confidero, quod nec caro sine anima, nec anima sine carne poterit domino confiteri. Duo ergo in unum duo alleluia decantent, ut dum sunt in uno uitæ huius transitu, confitendū

K 2 ordinem

ordinem teneant, dicat caro alleluia suum, dicat anima suum. Duplex homo est, duplex alleluia est. Vterque confitemini domino, primo quoniam bonus, et postea bona fuerit confessio fidei nostrae. Tunc dicamus, in seculum misericordia eius. Non potest perire confessio eius, qui in isto seculo sua delicta accusat. Inueniet sine dubio pietatem dei, qui suam ei confessionem obtulerit: si quotidie accipiat confessionem nostram, quotidie suam nobis bonitatem impartit. Et si nos in confitendo non deficiamus, quomodo ille in miserendo cessabit? Peccauimus, negare non possumus, habemus multa peccata. Aliter ea non carebimus, nisi quotidie ut nobis dimittantur dominum exoremus. Siquidem eius doctrina sit. Dimitte nobis debita nostra. confiteamur nos debitorum debitori, nam & nos debitores sumus deo, & deus est nobis debitor. Rogemus ne exigamur quod debemus, Rogemus ne reddat quod debet. Vae ergo nobis, si quod debemus exegerit. Nihil dicis, quasi non deus omnipotens & regna caelorum debeat quae promisit. Vae nobis, si quod debet reddiderit. Verum quia pius est, & deus deorum est, & dominus dominorum, quasi qui nihil indiget, rogandus est ut dimittat. Sanè tu qui misericordiam flagitas, scias quia non eam inuenies, nisi rectae fidei fueris confessione decoratus. Confitere ergo hunc esse deum

deum tuum, qui fecit caelos, in intellectu nostro ut ipsorum nobis solus pulchrescat aspectus: qui fundauit terram super aquas, ut corpus nostrum unda sacri baptismatis abluatur: qui fecit luminaria duo magna solus, unum in die noui testamenti, quod sicut sol radiat in lumine agentibus, aliud in nocte Iudaica conuersantibus. In nouo enim aperte quod legitur, sicut in die in ipsa litera perlustratur à Christo, qui est sol uerus iusticiae. In ueteri autem sub litera tegmine, quasi in nocte positū, à luna, id est, ab ecclesia manifestatur. Ipsa est enim luna que crescit in sanctis, decrescit in peccatoribus, lucet in tenebris ignorantiae positis, habet & stellas in gradibus suis. Aliter enī lucet in episcopo aliter in presbytero, aliter in diacono, & in ceteris clericis, in quibus predicatur dominus, qui percussit Aegyptum cum primitiuis eorum, terram scilicet superstitionibus plenam cum demonijs, qui in ea degūt: qui ideo primogeniti dicuntur, quia nullus uetustior aut prior in peccato demonijs. Quibus percussis, educitur Israel de medio eorum. Quicūq; enim uiderit deum in Christo mundum conciliatē sibi, Israel factus, ut pote deum uidēs, educitur de terra Aegypti quam percussit dominus. et quomodo eius citur? In manu, inquit, forti et brachio excelso. Vti que in altitudine crucis eleuato brachio, quo ex-

eussit Pharaonem et exercitum eius, id est, in abyssos, ubi eterno tenebrae cōmorantur in sinu. Et trāsducit populum suum in desertum, uidelicet ad consiliū ab omnibus curis secularibus alienum: ibi & educit aquam de petra rupis, & percutit aduersus cum armatas gentes multas, id est, cogitationes iniquas, & reges fortes, id est, principes aeris huius mūdi. Et Seon regem Amorreorum. Amorreos Hebraico sermone extraneos interpretantur. Regem ergo Amorreorum, id est, extraneorum interficit dominus. Et regem Basan. Basan profundum Hebraei dicunt. Et regem ergo profundi, qui nos de superioribus ad inferiora uult ducere, & hunc interficit Christus & omnia regna eius, qui est irrisor, interficit. Cham enim irrisor exponitur. Ergo cum hos omnes interfecerit nobis dominus, tūc dat terram eorum, id est, corpora nostra, in quibus illi regnabant, dat eam nobis in hereditatem, si tamen facti Israel deum uidere per fidem, & non per speciem cupiamus. Videat post hęc humilitatem nostram, & liberat nos de manu omnium inimicorum nostrorum. Sic enim & in alio psalmo ait, qui liberatum se esse cantauit: Humiliatus sum, inquit, & liberauit me. Videamus isti duo uersiculi qui supersunt, quo intendant. Qui dat escam omni carni. Et confitemini deo cœli, quasi qui dicat, cœli testes estis

estis quia omnis caro alituum, hominum, pecudum atq; reptantium à deo pasceatur: hoc cōfitemini uos, ò cœli, dominū dare escam omni carni: aut uos homines, deum cœli credite creasse uniuersa & pasce re omnia, quod anathemabilis Manicheus dene gans, carnem omnem diabolo dicit auctore constare, et eius ministerio ad pinguedinem saginari. Nos autem confiteamur hunc deum esse cœli, qui dat escam omni carni, & sicut iste psalmus fecit, ita faciamus, ut per singula uerba confessionis nostræ cantemus. Quoniam in seculum misericordia eius, id est, dei nostri patris & filij, qui regnat in unitate deitatis, ante omnia, & nunc & semper, & per omnia secula seculorum Amen.

Alleluia psalmus David. CXXXVI

Super flumina Babylonis illic sedimus & fleuimus, dum recordaremur tui Sion. In salicibus in medio eius, suspendimus organa nostra.

Quia illic interrogauerunt nos qui captiuos duxerunt nos, uerba cantionum. Et qui abduxerunt nos, hymnum cantate nobis de canticis Sion.

Quomodo cantabimus canticum domini in terra aliena? Si oblitus fuero tui Hierusalē, obliuioni detur dextera mea. Adhercat lingua mea faucibus meis, si non meminero tui. Si non proposuero Hierusalem, in principio laticie meæ.

K 4 Memor

Memor esto domine filiorū Eddō, in die Hierusalem.
 Qui dicūt exinanite exinanite, usque ad fundamen-
 tum in ea. Filia Babylonis misera, beatus qui retri-
 buet tibi retributionem tuam, quam retribuisti no-
 bis. Beatus qui tenebit & allidet paruulos suos ad
 petram. COMMENTARIUM

Babylon confusio interpretatur, & prima
 confusio non fuit, nisi in parentibus nostris
 secundum carnē, id est, in Adam & in muliere eius.
 In ipsis nos sedimus & fleuimus, quousque ueniret
 qui nos de captiuitate diaboli & ministrorum eius
 auferret. Hæc quidem cum dicimus non facimus
 præiudicium prophete prædicenti Assyriorum
 rabiem & barbaricam feritatem, qua captiui dus-
 cendi erant. Factum est & ducti in Babyloniam,
 & omnia quæ Hieremias uir sanctus scripsit.
 Nobis tamen quando captiuitas euenit peccato-
 rum, cessamus ab omni usu illo psallendi. Confusi
 enim sumus, & Babylonia obsidet nos, & non est
 nobis fiducia aperiendi os in laudibus dei. Ibi suspen-
 dimus organa nostra super flumina Babylonis, su-
 per affluentias facinorum. Ibi sunt salices in medio
 fluminum, uirgulta quæ ad ligandum faciunt, unde
 ligantur uites fructiferae. O domine, disrumpe uin-
 cula nostra, ut possimus hostiā tibi laudis offerre,
 quia illic interrogauerunt nos, qui captiuos duxerunt

runt nos uerba cantionum, Et qui abduxerunt nos, hymnum. Aperiamus oculos mentis, et uideamus nobis demonia insultantes post peccatum, & quasi in his uerbis insultationum suarum uoces adhibere: Cantate sicut solebatis, psallite sicut solitum uobis erat. His nos miseri uel si nobis dolet stētes oculos ostendamus, si uoces proferre non possumus. Videant nos plorantes, si non possunt nos audire cātantes: Illic, inquit, sedimus & fleuimus. Ploremus quātum possumus, ut fluminibus lachrymarum nostrarum flumina Babylonia superemus. Suspensa sunt enim organa nostra, defecit uox gaudij, & nō possumus cantare canticum domino in terra aliena positi. Aliena enim à deo facta sunt corpora nostra, per eos qui captiuos duxerunt nos. Veniat nobis in mentem mater nostra Hierusalē, dulcis in castitate, pura in simplicitate, lenis in correptione, mūda in conuersatione. Videamus animo quid perdidimus quid inuenimus, & inter lachrymas exclamemus, dicentes. Si oblitus fuero tui Hierusalem, obliuioni detur dextera mea. Adhæreat lingua mea gutturi meo, si non meminero tui. Non habebit principium leticia mea, nisi ad te rediero. Et his dictis, mugitum imi cordis, gemitumq; reddentes, clamemus ad deum dicentes: Memento domine filiorum Edom, id est, filiorum Esau. Inimici tui sunt qui insurrexerunt

super nos. Hæc res nobis consolationē præbet, quia qui nos captiuos duxerunt, tu eos nunquàm dilexisti. Iacob dilexisti semper & Esau odio habuisti: id est, seruos tuos diligis in specie Iacob quem dilexisti, & filios Edom exhorres in specie Esau quem horruisti. Ecce hij quos odisti & odis, super eos quos dilexisti & diligis regnant. Exurge domine, memor esto impietatis eorum, quibus dicunt sibi inuicem de Hierusalem tua, quæ in nobis suam charitatem infuderat, hij inuicem secum agunt, dicētes: Exinanite, exinanite usq; ad fundamentum, id est, usq; ad fidem eorum pertingite, ne iterum edificēt turres fortitudinis à facie inimici. Veni beate, ueni domine Iesu Christe, ueni inuisibiliter contra inuisibiles, et retribue eis retributionem, quã retribuerunt nobis, & tene & allide, non solum ipsos bellatores gigantes, sed & paruulos eorum ad petram tuam, supra quam fundasti ecclesiam: ita ut non solum crimina illa ingentia, sed etiam paruulum, & quod minus omnibus peccatis esse uidetur, etiam hoc mortifices in nobis: dans nobis consilia, ut peccata statim ubi nata fuerint, allidamus ad petram, & eadem crescere non sinamus, ne dum creuerint, iterato nobis barbaricum generent. Faciemus hæc, si ipse qui est uirtus nostra, suis ita ueris mentes sicut definitiōibus nostris, cuspitem crucis suæ, ut

quotiens

quotiens ad nos peruenerint suggerentes, confundentes abscedant. Si enim ad statuas regum arcas confugientes persequentes euadunt, quanto magis ad crucem confugientes domini Iesu Christi, à suis aduersarijs teneri non possunt, sed per ipsum magis, qui uicit in cruce, & ipsi uictores existunt, ipsi gloria & imperium per omnia secula seculorum Amen.

Psalmus ipsi Dauid. CXXXVII.

Confitebor tibi domine in toto corde meo, quoniam audisti omnia uerba oris mei.

In conspectu angelorum psallam tibi, adorabo ad templum sanctum tuum, & confitebor nomini tuo. Super misericordia tua, & ueritate tua, quoniam magnificasti super omne nomen sanctum tuum.

In quacūq; die inuocauero te, uelociter exaudi me, multiplicabis in anima mea uirtutem. Confiteantur tibi domine omnes reges terræ, quia audierunt omnia uerba oris tui. Et cantent in uis domini, quoniam magna est gloria domini. Quoniam excelsus dominus & humilia respicit, et alta à longe cognoscit. Si ambulauero in medio tribulationis uiuificabis me, & super iram inimicorum meorū extendisti manum tuā, & saluū me fecit dexteratua.

Dominus retribuet pro me, domine misericordia tua in seculū, opera manuum tuarum ne despicias.

COM

COMMENTARIUM

Confiteri in toto corde ille se cōprobat Chri-
 sto, qui totas duodecim uncias cordis sui ip-
 si tradiderit, & superfluis ac labentibus rebus nul-
 lam suæ mētis concesserit partem, Huius confesāio
 pervenit ad divinum auditum. Et qui pure in con-
 spectu hominum deo laudes obtulerat, incipit post
 depositionem corporis in conspectu psallere ange-
 lorum, & adorare templum sanctum, id est, domi-
 num Iesum Christum, in quo plenitudo deitatis in-
 habitat. Cōfitetur nomini eius, quia in nomine Iesu
 omne genu flectitur cælestium, terrestrium, & in-
 fernorum. Quid confitetur nomini sancto? Miseri-
 cordiam, inquit, tuam et veritatē tuam. Nihil aliud
 confitetur anima deo in conspectu angelorum, nisi
 misericordiam qua redemptus est, & qua eruditus
 est, veritatem. Quam veritatem? Hanc sine dubio,
 in qua magnificatum est super omnia nomen eius
 sanctum. Nomen enim est hoc quod est super omne
 nomen. Videamus nunc quo ordine ad hoc possit
 attingi: In quacunq; inquit, die inuocauero te, ue-
 lociter exaudi me. Et quia per infirmitatem suam
 diminuta est anima mea, tu multiplica eam in virtu-
 te tua. Nō enim poterit seipsa eruere anima de mu-
 scipulis occultatis, & de foueis cæcis, in quibus re-
 gnant vitia super eos, qui inciderūt in eis. Vt ergo
 domino

domino uitiorum eripiamur, in uirtute domini confidamus, ut ipse multiplicet animam nostram in uirtute sua. Confiteantur tibi domine omnes reges terre, id est, omnes Apostoli, quia terrenis uoluptatibus imperant. Reges terræ hoc loco dicti sunt ipsi, qui audierunt uerba ex ore tuo domine Iesu Christe. Ipsi etiam cantant in canticis domino canticum. Duas res canit, unius partis uictoriã, alterius perditionem. Cantent ergo, quia magna est gloria domini, quando in altis crucis habitans, respexit humilia inferorum, & alta de longe cognouit. Postea enim uidit inferos & longe factus est, non solum à cœlis, sed & ab ipsa terra: abyssi profunda descendens scidit, & quia inde reuertetetur ad superos, & quia à superis remearet ad cœlos. Sic ergo alta de longe cognouit, quando ambulantes nos in medio tribulationis uiuificare dignatus est uisitando, & super iras inimicorum nostrorum extendit manus suas, crucis patibulum perferendo, quando saluauit nos dextera eius, Ipsi dicimus, domine retrihue propter me. Propter me enim & natus & passus es, domine misericordia tua in æternum. Non enim temporali nos beneficio redemisti, sed æterno auxilio tuæ misericordiæ liberaisti. Opera manuum tuarum nō omittas. Opera manuum tuarum sumus, quia factura tua sumus: & quia opera manuum tua-

rum per opera manuum nostrarum fuerant intercepta, manus tuæ pro peccatis nostris cruci affixæ sunt, ut opera sua quæ per lignum concupiscentiæ perierant, ipsæ manus quæ tunc creauerāt, ipsæ nunc per crucis lignum iterū repararent in passione domini nostri Iesu Christi, qui regnat cum patre & spiritu sancto per omnia secula seculorū Amen.

In finem psalmus Dauid. CXXXVIII

Domine probasti me & cognouisti me, tu cognouisti sessionem meam & resurrectionem meam. Intellexisti cogitationes meas de longe, semitam meam et funiculum meum inuestigasti.

Et omnes uias meas prauidisti, quia nō est sermo in lingua mea. Ecce domine tu cognouisti omnia nouissima & antiqua, tu formasti me & posuisti super me manum tuam. Mirabilis facta est scientia tua ex me, confortata est & non potero ad eam.

Quo ibo à spiritu tuo, & quo à facie tua fugiam.

Si ascendero in cœlum tu illic es, si descendero in infernum ades. Si sumpsero pennas meas diluculo, & habitauero in extremis maris. Etenim illic manus tua deducet me, & tenebit me dextera tua. Et dixi forsitan tenebræ conculcabunt me, & nox illuminatio mea in delitijs meis. Quia tenebræ non obscurabuntur à te, & nox sicut dies illuminabitur sicut tenebræ eius ita & lumen eius.

Quia

Quia tu possedisti renes meos, suscepisti me de utero matris meæ. Confitebor tibi quoniam terribiliter magnificatus es, mirabilia opera tua et anima mea cognoscet nimis. Non est occultatū os meum à te quod fecisti in occulto, & substantia mea in inferioribus terræ. Imperfectum meum uiderunt oculi tuī, & in libro tuo omnes scribentur, dies formabuntur & nemo in eis. Mibi autem nimis honorificati sunt amici tui deus, nimis confortatus est principatus eorum. Dinumerabo eos & superare nam multiplicabuntur, exurrexi & adhuc sum tecum. Si occideris deus peccatores, uiri sanguinū declinate à me. Quia dicitis in cogitatione, accipiant in uanitate ciuitates suas. Nonne qui oderunt te domine oderam, & super inimicos tuos turbescebam. Perfecto odio oderam illos, inimici facti sunt mihi. Proba me deus & scito cor meum, interroga me & cognosce semitas meas. Et uide si uia iniquitatis in me est, et deduc me in uia æterna.

COMMENTARIUM

Domine probasti me, quando ad militiam tuam accessi: & cognouisti me militē tuum esse, quando pugnaui. Quis autem sit miles dei indicat beatissimus Paulus cum illū approbat dei esse militē, qui se à negocijs secularibus tollit. Verū quoniā de moralibus penè oībus psalmis instituiamus mysticum

ficū: nunc in Petro apostolo declaremus affectum.
 Domine probasti me: me quādo uocasti cognouisti:
 cognouisti quando præsumpsi & ausus fui dicere:
 Etiam si me oportet mori tecum non te negabo. Tu
 autem cognouisti omnes cogitationes meas à lon-
 ge antequam eas cogitarem. Semitam meam & di-
 rectionem meam inuestigasti, & omnes uias meas
 præuidisti & probasti, quia non erat dolus in lin-
 gua mea cum dicerem: Etiam si me oportet mori te
 cum non te negabo. Tu autem firmasti me & posui-
 sti super me manum tuam, Firmasti me de tua præ-
 scientia quod essem negaturus, & posuisti manum
 tuam super me, ut peccatum lachrymæ sequeretur.
 Mirabilis facta est præscientia tua, ex me cōfortata
 est, non potero ad eam, conatus sum non negare,
 promisi me etiam mori magis eligere, quam negan-
 tis crimen incurrere, sed præscientia tua ita confor-
 tata est, ut non potuissem ad eā. Quid nunc faciam?
 Negauī dominum & magistrum: nec, ut quidā opi-
 nantur, hominem negauī: ego illum negauī, cui di-
 xī, Tu es Christus filius dei: illum negauī quem per-
 dibus ambulātem super undas expertus sum, illum
 quem uoce sola uidi uocantem mortuos de sepul-
 chro, illum quem cœlis patentibus uidi cum Moy-
 se & Helia, & uocem super eum patris de cœlo:
 Hic est filius meus, ipsum audite: illum qui cecos ta-

stu suo illuminauit, qui uerbo leprosos mūdauit, qui
 iussu demonia expulit, & multas uirutes suæ dei-
 tatis ostendit. Quid nunc facimus Nouatiane, peri-
 dimus Apostolum Petrum, an recipimus reuer-
 tem ad Christum? Ecce Christus eum recepit, tu eij-
 cis. Sed clamat contra te Paulus: Si deus iustificat,
 tu quare condemnas? Sic certe baptisatis non de-
 bere pœnitentibus subueniri. Ecce Apostolo pœnit-
 tenti succurritur, qui est episcopus, & maior gradus redditur pœniti quàm sublatus
 est deneganti. Quod ut doceam illud ostendo, quod
 nullus Apostolorum nomen pastoris accepit. Solus
 enim dominus Iesus Christus dicebat: Ego sū pastor
 bonus, & iterum: Me, inquit, sequūtur oues meæ.
 Hoc ergo nomen sanctum, & ipsius nominis pote-
 statem post resurrectionem suam Petro pœnitenti
 concessit, & ter negatus negatori suo hanc quam
 solus habuit, tribuit potestatem: ut non solum recu-
 perasse quod amiserat, probaretur, uerum etiam &
 multo amplius pœnitendo quàm negando perdide-
 rat, acquisisse. Hoc magister bonus in electo. Discip-
 ulus Christi sicut integro animo peccet oportet
 ut renuat, ita integro animo pœniteat si euenerit
 ut delinquat. Nec sibi noxiam permittere debet,
 ut crescat, & que tanto citius uincitur quanto &
 citius repugnatur. Certe omnis sanctitas ad deum

ducit, & omne peccatum ad diabolum, & sub domi
 no bono positi, quomodo credimus nobis possibilis
 tatem ad diabolum eundi concessam, & reuertendi
 ad dominum denegatam. Addo aliud. Certe homi
 nē per peccatum à se recedere deus non uult, et pec
 cato rem ad se uenire deus uult. Si illud potuit fieri
 quod deus non uult, quanto magis hoc poterit fie
 ri, quod deus uult. Ideo deniq; cogitatio peccati nō
 est à deo prohibita per naturam, sed per imperium
 præceptorum, ut laboris ei pugna incumbente, præ
 mium de certamine proueniret. Voluit enim deus
 homini operis fatigationē relinquere, ne in aliqua
 detrimenti parte præmium impediret. Duos certe
 bonorum & malorum populos esse nemo qui nesci
 at. Bonos dicimus credentes, & pessimos non cre
 dentes. Non credentes esse sub diabolo, & creden
 tes esse sub deo. Magna prædicatio tua O Nouatiar
 ne, qui seruum diaboli ad te uocas, & seruum dei
 à te repellis: quasi qui uelis deum lucrare quod
 non habet, & perdere quod habet. Huc adijcias
 & illud, quod possit deus mortuos suscitare, &
 infirmos saluare non possit. Nam increduli mori
 tui sunt, & credentes, licet peccatores sint, uiuunt
 in infirmitate sua. & si saluator noster habet,
 imò quia habet peritiam mortuos suscitandi, quo
 modo non habet quæcunque fuerint infirmitates
 curandi

curandi. Ex utroq; latere blasphematur uobis, qui pœnitentibus negatis effectum. Si enim posse eum docetis infirmitates anime curare, sed nolle, impium arguitis: si uelle & non posse eum forsitan dixeritis, à deitate excluditis: & manet uobis ex utroque latere condemnatio, cum negatis familie dei peccati posse succurri. Hactenus cum Nouatiano sim locutus. Reuertamur ad Apostolum pœnitentem, & flentem amarissime atq; dicentem. Quo ibo à spiritu tuo, & quò à facie tua fugiam. Scio quia tu es Christus filius dei, quam scientiam non mihi reuelauit caro & sanguis, sed pater tuus qui in cœlis est. Quò fugiam, qui te deum noui & omnipotentem agnoui, si in cœlos ascendero tu illic es, si descendero in infernum ades. Ibi enim per passionem specialiter descendisti, ubi per potentiam tuam, sicut ubique generaliter præsto es. Si sumpsero pennas meas ante lucem. Pennas hoc loco pro cogitationibus posuit, quæ repentino uolatu ubique sunt, in cœlo, in terra, in abyssu, & ubicunque finiunt maria. Si ergo, inquit, & ibi ante lucem resurrectionis tuæ uadam ubicunque inaccessibilitas solet fugitiuum abscondere: ut illuc ire possim manus tua deducet me, & quasi fugitiuum tenebit me dextera tua. Ante lucem hic ante resurrectionem posuit saluatoris. Quia in tenebris fuit

omne seculum iacente domino in sepulchro, in quo tempore poenitentia Petri Apostoli agebatur, in qua etiam dixi, forsitan tenebrae conculcabunt me. Et tribus negationibus suis tres fugarum partes clausas esse, si ibi fugeret memorabat, in caelo, in inferno & in postremis maris. Ergo tenebrae negare sunt, & fugere conculcatio tenebrarum. Hoc timēs ne ab eis cōprehensus, ab ipsis tenebris calcaretur, quasi tenebris subiectus, operibus esset deditus tenebrarum, habens reatum perenne, iuges lachrymas, dolores aeternos. Hoc enim modo conculcabunt tenebrae mortis huius, qua corporaliter morimur: Si uero moriens, inquit, non conculcabor à tenebris, sed ad delicias sanctorum attingo, nox ipsa mortis illuminatio mea erit in delitijs meis. Iti enim habebō lucem meam Christum meum, qui nō patitur obscuritatem tenebrarum, in cuius conspectu nox sicut dies illuminabitur. Sicut tenebrae eius, ita & lumen eius. Hoc contra Manichæū qui dicit, alterius principis sunt tenebrae, alterius principis lux est. De nostro autē deo & cantamus & credimus, quia sicut tenebrae eius sunt, ita & lumen eius est. Tenebrae enim non omnibus creaturis obscurum faciunt. Si quidem & fere penē omnes, sed & catte noctium nullum patiuntur obscurū, sed & aues multae sunt, quae in noctibus uolant. Vnde docemur naturam
oculos

oculos nostros à creatore hanc esse sortitos, ut in tenebris uidere non possint. Deus enim ad requiem hominum noctes instituit, ut generationis humanæ quieti possit esse consultum. Ipsius ergo sunt tenebræ, cuius est lux, quod Manicheus negat. Ipse est etiam creator corporum nostrorum, contra quod suscipit, cui in presenti pœnitens Petrus dicit: Tu possedisti renes meos, qui suscepisti me ex utero matris meæ. Sicut in ore dum loquimur, et in opere ali quo dum operamur, cordis nostri cogitata ostendimus: ita quod in corde cogitamus, antequam dicendo uel operando pandatur, à renibus gignitur: secundū illud, quod in alio psalmo dicimus deo, quod non solum cordis sed & renes scrutetur. Cum ergo dicit pœnitens deo: Quoniam tu possedisti renes meos. Dicit ei: Quia ita tibi in me nihil occultū est, ut non solum cogitata que sunt in corde cōsideres, sed & cogitanda que sunt in renibus cernas tu domine, qui suscepisti me ex utero matris meæ, ita ut quicquid ab ortu meo semisonis balbutientis infantie uerbis aliquid fortè peccauit cognoscas. Etiam in hoc confiteor, quis terribiliter mihi mirificatus es, mira opera tua que oculis meis uidi, & te exercente domine Iesu Christe cognoui, & anima mea nouit nimis. Intus in me est quod credidi, non in superficie uerborum, sed intus in uisceribus anime,

L 3 quod

quod ita esse tibi non est occultum. Siquidem tibi occultum non est, nec os meum, id est, ossum meum, quod fecisti in occulto. Si ergo nec os meum tibi occultum est quod esse naturaliter uoluisti, quid erit ante te occultum in corde quod manifestari insistit? Ad altiora ducimur cum de ossibus & substantia quæ in inferioribus est terræ tractamus. Agitur enim hoc loco quod dies resurrectionis aduenerit: Vbi cunque, inquit, fuerit os meum, & ubicunque in inferioribus terræ fuerit substantia mea, imperfectum meum uidebunt oculi tui. Imperfectum meum carens nervos, carens cutem, spiritum non habens, hoc uidebunt oculi tui, quia solo aspectu tuorum oculorum exurget. In libro enim resurrectionis omnes homines qui nati sunt omnes scribuntur, quot quot ad diem formabuntur, & nemo in eis qui ibi scriptus non sit. In quo libro mihi non sunt in amore & in honore, nisi amici tui deus. Nimis enim confortati sunt principatus eorum. Siquidem participes eos tui esse æterni imperij repromittis, nec, ut hæretici dicunt, non debuit mundus subsistere per eum, qui præsciens erat homines, per peccata sua & scelera ad æternam gehennæ incendium destinandos. Si ita putatis debuisse fieri, consultum magis reis indicatis esse quàm sanctis. Si enim mundus à suo fuisset transitu reuocatus

catus, nullus fuisset sanctorum particeps regni. Et dum prouidebatur malis, ne ad interitum deuenirent, impediabatur bonis, ne ad gloriam peruenirent: & ut non perirent pro merito suo mali, hanc boni accipiebant sententiam, ne uel temporalem uitam susciperent, quibus debebatur eterna. Nos autem cum propheta gaudeamus in sanctis dei, et cum Apostolo dignis honoribus amicos domini recorde mur, quorum tātus est numerus, ut super barnam multiplicati esse noscātur. Quid nunc si occidit dominus peccatores, Occidat Neronem, & post eum omnes uiros sanguinarios, qui sanctos domini occiderunt. Si uestrum O heretici, deus secutus esset cōsiliū, ne perirent Nero aut Diocletianus uel ceteri interfectores sanctorum, nō fecisset nec Apostolos, nec martyres nasci, essetq; par iudicium in iniustis & iustis, & omnes una praueniens sententia, per quam simul omnes uiderētur ante puniti quā nati. Sed uos ó uiri sanguinum, declinate à nobis qui dicitis, Quis in uanum acceperint homines ciuitates suas: hoc est, sine causa sunt mortales effecti, & omnia cum mundo pereunt, & ipsa perditio. Non ita est, omnes in libro scripti sunt. Omnes resurgunt, sed alijs dabitur odor uitae in uitam aeternam, alijs odor mortis in mortem perpetuam, ubi deueniūt hij de quibus dicitur: Nōne qui te oderūt

deus odio habui, & super inimicos tuos tabescebam? Hæc Petrus in ecclesia loquitur, & ecclesia in Petro pronunciat: Perfecto, inquit, odio oderam illos, inimici facti sunt mihi, Et ideo bis anathematizatis: Proba me, inquit, domine, et scito cor meum, quid de te sentiam, quid de te credam interroga me, et scito semitas meas, sit tibi sollicitudo de ecclesia tua, et de ouibus tuis, & uide si uia iniquitatis diabolus est, qui se ad ambulandum in ea in incredulis & hereticis præbet: Vide, inquit, in populum tuum, ne sit aliquis in quo uia iniquitatis iter erroribus præbeat, & excludens uiam iniquitatis, deduc me in uiam æternam, ut portæ mortis & inferi non præualeant mihi, secundum uerbum tuum domine Iesu Christe, qui regnas cum patre & spiritu sancto in secula seculorum Amen.

In finem psalmus David. CXXXIX.

ERipe me domine ab homine malo, à uiro iniquo eripe me. Qui cogitauerunt iniquitates in corde, tota die constituebant prælia. Acuerunt linguas suas sicut serpentes, uenenum aspidum sub labijs eorum. Custodi me domine de manu peccatoris, & ab hominibus iniquis eripe me. Qui cogitauerunt supplantare gressus meos, absconderunt superbi laqueum mihi. Et funes extenderunt in laqueum, iuxta iter scandalum posuerunt

runt mihi. Dixi domino deus meus es tu, exaudi domine uocem deprecationis meae. Domine domine uirtus salutis meae, obübrasti super caput meum in die belli. Non tradas me domine à desiderio meo peccatorum: cogitauerunt contra me, ne derelinquas me ne forte exaltentur. Caput circuitus eorum, labor labiorum ipsorum operiet eos. Cadent super eos carbones, in ignem deijcies eos, in miserijs non subsistent. Vir linguosus non dirigitur in terra, uirum iniustum mala capiant in interitu.

Cognoui quia faciet dominus iudicium inopis, & uindictam pauperum. Verumtamen iusti confitebuntur nomini tuo, et habitabunt recti cum uultu tuo.

COMMENTARIUM

CAuendum est, ne quando sensus noster illuc uadat, ubi genuino motu laus creaturae consistit. Malus enim per creaturam, nec ipse est diabolus. Quod si per naturam, nec diabolus malus est, quanto magis homo malus agendo non nascendo probabitur. Nam omnis natura opus est dei. Omne autem peccatum opus est contemptoris, quod & ipsum peccatum non sui natura malum est. Malum enim illud non facit sola operatio, sed praeuaticatio. Quonia prohibita dum geruntur, & eius qui prohibuit iudicio destinantur irae, increpata damnantur. De/

niq; & ipsa prohibita et in bonis, et in malis rebus
 reum faciunt perpetrantem. Nam homicidium sum-
 mum malum in hominibus, et misericordia summum
 bonum obtinet locum, quod utrunq; uocatur in cri-
 men. Nam & Cain cur occiderit à facie dei projici-
 tur. Et Saul, cur non occiderit à regno ejicitur. Ista
 fortè apud ueteres dicas potuisse cõstare. Nunc ue-
 ro in quauis persona misericordia probatur esse
 uirtutis, cum è contra doceamus grauius puniri spi-
 rituali nunc iudicio, quàm antea puniti sunt ferro,
 Nam ferro tollitur uita ut multum quinquaginta
 annorum. Anat hematis autem ca. de & uita aeterna
 eripitur, & mors perpetua irrogatur. Eym autem,
 qui pepercerit hæreticis aut prædicatoribus
 falsitatis, & non eos gladio fidei suæ iugulauerit,
 hoc ei euenire quod euenit Sauli quis ambigat? Aut
 qui misericordiam suam putauerit se in heresi per-
 manentibus exhibere, quis neget simili modo à re-
 gno dei excludi, sicut Saul à regno humano pro-
 batur exclusus? Quis autem dubitet Cain esse par-
 ticipem, qui iustum per inuidiam ausus fuerit con-
 demnare. Si quidem auctoritas Apostolici sermonis
 affirmet, quod omnis qui odit fratrem suum homici-
 da sit. Libra ergo iusti iudicij æquali lance perpen-
 sa, & nocentem dum interficit, & liberat innocen-
 tem, ostendit & misericordiam iniustam in impio,

Et pio eadem crudeliter irrogatam. Cum ergo ar-
 guitur factum in impio, deus contemptus ostendi-
 tur, in quo non pro qualitate humani operis, sed
 pro autoritate diuini imperij, quæ sūt perpetrata,
 si sunt prohibita iure damnantur, si iussa sunt iure
 laudantur. Nam homicidium in Abel malum, in Go-
 liad bonum est, Et mēdaciū in Iudith bonum, con-
 tra Susannam malum est, Et usus coniugij in coniu-
 gibus bonus est, in adulteris malus est, Et astutia ser-
 pentina contra malos bona est, contra bonos mala
 est, Et omne opus etiam sanctum presumptio cri-
 men est, etiam si mysterijs ipsis uideatur aptatum.
 Quid enim tam sanctum quàm cōmunionem Chri-
 sti percipere, Et quid tam iniquum quàm si non ba-
 ptisatus eadem sumat, Aut quid tam magnificum
 quam sacramenta diuina cōficere, Et quid tam per-
 niciosum quam si ea is conficiat, qui nullū sacerdo-
 tū gradum accepit. Data ergo occasione sapienti-
 fecimus ex omni parte manifestum omne malum
 non esse, nisi quod fieri prohibet deus, nec bonum,
 nisi quod fieri præcepit deus. Cum ergo uel probi-
 bita ppetrauerit homo, uel iussa contēpserit, actio
 eū efficit malū. Et i deo cū dixisset: Eripe me domine
 ab hoīe malo, actio eūs eius malitiæ exposuit, ut malos
 homiēs nō nature qualitas, sed opationū neqtia ma-
 nifestet. Ait enim: Domine libera me ab his, q cogita-
 uerunt

uerunt malitias in corde. Cessat generationis accusatio, ubi cogitationis prauitas increpatur: Tota, inquit, die constituerunt praelium. Cum audis praelium pugnantes caue, siue quos uides, siue quos non uides. Nam & istos quos uides per illos scias, quos non uides excitatos. Quos enim uides, homines sunt. Quos autem non uides, spiritus nequam sunt. Age ergo & pugnantibus pugna. Et si auxilium poscis à rege, te repugnātem ostende. Linguae contra te pugnant, quas acuunt hæretici, sicut serpentes. His & tu esto sicut serpens astutus, et te simplicem, ut columbam esse ciuibus tuis, id est, catholicis solis ostēde. Cæterum hæreticis & cunctis contra ueritatē uenientibus, ipsis serpentibus esto astutior. Noli timere, iussum tibi est à domino tuo: tam bona est astucia contra malitiam, quam benigna simplicitas circa iustitiam. Occide hæreticos, & domini tui spiritali gladio interfice inimicos. Quid enim faciunt inimici dei, id est, immundi spiritus? Volunt excludere de tēplo suo dominū, id est, spiritum sanctum. Et ipsi ibi uolūt habitare, id est, in te. Tēplum dei tu es. Et quid conantur hæretici? Volunt excludere à te ueritatem, & in te intus fallaciam claudere. Occide utrosque, & assertiones falsas, assertio nibus ueris exupera, atque suggestiones demonum diuine legis sententijs uince. Verum quia demonia
 ieiunijs

ieiunijs & orationibus superari posse didicisti, tene ordinem belli, & sicut te præsens psalmus edocet, Abscöderunt enim superbi laqueos mihi. Quare super perti? Quia contemptores dei. Quomodo absconderunt? Faciunt dulce uideri quod amarum est, & æstimari bonum quod malum est. Et funes tetenderunt in muscipula pedibus meis. De pedibus mentis euidenter instrueris, quibus funes sunt tēse assertiones hæreticorum, cum syllogismis uinacula conantur innectere gressibus sanctis, ut uideantur tibi uera esse quæ falsa sunt. Funes etiam sunt suggestiones demonum quibus qui consenserit, ligabitur *h* iuxta semitam, inquit, scandalum posuerunt mihi. Semitam ambulanti castitatis, occurrit fornicationis stimulus. Semitam ueritatis eunti, occurrit assertio falsitatis. Quid ad hæc? Clama: Obumbra domine super caput meum in die belli, tu mihi esto galea tegens caput, ut non tradar in desiderio peccatorum. Cogitauerunt enim aduersum me. Non tradas me, ne unquam exaltetur. Caput circuitus eorum, sed labor labiorum eorum operiat eos, ut de suis sibi met assertionibus cōuincantur, Verbi gratia dicunt demonia suggestionibus suis: Dulcis amplexus, suaue osculum, delectabilis fornicatio. Ego dicam eis: Vnius horæ, imo unius puncti delectamentum est sed & æternæ mortis interitus. Dicunt uerbi causa,

hæretici

Nunc putant
syllogismis
defendi sic

hæretici assertionibus suis: Pater maior est, filius
 minor. Ego respondeam. Qui maior est senescit &
 deficit, qui minor est iuuenescit, & similiter gran-
 descit: ut desinat. Deus autem, nec minor nec maior
 est, quia sicut finem non habet, nec initium habuit.
 Semper fuit immutabilis pater, & semper fuit cu-
 ius esset pater, nec unquam fuit sine spiritu sancto.
 Ac per hoc pater nunquam fuit sine bonitate, que
 est filius: nunquam fuit sine sanctitate, que est
 spiritus sanctus. His ita que assertionibus tuis, labor
 labiorum eorum operiet eos, & cadent super eos
 carbones ignis, in spiritibus immundis, ut exuran-
 tur in hæreticis & scismaticis, ut ad suum domi-
 num reuertantur. Quod si permanserit in assertio-
 nibus suis peruersus assertor, & uir linguosus non
 directus fuerit super terram, id est, dum est in cor-
 pore non direxerit uir linguosus ab assertionibus
 prauis linguam suam, iniustus effectus iniusticie sue
 eum sententia comitabitur talis, ut eum mala coope-
 riât ad interitum sæpitemum. Cognoui enim quoniam
 faciet dominus iudicium in opibus, corum sine dubio qui
 simpliciter incurrunt, qui inopia sensus fatigati ue-
 nenosos cibos hæreseos in esca percipiunt, Quid er-
 go putamus, quod iudicium futurum istos solos
 percutiat, qui uenenosas escas esuriētibus tradunt?
 Ego estimo quod ad illos magis attendat sententia,
 qui

Audi episcopo

qui eos cibo salubri non reficiunt. Si enim catholici doctores reficerent, heretici subripere non ualerent. Unde iste sermo cōminantis iudicium plus ad nos quā ad illos attendit. Nos enim, nos in quā, isto cōminationis stimulo excitamur, quo facturus legitur deus iudiciū inopis, & uindictā pauperis. Siquidem ut propheta testatur, dicturus est: Ecce lac comedistis, & lanis cooperiebamini, & oues meæ à lupis inuase sunt, & dum non procurastis pascua salubria, ab inimicis meis eis sunt herbæ morbidae procuratæ. Caueant ergo omnes, qui possunt escas utiiles esurientibus dare. Caueant inquam, quia si ab ipsiuitales non acceperint cibos, ab hostibus mortales accipient, & iudicabimur in iudicio, quo erit iudicium inopum, & uindicta pauperum. Tunc sine dubio, quando iusti confitebuntur nomini sancto, & habitabunt recti cum Christo, qui regnat cum patre & spiritu sancto per omnia secula seculorum Amen.

Psalmus David.

CXL

Domine clamaui ad te exaudi me, intende uocem meam cum clamaero ad te. Dirigatur oratio mea sicut incensum in cōspectu tuo, eleuatio manuum mearum sacrificium uespertinum.

Pone domine custodiam ori meo, & ostium cunctantiae

eunstantiæ labijs meis. Non declines cor meum in uerba malitiæ, ad excusandas excusationes in peccatis. Cum hominibus operantibus iniquitatem, & non communicabo cum electis eorum. Corripiet me iustus in misericordia & increpabit me, oleum autem peccatoris non impinguet caput meum.

Quoniam adhuc & oratio mea in beneplacitis eorum, absorpti sunt iuncti petre iudices eorum.

Audiēt uerba mea quoniam potuerunt, sicut crassitudo terre erupta est super terram. Dissipata sunt ossa nostra secus infernum, quia ad te domine oculi mei, in te speraui, non auferas animam meam.

Custodi me à laqueo quem absconderunt mihi, & à scandalis operantium iniquitatem. Cadent in retiaculo eius peccatores, singulariter sum ego donec transeam.

COMMENTARIUM

ORdo psalmi qui fidem accipit, in presentis psalmi extenditur textum. Ibi enim dixit: *Eripe me domine ab homine malo & c.* Hic: *Domine clamaui ad te, exaudi me.* Et ut ostenderet se de hereticis dixisse, qui cogitant malitias in corde, Hic dicit: *Non declines cor meum in uerba malitiæ, sed pone custodiam ori meo, & ostium circumstantiæ labijs meis: ne fortè dum studio defendendæ ueritatis conor multos proferre sermones, offendam,*

& habeam partem cum hominibus operantibus iniquitatem. Sed quia hoc rogo, ut non communicer cum electis eorum, Præsta mihi correptionem tuam, ut sit iustus mihi imperans, cuius meus error corrigatur exemplo. Incomparabile donum dei est, quando nobis quicumque super faciem terræ, iustus ostenditur. Habet deus diues in omnibus, habet inquam, habet seruos & benignos & iustos, sed non sumus digni noticia eorum. Beatus cui conceditur dei famulum nosse, qui corripiat in misericordia, & increpet in amore dei. *Vae autem mihi & meis similibus, quia inuicem nobis oleo capita impinguamus, & adulescentes nobis inuicem in presenti positi, sanctos nos uocamus & nonnos. Absentes uero nos ita mordemus, atque percutimus, ut recte canibus cõparemur.* Horum, inquit, oleum, id est, horum adulatio non impinguet caput meum. At magis oratio mea in beneplacitis eorum, id est, oro ne placeant mihi, quæ beneplacita sunt eis, qui absorpti sunt iuncti petrae. Iu dices eorum iuxta petram sunt hæretici, nõ super petram. Nam si super petram erant absorberi nõ poterant. Nunc autem fundamentum petrae solide relinquentes, iuxta ipsam petram fabricant in arena, ubi nidus suos construentes cum suis paruulis absorbentur: Non se inquit excusent sermo prophæticus, sed audiant uerba mea, quoniam potuerunt, habent

M sensum

sensum, ingenium, intelligentiã. Audiãt uerba mea, tollãt sua uerba. Audiãt, aperiant auditũ suũ uerbis meis. Sicut crassitudo terræ eructuat sup̄ terram, ubicũq; macra terra est, et sabolo, harenæq; permixta non excrepit. Pinguis autẽ terra ita se aperit, ut quasi os suũ cœlo apertũ ostẽdat, ut quicquid è cœli fuerit missum, sitiẽter excipiat: ita, inquit, isti audiant uerba mea, sicut crassitudo terræ eructuat in fruge, frumẽti, uini & olei, & quã pinguis sit infra se, super se eructuat. Dissipata sunt ossa nostra secus infernũ. Græcus dicit, ossa corũ. Siue ergo nostra, siue corũ ossa secus infernũ posita dissipãtur. Sicut cera secus focũ posita mollescit, in foco autẽ massa liquefcit, & deperit: ita ossa nostra secus infernum posita mollescũt, in inferno autem massa liquefcũt. Nam iuxta infernũ sunt, quando iuxta illos sumus, qui nobis fomitem tribuunt delinquendi, siue quando illis cogitationibus nõ resistimus quæ se ingerũt turpiter m̄ti: siue quando societate nostram diuersitas sexus inquietat: siue quãdo talibus iungimur, quibus Christianæ regulæ non placet cursus, siue quãdo iũgimur hæreticis, & quasi sub specie amicitie, cũ his uidemur inire cõsiliũ, & nõ aperta fronte, ut Romani cõtra Barbaros repugnamus. Ibi dissipantur ossa nostra iuxta posita, & secus ipsum infernum collocata. Si uero uni horum per ipsam uicinitatem

nitatem fuerimus adiuncti, non solum ossa, sed et ipsa anima dissipatur. Dicamus ergo cū clamore: Ad te domine domine oculi mei, in te speravi, nō auferās animā meā, nō eā auferas de libro uitæ, ubi sunt catholici, & in libro mortis inseras, ubi hereticorum cōuenticula condemnātur, sed custodi me à laqueo quē statuerūt mihi, & abscedalis opantiū iniquitate. Ibi enim retiaculū tetēderūt, ut in uno de quibus supra diximus capiāt ibi, ubi cadūt peccatores, à quibus his alienus effectus, singulariter uiuā donec exeam, siue trāseā. Melius est enim mihi solitaria cōuersatio habēs uitā, quā ut in multitudine cōuersatus, mortē incurrā. Singulariter uiuendū est, ubi societas uitæ præsētis æternæ uitæ cōmodis aduersatur, cuius retiaculo oremus instanter, ut dirigatur oratio nostra in cōspectu dei, sicut thymiamatis incensum. Sic enim in Greco psallitur: Dirigatur oratio nostra in conspectu dei sicut thymiamata, id est, ut in odore suauitatis sacrificiū nostræ oratiōis accipiat. Sacrificiū nostrū uestinum sit, id est, iuxta finem lucis huius, qua hora ab hac luce migramus. Tunc enim ī sacrificio uestino sumus, ibi est tota nostræ cogitatiōis ponēda intentio, ut leuantes manus nostras in signo crucis, dū ad dominū pgimus, gratulemur in Christo Iesu domino nostro, qui in unitate deitatis uiuit & regnat cū patre & spiritu sancto per omnia seculorum seculorum. Amē.

Intellectus David cum esset in spelunca Oratio. CXLI

Voce mea ad dominum clamaui, uoce mea ad dominum deprecatus sum. Effundo in conspectu eius orationem meam & tribulationem meam ante ipsum pronuntio. In deficiendo ex me spiritum meum & tu cognouisti semitas meas.

In uia hac qua ambulabam, absconderunt superbi laqueum mihi. Considerabam ad dexteram & uidebam, & non erat qui cognosceret me.

Perijt fuga à me, & non est qui requirat animam meam. Clamaui ad te domine, dixi tu es spes mea, portio mea in terra uiuentium. Intende ad deprecationem meam, quia humiliatus sum nimis.

Libera me à persecutibus me quoniam confortati sunt super me. Educ de custodia animam meam ad confitendum nomini tuo, me expectant iusti donec retribuas mihi.

COMMENTARIUM

Cum à facie Saulis lateret in spelunca David profugus, istum psalmum legitur cecinisse. Voce, inquit, mea ad dominum clamaui, & uoce mea dominum deprecatus sum. Effundo in conspectu eius orationem meam, & tribulationem meam ante ipsum pronuntio: In defectu enim, ait, spiritus mei, ibi cognouisti semitas meas. Ibi clama O Christiane

ne, ibi effunde in conspectu dei orationem tuam, ibi tribulationem tuam pronuntia, nō perdis rebus, non facultatibus, non agrorum finibus, uel his que nobis deposito corpore necessaria penitus nō sunt, sed in defectu spiritus tui, ibi esto sollicitus. Ibi enim cognoscuntur semitæ tuæ. Defectus spiritus nostrī est, quando nos carnalium rerum necessitates aut delectationes inuadunt. Ibi enim absconditi sunt laquei nobis à diabolo, & ministris eius. Tunc consideramus ad dexteram, id est, ad lectionem, ad orationem ad psalmum, & non delectamur, sed sic redimus inæsti, ut nec nos ipsos agnoscere ualeamus. Extranei nobis fiunt ipsi apices sancti, et quasi in extero positi, nosmetipsos agnoscere non ualemus. Tūc perijt fuga à nobis, et illud quod nobis clamat Apostolus: Fugite fornicationem, nos surda aure transimus. Intus est enim malum, intus est hostis. Tunc quando perit ista fuga à nobis, & nō est cogitatus, non compunctio ex affectu aliquo qui requirat animam, nec redit ad sensum meum, ut requiram animam meam, & dicam illi: Age actus meos noli perdere quod tāto tempore laborasti. Hæc nunc dico. Quare? Quia defecit in me spiritus meus, tempore quando in uia qua ambulabā, abscederunt laqueos mihi. Et quia perijt fuga à me, aliud quo possi eadere penitus non habebo, nisi totis uiribus clamem

ad te domine: Percant omnia quæ in mundo sunt, tu spes mea, tu portio mea in terra uiuentium. Intende in orationem meam, quoniã humiliatus sum nimis. Tenent me peccata mea, & iugum suum posuerunt super me, p peccata mea principes uitiorũ & criminum. Tu libera me à perse quētibus me, quoniã confortati sunt sup me, & educ de carcere animã meã. Tunc enim carcerem patitur anima nostra, dũ hinc inde nobis clausum ad lectionem, uel orationem, uel ad bonũ cursum, siue mundi occupationes, siue corporeæ delectationes efficiunt. Nec, ut quidã putāt, corpus humanum carcerem audemus dicere, quod templum dei Paulus Apostolus esse testatur: sed carcerem patimur, quando orare non delectat, quando fastidimur in spiritualibus cibus, & nunc necessitatum terrenarũ claustris, nunc delectationũ ostijs cõclusi deficiamus. Verus carcer animæ in te est, pro quo totis uiribus est clamãdum ad Christum, ut educat de carcere hoc animas nostras ad confitendum nomini suo, ut incipiat eam delectatio confessionis excolere, quæ deserta facta est orationis & lectionis, et spiritualis exerceitij cultura cessante. Cũ ergo ex hoc carcere eduxeris aĩam meã, et cepero recto tenore cõfiteri nõi tuo, tũc me expectãt iusti, donec retribuas mihi in Christo Iesu domo nostro, q re/gnat cum patre & spiritu sancto in sec. sec. Amen.

Psalmus

*Psalmus David quādo persequēbatur eum
filius suus Absalon.* CXLII

Domine exaudi orationē meam, auribus per-
cipere obsecrationem meam, in ueritate tua
exaudi me in tua iusticia. Et non intres in iudi-
cium cum seruo tuo, quia non iustificabitur in con-
spectu tuo omnis uiuens. Quia persecutus est ini-
micus animam meam, humiliauit in terra uitam me-
am. Collocauit me in obscuris sicut mortuos se-
culi, & anxius est super me spiritus meus, in me
turbatum est cor meum. Memor fui dierum an-
tiquorū, meditatus sum in omnibus operibus tuis,
in factis manuum tuarum meditabar. Expandi
manus meas ad te, anima mea sicut terra sine aqua
tibi. Velociter exaudi me domine, defecit spiri-
tus meus. Non auertas faciem tuam à me, & simi-
lis ero descendentibus in lacum. Audiam fac mihi
mane miā tuā, quia in te speraui. Notā fac mihi
uiā in qua ambulē, quia ad te leuaui aīam meā. Eripe
me de inimicis meis domine, quia ad te cōfugi: doce
me facere uolūtātē tuā, quia deus meus es tu. Spiri-
tus tuus bonus deducet me in terrā rectā, propter
nomē tuū domine uiuificabis me in equitate tua.
Educes de tribulatiōe animā meā, et in misericordia
tua disperdes oēs inimicos meos. Et perdes omnes
qui tribulāt aīam meā, quoniam ego seruus tuus sum.

COMMENTARIUM

Sic inchoauit psalmista, ut in terrorē mitteret
 Somne humanum genus. Quis enim audeat deo
 dicere, exaudi me in ueritate tua, & in tua iusticia?
 Verum enim & iustum est, ut qui peccauerit punia-
 tur acerrime. Coepisti propheta, principio tali alii
 quid iungendo subsequere, ut psallentes respirare
 possimus: Non intres, inquit, in iudicio cum seruo
 tuo. Hoc ergo uoluisti dicere, iusticia tua est, ut do-
 minus in iudicio intrare cum seruo contēnas. Quis
 enim ad comparationem tuam iustificabitur homo,
 quem uis sanctum & electum, & mundum & lau-
 dabilem in conspectu tuo, id est, ad comparationem
 tuam, siue diuina iudicia, siue humana probare non
 possunt. Omnis enim pulchritudo te præsente de for-
 mis est. Omnis fortitudo te præsente infirma. Om-
 nes diuitiæ te præsente mēdicitas. Omnis iusticia hu-
 māna te præsente iniusticia. Et ut uicinam iusticiæ
 tuæ iustitiā humanā exquirere desinas quaeso, quo-
 niam persecutus est inimicus animam meam, humi-
 liauit in terra, id est, in corpore uitam meam, collo-
 cauit me in obscuro sicut mortuum seculi. Tanta me
 obscuritate suæ circūdedit frandis, ut mortuum me
 apud deum credens, putarem me nullum recupera-
 tionis apud iusticiam tuam auditum inuenire: ideo
 anxietus est in me spiritu meus, et in me turbatū est

cor meum. Cœpi recordari dierum antiquorū, quā
tis pro misericordia subuenire dignatus es. Et medi
tatus sum in omnibus operibus, quibus didici omni
bus te deprecantibus subuenire. Et ideo ego expan
di manus meas ad te, quia anima mea sicut terra si
ne aqua, sic in peccatis sicca facta est, quasi quæ nō
habeat aquam baptismatis. Velociter exaudi me do
mine, defecit spiritus meus, id est, spiritalis in me ui
ta defecit. Non auertas faciem tuam à me, & ero si
milis descendentibus in lacum, id est, similis ero in
morte damnatis. Non tamen particeps, sed similis:
similis, quia peccauit et non particeps, quia ad tuā
misericordiam conuolauī. Fac ergo auditam mihi
manē misericordiam tuam, quoniā in te speraui do
mine, Ideo mane posuit, quia tam diu noctem & te
nebras patimur, quā diu pietas diuina compungat,
clementia pietatis indulgeat. At ubi uox cœperit
pœnitentis audiri, & lux indulgentis ostendi, nox
omnis abscedit, & initium lucis accedit, in qua luce
non erramus, sed quasi in die positi, honesti ambula
mus. Notam enim faciet nobis uiam quā ambulemus
in lucem, si ad ipsum leuauerimus animas nostras.
Sicut enim in tenebris positi, lucem indigent, ita in
luce positi, ducem qui liberet ab errore. Et ideo di
cendum est ab his, qui in luce sunt, Notam fac mihi
uiam in qua ambulem, quoniam ad te leuauī animā

meam. Eripe me de inimicis meis, quoniam ad te cōfugi. Qui ad patronum uadet, sic se ab eo liberari postulat, si ut eius agnoscat uoluntatem exorat. Dubius est enī de patrono susceptus, si non et suam indicauerit uoluntatem. Et ideo postea quam dixit deo: Ad te confugi. Adiecit: Doce me facere uoluntatem tuam. Vis ergo ó homo, habere patronum dominum, discere uoluntatem eius. Fac quod uult, & faciet quod uis. Diximus ergo patrono: Eripe me de inimicis meis: Inimici nobis sunt spiritus immundi. Qui tunc à nobis fugiunt, quādo in nobis sentiunt spiritum sanctum. Et ideo rogandus est spiritus sanctus, ut ipse deducat nos in terram. Terra enim corporis nostri tunc recta est, cum in ea est spiritus sanctus. Et quotienscunq; suam uiam nobis spiritus nequā ad ambulandum ingesserit, totiēs spiritus sanctus deducet nos in terram rectam. & si nostra merita desunt, imò quia desunt, ipse tamen propter nomē suum uiuificat nos in æquitate sua. Hoc æquitatis suæ iudicio statuens, ut perdat omnes inimicos nostros, qui ideo nobis inimici sunt, quia nos serui esse domini studemus: Hanc, inquit, ob causam perdes omnes inimicos meos. Quoniā seruus tuus sum. Non ergo aliunde inimicos habentes, nec pro quibuscunq; terrenis actibus aduersarios, sed ideo inimicitijs demonum aut hominum laboramus, quoni-

am serui esse domini studemus. Non timeamus inimicitias eorum, quia illis percuntibus nos liberabimur à Christo domino nostro, qui regnat cum patre & spiritu sancto nunc & semper, & in omnia secula seculorum Amen.

Psalmus David aduersus Goliath. CXLIII

Benedictus dominus deus meus qui docet manus meas ad praelium, & digitos meos ad bellum. Misericordia mea & refugium meum, susceptor meus & liberator meus. Protector meus & in ipso speravi, qui subdit populum meum sub me.

Domine quid est homo, quia innotuisti ei, aut filius hominis quia reputas eum? Homo uanitati similis factus est, dies eius sicut umbra pretereunt.

Domine inclina cœlos tuos & descende, tæge montes & sumigabunt. Fulgura choruscationem & dissipabis eos, emitte sagittas tuas & conturbabis eos: Emitte manum tuam de alto, eripe me & libera me de aquis multis, & de manu filiorum alienorum. Quorum os locutum est uanitatem, & dextera eorum dextera iniquitatis. Deus canticum nouum cantabo tibi, in psalterio decacordo psallam tibi. Qui das salutem regibus, qui redemisti David seruum tuum, de gladio maligno eripe me. Et eruet me de manu filiorum alienorum quorum os locutum est uanitatē, & dextera eorum
dextera

dextera iniquitatis. Quorum filij sicut nouellæ plantationes in iuuentute sua. Filie eorum compositæ, circumornatæ ut similitudo templi. Promptuaris eorum plena, eructantia ex hoc in illud. Oues eorum factosæ abundantes in egressibus suis, boves eorum crassæ. Non est ruina macerie, neque transitus, neque clamor in plateis eorum. Beatum dixerunt populum cui hæc sunt, beatus populus cuius dominus deus eius.

COMMENTARIUM

Benedictus dominus deus meus qui docuit manus meas in prælio. Tempore quo Moyses leuabat manus ad deum, & uincebatur Allophylorū turba pugnantium, cumq; eas deposuisset, uicti uincebant. Docuit ergo manus nostras in prælio, non armis sed precibus pugnaturas. Docuit etiã digitos nostros ad bellum, ut dum bellū siue uisibiliū, siue inuisibiliū senserimus hostium, nos digitis armemus frontē triumpho crucis, et securi animo dimicemus, dicētes domino: Tu misericordia mea, tu refugium meum, tu susceptor meus, tu liberator meus, tu enim subdes populos subtus me. Infestum populum cogitationum malarum insurgentem super me, subdes subtus me. Ut quid autem memoratur pugnā? quid prælium? quid bellum? quid autem deus æternus innotescere uoluerit homini, si homo uanitati similis factus

factus est? Moritur enim, & dies eius sicut umbra prætereunt. Quid ergo lex? quid comminatio peccatoribus? quid terror incredulis? si paucorum dierum uita finem accipiens, effectum sui ulterius non habebit? Hæc audiens apostolus Paulus increpat dicens: Si in hac uita tantum sperantes sumus, miseriores sumus omnibus hominibus. Et ideo psalmus præsens audi quid sentiat. Quasi q̄ dicat: Quoniam uitam æternam esse homines prophetis tuis prædicatoribusq; non credunt, tu ipse per te inclina cælos tuos, & descende. Inclinauit enim cælos, quando cum in forma dei esset, essetq; æqualis deo patri, exinaniiuit se ipsum, formã serui suscipiens: inclinauit cælos, ut si dicas, uerbi causa, imperatori, dum te tu humilias inclinans omne palatium. Inclinauit ergo cælos, & descendit ut tangeret montes, ut fumigarent. Montium fumus nubes creat, quas producens deus de thesauris suis fundit in terram, ut terra proferat omne fructuum genus, quo esurientium corpora nutriantur. Cum descenderet deus in Christo, ut mundum conciliaret sibi, tetigit montes & fumigati sunt, id est, tetigit Apostolos suos, & fumum nubium reddiderunt, quorum tanta fuit imbrium pluuia, ut in toto orbe terrarum uenæ fontium replerentur, quibus omne ablueretur facinus, & lauaretur omne peccatum. Verum quia ad

cum

cum peruenire nos prohibet princeps huius mūdi, cum spiritibus suis et hominibus qui colunt eum, mitte sagittas tuas contra eū, & libera me de aquis multis, ut uno fōte tui baptismatis fruam. Libera me de manu Allophylorum, quorum os loquitur uanitatem, & dextera eorum non est dextera pietatis, quæ uestitum expoliat, & siue temporalibus, siue, quod est acerbius, æternis opibus nudant: Quibus dū me liberaueris, inq̄t, domine, in cātico nouo cantabo tibi, id est, in nouitate uite ambulans. In psalterio decē chordarū psallā tibi, decē præcepta legis suscipiēs, et decē plagis Aegyptū percussā fugiens, psallā tibi, tibi psallā, q̄ das salutē regibus, id est, qui das eternā uitā uictoribus uiciorū. Quia hij uere reges sunt, q̄ participes regni dei esse credūtur. Quis autem eos alius liberat, nisi idem deus, qui liberauit David seruum suum. Hunc enim eundēq; deū Marcio negat, similiter Apelles & Valentinus & Manichæus, Insuper & miseri, dum nolunt ab ipso domino liberari, in æternum damnari non metuunt, à quibus nos ipse q̄ liberauit David ipse liberet. Quia os eorū loquitur uanitatē, et, ut supra diximus, dextera eorū dextera iniquitatis. Hos sanè asserit loqui uanitatē in hoc loco, qui seruentiū deo paupertatē ridicule abutūtur, dicētes. Vt quid inedia laborant colētes dominum? Et quid opibus affluunt contēnen-

tes? Ignorāt medicum his parsimoniam imperare,
 & continentiam precipere, in quibus salutem uena-
 rum motibus deprehendunt. Quos uero morituros
 agnoscant, sinunt suis omnibus delectationibus con-
 sentire. Quale est, ut de hijs dicas, quia leti sunt in
 filijs fortibus, & filiabus ornatis, ac de promptuar-
 rijs plenis, de factosis ouibus, de bubus crassis. Qui
 cum omnia temporalia habeant, dominum tamen
 qui est æternus non mercantur habere propitium.
 Quiq; cum acceperint finem temporalis leticie,
 æternæ tristitiæ poenas assumuntur. Ecōtra hij quos
 uides lugentes & flentes, & in dei timore constitu-
 tos egentes, cum finem fecerint flendi, æterni eos
 gaudij suscipit fructus. Dicant ergo increduli beat-
 tum populum habentem copiose quæ mundi sunt,
 nos autem hunc solum populum beatum dicamus,
 cuius est dominus deus eius in secula seculorum
 Amen.

Laudatio ipsi David. CXLIII

Exaltabo te deus meus rex, & benedi-
 cam nomini tuo in seculum, & in seculum
 seculi. Per singulos dies benedicam tibi, & lau-
 dabo nomen tuum in seculum & in seculum seculi.

Magnus dominus & laudabilis nimis, & ma-
 gnitudinis eius non est finis. Generatio &
 generatio laudabit opera tua, & potentiam
 tuam

tuam pronuntiabunt. Magnificentiam glorie sanctitatis tuæ loquentur, & mirabilia tua narrabunt. Et virtutem terribilium tuorum dicent, & magnitudinem tuam narrabunt. Memoriam abundantiae suauitatis tuæ exultabunt, & iudicia tua exultabunt. Miserator & misericors dominus, patiens & multum misericors. Suavis dominus uniuersis, & miserationes eius super omnia opera eius. Confiteantur tibi domine omnia opera tua, & sancti tui benedicant tibi. Gloriam regni tui dicent, & potentiam tuam loquentur. Ut notam faciant filijs hominum potentiam tuam, & gloriam magnificentie regni tui. Regnum tuum regnum omnium seculorum, & dominatio tua in omni generatione & generatione. Fidelis dominus in omnibus uerbis suis, et sanctus in omnibus operibus suis. Allevat dominus omnes qui corrumpunt, & erigit omnes elisos. Oculi omnium in te sperant domine, & tu das escam illorum in tempore opportuno. Aperis tu manum tuam, & implet omne animal benedictione. Iustus dominus in omnibus uis suis, et sanctus in omnibus operibus suis. Propè est dominus omnibus inuocantibus eum, omnibus inuocantibus eum in ueritate. Voluntatem timentium se faciet, & deprecationem eorum exaudiet & saluos faciet eos. Custodit dominus

minus omnes diligentes se, & omnes peccatores disperdet. Laudationem domini loquetur os meū, & benedicat omnis caro nomini sancto eius in seculum & in seculum seculi.

COMMENTARIUM

Exaltatur deus ab homine, quādo spiritū sanctum, quem in se per consecrationē baptismatis sacri suscepit, nō terrenis & humillimis cogitationibus humiliat. Sed eum coelestibus desiderijs & excelsis exaltat, ita ut per singulos dies benedicat dominū, & quasi qui nuper inchoauerit, sine fastidio seruiat illi, cui generatio et generatio cōfiteatur, generatio Iudeorum & generatio gentiū. In lege Moysi et prophetarum illa, ista in euangeliorū et Apostolorū doctrina uirtutem terribiliū tuorum dicēt, ut notam faciant filijs hominum potentiam tuam. Ostendentes quia regnū tuum domine regnū sit omnium seculorū. Et ita sit dominatio in omni generatione & progenie, ut non sit gens neq; regnū, in quo non tuus filius prædicetur. Fidelis es enim domine in uerbis tuis quibus promisi sti daturū te nobis, qui alleuaret omnes qui ruunt in hoc mundo, & qui erigeret omnes quos alliserat inimicus. Oculi enim omniū credentiū sperāt in te domine. Spe enim salui facti sunt, quibus dedisti escam in tempore oportuno, quādo aperuisti manus tuas in cruce. Tu suscepisti maledictiones no-

N Stras

stras, & nobis dedisti benedictiones tuas, proximus es enim omnibus. Omnibus, in quã, te inuocãtibz in ueritate, id est, q te in domino nostro Iesu Christo in uocant. Ipse est enim ueritas, & uoluntatẽ non contemnẽtiũ te facies, et orationẽ eorũ exaudies, in quibz te pro rebus æternis exorant: Custodit dominus inqt, omnes qui diligũt eum. Videamus qui sunt qui diligunt eum, ipsum interrogemus, ipse dicat qui sint diligentes eũ. Audiamus eum dicentẽ: Qui auãit uerba mea, & facit ea, hic est qui diligit me: qui aut non faciunt ea, oẽs peccatores hos à se reijciet atq; disperdet. Laudẽ ergo domini loquatur os nostrũ, discedãt ab eo uniuersæ detractiones. Ea quæ nouimus in fratribz laudanda memoremus. Alios sibi testes inueniant aliena peccata, nos nostri accusatores, nostriq; tantum uituperatores effecti, semper in dei laudibus atq; in dei benedictionibus occupemur, agẽtes ei gratias in secula sc. Amẽ. Alleluia CXLV.

LAUDA animam eam dominum, laudabo dominũ in uita mea, psallã deo meo quam diu fuero. Nolite cõfidere in principibus, neq; in filiis hominũ in quibus non est salus. Exhibit spiritus eius & reuertetur in terram suam, in illa die peribunt omnes cogitationes eorũ. Beatus cuius deus Iacob adiutor eius, spes eius in domino deo ipsius, qui fecit cælũ & terram, mare & omnia quæ in eis sunt. Qui custodit ueritatem

ueritatem in seculū, facit iudiciū iniuriam patientibus, dat escam esurientibus. Dominus soluit cōpeditos, dominus illuminat cæcos. Dominus erigit elisos, dominus diligit iustos. Dominus custodit aduenas, pupillū & uiduam suscipiet, & uias peccatorum disperdet. Regnabit dominus in secula, deus tuus Sion in generatione & generationem.

COMMENTARIUM

Laudat anima nostra dominū, quando opera nostra in dei laudibus exercētur. Et laudamus dominū in uita nostra, id est, in moribus nostris. Psalmus ergo deo nostro quādiu in isto corpore sumus non cōfidentes in hominibus qui hodie dominantur, & cras sepeliuntur, quia exiet ab eis spiritus, & hij reuertētur in terrā de qua assumpti sunt, ex ipsa die percūt cogitationes eorū. Ille utiq;, quæ eos non sine bāt quiescere, emamus, uendamus, fabricemus, pugnemus. Hæc & his similia cogitationum genera, subito momēto uno percūt. Beatus ergo est, qui sibi sp̄e ponit in domino deo q̄ fecit cælū & terrā, mare & omnia quæ in eis sunt. Custodit enim ueritatē in secula, tēpore quo se putant fallaces uincere per mendaciū, ille ueritatē custodit, ut faciat iudiciū quibus non in isto seculo nec in futuro perit ueritas à deo. Ideo enī & iudicē eū credimus esse uenturū, quia custodit ueritatem, ut faciat tunc iudiciū iniuriam patientibus.

Qui nunc dat escam esurientibus, ipse erigit per se elisos per Adam, & per eundem cōpeditos exsoluit. Ipse cæcos illuminat, ipse dirigit iustos, ipse custodit aduenas. Hos utiq; , qui se peregrinos in hoc exhibent mūdo, & ppter quam sunt renati patriam concupiscunt. Orphanū enim custodiet, qui pro nomine dei parentes suæ deserit carnis. Et ipsum diabolū qui est uia peccatorum, exterminabit ipse qui est deus tuus Siō. Deus utiq; ecclesiæ catholicæ, unus in trinitate, trinus in unitate qui regnat in secula seculi. Amen.

Alleluia.

CXLVI.

LAudate dominum quoniā bonus est psalmus, deo nostro sit iocunda decoraq; laudatio. Aedificans Hierusalē dominus, dispersiōes Israel cōgregabit. Qui sanat contritos corde, & alligat contritiones corū. Qui numerat multitudinē stellarū, et omnibus eis nomina uocās. Magnus dominus noster, & magna uirtus eius, & sapientiæ eius non est numerus. Suscipiens mansuetos dominus, humiliās aut peccatores usq; ad terrā. Præcinite domino in cōfessione, psallite deo nostro in citbara. Qui operit cælū nubibus & parat terræ pluuiam. Qui producit in mōtibus scænū, & herbam seruituti hominū. Qui dat iumētis escam ipsorum & pullis coruorum inuocātibus eum. Non in fortitudine equi uoluntatem habebit, neq; in tibijs uiri bene placitum erit ei.

Bene

Beneplacitum est domino super timentes eum, & in
eis qui sperant super misericordia eius.

C O M M E N T A R I V M

LAudemus dominū quoniam bonus est psalmus.
Psalmus bonus est in quo deo nostro fit iocun-
datio. Aedificat enim Hierusalē dominus, & disper-
siones Israel congregat. Cottidie eam aedificat domi-
nus, cottidie ecclesiam suam per credētes aedificat: &
eos qui ab ea dispersi sunt, ad eam reuocās, iterū con-
gregationi associat. Sanat poenitētes cōtritos corde
& alligat cōtritiōes corū, qui numerat multitudinē
stellarū & omnīū earū nomina uocat. Licet potestas
uirtutis eius his uirtutibus sit parata, et hoc eū posse
facere non ambigat, nisi qui omnipotentē esse nō cre-
dit: tamē numerare multitudinē stellarū eum creda-
mus in sanctis, his q̄ in tenebris mundi positi, per cœ-
lum suos dirigūt cursus, dantes solatiū lumino si aspe-
ctus sui, his q̄ cœlum aspiciūt: quæ stelle pro merito
actuum suorū amplius minus uē resplendent, in qui-
bus magnus dominus noster, & magna eius osten-
ditur uirtus. Per hominē enim magnificatur ab homini-
bus, per hominē ab hominibus blasphematur. Et sicut
his uē per quos nomen domini blasphematur: ita hij
benedicti sunt, per quos magna eius uirtus ostēditur,
& innumerabilis eius sapiētia declaratur, per quam
supbos proijcit, & māfectos suscipit, et humiliat pec-

catores ad terrā, ut à terra eos exaltet ad cœlos. Omnis enī qui se humiliat exaltabitur, id est, qui agens pœnitentiā, sua peccata domino cōfiteatur. Incipite ergo in cōfessionibus domino, & psallite ei in cithara. cithara habet lignū crucis, habet chordas ex interioribus ouīū, habet ex euangelij plectrū, sonet ista cithara & imbrē de cœlo ueniētē annunciet. Operus it enim deus cœlos nubibus, id est, Apostolis suis tradidit faciē cœlorū suorū, & præcepit eis, ut dent terræ pluuiā, & oēs gētes terrenas, in nomine patris et filij & spiritus sancti, cœlesti nimbo pfundant. Hæc pluuiā pducit in montibus foenū quo alantur simpliciores quiq; ex quib⁹ pars maxima in dei populo cōprobatur. Non enī possunt spiritualiū cibo refici hij, qui terrenis actibus occupati, mēbra tamen uidentur ecclesiæ. Hij mōtes, id est, apostoli, non ut ipsi uerticibus mentiū suarū altitudines rerum cœlestiū in cibo offerunt. Perfectorū enī est solidus cibus. Quis enim cum eis disputet de ieiuniorū persenerātia, de diurna et nocturna occupatiōe, eruditioni diuinæ cōiuncta? Quis de minutis suggestionū? Quis de contēptu omnium rerū labēuū? Quis de contēptu omnīū uiciorum? Quis cum eis agat de inuisibilibus, pfectibus, ut sit, quis episcopus deo, sit quis pontifex Christo, per inuisibiles conatus, & gradus quos in corde suo disprofuit, ut quādiu de isto corpore exeat ascendet &

nunquam

nunquā descendat, offerens corpus suum deo hostiā uiuam. Cottidie seipsum ita corpori Christi associās, ut corpus eius corpori Christi admixtū, unū corpus secundum Apostolū fiat. Hęc & his similia dantur in cibo, qui cum Paulo possunt dicere: *Mibi mundus crucifixus est & ego mundo.* Sicut ergo ostendimus spiritualiū cibum solidum uirorū perfectorū, ostendamus nunc iumentorū scēnū, quod produciunt hij, quos supra diximus montes: *Omne, inquit, quod in macello uenundatur emite, nihil interrogantes.* Item *Tu quis es, qui cōtristas fratrem tuum in manducādo?* Item. *Qui se non cōtinet, nubat.* Item. *Qui dat nuptiā filiā, bene facit.* Item. *Volo adolescentulas uiduas nubere.* Hoc scēnum mōtes uicini cœlis, qui in terra positi dicunt, *nostra aut cōuersatio in cœlis est: iumentis produciunt, quibus cōsuetudo carnalis imperat sola, & ipsi cōsuetudini carnali lex ponitur: quā sequens cōiunx coniugi placeat, seruus domino, filij carnales parentibus carnalibus, parētes carnales filijs carnalibus.* Hij herba seruitute offertur, datur ut iumentis esca, & ut pullis coruorum innocantibus eum. Corui enim fuerunt patres nostri, qui in nigredine idolatrię permanentes, ad arcē nunquā reuersi sunt. Nos uero pulli corū sumus, qui inuocamus dominū. *Qui nō in uiribus equi uolūtatē habebit. Non enim uirtute terrena uinci potest, qui cōtra nos terrena uirtute non*

pugnat. Vires ergo equi, terrene vires sunt, quas deus non in sua uoluit extollentia gloriari, sed de sua pietate sperare permisit: Nec in uiribus, inquit, equi, nec in tabernaculis niri beneplacitum est ei, id est, in confidentia habitationis sue. Vnde & Græcus non dicit in tabernaculis, sed in tibijs. Siue ergo, inquit, in cursu equi confidentē, siue in suis tibijs præsumētem contēnet dominus. Quod nos latius dicimus, qui eō/ fidit in libertate arbitrij sui, quod p hanc fugiat, per sequentē incurrit. Qui confidit in uirtute cursus sui spiritalis, quod possit in tibijs suis stās immobilis permanere, non pmanet. Nec ista dicēs excludo, ne coneris stare, sed moneo ne te putes per liberū solū arbitrium fugere. Currat equus tuus, sit paratus ad bellū. Sic enim scriptū est: Equus paratur ad diem belli, dominus autē salutem tribuit. Tamē dum curris dicito: Deus uirtutū tribuit e quo meo, ut curreret. Deus dedit tibijs meis perseuerantiā, ut starē. Nō ergo putes quod te libertas arbitrij tui ita habeat, quasi nauem per quam uis euadere Barbaros de littore, per quam uis euadere fluctibus pelagi, per quā uis ad patriam, quam desideras peruenire: sed si dominus imperauerit uentis psp̄eris, & aduersis flatibus silentiū dederit, si latentes u adus demon strauerit, & somnū tulerit gubernātibus nautis, & absq; lesione portum ingredi fecerit, Ages post hæc gratias deo, non nauis, gratias

gratias deo, non nautis. Nec ista dicētes excludimus nauem & nautas, sed magis & nauem ornamus & nautas, quibus deū præfulem cōfitemur. Si enim nauis non fuisset, utiq; quod dominus gubernaret non esset, Si nautæ nō essent, quos dominus excitaret nō essent. Si uela non essent, nō essent quibus daret prospera flabra uentorum. Ita ergo dicamus, si arbitriū in te non fuerit bonæ uoluntatis, non erit tecum pax dei. In terra enim pax dei cū hominibus bonæ uoluntatis. Obijcitur huic loco, Nos hoc ita dicere, ut uideamur hominis uoluntatem ostendere, quod dei gratiā antecedit. Vigilanter age & non calumniose, & uides gratiā dei generalē super omne hominū effusam genus. Omnes antecedit gratia multiplici largitate diffusa. Descendit de cælo deus, homine non uolente, Docuit exemplo & uerbo, homine non rogante, Signa multa & uirtutes ad se manifestandū exercuit, homine etiā prohibente, Mortalitatē nostram suscepit, homine ignorāte, irrisus, crucifixus, inter homicidas mortuus, sepultus, resurrexit, & in cælos ascēdit. Hæc omnia ad hominis salutē, ad hominis liberationem, ad hominis redemptionē, ad hominis coronā ad hominis gloriā exercuit Christus. Nota tibi calūniose, quod dico ad hominis salutē, non uolentis neq; currentis. Quid est ergo quod legimus? O stendimus tibi antecedentem gratiam dei generalē omniū homi-

num bonam uoluntatē. Nota tibi *prædestinate* quod loquor, omnium generaliter bonā uolūtātē Christi gratia hoc ordine quo diximus *antece*dit, si tamē pro omnibus natus, si tamen pro omnibus passus. Si non negas pro omnibus mortuū, si cum Apostolo asseris, quod oēs homines uult saluos fieri: age nunc tolle te à generali gratia, ad specialē accede, & similiter cū Apostolo clama: Nō omnis generaliter homo saluus erit, sed omnis homo, quicumq; inuocauerit nomē domini, hic saluus erit. Vade ergo ad officinā medici, qui ultro uenit ad ciuitatē nostram. Non utiq; nobis rogantibus, omnibus nobis medicus superuenit, officinam aperuit & uocē emisit, qua ac si *præco* exclaimans dixit: Venite ad me omnes. Iam mō post hanc uocē *antece*dit uolūtas gratiā. Si enim uolueritis, inquit, & audieritis me, quæ bona sunt terræ edetis. Si aut nolueritis, gladius uos comedet. Sicut ergo *antece*ssit gratia uoluntatē hominis, in ostensione sui, & in adpersione ueritatis, ita *antece*dit uoluntas hominis gratiā dei. Nō enim prius baptizaris, & sic uelle incipis credere: sed prius uoluntatē tuā perfectā exhibes sacerdoti, & confessionē tuā tuis labijs pandis, et ita demum ad dei gratiam ut cōsequaris, attinges. Quam consequutus confiteberis, quia omnia dei dona credendo, & desiderando consecutus es. Et ita demum ultimū huius psalmi cantabis: Quia beneplacitum

tum est domino super timentes eum, et in eos, qui sperant in misericordia eius. excludere uolens extollentiam humanitatis, uoluntate diuinitatis expressit. Scit enim deus, hostem nostrum tunc nobis posse subrepere, cum nos sine timore diuino reppererit. Et ideo ad remedium nostrum pronunciauit hoc dictum, quasi qui diceret: Beneplacitum est deo super eos, qui a diabolo liberantur. Non enim deus affectu ducitur, ut ab hominibus timeatur, sed misericordia totus misereri deum studet homini, uult ex imperio timoris fieri, quod profuturum ipsi homini pro certo cognoscit. Sicut quod literas docet, timorem discipulis et terrorem inducunt, non utique necessarium magistris, sed ualde discipulis profuturum. Et sicut illos exhorrent quod sine timore et sine spe sunt: sciunt enim eos ad eruditionem peruenire non posse: ita in eos dilectionem se habere commemorant, qui timent eos, et in eos qui sperant in eruditione eorum. Et hoc de hominibus tantum longe est a comparatione dei, quantum longe est a diuinitate humanitas. Sed comparatio ad apertionem rei dictae, ad spem nos et misericordiam diuinam impellat, ut eorum participes faciat, super quos est beneplacitum domino, qui regnat in secula seculorum Amen.

Alleluia Aggaei et Zachariae. CXLVII.

Lauda Hierusalem dominum, lauda deum tuum
Sion. Quoniam confortauit seras portarum
tuarum

tuarum, benedixit filijs tuis in te. Qui posuit finem
tuos pacem, & adipe frumenti satiat te. Qui emittit
eloquiū suum terræ, uelociter currit sermo eius.

Qui dat niuē sicut lanā, nebulā sicut cinerē spargit.
Mittit crystallū suum sicut buccellas, ante faciē frigoris
eius quis sustinebit. Emitteret uerbum suum & leues
quesfaciet ea, flauit spiritus eius & fluent aque. Qui
annunciat uerbū suum iacob, iusticias & iudicia sua
Israel. Non fecit taliter omni natiōi, & iudicia sua
non manifestauit eis.

COMMENTARIUM

Lauda Hierusalem dominum. Non pro una re
laudatur à ciuitate sancta dominus. Causas ergo
ergo laudis eius, ac si interrogaret ipsa ciuitas eum qui
eam hortaretur ad laudes, audit sibi ab exhortante
expositas. Inquit, eum lauda, quia confortabit seras
portarū tuarū. Vides ergo, quia ut supra diximus,
nostrū est serare portas, hostibus impetū facientibus,
sed domini est confortare seras portarū Hierusalem.
ergo est Ciuitas Hierusalem in qua pp betæ habitant
in qua Christus prædicat & uirtutes diuersas exercet,
in qua patitur crucē, in qua omniū sunt genera
peracta uirtutū. Qui ergo hæc omnia intus in anima
sua die noctuq; meditatur, habēs intra se propbetas,
Christum & apostolos, Ciuitas Hierusalem factus,
claudit portas inimico & angelis eius, & necesse est
ut seras

ut seras fidei clausis ingressibus mittat. Nā fides, spes
 charitas tres seræ sunt missæ contra diabollū, sed &
 fides deficit, & spes mollescit, et charitas refrigescit,
 nisi dono fuerint sancti spiritus confortatæ. Cum er
 go confortatæ fuerint seræ portarū tuarū, benedicē
 tur filij tui in te. Filij tui sunt, qui tuo informātur ex
 emplo, siue in bono siue in malo: Hij ergo, inquit, in
 te benedicentur, si seræ portarū tuarū in te fuerint
 confortatæ: ponitur finis tuus in pace dum dies adue
 nerit ut ex eas de mundo, & actibus tuis omnibus fi
 nem imponas. Pax erit cum deo finis tuus, in quo cū
 exire coeperis, adipe frumenti faciat te. Ipse hoc facit
 qui emittit eloquium suum terræ, id est, qui uerbū su
 um misit in Mariā. Et tā uelociter currit sermo eius,
 ut cum per tot milia annorū in sola Iudæa notus fue
 rit deus, nunc intra paucos annos, nec ipsos Iudeos
 lateat à parte oriētis, nec ipsos Brittones à parte oc
 cidētis, ubiq; cucurrit uelociter sermo eius, q̄ dat niuē
 sicut lanā. Lanam uoluit pro te gmine memorare. Si
 fuerint, inqt, peccata uestra sicut coccinū, uelut la
 nam efficiam. Docens ergo eos qui adipe frumenti sa
 tiantur, quod cādidi una die in albis uestibus per to
 tum orbē procedant: his dominus, nebulam sicut ci
 nerē spargit. Nebula quæ sicut cinis spargitur, prui
 na quæ fruges uniuersas intra terræ uiscera clausas,
 impinguat, quæ quanto plus incubuerit satis, tanto
 uberius

uberius proficit in aristis. Pruinam ergo nos in istis quos adipe frumenti satiat dominus, ponimus tentationū afflictionē, quibus eo amplius proficiunt in futuro, quanto plus fuerint in præsenti perpeffi. De hinc mittitur crystallū tanquā frusta panis. Crystallum hoc grandinis memorat dei lapidationē, quam panibus fractis & buccellis assimulat. Cæduntur enim credentes ut metalli cuiuscunq; materia, non ut moriantur, sed ut ad statum à quo ceciderant reuocentur. Additur quod ante faciē frigoris eius nullus subsistat. Verū quia fidelis est, & non patietur eos tētari supra quā possunt, mittit uerbū suū et liquefaciet ea: id est, renatis flauit spiritus sanctus, & fluunt aquæ ex oculis, ut istæ aquæ lauet sordes omnes, & maculas abluat peccatorū. Et quis est q̄ hæc facit. Quis utiq; alius nisi is qui pronūciat uerbum suum Iacob, iustitias & iudicia sua Israel. Vbicunq; Israel est qui uidet deum, ibi iustitiā deus ostēdet suam. Deus enim sicut ad indulgendū flentibus & pœnitentibus pius est, ita ad reddendū pro iustitia laborantibus iustus. Nō fecit taliter omni nationi sicut isti, utiq; nationi quæ die noctuq; spem suā deo & charitatem ostendit. Et nulli iudicia sua manifestat, nisi his qui domini mandata respiciunt, credentes quod ipse nos in suo iudicio censeat adiuuandos, cui gloria in secula seculorum. Amen.

Alueluis

Alleluia Aggei & Zacharie CXLVIII

Laudate dominū de cœlis, laudate eum in excelsis. Laudate eum omnes angeli eius, laudate eum omnes uirtutes eius. Laudate eum sol & luna, laudate eum omnes stella & lumen. Laudate eum cœli colorum, & aquæ quæ super cœlos sunt laudent nomen domini. Quia ipse dixit & facta sunt, ipse mandauit & creata sunt. Statuit ea in seculum & in seculū seculi, præceptū posuit & non præteribit. Laudate dominū de terra, dracones et omnes abyssi. Ignis, grādo, nix, glacies, spiritus procellarū, quæ faciunt uerbum eius. Montes & omnes colles, ligna fructifera, et omnes cedri. Bestiæ & uniuersa pecora, serpētes & uolucres pēnate. Reges terra & oēs populi, principes et omnes iudices terra. Iuuenes & uirgines, senes cū iunioribus laudēt nomē domini, quæ exaltatū est nomē eius solius. Cōfessio eius super cœlū & terrā, & exaltauit cornu populi sui. Hymnus omnibus sanctis eius, filijs Israel populo appropinquanti sibi.

COMMENTARIUM

Consuetudo imò uis quædam naturaliter imperat apullis, ut suo cātū à nocte diuidāt noctē. Qui clamāt quæ ut alios excitēt, ipsi uero cū cœlis uigilātibus dormiūt. Quod ego ad ruborē dixerim nostrū, qui excitemus ad laudē dei eos, qui in cœlo sunt, dicētes:

Laudate

Laudate dominū uos qui estis in cœlis, laudate eū & uos qui estis in excelsis. Sed & soli & lunæ & stellis & lumini, & cœlis cœlorū, & aquis quæ sunt super cœlis, ut laudēt dominū imperamus. Ipsi uero dormimus, cū talia opera nō facimus, in quibus laudetur deus & benedicatur nomē eius. Sed quod peius est, quod sine gemitu dicendū nō est, per nos nomē domini blasphematur, cū i iudicio psonas accipim⁹, cū ad uestimētū, & ad annulos & ad glorias hominū attēdentes, psonas pauperū refutam⁹. Ille quē tu tacere putas, gemet cōtemptus, abiectus & pro nihilo habitus, nomen beatū lacepsit blasphemij. quid ergo ad laudes dei, & de cœlis angelos, & omnia quæ in eis sunt excitamus. Et de terra etiā ipsos dracones, et serpētes, & uolucres, & ignē & grandinē, & spiritū tempestatis uocamus. Inuitamus mōtes & colles, ligna fructifera uniuersa, reges ipsos & principes & omnes iudices, omnē iuuentutē & omnē senectutem, uirgines, iuuenes & omnia quæ sub cœlo sunt. Oēs ad laudē domini excitamus, prouocamus, hortamur & infelices ipsi dormimus. Atq; utinā dormiremus somno carnis, & non incōsiderationis nostræ soporemur grauedine. Ecce omnia in unū quæ excitauimus conuenerūt, ipsi dracones nos & serpentes & bestie & uniuersa pecora increpabūt, dicētes: quid nos excitatis ad laudes dei, cōuenimus ut nobiscum deum

deum laudaremus, & inuenimus uestro uicio uiduas blasphemantes nomen sanctū. Pauperes, orphanos, & omnes q̄ sibi adesse cōtra potētes non poterāt, quorum nos personas despiciētes, diuitū iniusticijs fauebatis. erectisq; oculis ad sublimitates mūdi, his tantū uestros hilares atq; affabiles tradentes aspectus, pauperes quasi quosdā quos deus abuti præceperit, reuulstis. Hæc ad nos omnīū uerba sunt. Ad nos, inquā, qui cottidie huius psalmi tuba, p̄ totum mundū mox ut cœperit aurora diei inchoare principiū, uniuersa quæ in celo & quæ in terra sunt ad laudandū & benedicendū deum prouocamus. Verū sicut medicinam euacuat medici incōtinentia egrotātis, et nō p̄mittit profectum eius ostendere medicina, suæ defectū ingrens cōtinentiæ: Ita nos ista omnia utimur, quæ etiā si placeāt nobis dum leguntur, dū contēnuntur non placere ostendimus. Nescio quo enim mō non potest nobis omnino suaderi, ne personā cuiusuis peccatoris, etiā si iustus sit, negligentissime abutamur, quod uiciū ut amputetur à nobis dominū exoremus. Ipse enim correctio nē morū postulātibus annuit, q̄ in tātū liberalitatibus his affluit, ut ipse imperet quod petatur: Petite, inqt, & dabitur uobis, quærite et inueniet, pulsate & apietur uobis. antecedit gratia dei uoluntatē hominis, & uult ut uoluntas hoīs dei gratiā antecedit petitura. Cum autem petenti donat, sequit

tur uolūtatem: Oīs enim, inquit, qui petierit accipit, Petamus ergo, ut & nos cum angelis omnibus, & cū uniuersis uirtutibus eius in diuinis laudibus participium capiamus, & sicut de illis dicitur: Præceptum posuit quod non præteribit, ita & nos præceptū domini conseruemus. De omni uero creatura dicitur, quia ipse dixit et facta sunt, hoc est, per uerbum dei facta sunt, patre loquente, filio creante, sancto spiritu animante, statuta sunt in æternum, & in seculum seculi, id est, quamdiu est hoc seculū, in seculum seculi manent, in quo sunt omnia ista quæ faciūt uerbum eius, id est, elementa, ignis, grandinis, niuis & spiritus tempestatis, Hæc omnia seruiunt uoluntati dei, et hæc faciūt quod uerbum eius præceperit. Deniq; imperauit procellis & quieuerunt: imperauit uentis flantibus & siluerunt, ostendentes hunc esse, cuius nomē solius ita exaltatū est, ut sit cōfessio eius super cælū, & terrā, & in nomine eius omne genu flectatur cælestiū terrestriū & infernorum. Et ipse exaltauit cornu populi sui, ita ut hymni canātur in toto orbe terrarū omnibus sanctis eius, & filijs Israel populo appropinquantī ei. Filij siue in bono exēplo, siue in malo, imitatores in sacris uoluminibus appellātur. Deniq; dum cōstat quod filij Abrahæ essent hi, qui dominū nostrū Iesum Christū arte se putabant, & dolo circūuenire, dicit eis: Vos ex patre diabolo estis

estis. Cumq; illi diceret se patrem Abraham habere, ille respondit: si filij Abrahæ essetis, opera Abrahæ faceretis. Ergo hij nūc filij hymnū accipiunt, qui Israelis sectantur exēplum. Et sicut ille patiētia & fide proficiēs, meruit facie ad faciem dominū deum uidere, unde Israel appellatus est, id est, uidens deum: Deum autem desiderantes audiunt sibi monita dari: Beati mundo corde, quia ipsi deū uidebunt: Ita his qui filij eius per imitationē eius facti sunt, hymnum præcipit cani, quia per mundiciam cordis merentur, ut uideant deum appropinquantem ei, qui regnat in secula seculorum Amen

Alleluia,

CXLIX.

CAntate domino canticum nouum, laus eius in ecclesia sanctorum. Letetur Israel in eo qui fecit eum, & filie Sion exultent in rege suo.

Laudent nomen eius in choro, in tympano & psalterio psallant ei. Quia beneplacitū est domino in populo suo, & exaltabit māsuetos in salutē. Exultabūt sancti in gloria, letabūtur in cubilibus suis.

Exultatiōes dei in gutture eorū. & gladij ancipites in manibus eorū. Ad facienḁā uindictā in nationibus, increpatiōes in populis. Ad alligādos reges eorum in cōpedibus, & nobiles eorum in manicis ferreis. Ut faciant in eis iudicium conscriptum, gloria hæc est omnibus sanctis eius.

COMMENTARIUM

C Anticum nouum cantamus domino, quando in nouitate uitæ ambulamus in ecclesia sanctorum, & exemplo uitæ ac morum nostrorum adificationem dominicæ cōgregationi exhibemus. Letantes non in gloria mundi, neq; in diuitijs seculi, sed in eo qui nos fecit, dum nasceremur, quia in eo apparet filios Sion esse, id est ecclesie, si in rege nostro & domino exulemus, laudātes nomē eius in choro, id est, cū omni populo, in tympano, id est, in extēsiōne solis nostri corpori. Bene enim sonat, cū est sobrium, mundū & castū. Nec solū in tympano, sed & in psalterio psallamus ei. Non enim castitas & abstinentia nos perducunt ad deū, si nos deseruerit integritas fidei, quæ in decē chor dis psalterij declaratur. Tūc enim cognoscimus, quia beneplacitū est domino in populū suū, cū superbos humiliauerit in condēnationē, & exaltauerit māsuētos in salutē. Tūc, in quā, agnoscimus quod nunc credimus, cum exultant sancti in gloria, qui nūc letātur in cubilibus suis, expectātes diē retributionis. Nā qui habuerunt nunc exaltationes dei in faucibus suis, tempore quo cōfessi sunt gloriā Christi, qui est exaltatus in cruce, qui est exaltatus in resurrectiōe, qui est exaltatus in cælo: Has qui habuerunt exaltationes dei in faucibus suis, qui cunq; habuit interibit perfidia hominū impiorū. Hij

ergo

Videtur ali-
quid deesse.

ergo nō metu carnificis, nō uerberūterrore perculsi, *bas exaltatiōes domini siluerūt. Quin imo, quāto plus passi fuerint affligētes, tanto plus cōfitentes existunt. Hij habebunt gladios ancipites in manibus suis, id est sententias mortis eterne & pœnæ perpetuæ, ad faciendam uindictā in gentibus, & increpationes in populis, ad alligandos reges eorum in compedibus, & nobiles eorum in uinculis ferreis. Quibus nunc dicitur à domino: Sedebitis super duodecim thronos, iudicantes duodecim tribus Israel. Hij ergo faciunt in eis iudicium conscriptum. Ipsi enim iudicabunt mundum pro operibus impijs, qui sunt à mundo afflicti pro operibus suis. Cumq; iudicauerint sancti eos reges, à quibus iudicati sunt, tunc erit gloria omnibus sanctis eius. Modo unicuique dicitur: Si credis uidere bona domini in terra uiuentium, expecta dominum & age uiriliter: si credis, non desinas spectare & si te pro certo quod credis desiderare cognoscis. Hanc enim gloriam omnibus sanctis tūc gratulabimur euenisse, si in quacunq; necessitate positi, animum penitus non mutemus, sed expectantes dominum cottidie, ipsi per patientiā gratias referamus, qui regnat in secula seculorum Amen.*

Alleluia. CL.

Laudate dominum in sanctis eius, laudate eum in firmamento uirtutis eius. Laudate eum

O 5 in uir

in uirtutibus eius, laudate eum secundum multitudinem magnitudinis eius. Laudate eum in sono tubæ, laudate eum in psalterio & cithara. Laudate eum in tympano & choro, laudate eum in chordis & organo, — Laudate eum in cymbalis bene sonantibus, laudate eum in cymbalis iubilationis: omnis spiritus laudet dominum.

COMMENTARIUM

Laudamus dominum in sanctis suis, quando eorum imitamur exempla, sequimur monita, regulam obtinemus. Laudamus eum in firmamento uirtutis eius cum firmum fidei nostre agonem ostendimus. & sicut sancti contempserunt pœnas, hostes uisibiles, ita nos inuisibilis hostis delectationes ingestas abijcimus. Laudamus eum in sono tubæ, cū quod in aure audiuimus, si tempus exegerit super tecta positi exclamemus, non timentes eos qui occidunt corpus. Laudamus eum in psalterio & cithara, si in cithara lignum crucis amplectamur, & in psalterio confessionem catholicam teneamus. Raucum enim sonat quod catholicum non probatur. Laudamus eum in tympano & choro, quando in conuersatione reddenda positi, tympanum corporis nostri optimis decoramus exemplis. Laudamus eum in chordis & organo, quando chordarum quæ sunt in cithara nostra, fila integra exercemus. Etiam pudici

tiam quam continentia calamellis ab omni rubigine peccati mundantes, deo sonos mellifluos exhibemus. Laudamus eum in cymbalis bene sonantibus, & bene tinnientibus, quando Labia nostra ad bonam persuasionem, & spiritalem explanationem aptamus. Inuitamus autem ut omnis spiritus laudet dominum, quãdo spiritualia spiritualibus comparantes, nihil concedimus carni, sed omne quicquid ei libuerit, totum spiritui mancipantes, spiritualium imitamur exempla, per quorum cuntes uestigia, credamus nos ad domini misericordiam peruenire, cui gloria & imperium per omnia secula seculorum Amen.

FINIS

BASILEAE IN OFFICINA
Frobeniana per Hieronymum Frobenium
& Nicolaum
Episcopiũ.
M D XXXVII.



FRO

BEN.







X5904282





F

88

92